

宏文館出版

中國歷史講義

天驥題簽



宏文館出版

中國歷史講義

天驕題簽



3 0470 9323 6

中國歷史教科書弁言

我國之有歷史也垂五千年。絳世界文明國者。不當推爲祭酒哉。顧近日媚新之士。言及國史。輒加鄙夷。曰是相斫書。與君主家譜耳。無歷史之眞價值焉。雖然。史之性質。實一種自然科學。國家社會。雖與動植族屬。靈蠢廣狹不侔。而演進之事。無異有所存錄。斷不能離對象而懸構。終古神州。神器多得於百戰。大枋久私於一家。據實槩青。何庸詬病。橫覽西歐前世。其成蹟正復相同。故鄙意謂中國非無良史。特有史而不善於應用耳。夫彼詬病我史無價值者。豈不曰此纍纍積棟者。徒等於玩物喪志。而不能生人愛國愛種之心乎。抑知聞歌觀畫。尙起感情。牧譜禽經。能徵進化。是賴明哲之倫。運其內籀。別出機杼。以貢獻於社會耳。蓋一國之史。凡爲國民者。皆當通曉。而學問之途。有通有專。我國之所謂史學者。有專而無通。此則一大缺點也。杜佑鄭樵馬貴與司馬光劉知幾之書。可謂通矣。然已通者。能通之。未通者。仍不能通。則通焉而實專也。史畧鑑撮約編易知錄之類。其形式

似通。而考其內容。則點鬼簿。兔園冊子耳。近歲教育普及。教科書之編輯。亦月異而日不同。然國學一部。每多顛預。而國史科尤甚。窮其弊。將使學子。但知有世界史。而不知有國史。是可懼也。今得念慈此書。而爲之釋然。書亦無他特色。庶可謂之曰通。而貢獻於社會。足以令人生愛國愛種之心。而不自知者也。惟書中獨無文明史。或以此少之。中國文明史爲本書第三編尙在編輯中書嗚呼。有五千年之歷史。而疇昔之文明。爲世界冠者。今乃一切居於人下。夫復何言。夫復何言。念慈殆別有深意存乎其間。而非僅爲學子之程度。不足以語此也。黃人贅言。時丁未除夕前七日。

中國歷史講義例言

一是書合中學校及師範學校教員學生教科參考之用採輯頗富於史事去取亦極有斟酌務不失以中國爲主觀之目的

一是書所載古略今詳而於近世尤詳研究歷史學者固當如是

一第一編爲總論紀與歷史有關係之地理人種等第二編爲歷代興亡史自太古下迄今代上下數千年終之以預備立憲上論較之通行歷史本可謂最近最新本矣

一是書於歷代之政教典禮風俗實業未曾撻入者鄙意擬更輯第三編爲歷代文明史概要年來筆墨冗雜未遑屬稿此編發行後當從事焉

一是書力避嚮來歷史乾燥無味之誚故於前人言行中片語細事富有風致者莫不備載以鼓吹興趣世之讀者或不吾譏也

一卷末附大事年表且用中西合歷以便檢查而於光緒三十一年起更附月

表詳紀近年各要事顧一漏萬知所不免尙希 大雅賜示指正

一 是書於宋以後範圍稍廣有涉於東洋史者徵時度勢不得不爾也讀者諒之

一 是書採用於正史通鑑紀事本末各官書外而於近今發行如夏清貽氏之本國史教科書夏曾佑氏之中國歷史教科書橫陽翼天氏之中國歷史日本久保天隨氏之東洋歷史大辭典東洋通史等多所裨益鄙人不勝感謝

一 是書編者始於速成小學師範講習所前後二屆卒業卽其教授稿本編竄改削閱時二年有半易稿三次始成是編非敢云匠心之苦實見下駟策步之遲也

一 校書之難如掃落葉改書亦然書中或有諸謬誤及體例未當處海內同志希卽致函上海棋盤街宏文館發行所轉交徐某收得於再版時詳加訂正

是所厚望焉

編者識

610.9
955

中國歷史講義目次

第一編 總論

第一章 地理概要

一 位置及境界

二 山脈

三 河流

四 海岸及氣候

五 歷代疆域之沿革

第二章 人種概要

一 漢族

二 蒙古斯族

三 通古斯族

中國歷史講義目次

809406

中國歷史講義目次

二

四 土耳其族

五 圖伯特族

六 苗族

第三章 太古畧說

一 太古神話

二 庖羲神農

三 黃帝

四 堯舜

第二編 歷代興亡史概要

第一章 上古紀

一 夏之興亡

二 商之興亡

三 周之勃興

四 春秋

五 戰國

第二章 中古紀第一期

一 秦之興亡

二 楚漢之爭

三 西漢興亡

四 西漢之經略外國

五 外戚之治

六 東漢興亡

七 東漢與異種之關係

八 外戚宦官之衝突

中國歷史講義目次

中古紀第二期

- 一 三國興亡
 - 二 西晉之興亡
 - 三 夷狄亂晉
 - 四 東晉之興亡
 - 五 南北朝之興亡
 - 六 塞外之隆替
- 中古紀第三期
- 一 隋之興亡
 - 二 唐之興亡
 - 三 唐之經略外國
 - 四 唐之內亂及藩鎮宦官之禍

第三章 近古紀

- 一 五季之爭亂
- 二 遼之勃興
- 三 北宋之盛衰
- 四 西夏之興亡
- 五 金之勃興
- 六 遼之末運
- 七 北宋與外國之交涉

第四章 近世紀

- 一 南宋之盛衰
- 二 金之末運
- 三 西遼之亡

中國歷史講義目次

中國歷史講義目次

四 蒙古之初興

五 中央亞西亞之沿革

六 蒙古之西征

七 元之盛世

八 元與外國之交涉

九 元之滅亡

第五章 近代紀

一 明之初興

二 蒙古之餘燼

三 明初之經畧外國

四 明之中世

五 域外之形勢

六 倭寇始末

七 歐人東漸一

八 明之滅亡

第六章 現世紀

一 滿洲之初興

二 明之餘裔

三 國初之極盛

四 域外經略一

五 藩屬之征服

六 歐人東漸二

七 內部之亂事一

八 域外經略二

中國歷史講義目次

九 內部之亂事二

十 歐人東漸三

第七章 今代紀

一 朝政變遷

二 藩屬之淪喪

三 外交之失敗

四 近年朝野之事故

附 中國大事年表

光緒三十年後大事月表

中國歷史講義

第壹編 總論

第一章 地理概要

一 位置及境界

繫古文明之祖國有六。而中國居其一。位於亞細亞第一之大洲。占大洲第一之版圖。北極出地自十八度二十分。至五十五度零六分。經線自北京偏東二十度。至偏西四十七度。東西長八千八百里。南北長五千四百里。面積約四千三百萬方里。東界朝鮮黃海。北以阿爾泰山脈及黑龍江烏蘇里江。界俄領之西伯利亞。與東海濱省。西以蔥嶺天山山脈。界俄之中亞細亞。南以喜馬拉雅山脈及南海。界英領之印度緬甸。法領之安南及暹羅等地。國內大別爲中國本部。滿洲蒙古。新疆西藏五大部。而古來歷史之劇場。則以中國本部爲最。



中國本部。其在黃河流域。而居北部者。有直隸山東山西陝西甘肅五省。其在揚子江流域。而居中部者。有江蘇浙江福建安徽江西河南湖北湖南四川九省。其在西江流域。而居南部者。有廣東廣西雲南貴州四省。自古帝王之興亡。一起一仆。莫不於此。故於歷史上。占最重要之地位者也。

滿洲當本部之東北。東界朝鮮。西以內興安嶺界蒙古。西南一隅。與本部通。爲盛京省。其東北爲吉林省。吉林之西北。爲黑龍江。本朝開國之初。實肇基於是。

蒙古當滿洲之西。本部之北。中有大沙漠。亘之。遂分爲二。在漠南者。爲內蒙古。漠北者。爲外蒙古。居民恆以遊牧爲生。逐水草而處。漢以來。恆乘機南侵。以爲中國北部患。有元一代。卽掘興於是土者也。

新疆。本古西域地。光緒初。始改爲行省。設巡撫焉。有天山橫亘之山。以南爲回部。其民多回教。徒山以北。爲準部。居民多土著。雖多沙漠。而北有伊犁河。南有塔里木河。地較豐腴。適當中國本部之西。

新疆之東南。介於南山山脉巴顏喀喇山脉間者。有青海。其西南爲西藏。值四川省之西。乾隆時。始入版圖。東稱前藏。西稱後藏。重嶺四合。佛教徒喇嘛統之。本朝設駐藏大臣以監護焉。

二 山脈

中國山脈。概起於西北帕米爾高原。分爲四道。並趨而東。在西北者爲阿爾泰山。天山。在中間者爲崑崙山。在西南者爲喜馬拉雅山。皆爲發祖大幹。喜馬拉雅山起於帕米爾之南。盡於雅魯藏布河之西。爲西藏印度之界山。有最高峯。至二萬九千餘尺。崑崙山起於西藏之北。東經新疆青海。越長城而北。連內興安嶺。直達滿洲。朝鮮。又越海。過旅順口。而爲山東諸山。崑崙山脈。又分一支。向東南入中國內地。爲雪嶺。雲嶺。岷山。白岷山。分二支。相並而東。南支爲劍山。爲漢南諸山。至荆山而極。北支爲朱圜。蟠冢。終南。太華。又東爲熊耳。嵩高。折而南行。爲方城。桐柏諸山。至天柱而極。總謂之北嶺。雲嶺。東南有越城。騎田。大庾。九嶷。武夷諸山。直至東

海濱。總謂之南嶺。天山脈起於伊犁西南。歧而爲二。一赴西北入俄羅斯境。一東北行至蒙古西。越沙漠。經吐魯番。及迪化府止。阿爾泰山脈。起於天山北。橫亘於額爾齊斯葉尼塞二河之間。分二支。一支入俄國之西伯利亞。而至拜凌海峽。一支自西而東。爲唐努、杭愛、肯特諸山。

三 河流

中國大川有三。一曰黃河。源出青海巴顏喀喇山塔什塔爾東麓。東南過札凌海。鄂凌海。會諸水。繞大雪山。轉而東北。由貴德廳入甘肅境。出長城。環內蒙古。入長城。是爲河套。經陝西東。山西西。復折而東。經河南。折北。穿山東入海。自河南孟津以下。始行平地。若陝西之渭水。山西之汾水。河南之洛水。皆入於河。二曰大江源。出青海東南。由四川西境入雲南。曰金沙江。又東北入四川。會岷江、嘉陵江。又東行。經湖北湖南。北會漢水。南會洞庭湖、沅湘、資、澧等。又經江西安徽。會鄱陽湖諸水。經江蘇入海。爲我國東西交通之要道。三曰運河。始開於隋煬帝。工程之巨。亞

於長城。自浙江杭州過湖州。經蘇常。至鎮江。橫江而北。由徐州入山東境。過黃河。至東昌臨清。直抵天津。入白河。經通州。而至京師。爲我南北交通之要道。餘若北之白河。遼河。南之閩江。珠江。湖澤若洪澤。鄱陽。洞庭。太湖等。皆足供輸運灌溉之便。

四 海岸及氣候

中國海岸。最爲遼闊。自鴨綠江至廣東欽州南。長約七千餘里。幾成半圓形。自盛京之旅順。直隸之東。登州之北。名渤海。自登州半島以南。迄揚子江口。名黃海。盛京省之南部亦瀕焉。自揚子江口以南。以迄臺灣海峽。名東海。江蘇浙江福建三省皆瀕之。自臺灣海峽以南。迄東京灣。廣東面之。名南海。

全國概居溫帶。因幅員寥廓。山嶺縱橫。氣候遂至不齊。西藏爲高地。夏暑如焚。冬寒凜冽。行省北部。冬令嚴寒。河海皆凍。夏亦炎蒸。時吹黃沙。中部寒暑適中。夏日法倫表。升不過百度。冬日降不過二十度。四五月間恆雨。故氣候不齊。名曰黃梅。

雨冬多西北風。故恆燥。南部四月至十月久熱。且有信風。涵水氣。常雨。名爲溼季。餘則爲燥季。溫和宜人。八九月之交。有颶風。起於南海。時壞舟楫。皆蒙古新疆。則寒煖無度。隨地隨時而異。此雨冰雹。彼臨白日。蓋沙漠處。類皆如是。

五 歷代疆域之沿革

中國文化之源。起於黃河兩岸。古時民族。由陝西沿河而下。聚族而居。至黃帝始關地。至大江以南。東抵海。西界崆峒。北阻釜山。是爲拓地之第一期。歷夏商周。祇守舊地。至春秋戰國。秦取西南。楚滅南土。燕關東北境。趙拓北徼。及秦一統。版圖已數倍於前。是爲拓地之第二期。後至漢武帝征略四方。東至朝鮮。南至安南。西至東土耳其斯坦。北至蒙古。是爲拓地之第三期。東漢班超平西域。領中央亞細亞全土。是爲拓地之第四期。東漢以後。威令不行。國分爲三。下迄兩晉。僅保殘喘。尋又分爲南北朝。消長無定。至唐太宗破突厥。服西域。其境域自中央亞細亞及西伯利亞。是爲拓地之第五期。爾後戰亂頻仍。沿至宋代。漢族益衰。蒙古勃興。至

無土地權者九十年。然其時疆域。有亞細亞大半。并歐羅巴東部。後取中國本部。是爲拓地之第六期。明祖崛起。僅有本部。西北一帶。爲元遺族所領。至於本朝。復有今日之勢。是爲拓地之第七期。

第二章 人種概要

一 漢族

五洲種族。各有專名。居亞洲者。名蒙古利亞種。居南洋羣島者。名馬來種。居歐羅巴洲者。名高加索種。居非洲者。名內革羅種。居美洲者。名印第安種。蒙古利亞種。一名黃色種。更分多族。創開中國者。爲漢族。其先自帕米爾高原。漸敷文化於河濱。孳生既繁。更殖民於江淮。遂達南海。中國本部。皆爲所據。常握帝王之特權。膚色黃。面平鼻低。髮直而黑。夙重道德。講政理。爲最早文明之族。性質之純。靈敏之資。殊非他種所能及。特囿於陋習。錮於俗見。以致鬱而不發耳。

二 蒙古族

二蒙古族。即韃靼族。共分爲三。一曰薩拉族。居蒙古之北東南諸部。二曰哀利攸支族。三曰加耳木交克族。居蒙古之西部。蒙古族之先。繁殖於西伯利亞之貝加爾湖一帶。後南下外蒙古。分播於天山北路。均以遊牧爲生計。逐水草而居。性勇敢善鬪。體格高大。元太祖成吉思汗。併吞歐亞。武功震古。今實爲本族光者也。

三 通古斯族

三通古斯族。此族最複雜。俄東部西伯利亞人亦屬之。其大部散播滿洲。容貌軀幹。皮膚面目。與漢族無異。古時爲肅慎。靺鞨等國。至晉時始入漢土。爲五胡之一。後魏遂建大帝國。與漢族相抗衡。北齊後周繼之。洎乎宋代。遼金崛起。雄視北邊。至於國朝。以甯古塔一小部落。勃興遼瀋。奄有中土。統數萬里豐腴之地。數百兆神明之裔。可謂盛矣。

四 土耳其族

四土耳其族。即回回族。皆奉摩罕默德教。今蕃殖於天山南路。及揚子江上游。中

央亞細亞一帶地。皆爲此族所佔據。周之獯鬻玁狁。漢之匈奴。南北朝之柔然。隋之突厥。唐之回紇。今歐洲之土耳其。係此族所建之帝國。於中國亦甚有勢力者。

五 圖伯特族

五圖伯特族。卽西藏族。爲印度韃靼兩種相混而成者也。居於前藏後藏。蔓延於青海雲南甘肅各省。事耕織。信佛教。有教主曰喇嘛。古時殷周之氐羌。秦漢之月氐。唐之吐蕃。南宋之西夏等。皆屬此族。

六 苗族

六苗族。中國最古之人種也。初聚居於江河之間。古稱三苗。或曰荆蠻。在諸族中爲最劣。漢族東下。遁竄南方。雜居四川湖南雲貴等省。以及西藏西南。安南暹羅等地。其名稱甚多。在湖南貴州交界地者。名苗。分生苗熟苗二種。在湖南兩廣交界地者。皮膚稍赤黑。性質強悍。名搖。貴州西部。名裸羅。雲南名獠。四川名楚。而苗又爲各種之統稱。將爲自然淘汰所漸滅。種族史中。無復有其名稱位置矣。

第三章 太古略說

一 太古神話

太古荒渺。百家所言。傳信傳疑。實不可攷。天地初生。盤古首出。一日九變。萬八千歲。後乃有三皇。天皇十二頭。治萬八千歲。後被迹在柱州崑崙山下。地皇十二頭。治萬八千歲。興於熊耳龍門山。蛇身獸足。人皇九頭。治四萬五千六百年。起於形馬。傳說甚多。類不雅馴。摺紳先生所不稱道。惟天皇既被迹於崑崙山。而地皇已及龍門熊耳。則民族之由西而東。似有可據者。然盤古之墓之祠。並在南方。抑又何哉。要之民智未開。故爲神奇。以專信仰。實非信史也。

二 包羲神農

包羲氏。風姓。母曰華胥。都於陳。結繩而爲網罟。以畋以漁。以儷皮制嫁娶之禮。始作八卦造書契。以龍紀官。爲龍師而龍名。由是以觀。有姓氏。制嫁娶。則已立家族之制。不至如前之知有母而不知有父。網罟畋漁。與動物競爭。亦漸以智力占優。

勝之地位。其作八卦。造書契。近於巴比倫之楔形文。蓋爲造文字之濫觴。進化階級。固有秩然不紊者。包羲在位一百十五年。其後有女媧氏者。傳說荒渺。事涉神怪。共繼十五世。而神農氏出。

神農氏。姜姓。母曰姪嫫。有嶠氏之女。起於烈山。長於姜水。都於陳。繼遷曲阜。在位百二十年。崩於長沙。葬於茶陵。帝以火紀官。爲火師而火名。始爲耒耜。教民耕稼。嘗百草以制醫藥。救民疾苦。立市廛以興商業。傳世八而爲黃帝所滅。神農時民族。已由游牧時代。而入於耕稼時代。社會之文化又一進步。始得殖田園。長子孫。後世井田世祿封建宗法之制。皆本是以成。而又發明高尚之醫學。以濟民生。諸侯夙沙氏。更賡海爲鹽。以利民用。駸駸乎文明程度。漸次發達矣。

二 黃帝


黃帝。姓公孫。母附寶。生黃帝於軒轅之邱。故名軒轅。長於姬水。故又姓姬。國於有熊。帝興於阪泉涿鹿之間。以兵師爲營衛。往來遷徙。遂與居南方之炎帝。爭殖民。

地。三戰而後滅之。又殺蚩尤。自爲諸部酋長之首領。都涿鹿。而集權於中央。四千餘年。漢人種之帝國。始於是發軔。其領土。東至海。西達崆峒。南抵揚子江。北逐葷粥。會諸侯於釜山。根據之地。漸次擴張。而所開各種文化。猶足令我民族。奉爲元祖而食其厚賜也。

黃帝初受命。有雲瑞。乃以雲命官。定官制。營國邑。畫井田。作冕旒。製貨幣。明醫理。其臣下亦多材藝。倉頡作六書。爲文字之一進步。隸首作算數。容臣作歷。伶倫作樂律。富封爲陶正。赤將爲木正。以利器用。揮作弓。牟作矢。以威天下。共鼓化狐。以作舟楫。呂夷作車。以行四方。元妃嫫祖。西陵氏之女也。教民蠶桑。以供衣服。文物制度。多發明於是。要未可以百家言雜。遽愒而置之也。

帝在位百年崩。少昊金天氏。顓頊高陽氏。帝嚳高辛氏。相繼而王。少昊黃帝子。名玄囂。都曲阜。以鳥紀官。在位八十四年崩。同母弟昌意子高陽立。是爲顓頊。都於帝邱。以民事紀官。南正重司天。北正黎司地。復民舊常。定建寅之月爲歷元。分畫

區域。爲兗冀青徐豫荆揚雍梁之九州。在位七十八年崩。少昊孫帝嚳即位。都於亳。元妃姜嫄。有邠氏之女也。生子棄。爲周之祖。次妃簡狄。有娥氏之女也。生子契。爲商之祖。三妃慶都。陳鋒之女也。生子堯。四妃常儀。媯訾氏之女也。生子摯。在位七十年崩。子摯嗣位。九年。荒淫無度。諸侯廢之。尊堯爲天子。



四 堯舜

帝堯。名放勳。育於母家伊侯之國。繼徙耆。故稱伊耆氏。年十三。封於陶。旋封唐。故云陶唐氏。年十六爲天子。都平陽。黃帝以來。國都在山東直隸間。至是復西遷。首

命羲和治歷象。定朞爲三百六十六日。置閏月以定四時。三歲置一閏。七閏爲一章。置敢諫鼓。立誹謗木。百姓咸得議政事。外夷悅服。越裳氏重譯來朝。是時龍門未開。呂梁未鑿。河流出孟門山上。南部則江淮相連。洪水滔天。民不安居。帝咨於四岳。舉鯀治之。封爲崇伯。九載而績不成。帝求遜位。四岳羣臣咸舉舜。

帝舜有虞氏瞽瞍之子。母握登。生舜於姚墟。後居潯洹間。母早卒。父繼娶。生象。象傲。父愛之。常謀殺舜。舜避之。年二十。以孝聞。四岳薦舜。堯以二女娶之。以觀其內。九男事之。以觀其外。堯以爲賢。在位七十二載。命舜攝位。舜使八愷主后土。以揆百事。使八元布五教於四方。討四凶。時鯀殛死。治水無功。乃命禹治水。開龍門。疏九河。江淮河濟。各行地中。而水患平。修五禮。布五教。定五刑。封諸侯。錫土姓。檢土質。分爲三等。以制貢賦。定五服。改九州爲十二。分冀之東爲并州。其東北爲幽州。青州之東爲營州。帝堯崩。舜避堯之子丹朱於南河之南。天下歸之。乃卽位。都蒲坂。封丹朱於丹淵。以奉堯祀。封弟象於有庠。命官建學。養老。次第舉行。內外悅服。

南自交趾北發西迄析枝渠廋氏羌北至山戎息慎東漸島夷咸仰帝德在位三十三載命禹攝位四十八載南巡崩於蒼梧之野葬零陵禹避舜子商均於陽城天下歸之如舜乃即帝位爲夏后氏

堯舜爲儒家所最稱述當時人文既開庶績咸熙然其政體實如西國古時之貴族政體帝摯旣以荒淫而爲諸侯所廢帝舜又以岳牧之舉而登庸用人行政悉需衆議蓋酋長政治惟有智力威力者尸之一進化爲貴族政治亦惟有德有能者當之唐虞之世貴族勢力實可左右天子而堯舜以英明之姿收拾人心會羣后使奉一定之制務張王權施中央集權之政專制政體實已潛滋暗長於是時矣。

太古帝王承統表

謚號	姓	名	在位年	年齒	父	母	都	今地名
----	---	---	-----	----	---	---	---	-----

帝舜有虞	帝堯陶唐	帝嚳高辛	顓頊高陽	少昊金天	黃帝有熊	炎帝神農	太昊伏羲
姚	伊耆	姬	姬	己	姬	姜	風
重華	放勳	交		摯	軒轅		
四八	一〇一	七〇	七八	八四	一〇〇	一四〇	一一五
一一〇	一一七	一〇五	九一	一〇〇	一一一		
瞽瞍	帝嚳	蟠極	昌意	黃帝	少典		
握登	慶都		女樞	嫫祖	附寶	安登	華胥
蒲阪	平陽	亳	帝邱	曲阜	涿鹿	曲阜上	陳
府山西蒲州永濟縣	府山西平陽臨汾縣	府河南偃師縣	府河南開州大名	見上	府直隸涿州	山東兗州	河南陳州

第三編

歷代興亡史概要

第一章

上古紀

一 夏之興亡

中國之歷史。一民族競爭之歷史也。唐虞之三苗不弑。尙矣。然一統之基。雖立而未定。政權遷嬗。需經貴族多數之薦揚。始得踐位稱帝。至建立國家。傳世數百年。成一統之朝代者。實自夏禹始。

禹。鯀之子。母曰修紀。生禹於石紐。長於西羌。舜攝政時。殛鯀而命禹治洪水。十三年。水土平。畫九州。定貢賦。舜崩。爲諸侯所推。即帝位。都安邑。國號夏。淇水之後。非飲食。惡衣服。卑宮室。盡力於溝洫。以爲休養。即位元年。會諸侯於塗山。執玉帛者萬國。令九牧貢金。以鑄九鼎。聲威所至。東至海。西至流沙。南達衡山。北至恆山。屢巡四方。以鎮諸侯。八年。會諸侯於會稽。防風氏後至。則執而戮之。是歲禹崩。讓於益。三年喪畢。益避禹之子於箕山之陰。諸侯羣奉禹子啟。啟遂即位。是爲君主世。

襲之始。唐虞時選立之制。自此廢矣。

夏時既定。傳子之訓。諸侯之反對者。遂先後起兵。啟大享諸侯於鈞臺。有扈氏叛。啟召六鄉。與戰於甘。遂滅之。啓子太康無道。畋於洛表。有窮后羿。因民伐夏。拒之於河。太康不得已。城陽夏而居之。天下無主。及崩。立弟仲康。羲和之亂。命胤侯征之。帝王專制之權。尙未鞏固。諸侯時有議其後者。當是時。羿猶執夏政。仲康不能誅。及崩。子相立。羿逼之。遷於商邱。依斟灌斟尋氏。羿代行夏政。任用寒浞。浞伯明氏之讒子也。羿猶不悛。爲家衆逢蒙所殺。浞稱帝。取羿室。生澆及豷。澆長。浞命之帥師。滅斟灌斟尋氏。殺夏后相。其后緡。方娠。逃歸有仍。而生少康。長。有田一成。有衆一旅。能布其德。以撫夏衆。禍亂之後。人思故君。少康與遺臣縻。自有鬲氏。收斟灌斟尋之燼。滅浞。殲餘黨。復禹之績。是爲我國中興之始。

傳數世。至帝履癸。暴虐而有勇力。世謂之桀。伐有施氏。得其女妹喜。作宮室。營囿圃。荒淫無度。諸侯離叛。五十歲。桀會諸侯於有仍氏。有緡氏以桀汰侈。先歸。桀伐

而克之。益自用。太史令終古諫。不聽。奔商。關龍逢又諫。殺之。是時商湯崛起於亳。天下歸之。起兵討昆吾。敗之。遂攻鳴條。王師敗。湯放桀於南巢。夏亡。後三年桀卒。

夏統系表 共十七君凡四百三十九年

大禹(一)——啓(二)——太康(三)

仲康(四)——相(五)——少康(六)——杼(七)——槐(八)——芒(九)

泄(十)——不降(十一)——孔甲(十四)——皋(十五)——發(十六)——癸(十七)

廩(十二)——廙(十三)

二 商之興亡

君主獨裁政體。易致一人肆虐。國民塗炭。至是而能興革命之風潮。定天下之大局。於中國史界。成第一傑出之聖王者。厥惟商之成湯是。


湯姓子氏。遠祖契。爲舜司徒。封於商。十三傳至成湯。湯始居亳。爲伯得專征伐。與葛爲鄰。葛伯不德。湯征之。十一征而天下無敵。得伊尹於有莘之野。三聘而後就。

湯薦之桀。凡五適夏。而桀終不改。諸侯歸湯。桀囚湯於夏臺。既而釋之。韋氏顧氏昆吾氏等助桀爲虐。民心愈畔。五十三年。湯伐昆吾。遂伐桀放之。即帝位。以伊尹爲左相。仲虺爲右相。鑄莊山之銅以爲幣。作器用之。銘以自戒。建學養老。定五等爵。改井田制。七十而助。在位時。大旱七年。湯自禱於桑林之野。雨大集。湯立十七年而踐位。又十三年。王崩。

商道尙質。多樸實有爲之風。故屢蹶屢興。傳至六百祀。湯崩。三傳至孫太甲。伊尹爲相。無道。放之於桐。自攝政三祀。太甲悔。乃迎復辟。四傳。商道衰。及太戊立。伊尹爲相。涉伊尹之子也。舉巫咸佐治。商道復興。遠方慕義。重譯至者七十六國。是爲中興之第一次。其後因避河患。仲丁遷都於囂。河亶甲遷於相。商道復衰。至祖乙。又遷耿。遷邢。舉巫咸子巫賢爲相。諸侯賓服。是爲中興之第二次。後五傳又大亂。盤庚立。遷都於殷。紀綱再振。是爲中興之第三次。又三傳至武丁。任甘盤爲相。帝夢予良弼。以形旁求於天下。得之於虞。號問傅巖。名曰說。因號爲傅說。舉爲相。伐

鬼方克之。聲威遠播。是爲中興之第四次。厥後漸次陵夷。至武乙。復去亳而徙朝歌。及至紂王辛。材力過人。拒諫飾非。伐有蘇氏。獲其女妲己。寵之。師消作淫聲。爲北里之舞。靡靡之樂。造鹿臺。七年而成。爲長夜之飲。設炮烙之刑。任用費仲蜚廉惡來等。益暴橫。諸侯多叛而歸西伯昌。兄微子啓諫不聽。去之。箕子數諫不聽。乃佯狂爲奴。王子比干直言諫。則殺而剖之。時西伯既卒。世子發繼嗣之十三年。太公望勸之。遂伐殷。師渡孟津。諸侯來會。至牧野。紂軍潰。王登鹿臺自焚死。商亡。

商統系表 共二十八主凡六百四十四年



三 周之勃興

周之勃興。爲中國文化進步之樞紐。一切政治祀典宗教文藝。莫不至此而大備。周之遠祖曰棄。封於邠。號曰后稷。姓姬氏。至子不窋。夏后氏政衰。失官。竄於戎狄間。再傳至公劉。修后稷業。周道復興。遷於豳。後至古公亶父。復修后稷公劉之業。國人愛戴之。避狄難。去豳。邑於岐山下。國號周。少子季歷娶太姒。生子昌。有聖德。古公欲立之。長泰伯。次仲雍。相偕逃荆蠻。是爲南方文化之始。古公後傳少子季歷。季歷娶太任。生昌。及立。是爲西伯。德政流布。崇侯虎譖於紂。紂囚之於羑里。既得免。并獻洛西地。請去炮烙刑。紂許之。諸侯皆來歸。遇呂尙於渭陽。立爲師。化行南國。天下歸之。受辛二十祀。西伯薨。葬於畢。追諡曰文王。

時長子伯邑考早卒。次子發既嗣位。爲西伯。周德日盛。十一年。東觀兵於孟津。大會諸侯。至者八百國。又二年。伐紂。戰於牧野。紂師潰。紂登鹿臺自焚死。遂革殷命。卽王位。都於鎬。封建諸侯。其規畫最有深意。封周公於魯。爲東方之捍蔽。封召公

於燕。爲北面之屏藩。庶叔高於舉。以鎮西陲。叔鮮於管。叔度於蔡。叔處於霍。以監殷。是爲三監。計受封者兄弟十五人。同姓四十人。而以異姓國犬牙交錯於其間。太公望功勳偉大。封於齊。更封殷後箕子於朝鮮而不臣。是爲朝鮮開化之始。在位十三年卒。子成王誦立。

成王初立。年幼。周公攝政。營洛邑爲東都。以朝諸侯。公多材藝。制禮作樂。改革制度。社會之進化。遂有一飛沖天之勢。七年。歸政於成王。成王崩。子康王釗立。召公畢公輔之。成康之際。至爲郅治。刑措不用者四十餘年。及崩。子穆王滿立。政稍衰。數傳至厲王胡。殫國民之財力。以極其奢侈。命榮夷公爲卿士。總攬國政。民不聊生。乃以言論相爭。誹議朝政。王又命衛巫以監謗者。被殺者衆。民莫敢言。道路以目。三年。遂羣起逐王。民氣大伸。王奔彘。子靖匿召公冢。國民索之。召公以子代。始得脫。周公召公共理國事。號曰共和。凡十四年。王崩。二公奉靖卽位。是爲宣王。輔之修政。諸侯復宗周。

宣王初卽位。有撥亂志。命尹吉甫伐玁狁。方叔討荆蠻。召公虎平淮夷。王親征徐戎。王化復行。晚年政稍衰。及子幽王立。寵褒姒。廢申后。逐太子。太子奔申。王伐申。申人召犬戎以攻周。殺王驪山下。於是晉文侯衛武公秦襄公帥師救周。破犬戎。與鄭武公共迎故太子立之。是爲平王。平王無帝王之人格。不圖報復。以伐犬戎。因其見逼。東遷洛邑。乃以河內彤勝之地。賜晉文侯。使有獨立之基礎。以岐豐天險之區。賜秦襄公。使得統一之根原。識者謂亡國之種。播於是矣。

平王既選。周室微弱。諸侯放恣。賞罰不行。分裂之勢漸成。四十九年。卽魯隱公之元年。孔子修魯史。作春秋。立百王之大法。託始於是歲。

四 春秋

周室既衰。政府之實權墜地。立於四面戰爭之中。擁虛器以自守。諸侯強大。稱霸爭雄。其勢力最大。於歷史上有價值者。若魯衛晉鄭燕曹蔡吳八國。與周同姓。齊宋陳楚秦越六國。與周異姓。其中齊晉宋秦楚吳越等。嘗崛起握中央政府之權。

以標準天下。延漢人種之運命。防外族之侵略。皆其所賜也。然其所以有此資格者。實因地勢之便。齊雄於東。晉踞於北。秦控其西。楚躍於南。吳越興於東南大陸。恃其天府之形勝。以與諸侯爭雄。鄭宋則界中區。南北畫之。形勢趨之。戰爭萃之。伯主盟會爭之。宋襄公之稱霸未成。不僅國勢之不充。亦地形有以限之也。雖然。霸主迭起。權力遷移。展轉又展轉。卒無所歸著。自春秋後。權力之區。始限於七。

春秋權力區域表

國	人	時代	中心地	水域	今地
一 齊	桓公	周東遷後九十年	黃河下流	黃河	山東
二 宋	襄公	齊桓後三十年	黃河中流	黃河	河南
三 晉	文公	宋襄後二十年	黃河上流	黃河	山西
四 秦	穆公	晉文後十年	黃河上流	黃河	陝甘

五	楚莊王	秦穆後三十年	揚子江南	漢水洞庭	兩湖
六	吳夫差	楚莊後十八年	揚子江下流	揚子江	江蘇
七	越句踐	吳夫差後三十年	揚子江下流東南	浙江	浙江

平王在位五十一年崩。二傳至莊王十二年。而齊人殺無知。以立小白。是為桓公。齊姜姓。太公望之封國。初都營邱。胡公徙薄姑。獻公徙臨淄。太公後十四傳。至襄公無道。無知殺之。及桓公。舉管仲。改革政治。使士農工商。異其居處。寄軍令於國。政。又設輕重魚鹽之利。重農以權穀幣。贍貧窮。祿賢能。定贖罪之法。收美金鑄劍戟。惡金鑄鉏夷斤。櫛。國內大治。倡尊王室。攘夷狄之議。始會諸侯於北杏。是時。白狄居雍州東北。赤狄居冀州。白狄別種居其北。山戎諸部。又居其東北。桓公救燕。救邢。救衛。以卻狄人。楚武王起荊蠻。桓公伐之。遂有召陵之盟。春秋時種族之競爭。霸者有殊功焉。周惠王崩。桓公會諸侯。定襄王之位。而安王室。明年大會於葵。

邱諸侯從命。中原賴以少安。管仲死。任用豎刁。易牙。開方。內嬖爭權。桓公卒。五公子爭立。霸業頽矣。

宋爲殷後。都商邱。十八世至襄公。襄公。潛公之弟。桓公之子也。任庶兄目夷以政。於是宋治。齊桓公託襄公以長子孝公。及卒。國亂。襄公率諸侯定之。立孝公。遂有代興之志。時楚成王覬覦中原。襄公憂之。與楚盟鹿上。得爲盟主。然楚忌之。國又褊小。乏賢佐。終不能建獨立之基礎。旋被執於楚。既而釋之。明年與戰。又敗於泓。襄公傷股。楚益輕中原。桓乘隙北上。遂成晉楚爭雄之局。襄公後數年。而晉文作。文公。名重耳。獻公之次子也。初晉自曲沃武公。合於晉。傳其子獻公。獻公伐驪戎。得驪姬。嬖之。殺太子申生。文公奔白狄。夷吾奔梁。獻公卒。夷吾重賂求入。齊桓公使隰朋會秦師納之。是爲惠公。入而背秦。秦怒。伐晉。戰於韓原。執惠公。既復歸之。及卒。子懷公立。內外無與親者。時文公在外十九年矣。藉秦力以入國。晉人殺懷公。適周室有子帶之亂。襄王出居鄭。文公納之。王賜南陽田以報。楚令尹以鄭蔡

陳許之衆圍宋。楚勢強大。文公以齊秦宋之師。與楚戰城濮。大敗之。遂合諸侯於踐土。天王親臨。命文公爲侯伯。自是楚不敢與爭。晉世爲盟主。五傳至厲公。敗楚於鄢陵。驕侈無度。被殺。迎立襄公會孫周。是爲悼公。少而賢。卿大夫皆多才。國內大治。魏絳又和諸戎。使漢種文明。傳諸外族。三駕而楚不能爭。霸業復振。及平公時。趙武與楚屈建盟於宋。計晉楚爭雄八十餘年。至此始有平均之勢。厥後公室日卑。政權漸移於貴族。三分而爲韓魏趙三國。

秦嬴姓。伯益之後。周孝王時。非子初受封爲附庸。居渭水上流。至襄公。與晉衛勤王有功。改封爲諸侯。得岐豐地。勢始大。孫穆公與晉文同時。晉文卒。穆公欲展驥足於東方。伐鄭。時鄭穆公新即位。商人弦高矯命以牛十二犒師。因告鄭。鄭人備之。秦師滅晉滑。晉襄公墨經發兵。邀秦兵於穀。大敗之。自時秦晉連年構兵。雖屢敗北。而任賢才。修國政。志不少頽。舉百里奚於市。以爲相。蹇叔。公孫枝輩。亦信任之。又得由余於戎。奚子孟明亦賢。屢敗不屈。國民强悍好勇。至於妻勉其夫。兄勉

其弟成爲風俗。襄王二十八年。秦又伐晉。濟河焚舟。取王官及郊。以報屢敗之辱。晉人不敢出。翼年伐西戎。併國二十。闢地千里。遂樹大帝國之基礎。楚半姓。子爵熊繹初受封。至武王熊通。始强大。文王時遷於郢。至莊王卽位。初甚耽佚遊。大夫孫叔敖伍舉等力諫。遂以強國爲務。伐庸。伐麇。服羣蠻。百濮。又伐陸渾之戎。觀兵周疆。國勢日強。陳夏徵舒殺其君。莊王伐之。遂入陳。又因鄭伯之貳於晉。十旬克之。鄭伯肉袒牽羊以逆。晉師救之。戰於郟。敗績。楚威益振。稱雄南方。諸侯咸從命。經康王共王。霸業未墜。至昭王。困於吳。勢遂微。吳子爵太伯之後。傳十四世。至壽夢。楚申公巫臣來聘。教吳乘車。教之戰陣。吳於是始通上國。且屢與楚戰。楚人疲於奔命。五傳至闔閭。用楚亡人伍員爲相。孫武爲將。伐楚。大敗楚軍於漢水。五戰五勝。遂入郢。會越人乘間伐吳。而秦亦以兵救楚。疲吳師。闔閭伐越。大敗。傷而死。子夫差卽位。日以報越爲事。遂連敗越師。越退保會稽。以行成。旋伐齊魯。不復慮越。子胥諫。不聽。賜死。十二年而吳亡。夫差自殺。

越。姒姓。夏少康之後。在吳之南。二十餘世。至允常。勢漸大。僭稱王。爲吳所敗。子句踐立。堅報仇之志。挫之於槁李。會吳夫差。亦誓報仇。越勢不敵。乃屈身行成。重用范蠡。大夫種等。諱習兵術。人盡從軍。當是時。夫差驕盈。北上會諸侯於黃池。越遂大舉襲吳。入其都。獲太子友。夫差歸。與越成。後相持數年。吳終不敵。請成。不許。遂滅之。乃引兵北渡淮。與齊晉諸侯會於徐州。致貢周元王。王命爲伯。句踐令齊楚秦晉皆輔王室。越兵橫行江淮間。東諸侯畢賀。號稱霸王。後五傳。至無彊。爲楚所滅。越亡。

春秋時。諸侯強大。日事兼併。以擴張其領土及勢力。至於末期。所存之國。僅有十餘。會盟戰爭。曾無寧歲。於是諸侯雖抱統一希望。而實權漸下移於執政之貴族。貴族頻施私惠。得國民之愛戴。其使他邦者。恆陰爲結納。以爲外援。如宋有公族。齊有陳氏。魯有三桓。晉有六卿。威駸駸乎成尾大不掉之勢。自周東遷後。諸侯滅亡者百五十國。後晉知伯滅范中行氏。知伯貪而愎。韓魏趙又滅知伯。國分爲三。

齊田氏則代姜氏。越衰於南。而燕興於北。合秦楚二國。以成戰國之局。

春秋列強世系興亡表

國	爵	姓	始封	都城	世代	存滅	西紀前
魯	侯	姬	周公子伯禽	曲阜今山東兗州府曲阜縣	三十四世	頃公二十四年滅於楚	二四九
衛	侯	姬	文王子康叔	朝城今河南衛輝府淇縣東北戴公廬曹今滑縣文公遷楚即滑縣東六十里成公遷帝邱今直隸大名府開州	三十七世	衛君角二十一年爲秦二世所滅	二〇九
晉	侯	姬	武王子虞	大夏今山西太原府太原縣北燮父改號曰晉穆侯遷絳即故絳平陽	三十八世	靖公二年爲韓魏趙所分	三七六

蔡	曹	燕	鄭	
侯	伯	侯	伯	
姬	姬	姬	姬	
文王子 度	文王子 振鐸	召公奭	厲王子 友	
蔡今河南汝甯府 上蔡縣平侯遷新 蔡今新蔡縣昭侯 遷州來今安徽鳳 陽府壽州北三十 里下蔡城	陶邱今山東曹州 府定陶縣	薊今直隸順天府 治大興縣	咸林今陝西同州 府華州武公遷漆 汭今河南許州府 新鄭縣	府翼城縣東南景 公墓新田即新絳 今曲沃縣西南
世二十四	世二十五	世四十三	世三十三	
楚蔡侯齊四年滅於	於宋曹伯陽十五年滅	於秦王喜三十三年滅	於韓康公二十一年滅	
四四七	四八七	二二二	三七五	

越	楚	陳	宋	齊	吳
子	子	侯	公	侯	子
似	聿	媯	子	姜	姬
少康後	顓頊後 熊繹	舜後胡 公滿	子般後 微啓	太公尙 父	太王子 泰伯
會稽今浙江紹興 府山陰縣	丹陽今湖北宜昌 府歸州武王遷鄧 今荊州府	宛邱今河南陳州 府浚甯縣	商邱河南歸德府 商邱縣	營邱今山東青州 臨淄縣胡公徙薄 姑博興縣東北獻 公徙臨淄	梅里今江蘇常州 府無錫縣東南三 十里諸樊徒吳今 蘇州府
	世四十一	世十九	世三十二	世二十八	世二十五
越無疆伐楚楚大 敗之亡	之王負芻五年秦滅	周敬王四十二年 楚滅陳弑湣公	王之偃無道齊湣王 滅之	田和逐齊康公居 海上又七年卒	夫差八年滅於越
三三四	二二三	四七八	二八六	三八六	四七三

秦			
伯			
嬴			
	伯益後 非子		
	秦今陝西秦州清水縣莊公徙故西犬邱秦州西南甯公遷平陽今鳳翔府郿縣西德公遷雍今鳳翔府治		
		獲麟後二百六十年始皇初并天下 國號秦	二二二一

五 戰國

春秋以後。諸侯形勢又一變。前之假會盟朝聘為聯絡者。轉而從事於戰爭。前之假仁義道德為面目者。轉而相尚以權力。七雄鼎峙。弱肉強食。擾攘幾二百年。而終見并於秦。宋魯衛鄭周。僅保殘喘於當時者。無論矣。就地理上觀之。秦據雍州。僻居中原西徼。非六國所注意。而常欲統一山東。所以互相侵伐。而秦得乘其弊。以制死命。為秦兼併天下之一大原因。就政體上觀之。晉地實控秦東。東南。東北。之三面。三晉不分。則秦之門戶不開。東南諸侯非其所問。自為韓趙魏。其力已弱。

而齊楚與秦。皆以兼併三晉爲務。趙亦竊欲統一三晉。韓魏當此四戰之地。又不
自相連結。至不得不入於秦。門戶一開。堂與難保。爲秦兼併天下之又一原因。
就道德上觀之。六國之君。雖甚愚闇。非無賢臣良將以爲之輔焉。然齊不用孟子。
魏疑吳起。信陵君。燕罷樂毅。趙不信廉頗李牧。楚黜屈原。韓不聽韓非。類皆由於
受金行間。爲秦國俛之國民。而國民之殘賊同胞。毅然爲之。而不知其非者。曰無
愛國心。此秦得兼併天下之又一原因也。

戰國之開幕。成一戰爭劇烈。公行無忌憚之天下者。實肇於韓魏趙之勃興。田齊
之得國。三家世爲晉卿。知伯貪愎。帥韓魏之甲以攻趙。晉陽圍而灌之。襄子潛使
人說韓趙。共取知伯軍。三分其地。國勢益盛。至周威烈王二十三年。韓虔、魏斯、趙
藉受命爲列侯。號曰三晉。是爲韓景侯、魏文侯、趙烈侯。文侯好賢。士多歸之。師事
卜子夏、田子方。吳起爲將。守西河。李悝作平糶法。樂羊伐中山。克之。西門豹守鄴。
河內稱治。至於齊。則田襄子之孫和。於周安王十一年。遷齊康公於海上。使食一

城。其後會魏文侯。文侯爲之請於周。周許之。和爲齊侯。康公卒。無子。田氏并其邑。孫因齊稱威王。初立。諸侯伐之。周烈王六年。威王召卽墨大夫。數其罪而烹之。召阿大夫。獎其賢而封之。羣臣慄懼。莫敢飾非。齊國大治。

當是時。七國爭雄。風雲迭變。魁偉奇突之士。遂於國際上。施其連合譎僞之策畫。奮其暗殺舌辨之手段。而胡馬南下。北狄來侵。掃蕩敵氛。保障邊徼。若趙之君臣。尤足爲種族史之光。雖旋振旋蹶。閱時無多。而於歷史之價值。固未可遽湮沒也。至若燕齊頻年報復之師。秦趙互爲攻守之戰。當時良將。齊有田單。燕有樂毅。趙有廉頗。趙奢。李牧。奏有白起。王翦。要皆威聲遠播。戰功卓著。時勢造英雄。固有相逼而至者矣。

秦孝公以雄武之姿。擁崤函之固。革新政治。日圖進取。六國震動。於是。有外交家出焉。創合縱以擯秦者爲蘇秦。創連橫以事秦者爲張儀。二人同學於鬼谷子。蘇秦說秦惠文王。不見用。憤而歸。初說燕文公。陳合縱之益。文公從之。資車馬以說

六國。大演六國當合縱之理論。約成。盟於桓水。蘇秦爲之長。一時稱盛。然六國者。風土各異。習俗不同。非有親愛固結不解之情也。秦乘其間。以小利餌諸侯。不旋踵而縱散約敗矣。張儀。魏人。蘇秦合縱時。資之入秦。以爲已輔。儀爲秦定聯合諸侯之策。伐魏。破五國兵。又伐韓趙。用譎計以欺楚懷王。取漢中地。秦勢日強。駸駸乎樹併吞諸侯之基礎也。

趙地據直隸之一部。及山西之北陘。都邯鄲。武靈王者。肅侯之子也。與肥義謀拓地於胡。乃胡服騎射。以教國民。略地至雲中。代。西及九原。傳國少子何。是爲惠文王。自號主父。北破樓煩。林胡。攻中山。滅之。嘗微服入秦。以覘形勢。秦追之不及。孝成王時。李牧守北邊。養士習騎射。大破匈奴。自是遂不敢近趙邊。其屏斥外族之功。殊有足多者。

戰國策士。旣以游說取富貴。傾動人主。至成士習。於是諸侯卿相。咸散財延聘之。以多致賢能之士爲名譽。若齊之孟嘗君。趙之平原君。魏之信陵君。楚之春申君。

其尤著者也。門下士之奇偉特達。卓絕一世者。則孟嘗有馮驩。平原有毛遂。藉以定楚趙合縱之約。信陵有侯嬴。朱亥。得奪晉鄙軍以救趙。若燕昭王。若太子丹。若秦呂不韋。亦皆以養士爲務。下至秦漢之間。張耳。陳餘。田橫輩。猶承其餘風也。當是時。任俠義勇之士。亦爲世所重。專橫虐暴之政府。咸重足而立。其一二驚心恍惚之舉。誠有足以震動社會者。韓相俠累。積暴無忌。嚴仲子惡之。聞聶政尙義勇。力過人。乃以黃金百鎰爲政母壽。欲因以報仇。政以母老辭。母卒。政乃刺累。兵衛甚盛。政直入殺之。因自披面抉目而死。韓人莫之識。姊嫫往哭其尸。曰。是軹深井。望聶政也。以妾在。故重自刑以絕蹤。妾奈何畏沒身之誅。終沒賢弟名。遂死政尸旁。時韓烈侯二年也。越百二十年。復有秦趙會澠池之事。赧王三十六年。秦王告趙王。願爲好會於澠池。及會。相如要求秦王。務使秦不能有加於趙。秦不敢動。趙王歸。以相如爲上卿。廉頗者。趙良將。多戰功。羞爲相如下。欲辱之。相如聞之。輒引避。舍人以爲恥。相如曰。夫以秦王之威。而相如廷叱之。相如雖驚。豈獨畏廉將軍。

哉。顧秦之不敢加兵於趙者。以吾兩人在也。兩虎相鬪。勢不俱生。吾所以爲此者。先國家之急而後私讐也。頗聞之。謝罪。遂爲刎頸交。相如之好義急公。抑強忍辱。不獨見愛國之熱誠。亦爲後世所宜效法者也。厥後有與聶政之事。後先比美者。又有入秦刺秦王之荆軻。軻衛人。燕太子丹聞其勇。厚禮見之。軻許入秦。時秦將樊於期得罪亡燕。購之急。軻往見。以意諷之。於期自刎。遂函其首。及燕督亢地圖。獻於秦。中置利匕首焉。秦王見軻。軻刺之。王驚。環柱走。拔劍斷軻股。軻以匕首擲王。又不中。軻曰。事之不成者。欲生劫之。必得約契以報太子也。遂被體解以殉。是歲秦始皇二十年也。

戰國之始。秦獻公在位。城櫟陽居之。敗韓魏之師於洛陽。又敗晉師於石門。斬首六萬。獻公卒。子孝公立。六國之與秦接者。爲楚魏二國。魏築長城。由鄆濱洛。以保上郡。楚由漢中而南。有巴黔中。孝公年已二十一。憤諸侯力政。夷翟遇之不與中國會盟。乃用衛鞅。變法修刑。內務耕稼。外勸戰死之賞罰。秦國大治。孝公卒。子惠

文君立。張儀爲相。司馬錯伐蜀。滅之。又伐六國。戰勝攻取。及卒。子武王立。四年卒。立異母弟昭襄王。在位五十六年。任用白起。王齕。闢地益廣。卒。子孝文王立。未幾而卒。子莊襄王立。初爲秦質子於趙。陽翟大賈呂不韋。爲說於華陽夫人以爲嗣。不韋姬邯。鄆女。善歌舞。有娠。獻於莊襄王。生子政。四年卒。政代立爲秦王。當是時。秦地已并巴、蜀。漢中。越宛有郢。置南郡矣。北牧上郡以東。有河東、太原、上黨郡。東至滎陽。滅二厓。置三川郡。初卽位。呂不韋爲相。與太后私通。懼事覺。禍及。以舍人嫪毐。詐爲宦者以進。生二子。政事皆決之。旋有告者。乃下吏。毐爲亂。被執。夷三族。不韋亦坐免。十七年。命內史騰攻韓。虜韓王安。盡有其地。改爲潁川郡。後二年。王翦等滅趙。虜王遷。趙公子嘉率其宗數百人之代。自立爲代王。二十二年。王賁攻魏。引河溝。灌大梁。王假降。魏亡。明年。彊起王翦。使將擊荆。虜荆王負芻。荆將項燕立昌平君爲荆王。次年。王翦蒙武破荆。昌平君死。項燕自殺。又明年。王賁將攻燕。遼東。得燕王喜。還攻代。虜代王嘉。同時王翦定荆江南地。降越君。置會稽郡。二十

六年。齊發兵守西界。不通秦。王賁從燕南攻齊。得齊王建。六國滅。悉爲郡縣。而秦遂統一中原矣。

周統系表 共三十七君 凡八百六十七年

文王昌——武王發(一)——成王誦(二)——康王釗(三)——昭王瑗(四)——穆王滿(五)

——共王伊厲(六)——懿王囂(八)——夷王燹(九)——厲王胡(十)——宣王靜(十一)

——考王辟方(七)

幽王宮涅(十二)——平王宜臼(十三)——桓王林(十四)——莊王佺(十五)——僖王胡齊(十六)


——惠王闔(十七)——襄王鄭(十八)——頃王壬臣(十九)——匡王班(二十)

——定王瑜(二十一)——簡王夷(二十二)

——靈王泄心(二十三)——景王貴(二十四)——悼王猛(二十五)

——敬王匄(二十六)——貞王介(二十七)

第一章 上古紀



烈王喜(三十四) — 顯王扁(三十五) — 慎魏王定(三十六) — 赧王延(三十七)

七國興亡表

國名	姓	都	今地名	世系	傳代	滅亡西紀前	滅國
韓	姬	陽翟	河南禹州	景侯	一世	二三〇	秦
趙	嬴	邯鄲	直隸邯鄲	烈侯	一〇世	二二八	秦
魏	姬	安邑	山西夏縣	文侯	九世	二二五	秦

秦	燕	楚	齊
嬴	姬	聿	田
咸陽	薊	郢	臨淄
陝西咸陽	直隸大興	湖北荊州	山東臨淄
非子	召公	熊繹	太公
	四三世	四一世	七世
	一一一一一	一一一一一	一一一一一
	秦	秦	秦

第二章 中古紀第一期

一 秦之興亡

溯自唐虞以降。貴族政治之制漸廢。夏商建立一統政府。其勢力猶未完全。至於周漸圖實行封建諸侯。秩然有序。是為立君政體之封建政治。及後智德日衰。周政府失天子之主權。霸主迭起。以執諸侯之牛耳。是為盟約聯邦政治。厥後戰國各據一隅。日事戰爭。是為羣雄割據。然純粹之立君政治。早已潛滋暗長於其間。

楚滅陳蔡而爲縣。秦取漢中而置郡。至始皇二十六年。六國悉滅。用李斯言。大更古制。斷行郡縣政治。分天下爲三十六郡。土地人民。直隸於中央政府。而專制政體之形式精神。始備具也。

始皇卽位。更號曰皇帝。自稱曰朕。追尊莊襄王爲太上皇。改正朔。以十月爲歲首。治馳道於天下。焚詩書百家言。阮盧生等四百六十餘人於咸陽。收民間兵器。一時專制之毒。燄大熾。而其抵排異族。使不得違。於漢人種。亦有奇功。三十二年。遣將軍蒙恬。發兵三十萬。北伐匈奴。三十三年。略取南越地。置桂林、南海、象郡。蒙恬斥逐匈奴。收地爲四十四縣。築長城。因地置險。西起臨洮。東訖遼東。延袤萬里。以制限胡人足跡。威振匈奴。其疆域。西至臨洮。東接朝鮮。北極蒙古沙漠。南訖安南。蓋已倍於周代矣。

始皇既以絕對之權力。施抑壓於下民。以爲舉天下莫與敵也。於是驕奢日甚。登泰山。禪梁父。營阿房。自稱始皇帝者。欲其子孫常爲天子。二世三世以至萬世也。

然猶以爲未足。聽方士言。遣求仙使。欲其長生不死。務以身享之爲樂也。然當是時。不僅人思故國。揭竿爲亂之機。已兆通國。而專橫無忌。李斯趙高之禍。先發蕭牆。始皇三十七年。東巡道卒。斯高輩擬立少子胡亥。以自固。祕不發喪。矯詔賜太子扶蘇死。繫蒙恬。蒙毅。至咸陽。立胡亥。是爲秦二世皇帝。殘殺不德。海內鼎沸。六國各自立後。陳勝。吳廣。以匹夫之資。揭竿一呼。天下響應。楚懷王心。趙王歇。魏王咎。魏王豹。韓王成。韓王信。齊王田儼。田榮。田廣。田市等。羣起角逐。而楚遣臣項籍起兵於吳。沛公劉邦起兵於沛。籍大破秦兵。推爲諸侯上將軍。沛公自武關入。趙高素以關東兵不足憂。爲二世解。至是恐見責。遂弑之。立其從子子嬰。子嬰族誅高。而降於沛公。秦亡。稱帝凡十五年。及項籍入關。殺子嬰。

二 楚漢之爭

沛公之入關也。項王定河北。既引兵西至函谷關。沛公兵拒關。項王怒。攻破之。進軍鴻門。遂屠咸陽。焚秦宮室。大失民望。項王既不聽韓生之諫。定都關中以控東。

南。又因懷王入關者王之約。以漢中王漢。使秦三降將當其衝。漢王遂從蕭何諫。就國。使何主國政。以裕軍食。拜韓信爲大將。以統軍旅。張良參帷幄。不旋踵而還。定三秦。項王分封諸將。自號西楚霸王。都彭城。田榮、陳餘等不得封。舉兵叛。項王北伐。漢王乘間東嚮。略定黃河南北。而至洛陽。爲義帝發喪。楚懷王孫心也。初項懷王、項王入關。旋尊爲義帝。徙江南都彬。項王使人擊殺於江中。率諸侯伐楚。入彭城。會項王還擊。大破漢軍。王與數十騎遁。父母妻子俱爲楚獲。收敗軍。阬滎陽。成臬。以塞楚軍西上之途。別使韓信徇河北。諸王合兵南嚮。以絕楚糧道。時楚漢軍相持於廣武。漢作甬道。以取敖倉食。項王雖屢破之。然英布歸漢。龍且敗死。范增憤卒。勢漸不支。寡助乏食。乃與漢約二分中國。以鴻溝西爲漢。東爲楚。歸漢王父母。解兵而東。漢背約追之。至固陵。韓信、彭越期會不至。張良勸以梁楚地許二人。兵乃會。圍項王於垓下。項王夜從八百騎潰圍走。至烏江。自刎死。漢以魯公禮葬之。時漢王五年也。於是漢王卽帝位。是爲西漢高祖。

三 西漢之興亡

高祖劉邦。字季。沛豐邑中陽里人。秦二世時。起兵於沛。自立爲沛公。往屬項梁。轉戰入關。彼以泗上一亭長。崛起草澤之中。降秦滅楚。統一天下。封建功臣。創立制度。定都長安。以圖百年之大計。恐諸侯強大。主權下墮。竊爲之備。功臣不自安。楚王韓信。先以疑見收。韓趙淮南梁燕諸王。亦先後叛。俱伏誅。六七年間。異姓王國。滅亡殆盡。又懼王室孤立。分封子弟。王者九國。懲前之弊。至有非劉氏而王。天下共擊之之盟。又爲之置丞相。以監督之。厥後景帝時。諸侯王且不得治其民。職官皆不得自置。封建之制。有名無實。專制之立君政治。益實行而鞏固矣。

高祖崩。惠帝愚弱。高后以母后執大權。至欲以呂易劉。未及而卒。周勃陳平等。誅諸呂。迎立高帝子代王恆。卽位。是爲文帝。文帝久在外。通民情。以儉素先天下。故國用蓄積。屢蠲田租。清靜不擾。後世稱治績。爲秦後第一。帝崩。子啟立。是爲景帝。初文帝時。用賈誼言。分封子弟。於是齊分爲齊濟北濟南。菑川膠東膠西六國。而

吳楚等恃其土地之大。不盡臣節。景帝立。從鼂錯勸。削諸王地。吳王濞素與帝有隙。遂舉兵反。楚、趙及膠東、膠西、菑川、濟南六國應之。是爲吳楚七國之亂。北連匈奴。南結東甌。勢頗振。帝命周亞夫征之。亞夫由間道絕敵糧。遂悉平之。大削諸王權。俾僅得食租稅而已。

武帝承景帝後。以其雄才大略。內興學術。外征異族。漢代之盛。至此而極。卽位之初。卽詔郡國舉賢良方正直言極諫之士。科舉之法。卽始於是。罷百家之說。一宗孔子。建大學。置五經博士。專用儒術。因其尊君折民。最便於專制也。兵事屢興。國用不給。則賣官爵。算舟車。設均輸。置平準。禁鹽鐵以裕之。天下騷然。帝又好神仙。惑方士言。遂致巫蠱之禍。起於宮中。太子寃死。晚年雖自悔。下詔謝天下。罷一切。而民力已疲。無復盛時氣象矣。

武帝崩。少帝昭帝嗣。霍光輔政。天下治安。昭帝卒。無子。光以皇后命。立武帝孫昌邑王。旋以淫邪無度廢之。更求武帝曾孫病已立之。是爲宣帝。帝久在民間。諳於

治體郡守有治績者輒璽書獎勵之良吏輩出於斯爲盛宣帝後宦官外戚迭秉政權漢室遂衰至平帝爲王莽所弑立孺子嬰攝政三年而卽皇帝位國號新西漢亡共二百二十九年

西漢世系表 共十二君凡二百二十九年

高祖劉邦(一)——惠帝盈(二)

文帝恆(三)——景帝啟(四)——武帝徹(五)

戾太子據——史皇孫——宣帝病已(八)——元帝奭(九)

昌邑王濞——海昏侯賀(七)

昭帝弗陵(六)

成帝驎(十)

恭王康——哀帝欣(十一)

孝王興——平帝衍(十二)

第二章 中古紀第一期

四 西漢之經畧外國

漢承秦後。天下初定。虐殺功臣。以爲子孫長久爲帝王計。而於翦除外族。擴張權力。殊未之計。高祖卽位後二年。以三十萬衆。困於平城。僅乃得免。後從劉敬計。以公主下嫁。結和親約。成歷史上之污點。南海郡尉趙佗。乘中原之亂。併桂林象郡。自立爲南越王。高祖因而册之。實未能服其心也。降至武帝。承文景休養之後。展其雄才大畧。拓地四方。使路博德討南越。司馬相如開西南夷。張騫通西域。衛霍征匈奴。荀彘平朝鮮。漢族之威。始震於絕域矣。

中國西南部。如四川、貴州、雲南。夙爲西藏族、交趾支那族根據地。漢時。南夷君長以十數。夜郎最大。其西靡莫之屬。以十數。滇最大。自滇以北。君長以十數。邛都最大。大皆有邑聚。椎髻耕田。自成風俗。餘若自桐師以東。北至葉榆。名爲嵩昆明。居民游牧無常所。自嵩東北。君長以十數。冉駝最大。冉駝東北。君長以十數。白馬最大。皆爲氐種。武帝時。唐蒙就蜀賈。請通南夷。受命入夜郎。夜郎聽約。乃置犍爲郡。又

拜司馬相如中郎將。通邛。笮。冉。駹。置都尉。及南越。平。乘勝。平西南夷。置五郡。漢時東南部。浙江之地有東甌。福建之地有閩越。再南卽南越。閩越王無諸。東甌王搖。皆越句踐後。受漢封爵。七國之亂。東甌王從吳。及敗。乃殺吳王濞。謝漢。濞子駒亡。閩越說王擊東甌。東甌北徙江淮間。又伐南越。南越王胡求救於漢。武帝發兵討閩越。弟余善殺王降。帝命爲東越王。與以東甌地。又立無諸孫丑爲越王。領閩越。南越自趙佗卒後。孫胡嗣。後至孫興。因年少。太后預政。欲內屬。國人殺后。及漢使者。余善密與南越通。武帝滅南越。余善反。討平之。悉定東南地。置九郡。朝鮮居中國東北部。周初。箕子率遺民五千遷焉。高祖滅盧綰。燕人衛滿率千餘人赴朝鮮。襲殺王箕準。代爲王。至孫右渠。拒朝漢者。武帝伐之。右渠善守。屢破漢兵。旋遇弒。國亡。於是遠近悉內附。漢分其地爲四郡。匈奴至秦時。被逐塞外。及秦亂。漸踰塞。侵內地。勢日強大。其政體。君長號單于。下設左右二賢王。左賢王居上谷北。治東方。右賢王居上郡北。統西方。單于則治代。

與雲中地。漢初單于冒頓弑父卽位。屢侵山西陝西境。高祖征之。大敗。旋和親。益輕漢。世爲邊患。其領土東自朝鮮。西抵西藏。天山南北諸國。皆爲所屬。武帝時。發大兵破之。取河南地。置朔方郡。帝又聞月氏爲匈奴所逐。建國西域。勢亦強大。乃遣使通之。使夾攻匈奴。當是時。衛青、李廣、霍去病等。日以攻守北邊爲事。屢敗匈奴。降休屠王、渾邪王。進至天山麓。後又大破匈奴。追之漠北。遂斷其與天山南諸國交通路。勢日蹙。漢收河西地。置四郡。匈奴益衰。宣帝時。日逐王率衆降。匈奴西邊全入漢。東地又因自相爭殺。呼韓邪單于降漢。至元帝時。以宮女妻之。遂世稱漢甥。不復寇邊。

漢時西域諸國。今爲青海、西藏、伊犁、新疆地。直至葱嶺以西。地中海以東。南極南海。皆總稱爲西域。葱嶺之西。大國凡四。最西爲條支。其東南爲安息。又東爲大月氏。大月氏東南爲罽賓。大月氏北爲大宛。更北爲康居。康居東南。大宛之東。爲烏孫。烏孫東南。卽匈奴之西。小國綦布。凡三十餘。較大者爲疏勒、于闐、溫宿、龜茲、焉

耆、姑師、樓蘭等。皆臣服於匈奴。武帝欲滅胡。通使西域。爲以敵攻敵計。張騫奉命往。前後十三年。經歷險阻。僅得達其庭。使還。言其風土人情。知身毒去蜀不遠。結烏孫以敵匈奴。因姑師樓蘭。屢辱漢使。命將破之。尋又遣李廣利伐大宛。殺其王。西域震懼。漢威大振。昭帝宣帝時。天山南路諸國悉降。漢命鄭吉統護之。治烏壘城。

五 外戚之禍

上古貴族政體。政權執於多數之大臣。故當主少國疑。不難委任宰輔。及貴族之制漸廢。則主勢孤危。在朝皆羈旅之臣。無可託付。猝遇大故。不能不聽於母后。后本深居宮中。不接廷臣。不能不聽於己之兄弟。或侍御奔走之人。而外戚宦官之局啟矣。漢高祖起布衣。既得天下。自危愈甚。高后剛毅而妬。帝不能制。高祖孝惠相繼崩。高后臨朝稱制。封諸呂爲王。幾易劉氏社。幸得絳侯朱虛侯等討平之。是爲外戚之禍之第一次。文帝母薄太后。景帝母竇太后。皆以退讓聞。至武帝晚年。

女巫往來宮中。巫蠱事起。命江充治其獄。充陷太子。太子殺之。帝怒。后及太子俱死。帝以子弗陵屬霍光。帝崩。光輔政。帝兄燕王旦。以年長不得立。怨望。上官桀爲皇后祖父。以光專權。欲殺光。廢帝立。且事敗。皆伏罪。宣帝立。光夫人顯。毒殺許后。納其女爲后。光卒。時太子爲許后子。顯令女毒之。不得行。因謀廢天子而立禹。光子事覺。夷三族。是爲外戚之禍之第二次。元帝承宣帝後。多病。委政於宦者石顯。弘恭。帝師蕭望之。周堪等諫。恭顯等惡之。讒殺罷黜。擅福威。帝不能制。成帝立。黜石顯。使太后弟王鳳輔政。王氏子弟。遂得分據要津。譚商立。根逢時。同日封侯。世謂之五侯。劉向等諫。不聽。鳳卒。王音。王商。王根。相繼執政。根病。薦從守莽。代己爲大司馬。莽有大志。折節爲恭儉。名譽日隆。至平帝立。年九歲。太皇太后王氏。元帝后臨朝。莽執朝政。一倣周制。自比周公。天下上書頌者。多至四十八萬人。莽遂弑平帝。迎宣帝元孫年僅二歲者立之。號曰孺子嬰。自稱假皇帝。攝政。三年。卽眞皇帝位。國號新。是爲外戚之禍之第三次。而西漢遂與之相終始矣。

六 東漢興亡

新莽既立。官制田制幣制悉更改。從周制。政令無常。賦稅繁重。所在盜起。樊崇起山東。號赤眉。橫行江淮間。王匡新市人同時起兵湖北之綠林山。漢宗室劉秀與其兄續。舉兵舂陵。時人心思漢。王匡等共推更始將軍劉玄。卽皇帝位。續爲大司徒。秀爲太常偏將軍。莽聞東方亂。大懼。命王尋王邑率大兵四十餘萬。下昆陽。劉秀以千餘騎大破之。羣雄響應。威勢大振。更始以猜嫌殺續。秀不敢服喪。尋拜破虜大將軍。命王匡攻洛陽。申屠建攻武關。遂入長安。長安亂。殺莽。莽稱帝凡十五年而亡。王匡拔洛陽。更始都之。旋遷長安。秀時以大司馬徇河北。河北旣定。斬王郎。轉擊銅馬諸賊。降之。南下河內。因諸將勸爲自立計。不西遷。遣鄧禹入關。寇恂守河內。馮異拒洛陽。自引兵徇燕趙。立國之基稍定。遂卽皇帝位於鄴南。是爲東漢光武帝。帝字文叔。南陽蔡陽人。高祖九世孫。系出景帝子長沙定王。是時赤眉攻長安。更始敗亡。旣而降賊。帝使鄧禹、馮異等攻長安。下之。黃河南北及關中之

地略定。然公孫述據四川。隗囂佔隴西。竇融領河西。盧芳結匈奴。王安定。山東江淮間。羣雄割據。不承漢命。光武次第討平之。天下始復一統。


光武以年二十八始起兵。三十一爲帝。四十二悉平羣雄。於是立君政治之主義復行。其後宦官外戚。兩反動力。一起一仆。遂至亡國。蓋西漢外戚盛於宦官。弘恭石顯等。雖執政權。而移漢祚者實維王莽。故宣帝以後。可謂爲立君政體之外戚政治。至於東漢。以外戚制宦官。恆失利。如竇武。何進之被殺是也。以宦官謀外戚。常制勝。如竇憲。梁冀之被殺是也。故東漢之亡。亡於宦官。而自章帝以後。可謂爲立君政體之宦官政治。夫以此不陰不陽。污濁下賤之閹寺。以口舌爲干戈。奪太阿之柄而持之。嗚呼。我青史之不光。抑亦極矣。

光武既定海內。乃退武臣而進文吏。保全同患難之臣。使得以功名終。重儒士。建太學。力獎名節。故學術頗盛。節義士亦多。帝崩。明帝章帝相繼嗣位。勤政樂業。六十餘年。海內無事。然章帝寵竇後。諸竇貴盛。傾馬氏。再開外戚預政之端。厥後皇

統屢絕。權歸女主。外立者五帝。臨朝者六后。定策帷帟。委事父兄。禍敗相踵。自古外戚之禍國。莫甚於東漢。而受禍之大。亦莫甚於東漢也。至桓靈繼祚。叛亂四起。天下分割。獻帝立於董卓。權不自操。卓滅而曹操繼之。擁虛位者三十年。操卒。子丕嗣。帝禪位於魏。東漢亡。凡百九十六年。

東漢統系表 共十三君 凡一百九十六年

光武帝劉秀(一)——明帝莊(二)——章帝烜(三)



七 東漢與異種之關係

新莽既篡。輕侮遠夷。匈奴大怨。東連烏桓鮮卑。西誘西域諸國。頻犯北塞。光武定天下。厭干戈。不之討。益驕恣。未幾國內亂。分爲南北二國。南匈奴先款關內。附光武。賜以美稷地。既而北匈奴亦求和親。明帝時。遣子入學。既而竇固耿秉等。分道四出。伐匈奴。時西域諸國。不通漢者六十五年。匈奴脅之。歲爲邊患。後匈奴使者被殺。西域降漢。勢益衰。南部攻其前。丁零侵其後。鮮卑擊其左。西域制其右。不復自立。章帝末。舉五十八部來降。和帝時。竇憲又擊之。立石燕然山。匈奴遠遁。後鮮卑自東徙而據其地。至魏晉之際。乃大興。

西域於王莽時屬匈奴。光武中興。頗有願屬漢者。屢請都護。帝謝之。明帝時。竇固伐匈奴。使班超郭恂往西域。至鄯善。超斬匈奴使者。威服其主。還白固。固上超功。以爲軍司馬。超與吏人三十六人。復使於闐。誅其所信巫。而鞭其相。王大驚。殺匈奴使者以降。尋疏勒亦降。諸國悉服。會竇固亦討平車師。於是復置都護。戊校尉於後王部金蒲城。已校尉於前王部柳中城。明帝末。復叛。耿恭以孤師抗敵。不克。

引還。悉罷都護等官。西域復絕。班超徵還。至于闐王侯以下。皆號泣抱馬脚。不得行。復還疏勒。上書請兵。征焉耆龜茲。威名大著。遂爲西域五十餘國之都護。駐龜茲。時歐洲羅馬帝國。正拓地西方。西亞。屢破安息。班派甘英使大秦。至條支。臨大海而還。超還。繼者不得入。諸國攜貳。安帝時。罷都護。全失其地。

東夷自武帝後。北地扶餘種有朱蒙者。漸南侵鴨綠江流域。建國曰高句麗。光武時。曾一遣使通好。蒙少子溫祚。併馬韓地。建國曰百濟。又辰韓部落。有朴赫居世者。起領辰韓。建國曰新羅。合之弁韓。亦稱三韓。後屢寇遼東玄菟。與烏桓鮮卑。同爲邊患。烏桓鮮卑。東胡種也。其地東界夫餘。南界右北平。西界匈奴。內分爲二。烏桓居南。鮮卑居北。烏桓初臣服於匈奴。後漸強。光武破匈奴。漠南地空。帝令烏桓居之。爲漢偵候。至安帝後。屢叛擾邊。鮮卑初未嘗通漢。光武時。勢日盛。封爲王。和帝永元中。耿夔破匈奴。鮮卑因此據其地。嗣後叛服不常。桓帝時。大人檀石槐。勇健有智略。部落畏服。立庭於彈汗山。南抄緣邊。北拓丁零。東卻夫餘。東西四千餘

里。南北七千餘里。分其地爲東中西三部。

西羌散居蜀漢徼外。隨水草以游牧爲業。武帝時。開河西。置四郡。隔絕羌胡。羌退依西海鹽地左右。漢置護羌校尉。宣帝時叛。趙充國平之。光武時。燒當羌滇良。破先零等。居大榆。始強。子滇吾稱雄諸羌。數爲邊患。明帝永平元年。馬武擊破之。後迷吾。迷唐。麻奴等。大爲寇掠。東犯趙魏。南入益州。安帝時。邊吏徙郡縣以避難。至順帝時。始平定。然盛衰無常。六朝以後。猶未泯也。

八 外戚宦官之衝突

外戚專政。前漢所以亡也。而東漢諸帝。則增宦官之禍。且因勢不並立。互相傾謀。變起宮廷。影響及天下。東漢二百餘年。幾盡成外戚宦官衝突之史。亦云劇矣。明帝母陰皇后。章帝母馬皇后。外家皆封侯貴盛。至和帝母竇后臨朝。以兄憲掌機密。諸弟皆顯。壻郭舉得幸于太后。謀弑逆。帝知之。與中常侍鄭衆謀。殺黨竇氏者。收憲印綬。迫就國。令自殺。以鄭衆爲大長秋。宦官執權自此始。是爲外戚宦官衝

突之第一次。安帝廢太子爲濟陰王。及道卒。閻皇后與兄弟謀。不發喪。驅馳還宮。立北鄉侯懿。卽皇帝位。太后臨朝。未期年卒。宦者孫程謀立故太子保。誅后兄顯。及弟景、耀、晏等。保卽帝位。是爲外戚宦官衝突之第二次。順帝崩。沖帝卽位。梁太后臨朝。二年。帝崩。太后與兄冀謀立質帝。未幾。冀進毒弑之。立桓帝。專政二十餘年。及太后崩。帝與中常侍單超等五人謀。勒兵圍冀第。冀自殺。多株連者。帝封五人爲侯。宦者勢益盛。名士李膺、陳蕃等。激揚氣節。指斥宦官。大學諸生三萬餘人。承其風。爭論時事。宦者憚之。乃誣告膺等。與大學諸生結黨。壞朝廷綱紀。帝怒。捕黨人。后父竇武疏救之。得赦。禁錮終身。史稱黨錮之禍。是年桓帝卒。是爲外戚宦官衝突之第三次。靈帝立。以太后父竇武爲大將軍。與陳蕃共執政。時中常侍曹節、王甫等。詔專太君。會日食。蕃武謀斥宦官。機洩。曹節挾帝御殿。以兵劫太后。收陳蕃殺之。與武對陣闕下。武兵降。畧盡。遂自殺。節甫等恃權放恣。是爲外戚宦官衝突之第四次。靈帝崩。皇子辨卽帝位。尊母何后爲太后。臨朝。以兄何進爲大將。

軍。錄尙書事。因與董太后不和。收董重。又聽袁紹言。謀誅宦官。事急。宦官張讓以計誘進殺之。宮內大亂。宦官亦多誅死。帝倉皇出走。是爲外戚宦官衝突之第五次。後獻帝威權盡失。天下分崩。歷數百年。至唐始定。遂爲漢族中衰之世。

中古紀第二期

一 三國興亡

外戚宦官之禍。遂至內政紊亂。實權旁落。此因其現象言之也。至於學術之弊。移易人心。當東漢時。實中讖緯流行之餘毒。創此說者。假託黃老。文旨奇妙。炫耀當世。以促人之迷信。神仙之說。一轉而爲鬼神妖怪。會稽許生。以妖術惑民。稱帝於句章。巴郡張修。以術療病。而立五斗米道。張魯應之。鉅鹿張角。以符水治病。收徒衆至十餘萬。而爲太平道。帝遣盧植。皇甫嵩。朱雋等討之。屢蹶屢振。及張角兄弟俱歸。而餘黨散佈。先後作亂。四方響應。交趾則反於南。先零則寇於西。盜賊之起。殆不勝數。靈帝猶不悛。宦官張讓等十三人。皆封列侯。及崩。少帝立。何進宮庭變。

起董卓勒兵河東入覲。卓迎帝於北邙阪下。領有何進、丁原部曲。勢益張。脅太后。廢少帝。而立陳留王。是爲獻帝。

兩漢承秦制。立郡縣。武宣以後。州牧有黜陟部屬之權。且久於其任。及世亂。咸有覬覦非分之心。託名討賊。勤王。或聯合。或獨立。同時俱起。擾攘數年。互爭雄長。而朝內董卓擅權。無惡不爲。司徒王允。謀誅卓。說卓義子呂布爲內應。初平三年四月。誅之。卓黨舉兵反。殺王允。帝被劫。時曹操敗黃巾。據兗州。攻陶謙。勢甚大。在許。聽謀士荀彧言。以兵詣洛陽平亂。自爲司隸校尉。迫帝遷都於許。挾天子以自重。先擊南軍袁術滅之。建安二十年。進爵魏王。用天子車服。弑伏后。立丕爲王太子。操沛國譙人。字孟德。稱爲相國。曹參後。桓帝時。曹騰爲中常侍。封費亭侯。養子嵩嗣。不詳所出。操其子也。

先是獻帝西遷。卓挾帝遷長安天下殆無政府。關東諸侯起兵討卓。推袁紹爲盟主。事不成。各圖自立。公孫瓚據遼東。公孫瓚據直隸。袁紹在其西。據山西。紹弟術據河

南安微聞。劉表據湖北。孫堅據湖南。然紹與術兄弟不相能。術與公孫瓚。孫堅相結。紹與劉表結。拓地河北。斬公孫瓚。旋爲操敗。卒後二子爭立。操併其地。又北破烏桓。南擊劉表於襄陽。表卒。子琮降。有席捲江南之勢。建安十三年。敗於赤壁。十七年秋。擊張魯。魯降。引還。及爲魏王。益驕恣。孫權見逼於蜀。稱臣勸進。二十五年卒。子丕嗣。受獻帝禪於繁陽。是爲魏文帝。都洛陽。有直隸。山東。山西。河南。陝西。湖北。諸省。領中原必爭之地。文帝時。使司馬懿拒蜀。屢自將伐吳。不克。在位七年。卒。子叡立。是爲明帝。公孫淵據遼東。屢通吳。帝遣司馬懿滅之。明帝卒。子芳立。曹爽執政專橫。司馬懿殺之。自握政柄。魏諸帝多刻薄。疏骨肉。帝室孤立。懿死。子師繼政。廢帝而立明帝姪髦。師死。弟昭繼。封晉公。帝謀誅昭。反被弑。而立文帝姪。是爲元帝。昭遣將滅蜀。進封晉王。及子炎嗣。迫元帝禪位。是爲晉武帝。凡四十五年而亡。

靈帝時。吳人孫堅討賊許生及區星。封烏程侯。舉兵討卓。與袁術合。既而入洛陽。

於宮井中得傳國璽。娶吳氏。生四子。長策。次權。堅出從軍。留家壽春。及堅卒。策還葬。渡江。居江都。結納豪傑。術見而奇之。以千餘人付策。以助吳景孫。賁拒劉繇。所向皆捷。威震江東。又渡浙江。破王朗。以方物獻帝。封吳侯。周瑜、魯肅皆棄官從策。策卒。弟權代立。與劉備合兵。破操。旋以不待荊州。怨備。與魏共擊關羽。殺之。備自將東下伐吳。又敗之於猇亭。奄有安徽、浙江、江西、福建、廣東、湖北、湖南諸省地。恃長江險以自固。會魏蜀交兵。吳王權乃卽皇帝位。都建業。屢擊魏無功。權卒。子亮嗣。二傳滅於晉。

劉備。字玄德。涿郡人。景帝子中山靖王勝之後。與公孫瓚師事盧植。黃巾亂起。依瓚。河東關羽。涿郡張飛。少相友善。及爲平原相。羽飛以別部司馬。分任部曲。恩義如兄弟。又奇瓚部將趙雲。深爲結納。旋歸陶謙。謙表爲豫州刺史。屯小沛。謙病篤。以徐州讓備。備領之。爲呂布所攻。歸操。厚禮之。時袁紹據河北。與操對峙。二軍相持於官渡。操在許。專橫益甚。備密受衣帶詔誅操。乘機走歸袁紹。紹爲操所敗。憤

死。備歸劉表。得瑯琊諸葛亮於隆中。亮輔備。說孫權合兵。大破操兵於赤壁。旋領荊州。平西蜀。下漢中。而定帝業之基礎。及曹丕篡漢。羣臣勸進繼漢統。卽帝位於成都。是爲昭烈帝。先是關羽守荊州。被害於吳。帝卽位。伐吳。張飛率萬人會江州。部下乘醉殺之。亡歸吳。怨吳益甚。自巫峽連營至彝陵。吳火攻之。兵潰走。歸白帝城。翌年。子禪嗣。用諸葛亮計。聯吳。復征蠻。以絕南顧憂。出屯漢中。以圖魏。屢破魏兵。與司馬懿相拒於祁山。渭南。分兵屯田。卒於軍。葬定軍山。姜維繼其志。數伐魏。無功。炎興元。年秋。魏遣鄧艾。鍾會。將兵入蜀。姜維戰敗。退守劍閣。艾自陰平鑿險開道。敗諸葛瞻於綿竹。至成都。帝出降。漢亡。維詐降。圖恢復。不成而死。自昭烈至是。凡四十三年。

三國統系表 蜀漢二君凡四十二年 魏五君凡四十五年 吳四君凡六十年

(蜀漢) 昭烈帝劉備(一)——後主禪(二)

(魏) 武王曹操——文帝丕(一)——明帝叡(二)——廢帝芳(三)

東海定王霖——廢帝髦(四)

燕王宇——元帝奐(五)

(吳)烏程侯孫堅——大帝權(一)——南陽王和——歸命侯皓(四)

廢帝亮(二)

景帝休(三)

二 西晉之興亡

東漢之末。羣雄各據一方。智勇相制。風雲變色。曹操據北魏。以權術制一世。孫權據東吳。以意氣相尚。劉備據西蜀。以寬厚待人。成鼎足之勢。其不轉瞬而亡於晉者。蓋當時傑出之主。各抱帝王思想。勢均力敵。分裂天下。成一割據之政府。及晉司馬懿以權略創業。不亞魏武。子師昭才略智計。遠出魏蜀吳主之上也。及昭子炎嗣。迫元帝禪位。十六年。吳帝淫虐。王濬杜預等滅吳。自漢末至是。凡八十餘年。天下復一統。

司馬氏。楚漢時。司馬卬之後也。卬爲殷王。有河內地。卒後。漢以其地爲郡。因家焉。十三傳。卒懿。孫炎代魏稱帝。鑒於漢末刺史。內親民事。外領兵馬之失。卽位後。罷之。令分職而治。以固其帝位。晚年耽遊宴。怠政事。武帝崩。惠帝嗣。昏愚不識事理。賈后專政。驕恣無道。廢太后。殺姬姜及太子。干涉朝政。內憂外患。一時猝發。晉以是大覆。

先是武帝懲魏敗。封子弟於四方。故諸王勢望重。漸懷覬覦意。武帝死。弟汝南王亮。受遺詔輔惠帝。太后父楊駿專政。亮黜。亦恣威福。賈后與楚王瑋謀殺之。尋又誣殺瑋。淫虐日甚。於是趙王倫勒兵入宮。廢后殺之。逼帝禪位自立。齊王冏。武帝姪成都王穎。武帝子河間王顥。宣帝姪孫共舉兵討倫殺之。迎惠帝復位。冏輔政。擅權。長沙王乂。武帝子舉兵殺冏。顥與穎舉兵反。乂與戰。東海王越。宣帝姪收乂納外兵。尋又奉惠帝。逐二王。晉室分崩。互相殘殺者。凡十六年。稱爲八王之亂。帝中毒崩。太弟熾立。是爲孝懷帝。時匈奴強。大洛陽城破。漢劉聰徙帝於平陽。旣而弑之。凶問至。

太子業卽位於長安。是爲孝愍帝。三年。漢劉曜陷長安。帝出降。西晉亡。

三 夷狄亂晉

兩漢以來。疆域廣大。塞外諸族。徙居內地者日衆。劉淵。匈奴也。而居晉陽。石勒。羯也。而居上黨。姚氏。羌也。而居扶風。苻氏。氐也。而居臨渭。慕容。鮮卑也。而居昌黎。郭欽。江統輩。屢請懷之。以絕後患。晉不能用。入王亂起。羌胡乘間而起。割據諸方。我民族失地失權。先後殆三百年。未始非我國民氣不昌之所致也。

匈奴以先世爲漢婿。冒姓劉氏。入居塞內。魏武分其衆爲五部。左賢王劉豹。單于於扶羅之子也。爲左部帥。子淵。初爲任子。在洛陽。有大志。豹卒。淵繼立。惠帝時。受命爲五部大都督。晉亂。淵託言至左國城。匈奴餘衆。推爲大單于。國號漢。懷帝永嘉二年。稱帝。徙都平陽。遣子聰等逼晉。及卒。子和立。其弟劉聰殺而代之。遣劉曜。石勒等攻晉。入洛陽。執懷帝。既而又陷長安。愍帝羊車出降。令行酒洗爵。又使執蓋以辱之。旋被殺。漢疆宇跨河北。河南。山東。關中。奄有中國之大半。聰卒。有內亂。

劉曜以淵族子自立於長安。改國號爲趙。石勒與曜有隙。自立於襄國。稱趙王。史以前後別之。二分漢地。曜據關中。拓地隴西。勒據河北。併山東。而以洛陽爲界。旋互攻伐。曜攻金墉。與勒戰洛陽。大敗被擒。漢土悉歸勒。勒遂稱帝。擊東晉。拓地江淮間。成帝咸和八年。勒卒。子弘立。從子虎弑弘代之。自稱趙天王。都鄴。及死。各爭王位。大將軍冉閔篡國。稱魏帝。石氏族滅。

當時巴蜀之地。有李特者。其先巴西蠻種也。特兄弟以流民入蜀。刺史羅尚擊殺之。弟流代領其衆。流死。特子雄代之。逐羅尚。取成都。稱帝。國號成。併四川貴州地。勢頗振。雄死。弟壽嗣。改國號漢。史稱成漢。傳子勢。滅於東晉。

匈奴內附。鮮卑繼起。至晉世有段宇文慕容拓跋秃髮。乞伏諸族。徧布北邊。而慕容拓跋氏爲尤著。武帝時。慕容廆爲鮮卑都督。徙居大棘城。修政撫民。日以強盛。廆自稱鮮卑大單于。卒。子皝嗣。稱燕王。史稱前燕。勢日熾。都龍城。西摧段氏。南卻後趙。東伐高句麗。北滅宇文氏。襲扶餘。虜其王。子慕容儁立。滅冉閔。奠都鄴。稱帝。

併山東。畧河南。子暉滅於前秦。

拓跋氏世居漠北。俗以索辯髮。故號索頭部。三國末。力微爲可汗時。徙居盛樂。及卒。少子祿官爲可汗。分國爲三。一居上谷北。自領之。一居代郡北。兄子猗廬統之。一居盛樂。佗弟猗廬統之。佗渡漠北。巡降者三千餘國。及佗與祿官卒。盧總攝三部。勢始盛。後趙末。拓跋什翼犍爲可汗。大拓疆土。晚年內亂起。前秦苻堅滅之。分代爲二。自河以東屬南部。大人劉庫仁。以西屬劉衛辰。代幾滅。世子實早卒。孫珪尙幼。母賀氏以珪依庫仁。未幾苻堅亡。拓跋珪糾合故衆。復據盛樂。國號魏。史稱爲後魏。滅後燕。徙都平城。卽帝位。是爲後魏道武帝。初洛陽臨渭氏酋蒲洪。多權畧。羣氏畏服之。自稱洛陽公。南安赤亭羌姚弋仲。亦有威望。東徙榆眉。隨者數萬。自稱扶風公。二人皆附趙。又事後趙。封都督。石遵罷洪都督。洪怒。降晉。及閔篡趙。洪改姓苻。旋被毒死。子犍。平亂入長安。自稱秦天王。尋稱帝。桓溫北伐。秦三輔皆降。秦兵旋勝。明年。犍卒。子生立。殘虐。從弟堅弑之。得

北海王猛委之以政。秦大治。富彊莫敵。滅前燕、前涼。前涼爲重華所建。重華、晉涼州將張軌之曾孫也。張氏世臣於劉曜。石勒及後趙衰。重華乃獨立。稱前涼王於姑臧。東畧隴西。西擊龜茲、鄯善。勢益彊。及天錫嗣。荒於酒色。秦滅之。苻堅更命將軍呂光徇西域諸國。又奪拓跋氏地。於是苻堅定天下之七八。塞外之來朝貢者六十餘國。時王猛已死。堅意驕奢。欲併吞江南。統一天下。大舉伐晉。戎卒六十餘萬。騎二十七萬。晉大破之於淝水。堅狼狽走還。勢驟衰。慕容冲攻之。堅出奔。被執而死。子丕稱帝晉陽。後爲晉邊將所殺。丕族子登自立於南安。姚興殺之。太子崇奔涅中。爲乞伏乾歸所殺。前秦亡。

前秦自淝水敗後。叛者紛起。慕容垂結先零。稱燕王。據中山。徇河北。史稱後燕。羌酋姚弋仲子萇。併關中。奄有隴西河西地。史稱後秦。氐酋呂光奉堅命征西域。下三十餘國。及堅敗。據姑臧。統河西地。史稱後涼。隴西鮮卑乞伏國仁據隴右。史稱西秦。慕容冲據阿房。史稱西燕。先後俱起。時後燕主熙爲高雲所弒。自立。五年。雲

又被弑。馮跋遂即帝位。北據龍城。史稱北燕。後燕既亡。其族慕容德。南據滑臺。史稱南燕。後秦姚萇子興。略河南地。服西秦。滅後涼。鮮卑秃髮烏孤。據河湟青海間。史稱爲南涼。及匈奴裔沮渠蒙遜。據張掖。史稱爲北涼者。皆稱藩後秦。一時爲盛。及劉裕北伐。先滅南燕。次及後秦。洛陽長安皆下。急圖篡竊。不能久守。引還。旋爲夏王赫連勃勃所得。先是秦王姚興。使劉勃勃鎮朔方。勃勃衛辰子也。遂叛。自謂夏后氏之苗裔。國號大夏。築統萬城都之。改姓赫連。既逐晉守兵。奪關中。稱帝。西秦先滅南涼。至是夏又滅西秦。有隴西地。又有隴西人李勗。據敦煌。史稱西涼。傳子歆。爲蒙遜所滅。統一河西地。而青海河湟間。則爲鮮卑支族吐谷渾所略。故關西地有夏及北涼吐谷渾。三國鼎立。至魏太武帝。善用兵。滅北燕。擊夏。夏主定又爲吐谷渾所敗。執送魏。殺之。破北涼。降其王。尋又降吐谷渾。諸國畧盡。據有秦晉燕齊地。是爲北朝元魏。


五胡十六國表

中古紀第二期

北燕	西涼	前涼	南涼	南燕	西秦	後燕	前燕	國號
馮跋	李暠	張重華	禿髮烏孤	慕容德	乞伏國仁	慕容垂	慕容皝	始祖
	漢族		鮮卑	鮮卑	鮮卑	鮮卑	鮮卑	種族
					通古斯族			
後秦	後涼	前秦	成漢	後趙	夏	北涼	漢	國號
姚萇	呂光	苻洪	李雄	石勒	赫連勃勃	沮渠蒙遜	劉淵	始祖
羌	氏	氏	氏	羯	匈奴	匈奴	匈奴	種族
	西藏族				土耳其族			

十六國興亡表

夷狄亂晉



(秦)苻洪——健(一)——生(二)
雄——堅(三)——丕(四)……登(五)——堅從孫——崇(六)

(後秦)姚弋仲——萇(一)——興(二)——泓(三)

(西秦)乞伏國仁(一)

乞伏乾歸(二)——熾盤(三)——暮末(四)

(夏)劉衛辰——赫連勃勃(一)——昌(二)——定(三)

(前涼)張軌——寔——駿(二)——重華(三)——曜靈(四)
茂(一)——祚(五)——玄靚(六)
天錫(七)

(後涼)呂光(一)——紹(二)
寶——隆(四)——纂(三)

中古紀第二期

(南涼) 秃髮烏孤(一)

秃髮利鹿孤(二)

秃髮傉檀(三)

(北涼) 段業(一)……沮渠蒙遜(二)——牧健

(西涼) 李暠(一)——歆(二)


四 東晉之興亡

晉琅邪王睿者。於懷帝爲再從兄弟。都督揚州。鎮建康。以王導爲謀主。得卞壺庾亮等百餘人。江東歸心。愍帝以睿爲丞相。都督諸軍。長安陷。官屬勸卽晉王位。明年。遂卽帝位。是爲東晉元帝。帝素優柔。無北伐志。時太尉王衍弟敦。爲鎮東大將軍。都督六州軍事。導專機政。王氏子弟極貴盛。帝忌之。稍抑王氏。敦遂舉兵武昌。以清君側爲名。叛。導待罪。帝宥之。敦入石頭城。欲廢太子。賴溫嶠等衆論得免。敦不朝。還武昌。帝憂憤卒。太子紹立。是爲明帝。命王導督諸軍平亂。三年崩。子衍立。是爲成帝。年五歲。王導與庾亮、卞壺等輔政。歷陽太守蘇峻恃功叛。逼建康。陶侃

入援。斬之。侃旋卒。庾亮代鎮武昌。遙執朝權。欲規復中原。不果而卒。以弟翼代之。翼慷慨喜功名。欲復巴蜀地。時成帝崩。弟康帝立。二年崩。子聃立。是爲穆帝。是歲。庾翼卒。帝以桓溫代統軍事。成漢主李壽已卒。子勢立。驕淫不恤國事。溫伐之。拜表卽行。直指成都。陷之。勢出降。威名大振。會殷浩連年北伐無功。溫上疏請廢之。免爲庶人。自是內外大權歸溫。永和十年。溫北伐前秦。轉戰至壩上。三輔皆降。旋不利。引還。敗姚襄。入洛陽。置戍歸。及哀帝時。慕容恪及垂。畧取河南地。洛陽復陷。帝奔時。桓溫伐燕。至枋頭。爲慕容垂所敗。而還。廢帝。立簡文帝。以張權勢。及簡文崩。子孝武帝嗣。溫頻諷朝廷禪位。王坦之謝安故緩其事。溫不遂志而死。時苻堅統一江北。舉大兵南侵。晉謝安從子玄。督衆八萬禦之。大破之於淝水。苻堅僅以身免。後江東無事。帝嗜酒流連。張貴人弒之。太子德宗立。是爲安帝。帝不慧。寒暑飢飽都不辨。桓溫子玄。負門第。圖不軌。舉兵入建康。劉裕起兵京口破之。玄走死。帝復位。裕北伐。拔洛陽。入長安。滅後秦。裕急欲篡晉。引還。弒安帝而立恭帝。尋

受禪自立。是為南朝宋武帝。東晉亡。合東西晉凡百五十六年。

兩晉統系表 共十五君 凡一百五十六年



五 南北朝之興亡


炎運一傾。魏晉踵起。漢族之威。頗不復振。至於東晉偏安。五胡擾亂。中原王氣。幾乎熄矣。大併小。強兼弱。漢土遂分為南北二大國。宋因晉遺業。有中南二帶。即古吳越楚蜀之地。魏有北帶。即古秦晉燕齊之地。兩主各稱至尊。而不相下。迨至陳

後主。縱情酒色。爲隋軍所俘。天下始復統一。

宋高祖劉裕。彭城人。清簡寡欲。嚴整有法度。即位後三年崩。太子義符立。遊戲無度。徐羨之。傅亮。謝亮。弑之。迎立義隆。是爲文帝。二十餘年。號爲小康。厥後魏明元帝乘機畧河南地。文帝亦乘太武與柔然構兵。因伐魏。太武適自北還。自將破宋軍。所過殘滅。赤地無餘。春燕歸巢於林木。邑里蕭條。元嘉之政。自此衰矣。太子劼多過失。數被詰責。使巫祝詛帝。事覺。帝擬廢之。劼弑帝自立。弟駿舉兵討劼。誅之。宋人立之。是爲孝武帝。在位十一年崩。子子業立。孝武疎忌骨肉。多誅殺。至于子業尤甚。幽其諸父。湘東王彧等於殿內。毆捶陵曳。無復人理。宋人弑之而立彧。是爲明帝。弟子勛舉兵尋陽。明帝擊滅之。遂殺孝武子十餘人。帝寢疾。以太子幼弱。懼見逼。盡殺諸弟。及病篤。桂陽王休範。與褚淵。袁粲。沈攸之等。並受顧命。淵薦蕭道成共掌機事。及帝崩。子昱即位。驕恣嗜殺。一日不殺。則慘然不樂。蕭道成弑之而立其弟準。是爲順帝。袁粲。沈攸之等謀誅道成。不克而死。道成爲相國齊公。尋稱

王順帝二年禪於齊。泣而彈指曰。願後身世世勿復生天王家。齊人族滅之。宋凡五十九年而亡。


南朝宋統系表 共八君凡五十九年



蕭道成受宋禪。即帝位。是為齊太祖。深沈有大度。性清儉。身不御精細物。四年崩。子頤立。是為武帝。嚴明有斷。郡縣久於其職。故永明之世。盜賊屏息。十一年崩。子長懋早卒。孫昭業立。狂昏好與羣小作諸鄙戲。尚書令蕭鸞者。高帝兒子也。弑之。立其弟昭文。僅四月。鸞奪其位而自立。是為明帝。初高帝優待明帝。恩過己子。而太子長懋惡之。自是得志。殺高武子孫。殆無遺類。四年崩。子寶卷立。是為廢帝。東昏侯。後宮火。乃起芳樂。玉壽。諸殿。窮極綺麗。鑿金為蓮花貼地。使潘妃行其上。曰。

此步步生蓮花也。百姓困盡。南康王寶融。卽位於江陵。遙廢之。是爲和帝。寶卷在位時。屢誅大臣。將軍崔慧景叛。豫州刺史蕭懿鎮定之。封尙書令。旋被殺。弟衍起兵襄陽。融卽位。以衍爲左僕射。督諸軍圍建康。齊人弒寶卷迎之。衍自爲相國。和帝至姑孰。禪位於衍。衍殺之。齊亡。凡二十四年。

南朝齊統系表 共七君凡二十四年



梁武帝蕭衍卽位。勤於政務。早起視事。身衣布衣。一冠三年。深崇佛法。長齋斷魚肉。屢捨身同泰寺。羣臣每以錢一億萬贖之。太清元年。東魏侯景。因高歡卒。舉河南十三州附梁。帝遣從子蕭淵明與侯景伐魏。大敗。淵明被獲。景南走。據壽春。梁使鎮其地。已而梁與東魏和。景怨之。會蕭正德叛。引景兵圍臺城。築長圍以絕內

外時武帝在位四十八年。江南無事。武備全廢。及景叛。舉國崩解。無能防禦者。帝遂以景爲大丞相。結和未幾。憂憤死。子簡文帝立。三年。景弑之。立武帝曾孫棟。尋又廢之。自立稱帝。是時梁諸皇子羣起。討侯景。蕭繹據江陵。弟綸據江夏。孫贍據襄陽。然骨肉不和。宇文泰乘之。遣兵取梁之巴蜀。綸降東魏。會北齊受東魏禪。乘亂畧江淮地。梁封土日蹙。蕭繹遣王僧辨與陳霸先共討景。誅之。繹卽位江陵。是爲元帝。嘗先降西魏。及宇文泰伐梁。殺元帝。乃立嘗爲梁王。使保湖北地。史稱後梁。爲西魏屏藩。王僧辨、陳霸先奉元帝子方智承制。齊文宣帝納蕭淵明於梁。僧辨更迎之。爲霸先所殺。方智卽位。是爲敬帝。霸先爲相國。尋篡位。梁亡。凡五十六年。

後梁宣帝蕭詧爲魏所立。所統數郡而已。魏亡。臣於周。周亡。又臣於隋。隋徵入朝。廢國。後梁亡。

武帝蕭衍(一)

簡文帝綱(二)

孝文帝繹(三)

敬帝方智(四)

統——宣帝賁(後一)——孝明帝繼(後二)——高公琬(後三)

陳武帝在位二年崩。兄子蒨立。是爲文帝。起自艱難。知民疾苦。性明察。每夜敕傳更籤於殿中者。必投階上。令鏘然有聲。曰。吾雖眠。亦令驚覺。其自警如此。七年崩。子伯宗立。叔安成王頊廢之而自立。是爲宣帝。十四年崩。子叔寶立。耽佚遊。起三高閣。飾以珠玉。政刑廢墮。文武解體。隋伐陳。叔寶謂侍臣曰。王氣在此。彼何爲者。尚書孔範曰。長江天塹。虜軍豈能飛渡耶。臣每患官卑。虜若渡江。臣定爲太尉公矣。範常以文武才自負。故大言若此。叔寶然之。縱酒賦詩。不輟。明年。隋賀若弼自廣陵濟江。陳人不覺。韓擒虎自橫江浦。脊濟采石山。守者皆醉。不能拒。沿江諸戍。望風盡走。擒虎入建康。叔寶自投於井。隋俘之歸。陳亡。凡三十三年。

南朝陳統系表 共五君 凡三十三年

文帝蒨(一)——廢帝伯宗(三)

中古紀第二期

八十五

陳道譚

武帝陳霸先(一)

宣帝項(四)——後主叔寶(五)

魏道武帝爲子所弑。經明元帝。至太武帝。勇健善用兵。滅諸小國。當宋元嘉時。南北對峙。北狄別種有柔然者。道武時起於漠北。奪高車地。其酋社崙。自稱可汗。與魏爲敵。社崙死。從弟大檀立。太武親征。大敗之。追至菟園水。後又屢敗之。自是柔然屏跡。於是東至高麗。西至波斯。前後來貢。後魏國威震絕域。又破宋軍。經營四方。國庫頗虛耗。太武晚年遇弑。嫡孫文成帝靖亂卽位。與民休息。國稍安。宋子業景和元年。帝崩。子弘立。是爲獻文帝。取宋淮北地。獻文聰明有才略。然好佛老。懷遺世志。年僅十八。傳位於宏。是爲孝文帝。自稱太上皇。仍聽政。母馮太后。幸尙書李弈。帝誅之。太后怒。毒殺帝。臨朝。孝文仁孝好學。馮太后死。帝親政。興禮樂。定制。度。後魏文物。始有可觀。帝惡其國俗鄙陋。乃遷都洛陽。改國姓爲元氏。禁胡服。胡語。使宗室與中國名族結婚。自是華侈柔弱之風漸行。而國勢之衰兆已見。及卒。


宣武帝嗣。疏宗族。任嬖倖。國政寔亂。子孝明帝立。胡太后稱制。內行不修。紀綱大壞。初魏都平城時。置六鎮。以備屏藩。及南遷。將士怨望。六鎮悉叛。有爾朱榮者。平定之。以功都督軍事。勢頗張。適太后殺帝。榮以清君側爲名。入洛陽。弑胡太后。立孝莊帝。帝自誅榮。榮族叛。弑帝而立節閔帝。鎮將高歡。乘爾朱氏失民望。破之。入洛陽。廢帝而立孝武帝。以功開府晉陽。孝武謀誅歡。歡擁兵入洛陽。帝西奔。依宇文泰。泰。鮮卑種也。至是爲大丞相。已而弑帝。奉文帝征歡。歡立孝靜帝以抗之。相拒於潼關。魏於是分爲東西。時梁武帝大同元年也。十三年。高歡死。子澄嗣。都督侯景與澄有隙。降魏。澄密謀受禪。屏左右。蘭京作亂。進食。置刀盤下。殺之。弟洋討平羣賊。嗣爲丞相。逼靜帝禪位。尋殺之。東魏亡。西魏宇文泰崇儒好古。舉蘇綽爲尚書。爲六條詔書。令百司習誦之。頒新制三十六條。使刺史守令皆依之。綽卒。泰步送葬。泰以太帥秉魏政。文帝充位而已。文帝崩。太子欽立。謀殺泰。泰廢而弑之。立其弟廓。是爲恭帝。及泰卒。子覺襲職。從兄宇文護受顧命輔之。翌年。廢帝。覺稱

高洋既篡東魏而自立。是爲北齊文宣帝。初卽位。頗勤政。後自矜功業。嗜酒淫侈。每醉。輒殺人。以爲戲。諸王大臣。寃死者甚衆。尋收魏宗室二十五家。棄諸元七百餘人於漳水。幸楊愔攝機衡。百事頗修。帝崩。太子殷立。叔父演廢之而自立。是爲孝昭帝。及崩。弟湛立。是爲武成帝。武成淫虐。不滅文宣。彗星見。因祖珽言。傳位太子緯。自稱太上皇。仍總大政。翌年崩。緯亦昏亂。陳取沿淮諸郡。尋周武帝聞亂來伐。圍鄴。帝傳位子恆。而走出。周追獲之。悉平齊五十州。齊亡。

北周宇文覺。既稱帝。封護爲晉公。而惡其專權。密謀除之。事洩。護弑之。而立兄毓。是爲明帝。明敏有識。護又憚而毒殺之。因帝遺命。弟邕立。是爲武帝。帝深沈有遠識。以護秉政。深自晦匿。護受太祖顧命。擅威福者十六年。帝與弟直謀。引護見太后。謂之曰。太后好飲。屢諫不納。出酒語與之。曰。願兄以此入諫。護入讀未畢。帝以玉挺自後擊之。踣於地。被殺。帝始親政。太后崩。行三年喪。毀諸淫祠。滅齊。一時稱治。及崩。子贇立。是爲宣帝。立楊堅女爲后。以堅爲大司馬。帝淫戲無度。立未一年。

傳位子闡。是為靜帝。自稱天元皇帝。驕侈彌甚。所居名天臺。令朝者致齋。立五后。公卿以下。常被楚辱。及崩。靜帝幼。堅輔政。自為大丞相。秉周政。僅九月。受帝禪。周亡。安坐而取二百餘州。自古篡國之易。未有如堅者也。

北齊統系表 共六君 凡二十八年



北周統系表 共五君 凡二十年



六 塞外之隆替

北魏拓跋氏。既以東胡遺孽。再興塞北。征略華夏。奄有中原北帶地。及太武帝。威震西陲。龜茲疏勒烏孫以下諸國。皆來貢。魏亦遣使西域。宋元嘉時。又命董琬等。經天山南路。自烏孫至破洛那。親征鄯善。擒其王。諸國皆臣服。又屢敗柔然。及遷都後。柔然伏古敦可汗伐魏。高車之阿伏至羅諫。不聽。怒。帥部落西走。自立爲王。柔然大衰。後高車又叛魏。魏征而降之。柔然至梁天監時。破高車。滅鄰國。勢復盛。遣使請和於魏。用敵國禮。魏明帝使依漢討匈奴故事。後五年。國內亂。魏議置故酋阿那瓌於吐若奚泉。置其從兄婆羅門於西海郡。柔然分爲二。旋叛。婆羅門被執。死洛陽。阿那瓌終不能制。至東魏。乃以金帛結其歡心也。

柔然屬部有突厥者。本平涼雜胡。匈奴別種也。姓阿史那氏。魏太武滅且渠氏。阿史那以五百家走柔然。居大金山之陽。以城如兜鍪。因以爲號。後魏末。始通中國。西魏時。求婚柔然。被斥。大破柔然。自立爲伊利可汗。未幾死。弟木杆俟斤立。善用兵。攻柔然。柔然奔齊。文宣帝天保四年。齊廢可汗庫提。而立阿那瓌子菴羅辰。置

之於馬邑川。及往突厥擊滅之時。木杆強盛。西破嚙達。東走契丹。北并契骨。威振海外。拓地東至遼海。西極西海。長約萬里。南北亦廣五千里。勢力強盛。至唐時而與漢族起大衝突。

先是東胡部酋有莫賀弗勿干者。帥部落萬餘口入附。居於白狼水即老河之東。厥後酋軻比能爲魏所殺。衆遂微。保有漢水南黃龍北地。至北魏。自號契丹。日益強。大宋時中原漢族。大受其蹂躪。卽此族也。

中古紀第三期

一 隋之興亡

隋文帝楊堅。後漢太尉震之後也。既卽帝位。七年。併後梁。翌年。伐陳。一舉滅之。自東晉元帝南渡後。至此共二百七十三年。漢土始復歸於一。文帝頗有治才。所更定刑法官制。後世多沿用之。又輕賦稅。愛養百姓。故受禪之初。民戶不滿四百萬。末年乃踰八百萬。然性猜忌。功臣故舊。無始終保全者。初太子勇參決政事。時有

損益。帝嘉納之。獨孤后嫉之甚。勸帝廢爲庶人。立子廣。帝有疾。召廣。廣預擬。帝崩。後事爲書問楊素。素答報。誤送帝所。帝大悲。又因所寵陳夫人爲廣所逼。益怒。將召故太子勇。廣懼。弑帝卽位。是爲煬帝。性喜豪華。以長安爲西京。以洛陽爲東都。築西苑。引沁水南達於河。北通涿郡。開通濟渠。自西苑引穀洛水達於河。引河入汴。引汴入泗。以達於淮。開邗溝。永渠。濟河。後又穿江南河。自長安舟行。可達江南。增築長城。鑿太行山。通馳道。營晉陽。汾陽二宮。民苦徭役。帝又好遠圖。誘西域賈人入朝。則厚獎之。於是相率來者四十餘國。征林邑。踰東海。征琉球。西擊吐谷渾。餘衆開青海地。高句麗不朝貢。大業七年。伐之。大敗於鴨綠江。後二年。又攻遼東。不克。

當是時。民不堪命。人心思亂。及敗於遼東。諸方豪傑競起。國遂分崩。蒲山公李密。從羣盜翟讓等。起於河南。擊敗東都兵。推密爲主。號魏公。竇建德取河北諸州。改國號曰夏。餘如南則有林士弘。據鄱陽。稱楚帝。蕭銑據江陵。稱梁帝。北則劉武周。

據馬邑。梁師都據朔方。海內鼎沸。煬帝淹留江東。聞中原亂。日事宴樂。無歸志。從駕多關中人。遂叛。以字文化及爲主。夜引兵入宮。縊殺之。而立秦王皓爲帝。文化及北走。又鳩殺皓。自稱許帝。煬帝凶問至東都。隋留守官奉越王侗卽位。而先是李淵以太原起兵。圍長安。旬日拔之。亦立代王侑爲帝。遙尊煬帝爲太上皇。又一年。侗卽位。淵遂受侑禪。卽皇帝位。而隋亡。

隋統系表 共四君凡三十七年

文帝楊堅(一)——煬帝廣(二)——皓

恭帝侑(三)

恭帝侗(四)

二 唐之興亡

唐高祖李淵者。晉西涼公暠七世孫也。父昺。於周世封唐公。淵襲爵。御衆寬簡。人多附之。四方盜起。煬帝南下。命爲太原留守。子世民。有濟世安民之志。與晉陽令劉文靜。及宮監裴寂相結。文靜謂世民曰。今主上南巡。羣盜萬數。當此際有真主

驅駕而用之。取天下如反掌耳。世民乃陰部署賓客。而淵不知也。淵會拒突厥不利。恐獲罪。世民乘間說曰。順民心。興義兵。轉禍爲福。明日復言之。淵歎曰。吾一夕思汝言。亦大有理。今日破家亡身。由汝。化家爲國。亦由汝矣。乃舉兵。遣建成守潼關。世民徇渭北。合諸軍圍長安。旬日拔之。奉留守代王侑爲恭帝。尋受禪。時宇文化及北走。李密敗之。而爲王世充所襲。走降於唐。旋叛去。唐人獲而斬之。化及旋稱帝。未幾爲夏王竇建德所殺。建德與王世充結好。世民旣破劉武周。攻王世充降之。擒建德。黃河南北地略定。尋遣將而南。降梁平楚。後數年。擊梁師都。定期方於是天下復統一。時已太宗貞觀二年矣。

高祖之起晉陽也。謂世民曰。事成。以汝爲太子。將佐亦爲請。世民固辭。乃立建成爲太子。以世民功大。特置天策上將。位在王公上。使世民爲之。開府置官屬。太子建成好酒色遊畋。弟齊王元吉驕侈。而世民勳望日隆。忌之。二人協謀傾世民。高祖惑之。武德九年。建成。元吉欲害世民。房玄齡。長孫無忌。杜如晦。尉遲敬德等。勸

先發力請乃決。於是密奏帝明日伏兵玄武門殺建成。元吉高祖以世民爲太子。世民召東宮官屬魏徵責之。徵對不屈。以爲諫議大夫。高祖傳位於世民。自稱太上皇。世民卽位。是爲唐太宗。

太宗以英武之姿。奉父高祖。乘隋衰起兵。六年之間。戡定羣雄。統一天下。旋繼高祖登帝位。宏獎文學。改革政治。其宏達之量。似漢高。英傑之才。似漢武。除亂法。湯武致始。媿成康。房杜爲心膂。英衛爲指臂。貞觀之治。千載一時。雖歐洲立憲政治。殆無有能過之者。是爲立君政治之全盛時代。太宗以後。高宗中宗時。有武韋之禍。雖玄宗中興。再安唐室。而藩鎮跋扈。乘輿播遷。李希烈。朱泚等。相繼叛亂。故玄宗以後四傳。可謂爲立君政體之藩鎮政治。至憲宗。英武有斷。任良將。相李愬。裴度等。悍將強藩。得以鎮定。及穆宗繼位。河朔三鎮皆叛。內而宦寺專權。外而諸藩擾亂。羣盜如毛。僖宗時。黃巢反。陷洛陽。長安。帝西幸蜀。巢將朱溫者。從入關。及巢爲李克用所敗。降於唐。日恣睢跋扈。弑昭宗。立哀帝。未幾受禪。是爲後梁太祖。唐

凡二百九十年。

唐統系表 共二十君凡二百九十年

高祖李淵(一)——太宗世民(二)——高宗治(三)——中宗哲(四)
睿宗旦(五)——玄宗隆基(六)

肅宗亨(七)——代宗豫(八)——德宗适(九)——順宗誦(十)——憲宗純(十一)

敬宗湛(十三)
穆宗恆(十二)——文宗昂(十四)
武宗炎(十五)

宣宗忱(十六)——懿宗漼(十七)——僖宗儂(十八)
昭宗晔(十九)——哀帝祝(二十)

三 唐之經略外國

唐之初世。不僅內治之炳耀前古也。其武功赫濯。西定突厥。北服鐵勒諸部。南及天竺。東征高麗。而通日本。威力所播。四方悉聽。若占婆。若真臘。若扶南。若闍婆。若

室利弗逝於太宗高宗世相率來貢。中南東三方之亞西亞皆爲唐所羈縻。是時政令所及北併內外蒙古。西自天山南北兼中亞西亞地。南及後印度諸國。東訖朝鮮滿洲。唐因置六都護府焉。漢種聲威殆以此時爲極盛。中葉以後則禍亂隨之矣。

突厥自木杆卒弟佗鉢立。周人與之和親。齊人亦厚賂之。佗鉢驕甚。謂其下曰。但使我在。南兩兒常孝。何憂於貧。兩兒者。周齊二國也。隋初。佗鉢卒。兄子攝圖立。號沙鉢略可汗。數擊隋不克。隋人行反間。諸可汗相猜貳。木杆子阿波可汗據烏孫故地。西域諸胡附之。於是分爲東西二國。互爭不已。隋亂。東突厥始畢可汗在位。漢人多歸之者。遂大強盛。勢陵華夏。割據之羣雄。如薛舉。李軌。竇建德。王世充。劉武周。梁師都。雖稱尊號。俱稱臣。或受其可汗號。東自契丹。室韋。西盡吐谷渾。高昌。皆臣屬焉。是時西突厥亦強大。木杆弟射匱可汗拓地。東至金山。西臨裏海。及卒。子統葉護立。北併勑勒。西破波斯。移庭於千泉。統中亞西亞諸國。疆域之廣。逾於

東突厥。高祖興。借援東突厥。贈遺甚厚。及頡利可汗立。有陵唐之志。因委用漢人。多變舊俗。國人相率離怨。有勅勒部薛延陀回紇。大破頡利兵。推俟斤夷男爲主。太宗册爲眞珠毗迦可汗。建牙於鬱督軍山。時唐軍已破東突厥。擒頡利衆潰散。及夷男卒。國亂。回紇部長吐迷度敗之。率諸部歸唐。西突厥則於太宗末年亦亂。高宗立。遣將擊之。擒沙鉢羅可汗。其地爲別部突騎施所併。高宗末。突厥餘類骨咄祿自立。武后時。屢犯邊。及卒。弟默曷代立。雄據漠北。開元初。併突騎施地。及敗。亡。立默棘速爲毘迦可汗。突騎施部將蘇祿復據其地。玄宗拜爲忠順可汗。肅宗時。其國衰亂。代宗時。爲葛邏祿部所併。有其地。

毘迦可汗。數入貢。旋爲大臣所弑。子伊然可汗立。八年卒。弟骨咄立。册爲登利可汗。爲左部所攻殺。立毗迦可汗之子。未幾骨咄葉護又殺之而自立。回紇葛邏祿拔悉密三部並起。殺葉護。乃共尊拔悉密酋長爲可汗。旋回紇葉護骨力裴邏殺拔悉密可汗。自稱可汗。建牙烏德健山。即鬱督軍山。玄宗册爲懷仁可汗。舊統九姓。後

又併拔悉密、葛邏祿。凡十一部。滅突厥。於是回紇斥地愈廣。東際室韋。西抵金山。南跨大漠。盡有突厥地。懷仁卒。子葛勒可汗代立。安祿山之亂。肅宗求援於回紇。約以金帛。子女歸回紇。及入東京。大掠。賜爵爲忠義王。册葛勒爲英武威遠可汗。葛勒卒。子牟羽可汗立。代宗又請援。牟羽自將赴之。賊平。册爲英義建功可汗。初回紇風俗樸厚。勁健無敵。自唐歸。築宮殿。飾文繡。而北俗亦壞。德宗初。爲相頓莫賀所弑。自立爲天親可汗。德宗以女妻之。大喜。改紇爲鶻。自是與唐爲甥舅之國。文宗時。回鶻衰。黠戛斯部長屢擊之。至宣宗時。散亡殆盡。帝册黠戛斯爲英武誠明可汗。回鶻別部龐特勒居甘州。宣宗册爲懷建可汗。然國卒不振。五代時爲契丹所併。

吐蕃。本漢時西羌。卽今之西藏也。其部落不詳所出。或謂爲南涼禿髮利鹿孤後。初未通中國。國人號其王爲贊普。至近世漸強盛。贊普弄讚有勇略。西南與婆羅門接壤。深信佛法。勵精圖治。貞觀時入寇。爲侯君集所敗。謝罪求婚。帝以宗女文

成公主嫁焉。弄讚大喜。別營宮室居之。厥後勢日強。陷西藏十八州。屢敗唐兵。更拔安成城。西洱諸蠻皆降。領土東接涼、松、茂、瀉等州。南鄰天竺。北抵突厥。殆有天山南路全土。高宗末。益狃獯。陷唐安西四鎮。未幾內亂。唐兵大敗之於洪源谷。開元時。連歲犯邊。爲哥舒翰所敗。失九曲地。肅宗初年。盡取河西隴右地。帝倉皇出走。虜聞郭子儀將卒。衆駭潰。長安復安。旋僕固懷恩反。又引之入寇。郭子儀威服回紇。令攻吐蕃。大敗之。由是回紇與吐蕃相惡。及朱泚之亂。又入寇。陷河隴。北庭安西隔絕者十餘年。後其屬沙陀種族。及雲南之南詔俱叛。通於唐。吐蕃乃不復振興。唐建和盟之碑於國都邏婆也。

梁武帝時。北印度烏菴國興。其王毗訖羅迭多。耀兵逐暹達。次併西北中三印度。傳數世。均英明善治。爲印度極盛時代。太宗滅東突厥。威震四方。貞觀十五年。遣使入朝。唐亦遣梁懷璣報之。自是往來不絕。貞觀二十二年。太宗遣王玄策。會尸羅迭多王卒。其臣阿羅那須自立。發兵攻玄策。遁至吐蕃。起吐蕃泥婆羅之兵。

進中天竺。大戰勝之。俘阿羅那須。又破餘衆於乾陀衛河上。天竺全土震駭。諸國前後相繼入貢。漢種之威。南訖於印度洋。厥後印度因宗教之爭。國復分裂。勢又不振。

唐初雲南蠻族。分爲六部。曰六詔。蒙舍詔在南。故稱南詔。玄宗時。南詔酋長舊五詔。據太和城。玄宗冊爲雲南王。賜名歸義。旋鮮于仲通爲劍南節度使。南詔王閣羅鳳。率其妻子來調。過雲南。太守張虔陀私其妻。又多徵求。閣羅鳳怒。發兵攻雲南。破之。殺張虔陀。仲通將兵擊南詔。又大敗於西洱河。僅以身免。閣羅鳳遂北臣於吐蕃。尊爲東帝。德宗初。閣羅鳳卒。孫異牟尋立。與吐蕃合兵入寇。爲唐兵所敗。又怨吐蕃。會西川節度使韋臯。招撫羣蠻。乃上表歸唐。韋臯使崔佐時往。盟於點蒼山之神祠。遂襲吐蕃。大破之。宣宗時。改國號曰大理。稱皇帝。背盟四侵川。又侵交趾。陷安南都護府。厥後酋龍死。國乃不振。

東晉時。長白山以南。分爲三。高麗最大。百濟次之。新羅最小。新羅距日本近。爲屬

國。旋百濟亦附於日。前秦盛時。高麗新羅皆臣之。後三韓互相攻伐。至隋文帝立。皆遣使入貢。煬帝立。屢伐之。不克。高麗益橫恣。率百濟侵新羅。新羅不能敵。朝貢中國。以求保護。及隋亡。唐興。屢遣使乞援。太宗親征。拔遼東數城。未幾。太宗死。高宗立。百濟興。高麗侵新羅。唐遣蘇定方自成山渡海征之。拔百濟都城。王義慈父子降。其族圖恢復。乞援日本。唐將劉仁軌又大破之於白江口。百濟亡。時高宗龍朔三年也。唐遂圖高句麗。時大臣泉蓋蘇文死。有內亂。高宗乘之。命李勣往。圍平壤。王出降。高句麗亦亡。唐置安東都護府焉。既而復亂。府移遼東。中宗以後。內訌相繼。新羅併朝鮮全境。昭宗時。國亂。復三分。至五代。衆推王建爲王。國號高麗。定都松岳。以平壤爲西京。三韓又歸一。

日本在高麗東。西漢東漢時。曾一通中國。自神功皇后以來。皆與南朝交通。中國文物。由朝鮮而傳入者日多。聖德太子攝政。欲興佛法。乃遣小野妹子於隋。彼此往來頻繁。唐興。遣僧侶學生來學。且有留仕者。及唐末世。始罷遣唐使。然商賈僧

侶之往來者。尙不絕焉。

四 唐之內亂及藩鎮宦官之禍

太宗才人武氏者。名嬰。故荊州都督士彘之女也。年十四。聞其美。召入宮。太宗崩。武氏年二十六。爲尼。高宗后王氏血蕭淑妃爭寵。令蓄髮。勸高宗納之。既入。后與淑妃皆失寵。遂立武氏爲皇后。故后妃皆被殺。高宗苦風眩。不能視事。武后代處事。皆稱旨。遂委之。帝稱天皇。后稱天后。時人謂之二聖。執政二十五年。帝崩。子哲立。是爲中宗。未幾廢爲廬陵王。立其弟旦。是爲睿宗。太后稱制。遷中宗於房州。李敬業。越王貞。先後起兵。皆不克而死。武后遂殺唐宗室貴戚。廢睿宗。自卽帝位。改國號曰周。史稱則天皇后。時年已六十七。是爲禍亂之第一次。武后有權畧。善用。人姪武承嗣。武三思。營求爲皇太子。因狄仁傑言不果。召還中宗。立爲太子。武后內行不修。嬖張易之。張昌宗兄弟。政事多委之。及病。張柬之等舉兵斬二張。中宗復位。武后於是歲卒。中宗在房州。欲自殺。韋妃每止之。及復位。爲皇后。帝臨朝。后

施帷幙。坐殿上。預聞政事。如武后。帝女安樂公主。嫁於武三思之子。三思得入宮。禁與章后通。太子重俊。殺三思。已亦敗死。時得幸於章后者衆。恐事泄。毒殺帝。睿宗子隆基。謀匡復。起兵。殺章后及安樂。睿宗卽位。是爲禍亂之第二次。睿宗尋傳位於隆基。是爲玄宗。以姚崇、宋璟爲相。國大治。故開元之治。比於貞觀。在位日久。漸好侈樂。武惠妃卒。納壽王妃楊氏。嬖之。號太眞。冊爲貴妃。舉族皆貴盛。從祖兄釗。以善樗蒲得幸。賜名國忠。以爲相。貴妃姊三人。盡有才色。並承恩澤。封爲韓、秦、虢國夫人。虢國夫人尤豪華。與楊國忠居第相鄰。晝夜往來。或並輿走馬。道路揜目。貴妃以安祿山爲兒。其生日。戲裹以襁褓。爲洗兒戲。祿山營州雜胡也。巧事人。與同里史思明俱驍勇。出入宮掖。頗有醜聲。初爲平盧節度使。尋兼范陽節度使。後又兼河東節度使。以一身統三鎮。懷異志。又與楊國忠有隙。遂反。河北諸州聞風降。渡河。陷洛陽。犯長安。敗官軍於潼關。玄宗出奔。至馬嵬。將士怨憤。殺楊國忠。逼帝縊貴妃。遂傳位太子。幸蜀。長安陷。祿山都洛陽。稱帝。太子避賊。卽位於靈武。

是爲肅宗。遙尊玄宗爲上皇。郭子儀、李光弼等諸將來會。勢復振。時顏真卿守平原。從兄杲卿守常山。張巡守睢陽。賊不能下。而內訌亦發。祿山愛少子。欲立爲嗣。長子安慶緒弑之。慶緒又爲史思明所殺。思明自立爲燕帝。亦愛少子。而爲長子史朝義所弑。唐軍乘之。規復長安。肅宗崩。太子代宗立。請回紇兵。共討史朝義。復洛陽。賊殺朝義降。是爲禍亂之第三次。肅宗在靈武時。寵張良娣。後冊爲后。宦者李輔國掌禁兵。后相與表裏。專權用事。晚更有隙。肅宗疾。后召太子令誅輔國。謀洩。勒兵幽后。弑之。肅宗崩。代宗繼統。尊輔國爲尙父。聽宦者程元振言。罷輔國。元振亦恣橫。僕固懷恩以討史朝義功。頗自負。慮爲中官所忌。懼而反。誘回紇吐蕃侵唐。給言子儀已死。代宗使郭子儀屯涇陽。禦之。會懷恩道死。二國爭長不睦。子儀遣人說回紇。單騎往見。回紇皆下馬羅拜。遂定約。吐蕃夜遁。追破之。是爲禍亂之第四次。唐自高宗以來。邊州都督。帶使持節。故號節度使。史朝義平。其將薛嵩、張忠志、田承嗣、李懷仙皆降。懷恩奏留嵩等。分帥河北。以張忠志鎮成德軍。賜名

李寶臣。嵩鎮相。魏承嗣鎮魏博。懷仙鎮盧龍。平盧將李懷玉。賜名正己與諸鎮相結。不供貢賦。代宗不能制。及德宗立。欲殺藩鎮勢。適張忠志請子惟岳留後。不許。遂叛。魏博。盧龍。諸鎮應之。時李懷仙已被殺。將士推朱泚爲帥。泚入朝。弟滔鎮之。平盧李正己。魏博田承嗣。亦卒。子納及姪悅繼鎮。連兵拒朝命。淮西節度使李希烈。亦應之。帝發涇原兵討希烈。過京師。犒師菲薄。衆怒。作亂。入城。帝奔奉天。反者奉朱泚爲主。圍之。旋爲渾瑊。李晟等所破。時援兵雲集。李懷光爲盧杞所阻。以不得見帝。頗怏怏。與李晟同受命。規復長安。懷光表杞姦狀。帝不得已。貶之。用陸贄言。下詔罪已。強藩皆去。王號謝罪。惟李希烈恃富強。稱楚帝。懷光因逼帝逐杞。不自安。密與朱泚通。反於咸陽。帝奔梁州。晟孤軍處朱泚懷光間。以忠義督諸軍。銳氣不少衰。旋復長安。懷光久在河中。將士離叛。爲其所殺。李希烈亦有疾。爲醫所毒。朱滔病死。大亂少殺。是爲禍亂之第五次。時李泌。陸贄。相繼相德宗。天下少安。末年。寵任宦官及貪吏。秕政益多。及崩。子誦立。是爲順宗。有風疾。卽位僅八月。傳位

子純。是爲憲宗。杜黃裳爲相。以法制藩鎮。繼其後者。如武元衡、裴垍、李藩、李絳。皆賢輔。又有名士如崔羣、白居易等。皆讜直。故元和之世。頗號清明。用裴度平淮西。擒吳元濟。諸鎮脅服。度雖旋遭擠排。罷相。而穆宗、敬宗時。皆一入相。至文宗世。亦平章軍國重事。四夷問安否。唐人比之郭汾陽。惜德宗時。以猜忌宿將。故恆以禁軍及機務屬宦寺。致積重難反。憲宗雖英武。晚年爲內侍所弑。三傳至文宗。惡內侍專橫。欲誅之。甘露之變。事卒不濟。宦官氣益盛。國事皆取決。宰相行文書而已。武宗時。仇十良將致仕。語其黨曰。天子不可令閒。常宜以奢靡誤之。使無暇及他事。慎勿使之讀書。親近儒生。彼見前代興亡。心知憂懼。則吾輩疎斥矣。觀此言。宜乎文宗晚年。自歎受制家奴。謂不如周赧漢獻也。宣宗、懿宗、僖宗、昭宗。皆爲宦官所立。至宰相不得預聞。是爲禍亂之第六次。僖宗在位。日與宦官相處。盜賊讜起。及昭宗立。朱全忠卽朱溫降唐後賜名。盡誅宦官。殺數百人。自開元以來。擅威福者垂二百年。至是始殲滅。而唐之國祚亦隨之衰。帝遂禪位於全忠。史家所謂灼木攻蠹。

蠹盡木焚。不亦信哉。

第三章 近古紀

一 五季之爭亂

唐之末運。異於漢晉。不由外夷之侵入。不由羣雄之割據。蓋政刑廢弛。紀綱墜地。實有以致之。安史亂後。藩鎮未盡漸滅。得以潛蓄其勢力。遂開一羣雄割據之局。而他族亦乘覺起焉。時李克用據河東。稱晉王。李茂貞據鳳翔。稱岐王。朱全忠據河南。稱梁王。王建據四川。稱蜀王。楊行密據淮南。稱吳王。錢鏐據兩浙。稱越王。餘若劉仁恭據幽州。王潮據福建。潮卒。弟審知代。馬殷據湖南。劉隱據嶺南。高季昌據荆南。是爲五鎮。晉梁二國。相仇最深。及全忠移唐祚。稱帝。更名晃。是爲後梁太祖。

太祖名溫。宋州滎山人。初從黃巢。旋降李克用。爲節度使。鎮汴。昭宗欲誅宦官。全忠入京師。以功封梁王。未幾弒帝。立哀帝。及卽帝位。諸鎮畏其強。受正朔。惟晉岐

吳蜀猶奉唐天福年號。蜀吳移檄欲興復唐室。亦無應者。蜀遣書晉。請各帝一方克用以誓於此生。靡敢失節拒之。蜀乃稱帝。克用養子存孝。驍勇善戰。及叛卒。勢寢衰。數爲梁人所攻。唐亡之明年。克用卒。子存勗襲位。會梁軍圍潞州。襲擊敗之。圍解。後又屢敗之。梁主憂憤成疾。欲立假子友文爲太子。次子友珪爲亂。弑父。殺友文而自立。荒淫無道。友貞卽位於汴。改名瑱。是爲末帝。與晉戰不利。驍將王彥章。李楊劉戰。唐旌被擒。末帝不知所爲。盡殺諸兄弟。左右竊傳國寶降。唐帝令下殺己。後梁亡。凡十有七年。

後梁統系表

太祖朱晃(一)——末帝瑱(二)

後唐太祖李克用。本沙陀系。姓朱邪。初居晉陽。爲河東節度使。旋與朱全忠有隙。貴近畏其勢盛。進爵晉王。屢與朱全忠戰。及卒。子存勗繼。是爲莊宗。降岐併蜀。黃河南北關中四川地悉定。卽皇帝位。吳。吳越。楚。諸王皆入貢。定鎮州爲北京。太

丹敗唐兵入洛陽。卽位。尋遷都汴州。割燕雲十六州於契丹。歲輸帛三十萬匹。每北使至。於別殿拜受詔勅。在位六年崩。幼子重溶立。景延廣弑之。而立齊王重貴。延廣用事。致書契丹。稱孫而不稱臣。執使者責之曰。歸語而主。先帝爲北朝所立。故稱臣奉表。今上乃中國所立。爲鄰。稱孫足矣。翁怒則來戰。孫有十萬橫磨劍。足以相待。契丹始南侵。三年。遂遣兵取大梁。重貴請降。延廣自殺。劉知遠初鎮河東。晉高祖疾。遺命召入輔政。重貴寢之。由是怨望。知延廣大言致寇。益募兵備。及契丹太宗在汴。乃奉表稱臣。及北去。發太原入洛。遼將棄城遁。入汴卽位。是爲後漢高祖。後晉再傳而亡。凡十二年。

後晉統系表

宋王石敬瑭——出帝重貴(一)

高祖石敬瑭(一)

後漢高祖劉知遠。本沙陀人。自以姓劉。稱漢家裔。故國號漢。更名嵩。時天雄節度

使杜重威在鄴都，奉表歸降。因嘗降契丹，不許。遂圍鄴下之。次年崩。子承祐立。是爲隱帝。郭威輔政，務施威恩。士衆歸心。鎮鄴以備遼。高祖有弟崇，鎮河東。與威有隙。陰爲自全計。繕兵募士。隱帝左右譖殺大臣。又欲殺威。威擁兵至。帝遣兵拒之。爲亂兵所殺。在位三年。威白太后，欲迎武甯節度使贇立之。會遼伐漢。太后遣威禦之。至澶州。將士大譟，裂黃旗被威體，共扶抱之。呼萬歲震地。南還。威以太后誥廢贇爲湘陰公。遂代漢爲帝。自謂虢叔後。建國號曰周。是爲後周太祖。

崇聞贇廢死，乃稱帝於晉陽。史謂之北漢。保有山西十二州地。不建宗廟。宰相月俸止百緡。乞師於遼以伐周。不克。諸州皆入於周。周攻晉陽，旋引還。崇以憂憤卒。子承鈞立。是爲孝和帝。勤政愛民。國稍安。以父事遼。宋開寶初，鈞卒。養子繼恩立。郭無爲弑之。旋卒。太宗立。又伐之。繼元降。帝封爲彭城郡公。

後漢統系表

高祖劉高(一)——隱帝承祐(二)

世祖劉崇(北一)——孝和帝鈞(北二)——廢帝繼恩(北三)——彭城郡公繼元(北四)

後周太祖郭威。邢州堯山人。卽帝位。增修國政。三年崩。無子。后姪柴榮嗣立。是爲世宗。北漢乘喪來伐。帝親將禦之。大敗北漢兵。初周宿衛士。承累朝姑息。驕蹇不用命。且多羸老。帝曰。兵務精。不務多。今以農夫百。未能養一甲士。奈何。浚民膏血。養此無用物乎。乃簡諸軍。募壯士。由是士卒精強。所向皆捷。五六年間。取秦隴。平淮右。復三關。震懾華夷。參用文武。各竭其能。在位六年崩。子梁王宗訓立。是爲恭帝。宿衛將趙匡胤。屢從太祖轉戰。立大功。遷殿前都檢點。恭帝立。會漢遼會師伐周。匡胤禦之。夕次陳橋驛。諸將聚謀。立爲天子。黎明。逼寢前。露刃列庭。曰。諸將無主。願册立太尉爲皇帝。卽被以黃袍。呼萬歲。擁上馬南行。恭帝禪位。匡胤卽位。國號宋。是爲宋太祖。

後周統系表

太祖郭威(一)——世宗柴榮(二)——恭帝宗訓(三)

唐末至宋五十三年中。中原擾亂。雖曰五季相承。八姓十有三君。實無能統一天下者。梁起於盜賊。唐晉漢系出胡族。稱純粹之漢族者。僅周而已。外如吳王楊行密。據揚州。任徐溫。參決庶務。江淮間稱治。及卒。子渥代。得江西。驕侈益甚。張顥。徐溫。弑之。溫又殺顥。推楊隆演。領淮南。盡取江西地。卒。溥立。初唐昭宗時。行密拔濠州。得徐州人李氏子。年八歲。賜徐溫爲養子。名之曰知誥。頗勤孝。溫愛之。父子專政。溫卒。知誥嗣。於晉天福二年。受吳主禪。卽位。國號唐。是爲南唐。復姓李。改名昇。都金陵。卒。子璟立。攻閩滅之。周世宗自將伐南唐。屢戰敗之。唐削帝號。稱藩。盡獻江北地。宋興。懼逼。都南昌。以子煜守金陵。璟卒。煜嗣。貶國號曰江南。宋將曹彬攻破之。國亡。

前蜀主王建。初隸楊復光爲都頭。及卒。田令孜誘養之。唐僖宗出走。建從行。備歷艱苦。令孜得罪。流澹州。依兄陳敬瑄。不肯行。建率兵攻之。下成都。爲四川節度使。旋殺田令孜。陳敬瑄及唐亡。卽帝位。典章文物。有唐遺風。太子元膺爲亂。被殺。立

幼子宗衍爲太子。卒。宗衍立。奢縱無度。酒肆倡家。靡所不到。後唐莊宗遣皇子繼岌與郭崇韜伐之。望風歸附。王率百官出降。前蜀亡。崇韜薦孟知祥爲西川節度使。知祥陰有異志。殺監軍李嚴。敗石敬瑭軍。併東川。稱蜀王。旋卽皇帝位。是爲後蜀。卒。子昶立。滅於宋。

楚王馬殷初與劉建鋒、張佖俱隸孫儒軍。與楊行密戰敗。儒被殺。劉等收餘衆。走洪州。入潭州。劉建鋒領武安節度使。驕縱。爲其部下所殺。乃以張佖爲留後。佖又乘馬傷髀。復讓於馬。馬殷以高郁爲謀主。管潭邵二州。命將悉平嶺北。後梁太祖時封爲殷王。卒。子希聲嗣。日殺五十雞爲膳。居喪無戚容。三年卒。弟希範襲位。縱聲色。旋卒。弟希廣繼立。兄希萼與之爭。稱藩與唐。兵連不解。卒拔長沙。廣賜死。自爲楚王。旋爲其所囚。置於衡山。希崇立。降於唐。希萼自立於衡山。未幾亦入朝於唐。嶺南地盡爲南漢所有。

閩王王審知與兄潮。扶母從王緒爲盜。緒殘殺。爲其部下所執。羣推潮爲將軍。潮

卒。審知嗣。梁太祖開平三年。封閩王。後唐莊宗時。審知卒。子延翰立。驕淫殘暴。審知有養子延稟。夜襲福州。殺延翰。推延鈞爲留後。未幾又襲福州。延稟與子繼雄皆被殺。延鈞好神仙。信術士言。卽皇帝位。更名璘。子繼鵬與李倣爲亂。弑之。自立。更名昶。昶昏虐。叔父曦弑之而自立。曦亦虐。與弟延政相攻。重貴之世。延政稱帝於建州。國號殷。閩朱文進弑曦。自爲閩王。延政討之。閩人誅文進。傳首於殷。殷改號閩。南唐主李璟遣將拔建州。延政出降。閩亡。唐兵攻福州。吳越王錢弘佐遣兵救之。敗唐兵。遂取福州。


南平王劉隱。封州刺史。劉謙子也。謙卒。隱繼嗣。旋爲清海節度使。封南平王。病卒。弟巖繼位。求婚於楚。楚以女許之。嘗曰。今中國紛紛。孰爲天子。安能梯航萬里。遠事僞庭乎。遂絕朝貢。卽皇帝位於番禺。國號大越。次年。改國號曰漢。史稱南漢。初改名龔。旋又改龔。好自矜大。用刑慘酷。及卒。子秦王弘度卽位。是爲殤帝。驕奢無度。好手搏。弟弘熙進力士。乘醉拉殺之。自卽帝位。是爲中宗。盡殺諸弟。高祖諸子

盡矣。及卒。長子繼興即帝位。國事皆取決於宦官。國政紊亂。宋開寶三年。使潘美討之。遂出降。宦者百餘人悉斬之。南漢亡。合六十五年。


臨安人錢鏐。初事董昌。有戰功。爲蘇杭觀察使。昌惑謠讖。謀即帝位。鏐遣書責之。曰。與其閉門作天子。與九族百姓。俱陷塗炭。豈若開門作節度使。終身富貴耶。及今。悔尙可及也。昌不聽。求援於楊行密。屢見挫折。卒爲顧全武所執。至西小江。赴水死。屢破淮南軍。鏐封爵越王。旋爲田頔所窘。質子納犒軍費。始免。進爲吳越王。鏐自少在軍中。常以圓木爲枕。睡熟。則轉墜而醒。名爲警枕。其自警如此。年八十一卒。次子元瓘嗣。與諸兄弟友愛倍篤。盡家人禮。府署火。吳越王驚懼成疾。卒。子佐嗣。年十四。躬勤政事。人不能欺。境內大治。後漢高祖天福十二年卒。弟佖嗣。性剛嚴。統軍使胡進思憚之。作亂。矯命迎弟佖立之。佖爲佖築宮室。治園圃。以娛悅之。宋興。遣使賀即位。宋伐江南。佖援之下常州。太宗時。再入朝。納土國絕。改封漢南國王。旋賜宴。暴卒。或謂非令終焉。

荆南高季興。汴州富人李讓家僮也。讓爲朱溫養子。冒姓朱氏。其所出微賤。因戰敗李茂貞。知名當世。遂擁節荆南。初名季昌。後唐滅梁。避廟諱。更名季興。入朝。幾爲帝所留。因郭崇韜諫得免。封平南王。莊宗難作。季興懷貳。以三州稱藩於吳。年七十一卒。子從誨襲位。乃因楚王殷。謝罪於唐。親禮賢士。委任梁震。以兄事之。省刑薄賦。境內以安。震致仕。又以政事屬孫光憲。初荆南介居湖蜀鄂之間。地狹兵弱。諸道入貢。過境者輒掠之。從誨立。唐晉契丹漢更據中原。南漢閩吳蜀稱帝。從誨利其賜予。所向稱臣。諸國目爲高無賴。乾祐初。從誨卒。子保融留後。卒。弟保勗嗣。卒。兄子繼沖嗣。宋太祖遣將。假道伐湖南。襲其城。繼沖以地獻。國統絕也。

十國統系表




五季之爭亂



(荆南)高季興(二) — 從諱(二) — 保融(三) — 繼冲(五)
 (北漢)見前後漢統系表 — 保勗(四)

五代十國興亡表



十國建置區域表

荆南	後蜀	南唐	南漢	吳越	閩	楚	前蜀	吳	國名
高季興	孟知祥	李昇	劉隱	錢鏐	王審知	馬殷	王建	楊行密	始祖
五八	四一	三六	七〇	八四	四九	五五	二三	四九	年次
五	二	二	五	七	六	六	二	四	世代
荊州	成都	江甯	廣州	杭州	福州	長沙	成都	揚州	都地
湖南北三州	兩川四十五州	江淮三十四州	嶺北三十三州	浙東西十一州	閩中五州	湖南二十二州	兩川漢中四十九州	江淮間二十八州	據地

北漢

劉崇

三一

四

太原

山西十二州

二 遼之勃興

契丹爲古東胡遺種。立國在潢河之北。本鮮卑舊地。初分八部。各有大人。約推一人爲王。建旗鼓以號令諸部。三年。以次代。唐咸通末。習爾爲王。土宇始大。後欽德爲王。時寇邊。及遙輦氏當國。爲劉仁恭所攻。兵衰民困。乃選耶律阿保機以代之。耶律氏世爲遙輦之夷。高董。掌部族軍民之政。及爲王。恃強不肯受代。擊黃頭室韋還。七部劫之於境上。求踐約。阿保機不得已。乃傳旗鼓曰。我爲王九年。得漢人多。請移部落居漢城。與漢人守之。別自爲一部。七部許之。後誘召七部大人。牛酒爲鹽池會。伏兵殺之。又北侵室韋。女真。西取突厥故地。滅奚。復立王監其兵。東北諸夷皆畏服之。寇雲州。與晉王連和。約爲兄弟。歸而背盟。附梁。晉王恨焉。後梁貞明二年。即皇帝位。改元神冊。號曰天皇王。是爲太祖。以妻述律氏爲皇后。號曰地

皇后。后勇果有權略。太祖度磧擊黨項。后留守黃頭。臭泊二室。韋乘虛來襲。后勒兵擊破之。名震諸夷。晉王存勗。方經營河北。欲結爲援。以叔父事太祖。以叔母事后。太祖以韓延徽爲相。築城邑。立市里。以處漢人。國勢日盛。遂城臨潢。以爲皇都。作孔子廟。親謁之。始製契丹字。頒行國中。又南略晉地。弟撒刺撥。謀作亂。事覺。奔晉。太祖征略吐谷渾。黨項。阻卜等部。踰流沙。取磧西諸城。又伐渤海。拔扶餘城。更名爲東丹國。命長子托允鎮之。號人皇王。次子德光守西樓。號元帥太子。聞莊宗遇害。慟哭曰。我朝定兒也。吾方欲救之。以渤海未下。不果往。致吾兒及此。還。卒於夫餘城。后立次子德光。號嗣聖帝。是爲太宗。長子失位怏怏。自東丹浮海。至登州。奔唐。明宗賜姓名爲李贊華。以爲節度使。太宗孝謹。初立。太后決國事。立其姪爲皇后。其後后族皆賜姓蕭氏。盛嬖宗室。石敬瑭反。遣使求救。太宗將兵自揚武谷而南。旌旗不絕。敗唐兵。策命敬瑭爲晉帝。至潞州而還。以臨潢爲上京。幽州爲南京。遼陽爲東京。於晉天福二年。改元會同。國號大遼。景延廣激怒。開邊釁。遼遂南

侵。執重貴。太宗乃行入閣禮。改元大同。以恆州爲中京。太宗在大梁。廣受四方貢獻。大縱酒作樂。使胡騎四出剽掠。名打草穀。數百里間。財畜殆盡。所在盜起。太宗曰。不知中國難制如此。居三月。置鎮還。途得疾。崩於殺狐嶺。剖其腹。實鹽數斗。載之北去。晉人謂之帝靶云。

三 北宋之盛衰

太祖趙匡胤。涿郡人。爲漢京兆尹趙廣漢之後。父弘殷爲禁衛將校。母杜氏。生帝於後唐天成二年。周世宗時。掌軍政六年。士卒心服。從征伐。有大功。及陳橋兵變。遂代周踐帝位。而有天下。改元建隆。顧自唐末以來。藩鎮握兵馬民政之三大權。專收租稅。蔑視朝廷。其廢立君主之宗旨。僅爲得重賞而已。後唐明宗。世所稱賢君也。其見推也。以趙在禮爲滄州節度使。以皇甫暉爲陳州刺史。周太祖亦世所稱賢君也。其見推也。以王俊郭崇爲節度使。賞兵士絹錢。或許其剽掠。太祖崛起滅蜀。下湖南。平南漢。降江南。服吳越。天下大定。因趙普言。收諸將兵權。一變唐季。

君弱臣強之積習。五代武斷之弊始革。而立君政治主義。復實際施行。諸降王皆賜第京師。得保富貴。爲前代所未有。太祖之世。所未平者。僅一北漢而已。卽位十七年崩。遵杜太后遺命。弟匡義繼位。是爲太宗。平北漢。伐契丹。皆自將有功。旋爲遼將所敗。終宋之世。不復得志於異族。較之漢唐初期。威震絕域。狹隘甚矣。太宗崩。子恆立。是爲眞宗。信王欽若言。封禪祭祀。營建並興。帝子禎立。是爲仁宗。時拓跋族元昊盡奪河西地。據之立國。號曰夏。以父事宋。仁宗無子。以太宗曾孫宗實爲皇子。及崩。太后命立之。是爲英宗。在位四年崩。子頊立。是爲神宗。王安石入政。府。創行新法。一變前代之制度。朝臣紛議。黨禍遂烈。神宗崩。子哲宗嗣。年幼。太后攝政。文彥博。司馬光。以元老平章軍國重事。一時稱盛。太后以至公治國。不加恩外家。論世者謂元祐之治。媿於慶歷。旣親政。羣小競進。政事日非。在位十五年崩。無子。弟侁立。是爲徽宗。蔡京執政。滿朝皆其黨。帝窮極土木。搜尋珍奇。舳艫相銜。號花石綱。又崇道教。自號教主道君皇帝。寵信方士林靈素等。時遼天祚帝在位。

國勢亦衰。女真完顏部崛起東北。稱大金。與遼戰。滅之。遂南伐。帝下詔徵兵。傳位子恆。是爲欽宗。金人圍急。欽宗詣營降。又逼徽宗出宮。金人遷之於五國城。終客死。北宋亡。時人擬爲晉之懷愍焉。

四 西夏之興亡

西夏本黨項拓跋氏。貞觀中歸唐。賜姓李。唐末拓跋思恭討黃巢有功。命鎮夏州。統夏銀。餒。宥。靜五州地。四傳至繼俸。率族朝宋。獻銀。夏。餒。宥。靜四州。族弟繼遷奔叛。入地斤澤。聚衆襲銀州。據之。降於遼。遼以宗女妻之。封夏王。繼遷數侵宋邊。趙普白太宗。復以繼俸鎮夏州。賜姓名趙保忠。使圖繼遷。繼遷奉表謝罪。已而復叛。太宗命李繼隆討之。時保忠亦已附遼。繼隆入夏州。執保忠。送汴。繼遷叛服不常。擊之不克。眞宗立。拜爲節度使。以五州與之。後復叛。陷靈州。又攻西蕃。取西涼。六谷酋長潘羅支僞降。襲敗之。繼遷中流矢死。子德明嗣。德明輸款於宋。宋亦厚賜以羈縻之。遼又冊爲夏王。德明臣事兩朝。在境內則稱帝。立子元昊爲太子。元昊多

雄略。諫父勿臣宋。曰：「衣皮毛，事畜牧，國俗所便。英雄之生，當霸王耳。何錦綺爲？」時夏受宋帛已三十年矣。仁宗卽位十年，德明卒，元昊立，以兵法勒諸部，置文武官，造西夏文字，以教國人，擊回鶻，盡取河西地，據有十八州，都興慶，阻河，依荷蘭山爲固，自稱大夏皇帝。仁宗削其官爵，絕互市，邊釁遂開。因韓琦、范仲淹等專膺邊任，威服諸羌，夏不得大逞，用兵日久，仁宗厭之。元昊請和，呼帝爲父，更名曩霄，而不稱臣。乞歲賜銀綺絹茶二十五萬。仁宗許之。會遼夏釁起，興宗請無與夏和，至遼夏平，乃册元昊爲夏國主，約稱臣奉正朔。元昊卒，子諒祚立。神宗卽位初，邊將襲取夏綏州，邊釁復起。諒祚凶狡好兵，連歲戰爭，犯慶州大順城，中弩創甚。卒，子秉常立。年幼，太后執政。幽之。及卒，秉常執政，屢入寇。卒，子乾順嗣。宣和時，稱藩於金。越二年，知宋有金難，遂犯河外。明年，北宋亡。乾順卒，三傳至安全。蒙古入寇，安全降。族子遵頊嗣。蒙古圍興州，遵頊出奔，旋傳位於子德旺。蒙古伐夏，取甘肅、西涼、靈州、鹽州。德旺以憂卒。弟覲嗣，被滅於蒙古太祖。自元昊至是，凡一百九十五

年。實宋理宗寶慶三年也。

西夏世系表

拓跋德明——景宗元昊(一)——毅宗諒祚(二)——惠宗秉常(三)

崇宗乾順(四)——仁宗仁孝(五)——植宗純祐(六)

仁友——襄宗安全(七)

齊王彥宗——神宗遵頊(八)——獻宗德旺(九)

南平王睨

五 金之勃興

金之先本靺鞨。据有古挹婁地。拓跋魏時。分七部。隋時。七部並稱靺鞨。至唐時。僅有黑水靺鞨。粟末靺鞨而已。餘皆不稱。粟末靺鞨附於高麗。後稱渤海王。傳十餘世。有五京十三府六十二州地。具文學禮樂官府制度。黑水靺鞨居肅慎舊地。東

瀕日本海。南接高麗。開元中。附於唐。置黑水府。領黑水經畧使。賜姓名爲李獻誠。五代時。契丹盡取渤海地。黑水靺鞨。在南隸契丹籍者。號熟女眞。在北不隸契丹籍者。號生女眞。据有混同口。長白山一帶地。有函普者。自高麗來。年六十。居於完顏部。僕幹水之涯。其後有烏古迺者。雄武有謀。役屬諸部。巴延瑪勒叛遼。烏古迺襲擒之。獻於遼道宗。遼以爲生女眞部節度使。有官屬。紀綱漸立。國中無鐵。以厚價購之。鄰國兵勢稍振。來附者益衆。五國穆延部舍音。復叛遼。烏古迺伐之。敗其衆。欲陳功於遼。行次拉林水道。卒。時宋神宗熙寧七年也。次子和哩布即位。多智。務開疆土。兵勢日盛。稱雄諸部。卒。弟頗拉淑繼立。未幾年卒。弟英格立。討諸叛。撫各部。遼將蕭哈里叛。遼不能克。英格募兵得甲千餘。與戰。執之。送於遼。始輕遼。卒。兒子烏雅舒即位。卒。阿固達立。是爲太祖。沈毅有大志。自號達貝勒。時遼天祚帝在位。淫酗怠政事。每歲遣使。市名鷹海東青於海上。道出境內。婪索無厭。乃備衛。築城堡。修戎器。遼亦調軍於甯江州。太祖進軍大敗之。克其城。諸將勸進。乃於

次年春正。卽皇帝位。國號大金。崇文化。命完顏尹希製女真字。頒行國中。是時宋童貫擊吐蕃。復三州。遂謂契丹亦可圖。遣使約夾攻遼。金自北以攻遼中。宋自南以攻遼南京。事捷後。以後晉時所與契丹地歸宋。餘地爲金有。而宋則以與遼歲幣贈金報之。旣聯約。太祖進兵。克上京中京。追天祚帝。又陷西京。宋則頓軍南京。屢爲遼將所敗。太祖以宋無功。乃自居庸關入。陷南京。僅以燕京及六州地與宋。然燕地形勝。易州西北爲金坡關。昌平之西爲居庸關。順州之北爲古北關。景州之地爲松亭關。平州之東卽榆關。榆關金人由之往來。中原藉此數關。得以限華夷。羈馬足。顧關內地平。灤營三州。後唐時陷於阿保機。以營灤隸平。置平州路。故得燕不得平州。則門闔洞啟。漢胡雜處。殊難固守。天祚西走。金以降將副使張穀留守平州。旣而叛降宋。宋納之。終爲金人所襲陷。遂與宋起齟齬。勝遼之明年。太祖卒。時宣和五年也。弟烏奇邁立。是爲太宗。西向擊遼。天祚帝滅之。乘勝南下侵宋。由平州入燕山。盡取燕山州縣。長驅而進。宋人無禦之者。徽宗出奔。

傳位於子。幸李綱力戰。得守京師。已而和議起。悉括民間藏蓄。以與金。勤王師集。格於和議。不得要擊。金師退。靖康元年。復分道入。破太原。取河東地。入洛陽。遂圍汴京。起師僅四十日也。城破。帝又惑於和議。親往金營。金遂廢帝及上皇爲庶人。并劫上皇。挾二帝而北。移於五國城。以終天年。而宋之冠服禮器圖書府庫。蕩然如洗矣。


六 遼之末運

遼太宗弟魯呼。素有戰功。太宗出征。魯呼留守。及道卒。世宗既奉梓宮。還次鎮陽。卽帝位。世宗爲人。皇王長子。太宗愛之。爲諸將所推。故得立。太后聞之。怒。命魯呼率兵拒之。用烏哲言。得罷兵。旋遷魯呼太后於祖州。屢南侵漢。至五年九月。南侵周。次歸化州。尙和山。祭讓國皇帝。卽人羣臣皆醉。察克反。帝遇弑。亂定。立穆宗。時北漢臣服於遼。每遣兵助之。北漢南唐。使車迭至。驕侈日甚。多誅殺。敗於懷州。宵小作亂。弑帝。世宗次子賢從。聞變。率兵定亂。遂卽位。是爲景宗。后蕭氏。國事皆決。

之。宋太宗圍南京。耶律休哥大敗之於高粱河。遼宋之好遂絕。在位十四年崩。長子隆緒立。是爲聖宗。承天太后攝政。明達治道。習知軍政。賞罰信明。將士用命。曹彬來伐。敗之於歧溝關。眞宗時。澶淵之盟。與宋結和。定爲兄弟。與高麗戰。敗還。擊回鶻。圍甘州。亦敗還。黨項阻卜諸部多叛。城遼西。建爲中京大定府。自上京移都之。無子。養庶子宗眞立爲太子。帝崩。宗眞即位。是爲興宗。初夏人事遼甚恭。至是叛。帝自將討之。不克。議和而還。建雲州爲西京大同府。以鎮西邊。宋至和二年崩。長子洪基立。是爲道宗。初政尙可觀。及寵乙辛。專權誤事。皇后明敏。讒而殺之。太子濬亦后所生。爲又乙辛所構誣。廢之。徙於上京。乙辛潛殺之。又欲害濬子延禧。帝惡之。乃出之興中府。後謀亡入宋。事覺。伏誅。帝在位四十六年卒。時徽宗建中靖國元年也。自乙辛用事。羣邪競進。諸部反側。無復盛時氣象矣。燕王延禧立。是爲天祚帝。國勢已衰。不能振作。次子晉王敖盧幹。仁孝有人望。蕭奉先譖之。殺其母。金太祖克中京。天祚獵於鶯鶯灤。金兵奄至。天祚用奉先言。縊殺晉王。人心解。

體走西京。金兵追之。天祚乘輕騎入夾山。西京陷。時金宋兵交乘。金追襲天祚於青塚。獲其子女。族屬輜重。天祚奔雲內。西夏李乾順遣使來。乃南渡河。旋謀出兵。收復燕雲。耶律大石諫不聽。與金人戰。敗走山陰。七年。趨黨項。爲完顏婁室所追擒。遼亡。凡九世。二百年。

遼統系表



興宗(真)(七) — 道宗(洪基)(八) — 瀋 — 天祚帝(延禧)(九)

七 北宋與外國之交涉

宋之初興。於西有夏。於北有遼。邊徼不靖。武功震讐。遠遜漢唐。皆有以貽後世之患。而於南方之交涉。則有交趾。交趾故唐安南都護府。隸唐籍。五代時。南漢衰。漸有獨立之勢。譙州刺史丁部領據其地。立瞿越國。號大勝王。太祖滅南漢。子璉入

貢封爲交趾郡王。璿死。弟璿年尙幼。嗣立。大將黎桓擅權樹黨。漸不可制。遷璿於別邸。幽之。自爲王。統其衆。太宗伐之。敗之於白藤江。會炎暑。引還。至清化四年。遣使來貢。以桓爲靜海節度使。封交趾郡王。尋進封南平王。真宗時。黎桓死。中子龍鉞立。未幾。弟龍廷殺之。苛虐。國人不附。宿將李公蘊殺之。自稱留後。黎氏三傳而亡。入貢於宋。宋循舊制封之。子德政嗣。發兵取占城。真臘諸國。德政卒。日尊立。自稱皇帝。建國號大越。改制度。國運日興。子乾德立。與神宗同世。宋劉彝聽偏校言。欲取安南。絕互市。表訴亦不得達。熙寧八年。分三道入。一由廣州。一由欽州。一由崑崙關。連陷欽廉邕三州。聲言宋用青苗助役法。使生民窮困。欲以兵力除之。宋以郭逵爲安南招討使。并詔占城。真臘合擊之。遣將復邕廉。自至富良江。蠻兵逆戰。設伏擊敗之。大越王懼。奉表納款。宋軍亦多死亡者。因歸掠民。以順州賜之。後與交趾定邊界。還其侵地。

東北之朝鮮半島。唐初新羅統一之。文武王之後。經神文王。至聖德王。政治美備。

及考成。王景德。王皆以明德。獎勵學術。東方文化遂漸振。數傳後。叛賊不絕。君臣以詩歌自娛。國政日非。時憲安王庶子弓裔起兵北京。稱王。國號摩震。定都鐵圓。殆有全國三分之二。改國號泰封。同時有甄萱者。亦據完山州。號後百濟。設官職。遣使吳越。吳越報聘。弓裔信佛。多不經。虐殺其妻康氏。諸將推其部下王建爲王。國號高麗。殺弓裔。稱王。僅十七年。後百濟襲新羅。王建迎其主。妻以長女樂浪公主。改新羅爲廢州。統遂絕。新羅朴氏十王。昔氏八王。金氏三十七王。前後九百九十二年。百濟又衰。萱子神劍。幽父殺弟而自立。萱走至高麗。王建禮之爲尙父。討百濟。神劍力盡降。半島統治之權。遂歸高麗掌握。王建既統一國內。遣使賀石敬瑭登極。修明政治。遂奠五百年之基。

第四章 近古紀 外族極盛及東西交涉時代

一 南宋之盛衰

靖康難作。北宋之社已屋。其亡國原因。大抵國是主義。未有一定。對外政策。或主


和。或主戰。常隨閣臣爲轉移。變遷無定。終至以空論泛議。貽誤家國。是爲立君政體之黨派政治。泊乎南渡。餘風猶熾。蹈其覆轍。致不免崖山之痛。殊可哀也。金既滅宋。立故相張邦昌爲楚帝。上皇聞之泣下。宗澤在衛。聞二帝北行。欲於歸路邀之。無應命者。卒不果。康王構徽宗之第九子也。汴京受圍。奉命入衛。至大名。聞京師陷。乃移兵東平。進屯濟州。邦昌稱帝。遺書責之。使改正。邦昌氣沮。迎哲宗廢后孟氏入宮。以太后手書迎康王。適徽宗手札至。王慟哭。遂卽位於應天府。是爲高宗。高宗庸懦。無有爲志。罷李綱宗澤。而任用主和議之秦檜。以南方安謐。乃南狩。兩河義民。圖恢復者咸解體。金人分三道南侵。一由河中。下太行。歷河陽渡河。攻河南。分攻漢上。一由燕山滄州渡河。攻山東。分兵趨淮南。一由同州攻陝西。時宗澤留守。悉力敗之。招降羣盜。勢大振。上疏二十餘。請帝歸京。爲黃潛善。汪仲彥所抑。不以聞。澤憤疽發於背。卒。豪傑離心。汴京遂陷於金。金人南下。帝倉皇走。如杭州。金兵還。既又起河朔兵伐宋。禁漢服。令髡髮。不如式者殺之。蹂躪江南北。陷杭


州。帝奔海上。至溫州。烏珠追之。敗還而北。帝回駐越州。兩江復爲宋有。時韓世忠扼之於江灣。烏珠趨平江。又扼之於鎮江金山。烏珠跳而免。大敗。請假道。不許。金兵循南岸。世忠循北岸。出金師前後。烏珠大窘。鑿老鵝河。通秦淮。遁走金陵。又爲岳飛所邀擊。以八千人拒十萬衆。相持四十八日。始渡江而北。金人自是不敢南下矣。時韓世忠防禦江淮。張浚防禦關西。各當一面。浚自關中出河南。爲金將婁室。敗於富平。浚欲由關陝取中原。反喪其地。賴吳玠兄弟保有蜀地而已。金取京東西。立劉豫爲齊帝。豫宋臣。知濟南府。以地降金。至是爲金子皇帝。攻取襄鄧。岳飛敗之。韓世忠又敗金兵。飛攻楊太破之。湖湘平。高宗定都臨安。無復北伐志。聞上皇及鄭太后崩於五國城。秦檜以和議進。排衆議。殺岳飛。乃割淮水爲界。唐鄧二州入金。陝西以大散關爲界。歲貢銀絹各二十五萬。是爲宋金議和之第三次。時宋地兩浙兩淮江東西湖南北西蜀福建廣東十三路。而京西南路。僅襄陽府陝西路。止階成和鳳四州而已。高宗無子。得太祖後秦王德芳六世孫伯琮。立爲

皇子。賜名昀。卽位三十六年而內禪。是爲孝宗。英明有大志。嘗欲報金。復湖南陝西。淮北諸州。旋不利。會金世宗在位。北方亦隆盛。無隙可乘。遂議和。奉國書。稱叔姪。歲幣銀絹各減五萬。是爲宋金議和之第四次。高宗崩。孝宗禪位於太子愔。是爲光宗。有心疾。多不視朝。韓琦五世孫侂胄。爲太皇太后吳氏女弟之子。建內禪議。垂簾。召光宗子擴。卽位。代執孝宗喪。是爲甯宗。侂胄自負定策功。竊弄威柄。專政十四年。聞金國勢困匱。以爲中原可圖。叛盟伐金。大敗。荆、襄、兩淮諸郡陷。江南大震。侂胄誅。後議和。改叔姪爲伯姪。歲幣增至三十萬。犒軍費銀三百萬兩。函侂胄首以贖淮南地。甯宗崩。無子。史彌遠爲相。矯詔立從弟昀。昀太祖十世孫也。是爲理宗。蒙古崛興。遣使議夾攻金。功成以河南地歸宋。宋報聘。及蒙古伐金。宋師會之。是歲史彌遠卒。理宗始親政。擢用真德秀、魏了翁等。然蒙古已跨中原。勢烈於遼金之初。不易攘斥矣。金亡。鄭清之議復三京。收汴。蒙古責宋敗盟。淮漢之間。遂無甯日。理宗崩。姪禛立。是爲度宗。時蒙古建國號。帝崩。皇子焜立。元伐宋。入臨

安帝暴降。兄益王昀逃至福州。為衆所推。是為端宗。元軍追之。端宗西走。在位三年。崩於礪州。宋臣立其弟昀。年八歲。遷於崖山。元將張宏範。由朝陽港乘舟。至甲子門。襲之。相持月餘。不能支。軍亂。陸秀夫負帝蹈海死。時張世傑猶存。趨占城。謀入廣。會颶風大作。墜水死。宋亡。

宋世系表





端宗昀(南八)

恭宗焘(南七)

帝昀(南九)

二 金之末運


金太宗既滅宋。乃立劉豫爲楚帝。僅三十日而罷。聞高宗即位。如揚州。乃分道南侵。陷潼關。中原大震。烏珠由鄭至白沙。敗於宗澤。勢少殺。及宗澤卒。汴京陷。尼瑪珣南下。至揚州而還。烏珠又請舉燕雲河朔兵。分爲二。一由滁河入江東。一由蕪入江西。破劉光世於江州。金人由大冶。如建昌。吉州。追隆祐太后。不及。陷江西州郡北還。烏珠軍由滁和出者。破杜充於建康。陷杭州。越州。旋不利。引還。又爲韓世忠所扼。幾不得脫。既北。敗張浚軍。立降將劉豫爲大齊皇帝。奉金正朔。修世子禮。關中既定。悉地與之。遂都汴。烏珠向蜀。遇吳玠吳玘於和尚原。大敗。中流矢。

引歸燕山。劉豫南侵。金遣將應之。韓世忠爲背嵬軍。大敗金師。追至淮上。而金齊合軍圍廬州者。又敗於岳飛軍。天雨雪。糧絕。又聞金主病篤。乃夜遁。太宗卒。初。尼瑪珞、烏珠等會朝於上京。請立太祖孫赫拉爲阿木魯貝勒。太宗迫於公義。許之。至是卽位。更名亶。是爲熙宗。時蒙古興於北伐。之。敗還。劉豫伐宋。又潰退。尼瑪珞爲相。見嫉於太宗皇子博勒郭。悉誅其黨。尼瑪珞憤恚而卒。金遣達賚烏珠僞南征。入汴。廢之。豫立凡八年。與家屬俱徙於臨潢。先是宋王倫來聘。創和議。數中格。秦檜繼之。會徽宗崩。劉豫廢。金以河南陝西地與宋。使聘往來。議幾成。博勒郭自爲太宗長子當立。謀反。事覺。伏誅。烏珠遂翻和議。執宋使。分兵南下。東京副留守劉錡大敗之於順昌。還汴。岳飛收復河南州郡。駐郾城。烏珠拐子馬五千。爲飛麻札刀所破。精銳殆盡。飛進至朱仙鎮。兩河豪傑響應。時秦檜主和議。急召班師。遂定約。歸梓宮。金幹布太祖庶長子也。熙宗時執朝政。及卒。子亮繼之。密謀篡位。紹興九年。弑帝自立。殘虐無人理。殺宗族數百人。諸從姊妹滿後宮。遷都於燕。籍諸

路兵。渝盟南伐。克淮西諸郡。至采石。爲虞允文所敗。不得渡。聞從弟烏祿自立於遼陽。大愕。諸將弒亮北還。烏祿訛里朶之子。亮之從弟。爲亡歸諸將所擁立。是爲世宗。追廢亮爲海陵王。與宋締和。賢明仁恕。北人稱爲小堯舜。后初見逼於海陵。守節死。遂不復立。宮中雅尙儉素。保全宗族。宋欽宗卒。帝葬以一品禮。用心民治。慎選守令。罷關征。上下相安。斷死罪者。至歲僅十七人而已。子允恭早卒。以孫璟爲右丞相。使習知朝政。在位二十八年。崩。璟卽位。是爲章宗。初政尙清明。旣而佞臣嬖妾用事。紀綱不修。國勢日弱。與南宋同趨衰運。南宋韓侂胄擅權。欲立功以自固。乃命布薩揆爲河南宣撫使。以備之。宋吳曦以階成和。鳳四州來降。封蜀王。布薩揆南侵。陷蜀漢荆襄兩淮諸郡。及和議起。以侂胄首易淮陝侵地。是爲金宋締和之第五次。卽最後次也。是歲帝崩。無子。在位時。疏忌宗室。愛叔永濟柔弱。入朝。留之不遣。至是卽位。時蒙古興於漠北。連侵金邊。西京留守紇石烈執中。棄城遁歸。西北諸州。皆叛降。遼族耶律留哥亦附蒙古。取遼東州郡。山東盜起。永濟不

能支。且失將士心。執中作亂。弑永濟。立章宗庶兄昇王烏都布。是爲宣宗。執中爲
 尤虎。高琪所殺。蒙古分兵破兩河山東諸郡。所過殘滅。帝求和。議成。以兵弱財匱。
 中都不能守。遂遷汴。蒙古怒。復南侵。金地日蹙。僅北保真定。東阻河。西阻潼關。而
 已。欲窺宋淮漢川蜀。以自廣。分道南侵。宋禦之。互有勝負。山東盜又率衆降宋。宣
 宗在位十年崩。太子甯嘉祿立。是爲哀宗。請和於宋。且與西夏約爲兄弟國。時國
 中內政紊亂。叛者紛起。外患日迫。帝出奔。渡河。次蒲城。走歸德。汴京降元。旋走蔡
 州。遣使告急於宋。言元滅國四十。以及西夏。夏亡及我。我亡必及於宋。脣亡齒寒。
 自然之理。宋不許。元兵圍之。事亟。謂侍臣曰。我爲人主十年。自知無大過惡。死無
 恨矣。祖宗傳祚百年。至我而絕。與自古荒淫暴亂之君等爲亡國。獨此爲介介爾。
 傳位於內族承麟。是爲末帝。城破。帝自縊。末帝退保子城。聞帝崩。入哭。城潰。末帝
 爲亂兵所殺。金亡。

金世系表



三 西遼之亡

耶律大石。太祖八世孫也。諫天祚不從。率衆西走。至北庭都護府。會西鄙七州十
 八部王。諭以興復。得精兵萬餘。別失八里之回鶻王伯勒格迎降。願爲附庸。兵行
 萬里。軍勢益盛。至塔什罕。破西域衆十萬。降回回國王。又西行。至別喇薩軍。其主
 棄國遁。因建都城。名虎思斡耳朶。自立爲嚳爾汗。號天祐帝。是爲西遼德宗。
 遼亡之歲。耶律大石率衆西走。服回回王畏吾兒部。入中央亞西亞。奪阿母河北

之地。遂建西遼國。遣將攻花刺子模。擒護罕默德嗣王阿切斯。臣服貢金。然後釋之。德宗卒。子伊埒立。是爲仁宗。年幼。母感天蕭太后稱制。臨國六年。及卒。伊埒親政。時爲金熙宗末年。金使至回鶻。不遜殺之。金室內訌。不及來責。仁宗卒。以子幼。命妹普蘇完執國政。自號承天皇帝。會金海陵南下。國中動搖。或勸太后乘機復故土。必非無望。太后不許。與夫弟布固濟蘇沙喇通。出其夫蕭都爾伯爲東平王。遂殺之。其舅烏拉琳與兵閭罪。於宋孝宗四年。誅普蘇完。及布固濟蘇沙喇立。伊埒次子卓勒古爲王。是爲末帝。西遼經內亂。後國威甚不振。花刺子模王吞并近邊。國益強大。遂不納貢。又攻取布哈兒令各城。乃蠻之古出魯克。客於西遼。知卓勒古無能。爲東方屬部皆叛。從蒙古。西域又叛。聞其父舊部散匿。乃給卓勒古東行。集遺衆。肆劫掠。遇花刺子模使。約東西夾攻。西軍勝。則西軍拓地至阿力麻里。和闐。喀什噶爾。東軍勝。則東軍拓地至費那克特河。既定議。進軍至西遼京。爲卓勒古所敗。古出魯克退集衆。會花刺子模。撒馬爾干。合兵敗西遼。擒其將塔尼

古。古出魯克乘機再進。遂獲卓勒古。陽爲尊崇。陰圖自立。越二年。卓勒古憂恚卒。西遼亡。

西遼世系表

太祖耶律太石(一)

仁宗伊埒(三)

末帝卓勒古(五)

感天太后蕭塔不煙(二)

承天太后普蘇完(四)

四 蒙古之初興

蒙古之初。自稱蒙兀爾。無文字。故不詳世系。相傳初居山中。僅男女各二人。後男名乞顏者。支裔繁盛。稱乞要特。熔鐵開路。復出山。數傳居於斡難。克魯倫。土拉。三河發源地。名不兒罕哈勒敦。傳聞異辭。大抵近於太古之神話。而不兒罕山。實爲其族初時根據地。故屬室韋一部。世爲遼金屬。富金時。哈不勒爲部長。威望甚盛。統蒙兀爾全部。始建汗號。宋高宗紹興十七年。冊爲蒙輔國王。及卒。子把兒壇把阿禿兒嗣。是卽成吉思汗之祖。有三子。季名也速該。頻吞併近鄰諸部。勢漸強。攻

塔塔兒部。獲其部長鐵木真。還次鐵里溫盤陀山。適其妻鄂倫額格生子。因以鐵木真名之。當是時環蒙古四鄰皆敵。其東據興安嶺。爲塔塔部。其北沿貝加爾湖。爲泰赤烏部。其南隔沙漠。接長城。爲汪古部。其西爲薛靈格河經流之蔑里吉部。蔑里吉部之北。貝加爾湖之西。爲斡亦拉部。又西額爾的石河經流處。爲吉里吉思部。卽古之黠戛斯也。蔑里吉之南。有克烈部。蔑里吉與克烈之西。吉爾吉思部之南。爲乃蠻部。占有阿爾泰山山麓一帶地。爲一強國。乃蠻之南。接散在天山南路之畏吾兒部。乃蠻之西南。接伊犁河岸之哈刺魯部也。速該死時。鐵木真年僅十三歲。族衆皆以年幼。叛歸泰赤烏部。合七部人來攻。鐵木真與母鄂倫額格。率部人爲十三翼。大戰敗之。兀魯特。布魯特二部來服。又以術服諸部。勢漸大。金攻塔塔兒叛酋摩勒蘇里徒。鐵木真乘此復前仇。至渥勒佐。殺摩勒蘇里徒。金授鐵木真爲察兀特忽里。卽招討使也。是年四十。旣而與汪罕聯盟。攻月兒斤蔑里吉部。又攻乃蠻。時乃蠻亦難赤汗卒。有二子。長曰太亦布哈。受金封爵。爲大王。故稱

大王汗。蒙古人誤爲太陽汗。弟稱不亦魯里汗。兄弟交惡。分國而治。爲鐵木真所敗。旋滅泰赤烏部。又攻察汗塔塔兒。按赤塔塔爾二部。鐵木真爲長子朮赤。朮赤克烈部。汪罕之女察兀兒別乞。鮮昆之子禿撒哈。亦欲求鐵木真之女豁真別。而兩不諧。鮮昆以言唆汪罕部。遂與蒙古之交漸疏。焚其牧地之草。翌年。僞許婚。遣使邀鐵木真赴晏。將圖之。鐵木真往。中途。從人言。以道遠辭。汪罕擬乘不備襲之。牧者夜來告。亟移營。失魯楚兒只特地。向山路而去。分兵於卯溫都爾山後。以瞭望敵兵。大戰於哈蘭真額列特。敗汪罕前鋒。忽亦兒答兒。繼敗其最勇卒只額斤部。及中軍。大勝。是爲鐵木真一生有名之戰。然汪罕勢仍盛。乃退避於巴兒渚。納酌水。誓從者。時從者無多。稱爲巴兒渚特延。散亡漸集。至鄂爾河上。其衆得四千六百人。分爲兩隊。沿哈河兩岸。溯流上行。至董嘎淖爾。脫爾哈火魯罕。是處有湖有河。水草茂美。因以休息士馬。遣使責汪罕。阿勒壇。火察兒。及脫忽魯兒。會汪罕有內亂。諸部星散。鐵木真襲之。盡俘其衆。汪罕父子以數人遁。至乃蠻境。爲邊將。

所殺鮮昆亦逃。蒙古悉有其地。是年冬大獵。歸駐於舊居。宣布札薩。鐵木眞既滅汪罕。遂從事於乃蠻。起師至客勒忒該哈答濱哈刺河。駐軍多日。敵不至。秋又議進兵。時太陽汗在阿勒台河與杭海山之間。以蒙古馬瘦。僞退以疲之。火力速入赤諫。以爲自乃父臨陣。從未以人背馬尾向人。今若是怯。何不使婦古兒八速來。太陽汗乃奮進。大戰。至薄暮。敗績。身負重傷。勸之起。不應。火力速入赤率衆力戰死。潰衆夜走納忽嶺。墮死者無算。太陽汗被擄而死。子古出魯克逃依其叔。是年冬。鐵木眞再征蔑里吉。至塔兒河。其酋帶亦兒兀孫來降。旋叛。逃至薛楞格濱之呼魯哈卜察。築寨而居。鐵木眞遣將討平之。蒙古之附近諸部。既悉歸服。領土直接西夏。時西夏仁宗子純祐在位。鐵木眞乘勝圍其力吉里城。數日下之。毀其牆堞。又下乞鄰古撒城。擄掠無數。內外蒙古之地。悉入版圖。既敗乃蠻後之二年。鐵木眞大會部族於斡難河源。建白旗。卽皇帝位。羣下上尊號。爲成吉思汗。從開闢出之請也。

五 中央亞西亞之沿革

成吉思汗卽位之翌年。夏國不納貢。再征之。攻下各城。至次年夏班師。歸舊居避暑。冬復征托克塔。古出魯克。用降酋爲嚮導。至兒兒的石河。殺托克塔於陣。古出魯克遠遁西遼。卓勒古收爲義子。又明年。畏兀兒國主亦都護。聞成吉思汗威名。殺西遼所遣之監國大臣沙均。輸誠來降。未幾來覲於克魯倫河。自陳親附意。願爲第五子。成吉思汗許之。時納歲幣於金。金主使衛王永濟。受貢靜州。成吉思汗不爲禮。永濟怒歸。會金主卒。永濟嗣。有詔至蒙古。成吉思汗聞新君爲衛王也。遽南面唾之曰。我謂中國皇帝。是天上人。乃是等庸懦者。又何拜爲。卽乘馬北去。爭端遂起。數侵略金之西北境。金求和。成吉思汗不許。分道入寇。東過平灤。南至清滄。由臨潢。過遼河。西南至忻代。皆降於蒙古。自是益南侵。圍燕京。兩河山東間數千里。室廬皆空。幾有一舉入金之勢。然兵旄敗。金人復潼關。不得逞志。西方之事。又接踵而起矣。

回回教祖摩罕默德之始興。左手執可蘭經典。右手握劍。不用命者。誅殺無赦。其子孫經數世。拓地萬里。東由海上。與唐交通。握歐亞二洲之兵力商權。卽史所記之大食國是也。其版圖最盛時。幾繞地中海。成一大圓環。國部名八吉打。爲一時世界文化通商之中心。東方較廣。根據葱嶺以西。亞西亞全土。跨有阿非利加。歐羅巴之一部。至唐末葉。教主哈利發之威漸衰。兵馬政治之大權。握於算端。彼僅擁宗教上之虛位而已。國土四分五裂。遂不可復收拾。時突厥爲唐所破。次第西行。哈利發及算端等。愛其武勇驍捷。用此軍隊。當防禦之任。後有麥姆得者。崛起據阿富汗地。加婆爾之南。哥疾甯。開北自阿母河。南至波斯灣之領土。更侵入印度河及恆河之流域。及麥姆得卒。哥疾甯王朝遂衰。而爲塞而杜克家所擊破。塞而杜克之始祖。爲塞而杜克。亦屬突厥種。爲烏古斯之部長。居於錫爾河及阿拉海、裏海之間。北宋中據地自王。至其孫脫兒兒。率其部族。破哥疾甯家。奪其領土。取呼羅珊地。莫都尼沙不耳。遂西至八吉打。受命於哈利發。襲回教保護者之

號及卒。從子阿而普亞爾司蘭嗣。益西拓地。逼小亞西亞。與東羅馬帝交兵。大破之。約歲輸幣許和。是爲塞而柱克王家最盛之時。其屬地西自阿刺比亞。東越葱嶺。抵合失合兒。至其子美里克西耶死。其屬地爲諸子諸將所分割。於是國運頓衰。時耶律大石。率兵侵中央亞西亞。美里克西耶子山爹爾。失阿母河北地。大石建西遼國。數傳爲古出魯克所滅。既而分西遼地。以錫爾河南地。與花刺子模。自領其餘。欲改從佛教。部衆不服。殺監漣卒以叛。古出魯克在喀什噶爾。將入巴達克山。爲蒙古將哲別追及於撒里黑庫爾山徑隘處。遂殺之。初美里克西耶之僕奴希由代肯者。常執刀衛左右。甚寵任。除籍。封以花刺子模地。爲部酋。子可大白。丁摩罕默德。裂土自王。稱花刺子模沙。大拓領土。中央亞西亞之形勢遂一變。又南伐高盧家。略阿富汗斯坦地。先是麥姆得死。哥疾甯王家衰頹。僅守興都南土山南之根據地。至紹興二十二年。阿富汗人夏哈普巫丁者。興於高盧。代哥疾甯家。領阿富汗斯坦及北印度。光宗時。更欲併中印度。乘疊而黑王與卡諾地王爭。

勢降之。進兵至恆河口。甯宗時。夏哈普巫丁死。高盧家騷擾。摩罕默德伐之。悉定其地。時夏哈普巫丁之將。爲印度總督者。名克搭布巫丁。據疊而黑。稱印度王。領賓都耶山以北地。史名爲奴隸王家。因克搭布巫丁屬突厥種。而爲高盧家之奴隸也。摩罕默德既得志。更西向。欲廢立八吉打之哈利發。以樹威權。時瑪猛後一十七傳。而至那西兒。爲八吉打之哈利發。擬恢復權勢。與高盧家通。摩罕默德得其證據。大怒。伐之。出師向八吉打。以大雪。無功引還。

花刺子模與蒙古東西對峙。然成吉思汗無意西征。遣賈人往西域。入花刺子模界。盡被殺。逸者僅一人而已。還報。大怒。聞花刺子模兵集於撒馬爾干。與戰。互有勝負。花刺子模王心怯戰。乃以兵守錫爾。阿母兩河沿岸諸城。任蒙古兵飽掠。去。於是爭端遂啟矣。

六 蒙古之西征

西遼先亡。乃蠻餘孽。已無復存。蒙古得天山葱嶺附近沃饒之曠土。遂與花刺子

模接壤。致興西征之師。至成吉思汗卒時。九年之間。中央亞西亞全土。爲干戈擾攘之區矣。

成吉思汗卽位後十四年。集諸子諸將。議擊西域。先定軍制。初在也兒的石河。鎔夏。至秋進兵。渡亦列河。至花刺子模之訛脫刺兒城。分軍爲四。使察合台。窩闊台。圍之。至五月始下。哈伊思汗率親兵三萬守堡塞。死亡殆盡。僅餘二卒。猶登屋。以瓦擲人。生獲之。檻致撒馬爾干。虐殺以報仇。朮赤亦下邊失那斯。守將過錫爾河。夜遁。又降因吉懇特城。餘衆渡阿母河逃去。於是花刺子模之北境。服於蒙古。其第三軍爲別將所統。僅五千人。往攻白訥克特。大戰三日。至第四日。城民請降。盡殺之。時帖木兒蔑里克。分兵千人。屯塞渾河中之洲。與城守爲犄角。蒙古填河築隄以逼之。及勢不支。始遁去。成吉思汗本軍襲賽兒奴克城。招降之。更名爲庫特魯特八力兒。募鄉導。由沙漠之僻路進。十五年春。至布哈兒城。守將夜遁。伊瑪姆及文士等出降。攻內堡破之。死者凡三萬人。婦稚亦不得免。師循賽拉甫散河。而

征撒馬爾干。是處花刺子禰王摩罕默德集衆守之。及成吉思汗至。朮赤等三路之師亦會。二日。聞花刺子禰王往駐夏之地。使哲別速不台率二萬騎追之。至第五日。城降。又破其內城。殺康里兵三萬。後又屢調發。故城民益寥落。

成吉思汗駐於撒馬爾干境內。分遣諸將往追花刺子禰王。初摩罕默德駐軍忒耳迷斯河濱。聞各處陷。乃渡河遁。旋聽人言。謂羅耳法而斯界上有高山名帖克帖庫。可避兵。乃留其地。蒙古將哲別速不台收巴而里城。焚咱窪城。渡阿母河。無舟。乃伐木爲具。使將士攀援以渡。至備沙不兒。哲別由者溫路。向徒思。速不台由大路。向札姆。降者皆不犯。不降者殺無赦。呼拉商境內堅城多。舍之。晝夜兼程。進速不台向伊斯法楞。哲別向馬三德蘭。直至耳來夷城。摩罕默德聞警。倉皇遁。蒙古追躡往。不得休息。直入應斯比海內之小島。旋又易他島。哲別之軍不能覓獲。乃回軍。摩罕默德憂憤卒。越數載。始送於阿勒的斤堡葬之。

摩罕默德先是立子鄂斯拉克沙爲嗣。卒居海島。改立只拉兒哀丁。及其死。兄弟

不和各樹黨。衆畏只拉兒哀丁之勇。不願奉爲主。只拉兒哀丁聞之。乃由訥薩奔沙特巴黑。收集士馬。居三日。將往嚙自尼。蒙古兵適至。乃遣將禦攻。迨遁遠。將亦由他道行。蒙古兵追之不及。於是朮赤察合台窩闊台奉成吉思汗命。伐花刺子模。時花刺子模公舉忽馬爾爲帥。逐蒙古兵。遇伏。死者幾及十萬。然朮赤與察合台素不協。師無律。城兵屢敗蒙古兵。七閱月而城不下。成吉思汗聞之。怒命窩闊台總諸軍和解兩兄。軍復振。攻下之。巷戰七晝夜。驅民至野。凡蒙古兵一人。分得二十四人。成吉思汗於是年秋。由撒馬爾于起行。偕子拖雷往那黑沙。不過鐵門關。攻忒耳迷斯城。下之。又分軍攻巴達克山。悉平定之。由是質渾河北無梗命者。次年春。成吉思汗至巴而黑。進至塔力堪。乃召拖雷回營。先是拖雷由鐵門關。順蔑兒委察克之路。而至備沙不兒。聞召。過枯折蘭河。取海拉特城而歸。合下塔力堪。堅寨。察合台窩闊台亦由花刺子模來。朮赤又至。勢益盛。蔑而甫曾汗蔑利克者。自知勢敗。蔑利克地不克久居。乃降於蒙古。旋脫忽察兒攫之。不自安。聞只拉

兒哀丁在嘎自尼。乃以兵四萬來從。時成吉思汗嚴守古兒只斯坦、札布勒、喀不爾之地。皆要隘也。使失吉忽脫忽南征。聞汗蔑利克叛去。追及之。反爲所敗。歸見成吉思汗。成吉思汗卽自將起師。臨戰地。觀形勢。責以不善擇地。及至嘎自尼。則只拉兒哀丁已於十五日前遁矣。急追之。至印度河濱。大戰。只拉兒哀丁之左右翼。皆覆沒。汗蔑利克被殺。只拉兒哀丁策馬躍入印度河。泳水而逸。獲其妻。殺其子。遣將追入印度。不得蹤跡。會暑甚。大掠而回。印度河東。翌年。自循印度河西岸北行。窩關台則定。印度河下流地。遂平。嘎自尼。叛者紛起。乃遣將屠之。被殺者一百六十萬餘人。生者僅十六人而已。又明年。順八米俺山路而回。渡質渾河。冬。至撒馬爾干。成吉思汗至費那兒河。除尤赤外。諸子皆會。徐行回軍。行及已塞。皇孫忽必烈、旭烈兀等來迎。遂犒軍而歸。

哲別速不台前追摩罕默德至裏海。成吉思汗之在忒耳迷斯那黑沙不也。二將駐兵立亞境內。旋入阿而俺。取谷魯斤。破得耳奔特之關門。克阿蘭部。先是阿蘭

與奇卜察合人相糾合。二將踰大和嶺。以計離之。并攻奇卜察克部。衆潰。遁入俄羅斯。時諾爾孟開基之羅利可王家。領伊爾贊湖南。第聶培爾河流域。額爾駕水源以南之地。其正統務拉的迷爾王。威令不行。諸州自立。有合里只之長密赤思老者。以勇偉著。聞警。連合以禦蒙古。戰於阿速海附近之喀爾喀河畔。大敗。南俄將士多死。生還者僅十之一而已。全土之民震駭。立十字架祈禱。且迎蒙古軍。蒙古軍剽掠。更轉東北。陷不里阿耳。南下。經煞加星而東。奉成吉思汗命還師。是爲入歐洲之第一次。

太祖崩。太宗窩闊台立。不暇西顧。以西方之事。委之拔都。拔都。太祖之孫。朮赤之次子也。朮赤卒。兄斡耳朶。自以才不如弟。願讓位。故得爲嗣。太祖崩。衆會喪。而西征實始於太宗卽位後之七年。先是只拉兒哀丁。渡印度河而遁。收殘卒。入德爾希。尙其公主。借兵圖恢復。陷也里。叙里亞。與羅馬王約連兵。大敗之。旋聞蒙古兵來。乃講和。只拉兒哀丁擬守赤思法杭之險。聽阿米特城主言。取羅馬。與奇卜察

克連和以拒蒙古。意大動。遂引兵向阿米特。中途爲蒙古軍所圍。走於底格里河。幼發拉的河。分水嶺之地。爲高達土人所殺。時拔都西征前之四年也。花刺子模之王統遂絕。蒙古因歐洲之地。奇卜察克。俄羅斯諸部未定。太宗乃以拔都爲統帥。速不台副之。起兵凡五十萬人。太宗子貴由。拖雷子蒙哥。斡耳朶以下。皆從行。速不台先平不里阿里。翌年。至奇卜察克。諸部皆服。裏海以北悉定。

初。俄軍之敗於哲別也。在境外之喀爾喀河。其境內固無恙。蒙古兵退。諸侯王專事內鬪。無復慮外患者。至是毛而杜因人怨俄。乃導大軍由東南入其南境。王幼里守也烈贊。王羅曼守克羅尼耶。求援於務拉的迷爾王攸利第二。未至。而也烈贊城破。幼里闔門殉。移師克羅尼耶。先敗援兵。次攻城。下之。遂北。而至莫斯科。莫斯科守具未備。長驅而入。獲攸利王之孫。更東趨。務拉的迷爾王已遁。至錫第河。畔。二子留守。圍之。至次年春。城破。二王戰沒。宗族皆焚死。軍至錫第河。二姪同戰沒。餘軍北遁於諾弗哥羅。立國建都。蒙古追之不及。而返。轉而東南。向

浮而履河、端河之下流。破奇卜察克部。十一年春。拔阿速之蔑怯思都城。分軍而東。渡浮而履河。略不里阿里之北境。直至烏拉嶺西北。而北俄之地悉定。

拔都乃謀南俄。畿富南俄之大城也。攸利戰沒。畿富王雅洛斯拉甫往援。不及。蒙古軍退。入據之。以嗣兄位。綽耳尼哥王米海勒。亦乘隙據畿富。蒙古既拔綽耳尼哥城。東至端河。以絕畿富之援。及渡帖尼博耳河。米海勒遁入波蘭。破畿富。又下哈力赤城。達尼爾王復遁。而南俄之地悉定。

拔都更南謀波蘭。及馬札兒。時波蘭未強大。波利斯拉第三已殂。領土分與諸子。爭擾不息。波利斯拉第五在位。都克拉克城。餘有三部。一康拉成。治撒洛赤克城。一亨利希。治伯勤斯洛城。一米夕司拉弗哀。治拉抵貝爾城。十一年冬。拔都分五軍。入克拉克城。次年春。戰於夕特羅物城。大敗波蘭軍。王遁。又與亨利希。大戰於勒基逆赤城西南之瓦而司達忒。先圍攻日耳曼軍。全覆沒之。繼敗其援軍。亨利希中矛死。割敵耳至九巨捆。徇其部地。拔都乃入馬札兒。馬札兒爲匈奴阿的拉。

後裔。君臨是土。阿的拉由黑海北轉徙至此。立國其地。與羅馬戰。成霸業。地三面環山。扼險四塞。不易攻入。時貝拉第四在位。聞蒙古兵來。遣將守喀爾巴特山隘。伐木塞路。以限馬足。蒙古破隘入。速不台之軍。亦由東南踰山來會。破其軍於賽晉河畔。水盡赤。貝拉遁入深林。諸將多死亡。別軍由間道入。會大軍。渡多惱河。拔都自攻格蘭。遣將追貝拉。貝拉易服入奧大利亞境。旋入於地中海島上。又乘舟北徙。蒙古分軍西循奧境。直至地中海北之維尼斯國界。又一軍擾奧境。滯於東歐地者。前後凡七年。將北擾日耳曼諸邦。會太宗之凶問至。乃不得已東歸。而建欽察汗國。是爲入歐洲之第二次。

太宗崩。再傳至憲宗。命弟忽必烈南侵。同時命弟旭烈兀鎮回教之亂。出師西征。時憲宗卽位後四年也。裏海南岸。有木刺夷部。不奉回教。而奉伊思馬哀耳教。當北宋中葉。教徒相率至波斯地。其酋長名哈山沙巴哈者。居於低楞。分遣同黨。居裏海西南山內險隘處。裏海東苦亦斯單之地亦如之。并奄有裏海南岸。塞而柱。

克王逐之。不克。勢愈熾。酋長卒。傳位於倫白塞耳堡主。成吉思汗之西征也。木刺夷輸款免兵。及第二次西征。乘機占塔密干。憲宗六年。旭烈兀至西域。克枯姆城。西行。下其屬堡。旭烈兀乃分三軍。北軍由烏三德蘭進。南軍由胡瓦耳。西姆彙進。自將中軍。爲東路。由塔勒干城進。時兀克乃丁庫沙在位。遣子來輸款。旭烈兀進軍至梅門迭司。議合攻。酋長計窮出降。并偕蒙古官諭下四十餘堡。盡毀之。及克倫白塞耳堡。地乃全定。木刺夷人素凶悍。以兀克乃丁庫沙降。衆皆欲殺之。及入。削害之於途中。憲宗命盡除其地之人。無少長。悉被殺。族全滅。旭烈兀乃移軍圍莫希司他。回教主降。滅波斯。進攻八吉打。寶祐六年。陷之。哈利發莫斯科德新。降於干羅。於是西方亞西亞悉滅。其疏族奔於密昔兒。稱哈利發。旭烈兀乃分軍爲二。使郭侃爲總統。轉入印度。侵略奴隸王朝。使無後顧憂。自將向西。襲敘利亞。敗密昔兒之兵於哈耳布。更由回教徒手。奪聖土伊路撒冷。以與耶穌教徒。旋憲宗卒。班師。遣使獻捷。自留其地。都於烏魯米典湖東之孟拉可阿。領阿母河外之地。稱

伊兒汗國。是爲入歐洲之第三次。

蒙古自成吉思汗。征戰二十年。建大汗國之基礎。下至孫世祖。其領土。除以南喜馬拉雅南之印度半島。以北西比利亞不毛之地外。奄有亞西亞洲全土。及歐羅巴洲東北。版圖之廣。爲古今所未有。其立國絕域。下屬羣酋者。厥有四大汗國。一伊兒汗國。由阿母印度二大河。西達羅馬。領有西方亞西亞一帶之地。卽今之阿富汗斯坦。卑魯芝斯坦。波斯。亞西亞土耳其之過半。旭烈兀之子孫。伊兒汗統之。都於孟拉可阿。一欽察汗國。位於伊兒汗國之北。東由吉利吉思之荒原。西至歐羅巴之匈牙利曠土。南有花刺子模海。寬甸吉思海。卽拔都征戍故地。子孫君臨是土。或稱金黨汗國。都於亦的勒河畔之薩萊。一察合台汗國。當前兩汗國之東。領阿母河之東。西爾忽章河東南。卽西遼故地。察合台之子孫君臨之。都於伊犁曲城之近傍阿力麻里。一窩闊台汗國。爲乃蠻故地。都於也迷里。當是時窩闊台最有重望。兄朮赤早死。嗣父爲大汗。卒後。兄弟子姪。咸不得大統。汗位乃歸成吉。

思汗少子拖雷後昆窩關台汗最不振。父老懷舊。遂生數十年之擾亂也。

七 元之盛世

成吉思汗之西征也。金宣宗頗與恢復之志。於嘉定十年四月。分軍爲二路。南伐。宋一軍渡淮。取光州中渡鎮。分兵圍棗陽光化軍。一軍入大散關。攻西和階州。爲宋將所敗。皆潰退。時蒙古之穆呼哩當南征之任。陷太原。取河東諸州郡。降將張柔輔之。威振河朔。深冀以北。鎮定以東之三十餘城。望風皆附。西夏與宋亦聯兵伐金。金勢益衰。穆呼哩以輕騎入濟南。薄黃林岡。岡屯金兵二十萬。破之。進克楚邱。圍東平。乃由東勝州渡河。引兵而西。攻夏。夏大震。又圍金延安府。次年。取河中。同州。攻鳳翔。不能下。還師至解州聞喜縣而卒。翌年。金宣宗。夏神宗俱卒。國勢衰頹。宋金約和。夏亦修好於金。稱弟不臣。各用本國年號。幾成平衡之勢。會成吉思汗西征。旋師。形勢又一變。宋寶慶元年十月。以納仇人不質子爲名。伐夏。與夏獻宗兵五十營。大戰於鹽州川。多殺傷。獻宗逃回。憂憤卒。夏民免者百無一二。白骨

蔽野。三年六月。成吉思汗避暑於六盤山。夏主力盡降。夏亡。七月病甚。遺命立窩闊台。且謂金以精兵扼潼關。南據連山。北限大河。難以遽破。若假道於宋。宋金世仇。必我許。下兵唐鄧。直擣大梁。奉既急。潼關之師。千里赴援。破之必矣。言訖而崩。年七十五。

當是時。凶閭既布。三子窩闊台。由和博至。察合台。由西方來。會喪。耶律楚材以遺命請立窩闊台。諸王意未決。耶律楚材言於監國拖雷。謂此社稷之大計。不早定。恐生他變。拖雷乃與諸王。奉窩闊台。卽位於和林之東。奎騰阿魯。是爲太宗。定都於哈刺和林。分封諸昆弟。專任耶律楚材。以理內治。文臣漸進用。宋紹定三年末。拖雷入陝西。翱翔京兆。同華間。破砦柵六十餘。次年。克鳳翔。拖雷分騎兵三萬入大散關。破鳳州。趨華陽。屠洋州。別軍入河州。至西水縣。破城寨百四十。而還。合軍攻饒風關。由金州而東。將趨汴京。十二月。蒙古兵渡漢江。金軍與戰。大敗。反以大捷聞。民兵守堡者皆撤。不數日。而游騎突至矣。時太宗攻河中。力戰下之。由河清

縣渡河。會拖雷師入鄭州。進圍汴。與金軍大戰於三峰山。敗之。精銳悉盡。又與金將之自潼關回者戰於鐵嶺。金軍覆沒。十月。拖雷卒。有六子。十二月。遣使於宋。議夾攻金。功成。以河南地歸宋。汴京糧盡。援絕。金主不得已。走河朔。入歸德。崔立反。輸款速不台軍。以太后皇后妃嬪宗族等五百餘人置軍前。速不台送后等於和林。而殺其餘。且取崔立家之寶玉妻妾。汴京遂陷。金主在歸德。爲富蔡固納所幽。悲泣曰。古無不亡之國。不死之君。但我恨不知人。爲此奴所困耳。旋因衆殺之。洛陽陷。如蔡州。請援於宋。不許。宋取鄧州。紹定六年十月。宋與蒙古合兵圍蔡。宋軍決汝水。蒙古決練江。破外城。金主禪位而卒。金亡。踐前約。陳蔡西北之地入蒙古。餘宋取之。宋因戰功。有議守河據關。以收復三京者。遂分道會兵。七月。入洛陽。蒙古南侵。宋軍引還。由是淮漢之間。無甯日矣。太宗性嗜酒。晚年尤甚。耶律楚材諫。稍改。旋如故。宋淳祐元年十一月。出田五日。還至烏特呼蘭。歡飲至夜。翌日殂。遣命以孫錫里瑪勒爲嗣。第六后稱制和林。專政權。耶律楚材強諫。后不悅。楚材憤

悒卒。至淳祐六年。蒙古諸王百官議立太宗長子庫裕克。七月卽位。是爲定宗。政出六皇后。在位三年卒。皇后聽政。時宗族中拔都最長。乃會諸部於阿勒塔。議推戴蒙哥。次年。又會於斡難。克魯倫兩河發源地。遂以淳祐十一年六月卽帝位。是爲憲宗。整理內政。分遷諸王。於是太宗之子孫。與憲宗之親近。長爲怨敵。後遂起海都之離叛。而爲大汗國分崩之遠因也。

憲宗卽位。命弟旭烈兀西征。併波斯。而立伊兒汗國。同時又命忽必烈總治漠南。開府於金蓮川。而當南征之任。旣滅大理。吐蕃交趾。忽被讒。幾致不白。寶祐五年。蒙古諸王請伐宋。憲宗又因前使被囚而怒。曰。將南侵。分三道入。憲宗由隴州。趨散關。穆格由洋州。趨米倉。布爾察克由潼關。趨沔州。翌年九月。遂入劍門。攻鵝頂堡。殺守將穆格塔齊爾。略地來會。十二月入閬州。降楊大淵。開慶元年。圍合州。時忽必烈亦登用。悉兵渡淮。由大勝關。張柔出虎頭關。分道並進。宋社岌岌。會憲宗攻合州。守將王堅力戰禦之。不克。偶得疾而卒。諸王大臣用二驢蒙繪楫。負之北

行。合州圍解。以凶問告忽必烈。請北還。忽必烈以未成功。遂渡江。圍鄂州。中外大振。宋議遷都。四明以避之。不果。賈似道援鄂。入黃州。密遣使議和。忽必烈以國事急。許稱臣。歲納銀絹二十萬。割江南爲界而還。會諸王合丹、穆格、塔齊爾於開平。旭烈兀亦遣使勸進。惟阿里克布克不至。從廉希憲等言。遂於宋景定元年三月。卽帝位。是爲元世祖。皇弟阿里克布克。爲漠北宗族。擁立於和林。命阿拉克岱爾發漠北諸部兵。命劉太平、霍魯懷收關中錢穀。與屯六盤之渾塔噶等。陰相結納。又分約成都之密喇卜和卓。青居之奇塔特布哈。廉希憲知其隱謀。分遣人捕太平。魯懷殺密喇卜和卓。奇塔特布哈。又命汪良臣討渾塔噶。渾知京兆有備。西渡河。趨甘州。遇阿拉克岱爾之和林兵。合軍而南。大戰於甘州之東。被殺。關隴悉平。兄弟之爭遂熄。帝賜希憲金虎符。進平章國事。主權歸一。而定宗憲宗之二族。終不和。蒙古分裂之兆。於是成矣。

世祖卽位。命劉秉忠、許衡等。定內外官制。建太廟於燕京。及阿里克布克歸降。遂

遷都焉。以開平爲上都。內訌既平。又南征。初賈似道之議和。匿稱臣納幣事。表以諸路大捷。解鄂圍。江面肅清。聞似道還朝。百官郊迎。加少師。權愈重。羣小進用。七月。蒙古遣使修好。似道恐泄其謀。拘之於忠勇軍營。景定三年。世祖決意南征。命阿珠爲帥。以計誘呂文德。四年。通互市。築土牆於鹿門山。又築堡於白鶴。五年。理宗崩。度宗立。以定策功。封賈似道爲太師。平章軍國重事。專橫無比。蒙古兵逼襄陽。築長圍。由萬山起。包百丈山。南北不相通。又築峴山虎頭山爲一字城。爲必取計。宋之援師屢敗。呂文德自恨以許設權。誤國事。疽發背死。襄樊圍益急。賈似道日坐葛嶺。縱淫樂。有言及邊事者。輒被貶斥。范文虎將十萬舟師往援。至鹿門。又大敗。宋咸淳七年。蒙古遂建國。號爲元。兵圍樊城者四年。斷襄樊之聯絡。進薄樊城。陷之。宋將范天順。牛富。俱殉節。先是攻樊城。西域人獻新礮法。破外郭。移攻襄陽。呂文煥出降。遂陷。翌年。宋度宗崩。恭帝立。謝太后臨朝。元史天澤卒。南征之師。並受巴延節制。趨鄂州。宋將降。巴延與阿珠直趨臨安。賈似道禦之。遣使議和。

不許。前軍精銳七萬屯家洲。夏貴帥舟師橫江。似道以後軍屯魯港。前軍爲礮所攻潰退。舟師亦走。似道倉皇失措。單騎走揚州。大江南北上流諸域悉陷。朝臣責其誤國。屢貶斥。籍其家。至漳州木綿庵。爲鄭虎臣所殺。巴延入建康。阿珠駐揚州。以絕宋淮南之援。又敗張世傑舟師於焦山。專攻淮南。阿爾哈雅取湖南。蘇都爾岱取江西。巴延分兵克常州。宋境日蹙。危亡迫旦夕矣。時陳宜中當國。不能措一策。和議復起。約巴延會於長安鎮。又不往。元進兵。游騎至臨安北關。宜中乘夜遁歸溫州之清澳。乃拘文天祥。以臨安爲兩都督府。天祥北行。由鎮江逃歸。求益王昷。廣王昺奉之。帝及太后太皇太后皆被執。宋將於江心寺。奉益王爲都元帥。保閩廣。謀恢復。元兵至。張世傑備舟入海。至礪州。益王卒。立昺。宋元之師相持於崖山。未幾。師潰。帝蹈海死。南宋四百餘州悉歸版圖。全盛之時代。至此而極。

八 元與外國之交涉

蒙古自太祖肆其兵力。拓地之大。卓越前古。既如前所述。而其東與高麗之交涉。

則始於宋紹定四年。高麗自王建立國後。其子惠宗義恭王。定宗文明王。光宗大成王。兄弟相繼。至太子景宗末年。大衰。成宗文懿王立。政治又可觀。宋太宗時。成宗幸平壤。與宋絕。而奉契丹年號。及穆宗爲康兆所弑。詢繼嗣。是爲顯宗元文王。契丹伐之。渡鴨綠江。圍興化鎮。斬康兆。陷西京。顯宗絕之。連年被兵。不得已降之。及卒。德宗敬康王嗣。懲前代契丹之患。乃築防。由鴨綠江入海處始。東跨朔州等十四州。抵和州。長千餘里。卒。靖宗容惠王立。又築長城於西北路松嶺。而與契丹修禮如故。後文宗仁孝王繼。靖宗政治美備。時爲遼所阻。與宋久不通。至是乃因商人通款。復入貢於宋。及仁宗恭孝王與金和後。子忠孝王立。淫虐不理國政。有普賢院之變。被廢。羣臣擁立其弟明宗光孝王。羣縣反對者。騷擾日甚。武臣權愈重。將軍崔忠獻執政柄。又廢光孝王。而立其弟神宗清孝王。國威愈衰。至子熙宗成孝王。崔忠獻以擁立功。稱恩門相國。肆行無忌。熙宗憤其受制。謀治之事。泄。被遷於紫燕島。立其子康宗元孝王。下及其孫高宗安孝王。忠獻擅國政如故。時金

亦衰。遼之遺種金山金始二王子。乘間建國。稱大遼收國王。因避金兵。遂渡鴨綠江。侵高麗甯朔定戎等境。高麗將之禦敵者。敗於渭州。遼兵乘勝指西京。渡大同江。由西安進犯溟州。陷豫州。勢益急。會蒙古哈眞遣使來約伐遼。金就礪趙沖等力戰。破遼兵。至江東城。降之。分送捕虜於各州縣。其居處稱之爲契丹場。先是崔忠獻死。子瑀專恣較甚於父。置政事堂於私第。對於蒙古反覆無常。殺其使珠古。紹定四年。蒙古起兵圍龜州。大舉由平州入京。分屯四門外。高麗大驚。求和。崔瑀則脅王遷於江華島。瑀死。子流繼。擅權如故。國內塗炭。和州以北。皆附蒙古。濟祐元年。復入貢。以族子爲質。高宗卒。子元宗順孝王立。與蒙古和親如故。經權臣林衍之亂。旋復位。屢導元兵以伐日本。及卒。忠烈王新卽位。元兵敗。頻年苦徵發。擬調停之。又不果。其和州登州。爲乃顏餘黨哈丹所陷。進破楊根。王避難於江都。元遣將助之。亂平。傳位於子諫。是爲宗宣王。無道。大德二年。入朝於元。元不遣歸國。及忠烈王卒。乃東還。卽位。下迨忠肅。忠惠。忠穆數王。以至忠定王。主暗國衰。積弱。

不振。遂至亡國矣。

日本自唐末絕使聘。五代及宋時。所來者僅僧侶商賈而已。於國際無關係。當高麗崔瑀擅權時。日本源平氏以後。武人跋扈。不得志者。在西郵爲寇。頻擾朝鮮。近海。史稱倭寇。卽始於是。高麗來訴。不得當。遂告元主。元屢遣使至日本。久無要領。怒。發兵二萬五千。戰艦九百。合高麗兵八千於合浦。進至壹岐。對馬克之。乘勢掠松浦。會暴風起。戰艦漂沒。死者三千餘。元主遣使至太宰府。日本殺之。益怒。發兵十餘萬。戰艦數千。及高麗兵一萬。先向壹岐。軍中大疫。死者三千人。軍氣沮喪。未幾。范文虎以蠻軍十餘萬至。取壹岐。對馬二島。及五龍島。據能古志賀島。薄平臺。日本大震。築塢於海岸。配弓兵守之。死士夜襲元軍。出不意。駭走。保鷹島。文虎先遁。颶風起。蠻軍皆溺。死屍隨潮汐入港浦。海面可步。舟盡覆。殘兵在鷹島者。推張百戶爲帥。伐木作舟。爲歸計。日兵襲之。多死。降者千餘人。斬於博多。遣還歸報者。僅三人耳。元威大殺。至元二十三年。元將舉兵報前仇。後不果。日本鎌倉幕府

覆南北大亂。其聚而爲盜者。剽掠大陸沿岸。三百餘年。大爲元明之害。

憲宗卽位後。命弟忽必烈。總治漠南。聽姚樞言。西起襄鄧。東至清江桃源。屯田養兵。爲戰守計。於宋寶祐元年。分三道向大理。由臨洮進行二千餘里。至金沙江。乘革囊及筏濟。摩莎蠻王迎降。進逼大理城。破其兵。虜其王殷智興。殷氏自石晉天福初。建國號大理。宋天寧中。殷氏絕。高氏代之。元符初。殷氏復興。仍號大理。至是遂爲元兵所滅。元更分兵取附都。鄯善。烏爨等部。進入吐蕃。

吐蕃於唐天寶時。威令行於四方。西服揭職。浩罕。東脅中國。遣使印度。喇嘛教派。卽起於是時。累代信奉。忽必烈兵入吐蕃。主蘇固圖懼而出降。乃留烏特哩哈達。進攻白蠻。烏蠻。鬼蠻諸部。所向風靡。羅羅斯及阿伯兩國大懼。舉國降。又乘勝攻阿魯諸酋。下之。西南夷悉平。得五城。八府。四縣。蠻部三十七。於宋寶祐五年。遂入交趾。

交趾自仁宗乾德與宋和後。國威漸不振。經神宗。英宗。及高宗龍翰卽位。有內亂。

陳季平之有勢威。子惠宗立。在位十四年。讓位於女佛金。陳季之孫尙之。遂受禪焉。是爲太宗。國號安南。時宋理宗卽位後元年也。太宗出師。外攻占城。又侵宋南境。以揚國威。至是元遣使諭降。皆被囚。兵至姚江。交人戰敗。王走海島。得前使於獄中。因屠其城。留九日。熱甚。班師。翌年。安南納歲幣請和。至元二十一年。帝封第九子託歡爲鎮南王。伐占城。假道安南。徵糧給軍。太宗孫陳吟主國。郤之。遣兵拒境上。托歡見不納。乘間渡富良江北。與安南戰。大敗之。王遁走。然勢猶盛。會盛夏淋雨。軍中疾作。謀引兵還。安南兵襲之。李恒中毒矢死。托歡還軍。索多未知。及還。安南邀之於乾滿江。力戰死。次年罷征日本。專事安南。仍命鎮南王托歡爲將。安南王弟益稷來歸。封爲安南王。使居鄂州。又明年。進擊安南。分三道。水陸並進。十七戰皆捷。遂深入其境。王遁走。遣使請降。諸將信之久之。不至。諸蠻復叛。王據海口。所得險要悉失守。時王集兵三十萬。守東關。斷歸路。據險要擊。托歡由間道還。諸將多死。帝以歡無功。出鎮揚州。占城復入朝。貢金人以代罪。帝終不懌。會安南

王陳吟卒。子炅卽位。二十八年。遣使往徵朝。王懼。不果來。上表修禮如故。復議伐之。以帝崩而罷。

東南亞西亞諸國。以交趾與中國。其交涉爲最繁。餘幾無聞者。隋煬帝耀武四鄰。亦僅通赤土而已。唐太宗一通印度。後亦久絕消息。然印度交趾之間。大理之西南。有緬國焉。交趾之南。有占城焉。緬國。後漢爲禪國。唐爲驃國。至宋則爲緬國。都於蒲甘。併阿羅漢。白古。尋合暹羅。有獨霸海南之勢。元降大理。與緬接壤。屢徵朝貢。不至。反侵邊。至元十四年。伐之。降砦三百餘。十九年。又分道攻之。沿伊羅瓦底河而下。破江頭城。王居大公城。以爲巢穴。復拔之。王走白古。明年。來降。遂於蒲甘緬城。置邦司宣慰司。以兵守之。先是金齒等西南十二部。欲降元。爲緬所制。不能達。至是來歸。暹羅亦入貢。大德四年。緬人僧哥倫爲亂。緬王執其兄阿散哥也。尋釋之。阿散哥也囚王於豕牢。弑之。王次子來懇。元遣兵往討。先擊八百媳婦。因爲緬援也。蠻酋反。兵多死。困於窮谷。無功而還。復命劉國傑往。次第平之。

南洋諸國。以馬八兒、俱藍最爲強大。而俱藍又馬八兒之後障也。當占城安南事起。遣楊庭璧往俱藍國。三往招之。遂報使貢寶貨及黑猿一。由是海南諸蕃如馬八兒、須門那、僧急里、南無力、馬蘭丹、那咄、丁哈爾、來來、急蘭亦斛、蘇末都刺等十國。皆以次遣子弟上表來覲。孟淇使瓜哇。被黥面還。帝大怒。以二十九年發兵三萬伐之。時瓜哇國王爲鄰境葛郎國所殺。其婿迎元師。導伐葛郎。遂取其王以歸。元威震於南海。

九 元之滅亡

元自世祖得中國本部。以寬厚爲治。政尙簡易。去繁文。大異於熙寧新法。朝令暮更。頽冗失當者。然而帝統不長。數十年而衰滅。厥故維何。一由專用蒙古文字。廢漢文。而上下之情隔闕。一由紙幣流行。剝民爲厲。其又爲原因之最大者。惟皇位繼承法之不完全。太祖以後。諸汗國分列。一成聯邦政體之制度。推有力年長者爲酋帥。當遊牧時代。專事侵略。此法實簡捷而公允。及建帝國。猶沿此制。則羣酋

長觀親大位。各樹黨援。同室相鬪。以世祖之雄威。而有海都之離亂。其尤著者。察合台汗國。於額森布哈之後。四十年間。相代者十五汗。欽察汗國。於金黨汗統絕滅後。二十年間。亦立十五汗。國家之基礎。欲其鞏固得乎。當其盛時。世祖不僅直轄諸地而已。且爲蒙古之大汗。統御四汗國。東置遼東行省。以統高麗滿洲。北置嶺北行省。以制杭愛山北。中央設阿力麻里元帥府。以統天山北路。置別失八里元帥府。以統天山南路。西置阿母河行省。以統葱嶺以西。南建安南行省。以統南海諸國。弘道通於東北。文化被於歐亞。迨至諸汗國分立。海都離叛。而大局始一變。海都。太宗第五子和碩之子。父早卒。憲宗二年。分地而王。遷於海坤。立地在金山之南。天山之北。巴勒噶什。淖爾之東南。海都自以爲太宗子孫。不得嗣位。及世祖卽位。阿里克布克反。海都舉兵應之。遂不入朝。有猛虎負嶋之勢。欽察汗國。一傳。至弟別兒哥。與伊兒汗國爲怨敵。結納海都。互相侵伐。至元六年。元兵圍襄陽。三汗國之諸王。會於怛邏河畔。推海都爲大汗。而分裂之兆。遂成。屢入寇元邊。互


有勝負。世祖崩。太子精吉木先卒。皇孫特穆爾南還。會宗室及諸王於上都。遂卽位。是爲成宗。海都、都斡入寇。大敗之於阿什。射都斡中膝。海都引還。旋卒。諸王叛者相率來歸。海都之亂略定。大德十一年。帝崩。無嗣。姪海桑鎮青海。有重望。由阿勒泰至和林。遂入上都。卽位。大赦。是爲武宗。海都子來降。漠北盡平。其地概西南入察合台國。而欽察伊兒兩國。交通全絕。帝深信喇嘛。番僧橫恣。不能制。弊政益多。國勢益衰。四年卒。皇大弟阿裕爾巴里巴特刺卽位。是爲仁宗。改革諸弊。政。封武宗子和錫拉爲周王。出鎮雲南。周王西走。至金山西北。附察合台部。帝立子碩迪巴刺爲皇太子。以特們德爾爲相。專橫無狀。延祐七年。帝崩。太子卽位。是爲英宗。以拜住爲左丞相。悟特們德爾奸及死。奪爵籍產。其黨特錫克等不自安。至治三年。帝由上都南還。駐南坡。特錫克爲亂。弑帝。迎晉王伊遜。特穆爾於北邊。卽皇帝位於龍居河。是爲泰定帝。討平亂黨。天下尙無事。四年。崩於上都。初武宗以定難之功。讓位於弟仁宗。皇子和錫拉。讒走漠北。弟圖卜特穆爾。謫居江南。仁宗統

絕。武宗後亦不得繼。乃立泰定帝。故老咸思武宗子孫。泰定帝崩。子阿蘇奇布甫九歲。卽位。是爲天順帝。雅克特穆爾因受武宗恩。逆其子圖卜特穆爾入京師。以人心向背。間不容髮。勸卽帝位。伊嚕特穆爾與布哈特穆爾圍上都。城破。天順帝在位僅三月。不知所終。圖卜特穆爾乃迎和錫拉和錫拉辭察合台汗國。還至和林北。卽位。遣使報兩都父老。爭先迎謁。至成邑聚。是爲明宗。圖卜特穆爾發京師道迎。帝次翁郭察圖。圖卜特穆爾入見。三日暴崩。或云遇弒。圖卜特穆爾南馳歸上都。襲位。是爲文宗。南疆數用兵。三年卒。第二子額琳沁巴勒繼。是爲寧宗。年僅七歲。翌年又卒。當太祖取西北諸國時。阿爾斯蘭率衆來降。封郡王。明宗出居沙漠。過其地。其裔孫納女瑪里。生托歡特穆爾於北方。至順初。徙居高麗之大青島。中後移於廣西之靜江。至是。太后議迎立之。且約傳位於太后子雅克特古斯。如武宗故事。至京。久不得立。會雅克特穆爾荒淫。體羸。溺血死。有以無帝天下亂爲諫者。遂卽位。是爲順帝。年十三。伯顏秉政。變亂成憲。虐害天下。其姪脫脫爲宿衛。

與帝謀。伯顏出田。拒守城門。數伯顏罪狀。降爲河南行省左丞。旋安置陽春縣。至江西隆興縣道卒。脫脫代之。時天下騷亂。盜賊蠭起。漢族反抗之勢。日益激烈。而帝奉西僧。習延徹爾法。怠政事。令宮女作天魔舞。淫戲無度。脫脫平李二。討張士誠有功。左丞相哈瑪爾矯詔殺之。尋亦杖死。綽思戡代爲相。貪鄙無所匡救。內外解體。濠人朱元璋。崛起鄉里。渡江克金陵。全有江淮間地。勢日甚。而元室同時。又有內廷之變。初博囉特穆爾與察罕特穆爾。二人不相得。察罕特穆爾平定晉冀。守石嶺關以南。博囉駐兵大同。守關以北。旣而察罕特穆爾定河南。分兵鎮關陝。荆襄河洛。謀復山東。旋爲降將所刺。卒。子庫庫特穆爾繼之。山東平。時宦者布木布哈驕恣不法。博囉特穆爾因匿亡客。詔削官爵。又命庫庫特穆爾討之。博囉特穆爾命將向闕。進至清河。京師無備。大震。遣使問故。以欲得綽斯戡。布木布哈對以二人倚附爲奸也。遂執與之。皆被殺。復其官爵。引兵還鎮。太子阿裕錫哩達喇。因防大同兵。至路兒嶺。奉命召還。不應。分三道進逼大同。敗於清河。太子走冀寧。

博囉特穆爾復至京師。訴非其罪。帝進爲右丞相。太子在外。謀除內難。發兵破大。同分道入京。博囉特穆爾拒戰。幽太子母。衆忿其無君。殺之於延春閣下。二十五年。九月。太子還大都。江淮川蜀皆已陷沒。詔封庫庫特穆爾爲河南王。總諸道兵。徵調不至。張良弼李思齊等。連兵拒命。庫庫特穆爾與之相持經年。詔使罷兵。專事江淮。削其官。命諸將分統之。二十八年。朱元璋建國。陷福建。下廣西。平山東。定河南。分道徇河北。進破德州。長蘆。通州。特延穆爾力戰死。順帝夜半開健德門北走。中國本部遂歸明之版圖。元亡。

元世系表



睿刺麻八刺

武宗海桑(三)

仁宗阿裕爾巴里巴特剌(四)

英宗碩迪巴刺(五)

甘麻剌

泰定帝伊遜特穆爾(六)

成宗帖木兒(二)

明宗和錫拉(七)

順帝托歡特穆爾(十)

文宗圖卜程特爾(八)

甯宗額琳沁巴勒(九)

第五章 近古紀 漢族復盛及西方東漸時代

一 明之初興

元之末季。山東燕南。寇盜縱橫。凡三百餘處。其大者。若台州之方國珍。據浙江。蘄水之徐壽輝。畧河南河北。濠州之郭子興。據安徽。紅軍之韓山童。以妖術愚人。僞稱宋後。起於直隸。雖不久漸滅。而其黨蔓延。遁河南。奉其子韓林兒為宋帝。羣雄

角逐。人民塗炭。明之太祖。遂乘間崛起。光復漢祚。而定二百年一統之業。太祖朱元璋。字國瑞。先世家沛。再徙泗州。父世珍。徙於濠。郭子興奇其貌。留爲親兵。旋署鎮撫。乃與徐達。湯和。費聚等南畧地。道遇李善長。與語大悅。得童子沐英。育爲己子。及克滁州。乃封爲滁陽王。謀渡江。廖永安由間道迎之。至巢湖。登舟。敗元將。遂入大江。拔牛渚。散采石兵。乘勝下太平城。至正十六年。克金陵。自稱吳國公。隨州人明玉珍。初降徐壽輝。以五十艘掠糧川陝間。因破重慶。遂陷成都。嘉定。據有四川郡縣。而徐壽輝之將陳友諒。陷安慶。信州。壽輝發漢陽。南下江州。友諒伏兵城西。盡殺其所部。稱漢王。壽輝擁虛位而已。既東下。克太平城。進采石。狙殺壽輝。卽帝位。國號漢。奄有湖北。湖南。江西諸路。欲據長江。以成基業。爲太祖所敗。還江州。及明兵至。乃挈妻子。夜走龍興。諸郡相繼降於明。明玉珍在蜀。聞壽輝被害。與友諒絕。兵守夔關。遣兵下雲南。卽帝位。國號夏。友諒以疆宇日蹙。悉銳圍洪都。號六。十萬。太祖自將來救。大戰於鄱陽湖。焚友諒舟。友諒中流矢死。次子理遁歸武昌。

明兵圍之。理降。封歸德侯。閩廣江西。悉爲太祖所有。二十六年。討張士誠。敗之於
自林。士誠。秦州人。業運鹽。至正十三年。據高郵。稱誠王。旋歸服脫脫。未幾。又叛。寇
杭州。自立於平江。稱吳王。至是。敗於明。明年。克平江。士誠收餘衆。戰於萬壽寺東
街。又敗。歸第。自經。不果。被執。終不食。自經死。吳平。太祖遂議北征。謂王宣反側於
山東。庫庫特穆爾跋扈於河南。李思齊等鴟張猜忌於關隴。元祚將亡。吾先取山
東。撤其屏蔽。移兵兩河。破其藩籬。守潼關。以扼戶檻。元都勢孤。援絕。可不戰自克。
然後鼓行而西。九原關隴。可席捲也。乃以徐達爲征虜大將軍。常遇春副之。帥師
二十五萬。北定中原。馳檄遠近。其畧曰。自古帝王。臨御天下。內居中國。以制夷狄。
宋祚傾移。元以北狄。入主中國。豈人力哉。實乃天授。雖然。達人志士。有冠履倒置
之歎。迨其後元之臣子。不遵祖訓。廢壞綱常。及其後嗣。荒淫失道。加以宰相專權。
憲臺報怨。有司毒虐。於是人心離叛。天下兵起。雖因人事所致。實天厭其德而棄
之也。古云。胡虜無百年之運。今日驗之。信爲不謬。予淮右布衣。視我中原之民。久

無所主。深用疚心。予恭承天命。不敢自安。方欲遣兵北伐。拯生民於塗炭。復漢官之威儀。深慮民人未知。反而讎我。挈家北走。陷溺尤深。故先諭告。徐達等由淮而北。山東郡縣陷。元室大震。遣將禦敵。又不奉命。是年冬。明別將湯和等克溫台州。攻方國珍降之。由海道進取福州。攻陳友定。翌年。太祖卽帝位。建元洪武。立馬氏爲皇后。子標爲皇太子。李善長爲左丞相。徐達爲右丞相。未幾。福州下。執陳友定殺之。廖永安平廣東。南方漸定。而徐達等會舟師趨汴梁。敗元將托音特穆爾於洛水。北定河南。陷潼關。六月。楊璟定廣西。七月。徐達發開封。分徇河北。常遇春下德州。合兵陷長蘆。進克通州。布延特穆爾戰死。順帝乃命特穆爾哈監國。議北行。錫哩瑪勒諫不聽。夜半開健德門走。明兵入。封府庫圖籍。禁殺戮。吏民安堵。市肆不移。帝業大定。遣傅友德等分守古北諸隘。順帝之遷於北也。下詔歸罪太子。使庫庫特穆爾復河洛。嗣因明兵日逼。庫庫特穆爾由晉寧退守太原。既奉命復大都。引兵由雁門出。經保安州居庸關。攻北平。徐達夜選精騎襲其營。庫庫特穆爾

從十八騎遁。明得甲十四萬。遂克太原。收大同。而常遇春亦下中山。真定。馮勝。湯和。下懷慶。度太行。取澤潞。山西悉平。常遇春進克鳳翔。李思齊走臨洮。馮勝窮追之。度隴克秦州。入鞏昌。思齊不戰而降。遇春還。備北平。屢敗元將。拔開平。順帝北走和林。薊北悉定。遇春暴卒。李文忠代之。太祖聞元主在近塞。庫庫特穆爾攻蘭州。命分兵二道。徐達由潼關出西道。擣定西。以取庫庫特穆爾。文忠由居庸出東道。絕大漠以追元主。順帝卒於應昌。子阿裕錫哩達喇繼之。徐達至安定。庫庫特穆兒退屯沉兒谷。大敗。挾妻子數人遁。渡河走和林。時李文忠聞元主卒。兼程進。圍應昌。阿裕錫哩達喇北走。獲其子密迪里巴拉。及后妃官屬。窮追北至慶州而還。論功行賞。封侯者凡二十八人。四年。湯和滅西夏。以元大都應天府爲北京。開封府爲南京。發祥地臨濠爲中都。都建康。拯宋元帝室孤立之失。大封諸子。制極隆。迨其後尾大不掉。亦與周漢之末無異。而篡逆隨之矣。太祖苛待功臣。寵用胡惟庸。誠意伯劉基以非疾卒。及謀叛。又窮治其黨。作姦黨錄。族誅凡三萬餘人。李

善長藍玉先後以罪死。夷滅者又萬五千。元老宿將相繼而盡矣。先是太子標卒。帝欲立燕王棣。劉三吾諫。遂立標子允炆爲皇太孫。三十一年帝崩。太子允炆卽位。是爲惠帝。燕王棣備兵北京。惠帝以藩王權勢重大。有削平之意。使齊泰、黃子澄同參國政。有告周王橚謀不軌者。執之。廢爲庶人。燕王棣心不平。常懷覬覦。朝中告變者日多。建文元年秋七月。遂叛。以僧道衍爲謀主。稱病薦。帝遣王府官屬使至。執而殺之。以清君側爲名。發靖難兵。陷薊州。奪居庸關。破懷來。敗李景隆兵。下德州。明將盛庸、鐵鉉大破燕兵。幾獲燕王。斬其將張玉。軍勢稍振。燕王用兵三年。屢不得志。中官來告京師空虛。復南下。取徐沛。旣渡淮。取揚州。帝遣使議和。不果。棣率兵由瓜洲渡江。進兵龍潭。旋屯金川門。谷王穗、李景隆迎降。都城陷。宮中火起。帝不知所終。燕王卽皇帝位。是爲成祖。先後殉節者甚多。而以方孝孺死事爲尤烈。帝位旣定。乃耀武功。從事於西南侵略。定安南。平交趾。其北因得烏梁海部之力。以大寧路與之。遼東宣府之警援遂絕。北破阿嚕台兵。二十二年。復親征。

及還軍。次倉厓。戍疾甚。至榆水川。詔傳位皇太子。遂崩。次鵬鶚谷。發喪。太子高熾即位。是爲仁宗。初帝次子高煦。常從戰有功。喜其類已。高煦亦自負。謀奪嫡。羣臣力諫。始立高熾爲皇太子。高煦失望。怨嗟。成祖北征歸。得其罪狀。切責之。徙樂安州。仁宗立一年殂。太子瞻基即位。是爲宣宗。由是明之極盛時代已過。寢入中世矣。

二 蒙古之餘燼

蒙古阿裕錫哩達喇。紹承父業。庫庫特穆爾時擾邊。以爲明患。太祖洪武五年。命徐達出雁門趣和林。李文忠出居庸趣應昌。馮勝出金蘭趣甘肅。敗庫庫特穆爾於圖拉河。旋不利。死者數萬。勝拔甘肅。下額齊訥路。次畢道山。破敵。追奔至青海而還。屢招不至。太祖甚器之。嘗語諸將曰。遇春雖奇男子。吾得而臣之。吾不得臣者。王保保爾庫庫特穆爾之小字。乃奇男子也。冊其妹爲秦王妃。庫庫特穆爾從其主徙金山。八年。卒於和林之北哈喇諾海。十年。阿裕錫哩達喇卒。子特古斯特穆爾嗣立。時

蒙古之托和齊按珠。屯和林。十三年。帝命沐英擊之。涉流沙。分軍爲四。合圍之。擒托和齊按珠。及其部曲。蒙古裔之在雲南者。則有梁王巴咱爾翰爾密。遣將及卒十餘萬。屯曲靖。十四年。傅友德攻之。乘大霧。臨白石江。奇兵從下流渡。張幟鳴角。出其後。大敗蒙古兵。梁王走晉寧州。之忽納砦。驅妻子赴滇池死。明兵又克七星關。以通畢節。於是東川。烏蒙。芒部。水西諸蠻。望風歸附。翌年。又破大理。雲南悉平。時元將之存者。僅大尉納克楚而已。屯金山。數侵遼東。二十年。命馮勝帥兵襲破之。出松亭關。築大窰。寬河。會州。富谷。四城。踰金山。進壓納克楚營。而軍。納克楚降。太祖以特古斯特穆爾尙在。終爲邊患。明年。命藍玉討之。聞特古斯特穆爾在捕魚兒海。由間道疾進。大破之。降其衆。特古斯特穆爾率太子添保努等。數十騎。遁。獲其次子迪保努及其妃。特古斯特穆爾將依丞相耀珠於和林。至圖拉河。爲伊遜岱爾所襲。衆潰。旋被殺。太子亦遇害。後五傳。至琨特穆爾被弑。有郭勒齊者。竊立稱汗。去國號。遂稱韃靼。然僅東方大汗國之衰微而已。同時中央亞西亞。有成

吉思汗裔孫帖木兒崛起。拓地萬里。新建帝國。亦一世之雄也。歐亞二大洲之間。列峙蒙古之諸汗國。於中國本部之勢力。既一朝墜地。其西察合台。伊兒汗。欽察汗之三國。交闕之餘。日趨衰弱。欽察自拔都之孫。蒙格特穆爾卒。弟托克托蒙格。其子托古托。相繼卽汗位。糾合俄羅斯諸侯。屢出兵劫畧波蘭。匈牙利。蒙格特穆爾之孫月卽別繼爲汗。與埃及之哈利發結婚。訂同盟。數伐伊兒汗。阿不賽因。又與東羅馬帝國及歐洲交通。輸入文化。盛營商業於阿速海濱。爲東西兩洋貿易之要地。富強殆莫匹。伊兒汗國。自旭烈兀後。經其孫阿魯渾等數王。至合贊。更革憲制。遣使於羅馬法王。拔尼法爹第八。加入十字軍。以伐埃及之蘇丹。恢復叙利亞。以全先祖之志。於大德八年卒。弟鄂勒哲圖立。時中央亞西亞。察合台汗國。都斡子額森布哈得汗位。併有海都故土。數用兵東方。侵元邊。旣而敗。延祐二年。復西討呼羅珊。會和錫拉來奔。元兵追者逼東境。急旋西征師。伊兒汗鄂勒哲圖。乘機大劫掠其西南境。察合台汗國。勢頓挫折不復振。旋分爲二

部。至順元年。額森布哈卒。嗣立者多暴虐。爭端不絕。西爾河外各部之酋長。遂叛而獨立。伊兒汗國。自鄂勒哲圖得察合台地。一時國勢大振。及從子阿不賽因繼立。年僅十二。威令不行。月即別侵其北。埃及迫其南。至元元年。阿不賽因卒。旭烈兀弟阿里克布克之遠孫阿爾罷公承其後。於是叙利亞自立。呼羅珊離去。全國分裂。其後有阿伊士汗。據八吉打。稱霸。恢復呼羅珊地。惜不久即卒。子阿美特暴虐。復失國。地爲帖木兒所有。

帖木兒爲成吉思汗遠裔。然不可攷。有倍爾拉司者。在撒馬爾罕東南。柯提之酋帥也。額森布哈後特庫爾克。會諸部兵。以討中央亞西亞叛徒。倍爾拉司知衆寡不敵。乃避地至呼羅珊。其甥帖木兒。年二十五。有大志。說特庫爾克歸柯提。次年。倍爾拉司亦降。舉帖木兒爲柯提太守。未幾特庫爾克國有內亂。留子愛里阿司於中央亞西亞。使帖木兒爲參謀。輔之。旋因議不合。遁於花刺子模。募兵降諸酋。陷撒馬爾罕。時元至正二十三年。太祖國號吳之前一年也。會特庫爾克死。愛里

阿司東還。中央亞西亞無主。帖木兒占其地。愛里阿司旋卒。諸部不服。帖木兒益拓地。定都於撒馬爾罕。稱特穆爾忒。君臨中央亞西亞。親將伐花刺子模。滅之。東進踰葱嶺。至喀什噶爾。愛里阿里之幼弟吉思兒者。流寓諸方。匿陸婆湖畔。至是擁立爲喀什噶爾汗。帖木兒與之和。納其女。悉定察合台汗國舊地。無東顧憂。更西向侵伊兒汗國。時伊兒汗阿美特暴虐。呼羅珊之民。慕帖木兒威名。帖木兒遂入。拔夫生砦。堅壘。陷黑臘特。轉入波斯。畧諸城。洪武二十年。下阿爾美尼亞。遂逼波斯首都。尋下之。二十六年。入八吉打。擒阿美特之妻。擊又追討阿美特。至叙利亞。於是伊兒汗國全爲帖木兒之領土。直與欽察汗接壤。而衝突起矣。

先是俄羅斯分裂爲數小國。而以梯尤愛爾、莫斯科之二公門第威望爲尤高。同奉欽察汗命爲大公。統御諸侯。月卽別時。梯尤愛爾謀叛。莫斯科公宜萬第一征之。因得信任。天祿元年。命爲大公。代汗徵集租稅。驅役諸侯。是爲俄羅斯帝國勃興之基礎。月卽別汗。於至正六年卒。二傳。至子札尼別。屢出兵。威震四方。是爲欽

察汗國最盛時代。至正十六年。扎尼別卒。弒逆相繼。拔都後裔金黨汗之血統遂絕。當拔都時。兄斡兒朶稱白黨汗。其子孫奄有阿拉海東北。吉利吉思荒原之地。其弟昔班子孫。居白黨汗國西。阿拉海西北。稱月即別汗。昔班弟脫哈帖木兒。占阿速海沿岸地。稱哥里米汗。及金黨之統已絕。三汗國爭欲爲欽察汗。扎尼別死後二十年間。廢立者十五汗。其間白黨汗之哇爾斯汗。勢最熾。逐其姪哥里米汗。脫克達米昔。姪遠奔。謁帖木兒於喀什噶爾。請其援手。於洪武九年。復國。初。俄羅斯諸侯。乘欽察內亂。謀脫其軛。以自立。不奉約束。至是。脫克達米昔爲欽察汗。有帖木兒爲後援。乃於洪武十三年。以大兵燒莫斯科。肆殺掠。諸侯懼。復臣服。而脫克達米昔忘舊恩。與帖木兒開爭端。謀復花刺子模。拓地於東南。帖木兒怒其背德。既定伊兒汗境。親率大兵北征。由撒馬爾罕。出塔什罕。渡札牙黑河。脫克達米昔逆擊於亦勒的河畔。大敗。逃於俄羅斯。得諸侯援助。轉戰巨五年。終不支。帖木兒大掠莫斯科。立哇爾斯子克利提約可爲欽察汗。更移兵而南。徇波斯灣諸港。

於洪武二十九年。凱旋撒馬爾罕。奄有三汗國故地。西北及俄羅斯。東南連印度。版圖遼廓。然而雄心未已。未幾而雪山之麓。恒河之畔。又觀兵矣。

印度河流域。太宗憲宗之時。屢被蒙古兵侵畧。疊而黑奴隸王家。日趨衰運。終爲高盧家疎族。兌拉哇提所滅。代爲疊而黑蘇丹。及從子阿耶哇提繼立。征西北中三印度。又越賓都耶山。遠臨南印度。有統一全土之勢。旋卒。國分裂。其部將奇約哇提靖內難。建脫克臘克王家。至子繼位。黷武無厭。強傳回教。末年。部將士阿夫亞於賓都耶山南。叛而獨立。建罷孟尼王家。內部紛亂。報至撒馬爾罕。帖木兒之孫倍兒。發兵畧印度外地。時帖木兒畧欽察國。還渡印度河。由歷山大王舊道。與倍兒會。大敗疊而黑兵。入其城。自稱印度皇帝。建文元年。更東北窮恒河源。會急使至。言諸方民心動搖。阿斯曼帝國乘虛來襲。乃旋兵。渡喜馬拉雅山麓。還撤馬爾罕。

阿斯曼爲突厥遺裔。土耳其族之新立國也。隋唐初世。突厥爲漢族驅除。分崩入

中央亞西亞。卽有崛起爲王者。皆爲成吉思汗所滅。而裏海東岸之突厥。則逃至小亞西亞。後有部長阿斯曼者。乘伊兒汗國衰微。乃建阿斯曼帝國。其孫善承先志。洪武二十一年。罷爹塞脫立大破東羅馬帝國。又與埃及通。乘虛擊帖木兒。求拓地。雖然。固非其敵也。

波斯留後米耶耶墜馬得病。不親兵事。勢日衰。帖木兒年已六十五。英強之氣。老而益壯。自印度歸。次第平亂。會埃及之孟美利亞。新卽蘇丹位。與阿斯曼連和。斬帖木兒使。帖木兒大怒。伐之。先向叙利亞。蓋帖木兒所奉回教。屬波斯之西耶派。與挨及叙利亞所行之山奈派。互相敵視。故國際之戰爭。不啻報宗教上之宿怨也。進軍破埃及兵。建文三年。陷罷可達特。於廢墟建金字塔。聚兵八十萬。遇土耳其兵於阿拉可塞河畔。帖木兒急占領克山列阿。渡河。攻安哥拉。罷爹塞脫聞警。還救。大戰。土耳其兵潰。罷爹塞脫被囚。終幽死。阿斯曼太子遠遁歐羅巴。追之不及。耀武而歸。時帖木兒領土。東北抵額兒底不。活爾加兩河。西南盡波斯灣。東

由恒河。西迄達孟斯可斯。較之蒙古大汗國極盛時代。少中國本部及附近。而加以印度及西方亞西亞。帖木兒以百萬之師。臨東羅馬。孟臥爾皇帝大恐。不知所出。不顧積怨。與阿斯曼連和。分守波斯拋爾海峽。然帖木兒終不渡。忽旋師而東。蓋其志別有存矣。

先是帖木兒通好於明。太祖亦報使。及蒙古之特古斯特穆爾死於土拉河畔。其部族分崩。遠投帖木兒。安哥拉戰之前四年。太祖卒。幼孫卽位。聞內亂起。欲紹成吉思汗遺圖。永樂三年。歸國都撒馬爾罕。見埃及阿刺比亞。印度。韃靼。俄羅斯。西班牙之使者。以廣布回教。恢復蒙古爲名。大會兵東征。明成祖聞之。大驚。命宋晟備兵甘肅。帖木兒出都城不百里。忽得疾卒。年七十。帖木兒既逝。外寇內亂交迫。阿斯曼之摩哈美特第一。克復小亞西亞。印度之支克尼可王家旋亡。薩特家代之。侵其南邊。於波斯之蒙古諸將。互相爭擾。永樂六年。帖木兒末子沙合魯。由哈烈起。定內難。君臨中央亞西亞。會一通使於明。然其子孫。不能守遺業。全土瓦解。

而帖木兒第三子米郎西亞五世之孫。入印度。建莫臥兒帝國。至後英人侵畧時。其餘威猶振也。

三 明初之經畧外國

高麗半島。當元時。主闇國弱。受元主約束。苦倭寇之騷擾。忠定王後。恭愍王嗣位。乘元室之衰。欲脫其羈絆。適紅頭軍入寇。遂不果。紅頭軍者。卽元末韓林兒劉福通之麾下也。林兒起事。遣將渡鴨綠江。陷義州。麟州。李芳實敗走之。未幾。則將又渡鴨綠江。寇朔州泥城。王奉太后走福州。遂陷京城。幸得鄭世雲總兵事。與李芳實等。大敗紅頭軍。復京師。餘衆遁去。然倭患愈熾。遣使告日本。日本因南北分立。非禁令所能及。謝之。是時。元納哈出叛。據瀋陽。稱行省丞相。寇高麗。被擊退。恭愍王爲宦者所弑。李仁任誅賊。立辛仁奴爲王。是爲辛禰。禰。辛肫私婢所生之子也。恭愍王取爲己子。以屬李仁任。故得立。及長。淫虐。國人不。服。先是。明滅元。禰出兵攻遼東。李成桂不欲。往諫。不聽。與郭忠輔等。謀流王於江華。而立其子昌。昌爲李

氏所出。亦暴虐。被廢。立宗室瑤。是爲恭讓王。王柔懦。大權歸李氏。成桂威望日盛。殺名相鄭夢周。恭讓王放於原川。又三年卒。高麗亡。自太祖王建統一後。王氏三十二王。合辛氏世。凡四百五十六年。當明洪武之二十五年。成桂卽位。遣韓尙質至明。請改國號。明主不之咎。從古稱爲朝鮮。都漢陽。是爲太祖。爲明之東藩。

安南陳氏。屢納貢於元。然未臣屬。元室之衰。王陳暉通好於明。不知內治。占城侵其邊境。有黎季犛者。浙江胡氏之後也。善用兵。聲威日震。惠帝時。遂弑其王陳日焜。立其子暉。及笈。復連弑之。而卽位。國號大虞。更名爲胡一元。尋傳位於子查。奉表明成祖。言陳氏絕嗣。爲衆推立。詔封爲王。未幾日焜弟陳天平來奔。請兵復仇。帝知前誤。責之。查請迎天平還國。帝命將納天平。至芹站。山徑險惡。查伏兵邀殺天平。明兵欲戰不得。遂引還。帝聞之大怒。永樂四年。命將分道進。張輔由憑祥進破隘。留鷄陵二關。至芹站。沐晟亦由蒙自進安南。有東西二都。依宣洮沱。富良四江爲固。樹柵江兩岸。築城多邦之隘。連亘九百里。輔合沐晟軍夜攻入之。又敗。

其象隊。遂循富良江。攻東都。別將攻西都。季犛遁入海。明年。屢敗之。追至奇羅海口。獲季犛父子。檻送京師。安南平。改爲交趾行省。設府十七。直隸州五。要害設衛十二。然國人不悅。陳氏故官簡定逸去。說羣盜反抗。稱大越。郡縣響應。簡定自稱上皇。立陳季擴爲帝。季擴。本蠻人。僞爲陳氏後人。多歸之。七年。張輔進兵。大敗之。至神投海。擒簡定。送京師。誅之。季擴逸。帝留沐晟。召輔歸。久不得要領。又命輔往。十二年。師進羅蒙江。道險。徒步行山箐中。夜半。抵其巢。破之。季擴走老撾。輔將破三關。遂縛季擴。送京師。斬之。交趾復平。帝喜甚。安南自唐後四百餘年。恒屬化外。以元之積威。而未歸藩服。宜成祖之以此自負矣。

蜀土之南。自古蠻夷出沒。不沾王化。雲南至元初爲內地。貴州則未也。古爲羅施國。漢屬西南夷。牂牁。武陵。諸傍郡地。五季時。馬殷遣八帥討之。旋各分據。稱八番。元因置八番順元諸宣慰司。以羈縻之。太祖平陳友諒。思南思州宣慰來歸。授以故官。後來者益衆。而思南田宗鼎。與思州田琛構怨。相仇殺。十一年。帝命顧成帥

兵擒之。送京師。分其地爲八府四州。貴州之爲內地自此始。

郭勒齊旣建韃靼國。稱可汗。成祖與之通和。先是烏梁海部。爲通古斯族所散居。元時爲大寧路。明初置泰寧。朵顏。福徐三衛。及成祖發難。誘執寧王權。選大寧兵三千爲奇兵。從戰有功。及天下旣定。乃割大寧路與之。而北地失一重鎮矣。成祖屢賜銀幣於郭勒齊。并知院阿魯台。阿魯台爲元疎族。成吉思汗弟朮只之後。七年。殺郭勒齊。迎元裔布尼雅錫哩於巴什伯里。立之。帝以書諭之。不聽命。遣那驥往。又被殺。乃興師。命邱福將之往。未至。布尼雅錫哩已爲衛拉特所襲破。衛拉特地在韃靼之西。亦蒙古部落。爲元臣孟特穆爾所據。及卒。分爲三部。其渠爲瑪哈木特。爲太平。爲巴圖博囉。旋封爲順寧。賢義。安樂王。歲一朝貢。至是襲破韃靼。布尼錫哩與阿魯台。徙居臚胸河。其遊兵與明師遇。佯敗。圍之。全軍盡覆。福等被殺。事聞。帝親征。兵五十萬出塞。布尼雅錫哩聞之。大懼。欲與阿魯台俱西。不從。乃各爲部。布尼雅錫哩西奔。阿魯台東奔。帝西追至鄂諾河畔。大敗之。布尼雅錫哩以

七騎遁。移師征阿嚕台。次青楊戍。度飛雲壑。詐稱降。終大敗之。追至廣漠戍而還。冬。阿嚕台遣使來貢。既而布尼雅錫哩爲瑪哈木特所弑。立塔爾巴爲汗。阿嚕台來告。帝復親征。至和拉和錫袞。瑪哈木特三部迎戰。大敗之。追奔至圖拉河。瑪哈木特遁。乃班師。阿嚕台漸驕恣。將兵出沒塞下。二十年。帝又親征。大軍次沙狐原。阿嚕台大懼。棄輜重於庫倫海北。帝五道並進。征烏梁海。大敗其衆於斡拉爾河。乃還師。翌年。又親征。至西陽河。聞阿嚕台已爲衛拉特所敗。會蒙古之額森托于來降。帝大喜。封爲忠勇王。賜名全忠。又明年。帝卒於道。拉衛特遂日熾。

建文旣遜位。或謂逃海外。於是中官銜命使外國者相繼而往。而以三年所使鄭和。與王景和等爲尤著。兵凡三萬七千。船六十二。由蘇州劉家港泛海。至福建。達占城。遍歷西洋。宣示天子威德。比和還。皆遣使者隨朝貢。未幾復往。前後凡七次。爲古來宦者所未有。初使時。擒舊港酋陳祖義。舊港。卽古稱三佛齊國。再使擒蘇蘭國使。最後擒蘇門答臘王子蘇幹利。其經歷諸地。如琉球、真臘、滿刺加、渤泥、蘇

門答臘、瓜哈榜葛蘭等。隨行軍士。漂流異國。有十餘年始得返中國者。南海諸國之交通益盛。爲歐人東漸之端也。

四 明之中世

宣宗爲一代英主。內亂既定。復從事於安南。惜終不成功。宣德十年。宣宗崩。太子祁鎮即位。是爲英宗。年方九歲。楊士奇、楊榮、楊溥等。同心輔政。初政極可觀。有王振者。狡黠多智。事仁宗於東宮。宣德時。寢用事。英宗甚寵任之。性喜釋道。前後得度者二萬二千餘。黃冠緇服。遍街市。尋南征。又分兵擊烏梁海。三衛積怨。帝復親征。至大同。班師。改道宣府。有諫疾。驅入關。嚴兵爲殿者。振怒。斥爲腐儒。及發。鞭輶額森已襲其後矣。後軍潰。援師又敗於鶴兒嶺。次日。駐營土木。距城二十里。人馬饑渴。敵分道由旁近口入。明日。圍御營。不得發。敵佯退。帝與親軍突圍。不能出。下馬據地坐。爲敵擁去。中官喜寧從。振等皆死。至宣府。門不啟。及至大同。郭登謀奪。不果。敗報至京師。羣臣聚而哭於朝。以太后命。郕王總百官。立英宗子見深爲

皇太子于謙爲兵部尙書。夷王振族。九月。太后命郕王卽位。是爲景帝。遙尊帝爲太上皇。額森詭言奉上皇還京。大舉入寇。由陽和進陷白羊口。至紫荆關。長驅而東。過易州。進次蘆溝橋。列陳西直門。于謙嚴守禦。相持五日。額森氣大沮。聞勤王師至。乃夜遁。大掠所過州縣。擁上皇去。上皇在敵營。額森稽首進酒。君臣禮有加。然時寇邊。陽和、大同、偏頭關、野狐嶺、萬全衛皆被擾。郭登以謀殺間諜喜賓。和議成。額森歸上皇。見帝相持而泣。帝送上皇於南宮。太子見深。英宗之子也。景帝卽位後。欲立己子見濟。而難於言。景泰三年。終廢太子爲汾王。而立見濟。八年。帝與疾。宿於南郊齋宮。石亨、張軌以爲立太子。不若復上皇。遂率子弟家兵。毀門入。見上皇於燭下。請登位。由東華門入。至奉天門升座。殺于謙、王文。改景泰爲天順。以太后制廢景皇帝。仍爲郕王歸西內。未幾卒。仍立見深爲太子。石亨、曹吉祥攬權恣肆。石氏先敗。曹旋謀不軌。亦伏誅。復位後八年崩。見深卽位。是爲憲宗。北方韃靼爲亂。擾延綏與河套。南方則有搖撞苗族之蠶起。有汪直者。故大藤峽之搖撞。

也。爲人便黠，給事宮中，帝寵任之。成祖時，置東廠，以防宦官之謀逆。與錦衣衛權勢相掎，至是更立西廠，以汪直督之。擅作威福，帝悟其奸，會直將兵禦韃靼，在宣府，命移鎮大同。又因言官交劾，貶黜其黨。帝信方士言，方士橫恣，政事日非。二十三年，帝崩，太子祐橈卽位，是爲孝宗。整飭紀綱，罷傳奉官，奪僧道封號。天下翕然稱頌。民物康阜，爲有明中葉極盛時代。十八年，帝崩，太子厚照卽位，是爲武宗。中官劉瑾導帝遊戲，怠於政事。羣臣將發其奸，瑾先發，帝命爲司禮監。其黨馬永成、谷大用、掌事西廠，分據要地，沓小進用，凶暴日甚。羣盜日熾，因平王寘鐸之亂，張永獻俘，并陳瑾不法十七事，遂縛瑾磔之。籍其家，富是時，人才傑出，如劉大夏、李東陽、劉健、謝遷、王鏊、馬文升等，皆矯絕一時。而學術經濟，尤冠古今者，厥惟陽明王守仁。帝喜微行，屢往宣府，自稱將軍，又加鎮國公，加太師，竊王宸濠、獻王權五世孫也。久蓄異志，因帝無儲嗣，謀益急。正德十四年，遂反。王守仁討之，疾下南昌。宸濠還救，連敗之於黃家渡，八字腦樵舍，擒宸濠。帝自將出擊，如南京。守仁以首

功。而爲羣下所沮。幾不得免。至通州。誅宸濠。還京師。明年崩。無子。皇太后遺詔。迎從弟厚熹立之。是爲世宗。教天下除弊政。欲大興明室。即位僅六日。而大禮之議起。帝獻王祐杭之子。詔定興獻王主祀及尊稱。初議稱孝宗爲皇考。興獻王與妃爲皇叔父與叔母。帝怒。手詔尊父興獻皇帝。母興獻皇后。廷臣持不可。封還手詔。爭競益烈。遂興大獄。卒定孝宗爲皇伯考。昭聖皇太后爲皇伯母。獻皇帝爲皇考。章聖皇太后爲聖母。武宗爲皇兄。后爲皇嫂。內廷之紛爭。旣極劇烈。西北之邊警。亦日報聞。東南之倭寇。又屢告急。天下大勢。漸赴傾敗之運。及嘉靖二十一年。嚴嵩登用。預機務。殺名臣。子世蕃爲太常寺卿。相依爲奸。結黨滿朝。野楊繼盛劾嵩。與張經等棄市。後帝信任徐階。稍厭嵩。遂與子世蕃同下獄。後三年。世蕃伏誅。嵩寄食於墓舍。卒。帝晚年好方術。遣使行天下。求符籙。四十四年。帝久病。服方士所獻丹藥。遂大漸。十二月崩。皇子載垕卽位。是爲穆宗。六年。以病崩。太子翊鈞立。是爲神宗。初政時。張居正當國。起衰振墮。綱紀修明。然性褊恣好譽。殊昧寵利。居功

之戒。所以身死未幾。而禍敗隨之也。神宗晚年。西邊寇警日亟。北徼則通古斯族之聲威。日以隆盛。四方兵起。而覆亡隨之矣。

五 域外之形勢

安南自成祖時。張輔數征之。黃福治其土。頗得人心。二人去後。民心又動搖。黎利爲叛。紹茶籠。宣德元年。命王通征之。進交趾。遇賊於應年之甯橋。人馬行泥淖中。軍潰。黎利在清化聞之。自將馳圍東關。通失措。擅以清化以南地畀賊。而利兵終不退。帝聞王通敗。大驚。遣柳升由廣西征之。沐晟由雲南進兵。九月。至隘留關。連破關隘數十。直抵鎮夷關。即鷄陵關。永樂中改。殊輕賊。至倒馬坡。伏發。升中鏢死。通聞敗報。益懼。啗利立陳暠爲陳氏後。引兵棄交趾。還陳暠卒。子孫絕。國人推利守國。帝命訪陳氏子孫。利再遣使奉表。具耆老奏。爲陳氏後。且乞封。帝命權署安南國事。黎利稱帝。建交州府爲東都。清華府爲西都。分十三道。正統元年。利死。子麟權知國事。麟事朝廷甚恭。爲安南國王。黎氏主國。延及三百餘年。

北部蒙古遺裔。爲韃靼衛拉特之二大部。互相窺伺。瑪哈木特之子托歡。主衛拉特。於是襲殺韃靼之阿魯台於穆納山。阿魯台之子。諤博爾濟延來歸於明。其部衆潰散而東。居於興安嶺下。爲科爾沁部。托歡欲自立爲汗。衆不可。乃立元室後托克托布哈。然僅擁虛位而已。正統九年。托歡死。子額森嗣。自稱太師准王。凶狡桀驁。北部皆服屬。惟烏梁海未附。額森屢擊破之。又結婚於沙州之赤斤。遣使入貢。時王振當國。賞賚無算。旋因貢馬起釁。額森遂分道入寇。托克托布哈以烏梁海寇遼東。阿拉知院寇宣府。併圍赤城及甘肅。額森自入大同。進圍帝於土木。擁之而北。得中官喜寧爲間諜。盡知中國之虛實。乃脅上皇。召鎮將。陷紫荆關。長驅而東。戰不利。引還。喜寧又爲郭登所誘殺。時衛拉特君臣鼎立。額森兵最多。專國政。汗托克托布哈兵較少。阿拉知院兵最少。三人外親內疎。合衆南侵。利多歸額森。害則均受。所以皆抱貳志。額森遂與明和。歸上皇。托克托布哈娶額森之姊。生子額森。欲立之。不從。又疑其通中國以攻己。遂相攻。托克托布哈爲額森所殺。以

兵力脅諸部。東踰烏梁海。西及赤斤。哈密。遂自立。稱大元特克紳汗。明帝從大臣議。稱爲衛拉特汗。額森虐使三衛。日益驕恣。阿拉求太師。不許。且殺其二子。阿拉怒。率衆攻之。數其罪曰。漢兒之血在汝身。托克托布哈王之血在汝身。烏梁海之血亦在汝身。天道好還。今日汝當死。額森無以應。遂被殺。未幾韃靼部之保喇。復殺阿拉。而求托克托布哈之子穆爾格爾立之。號小王子。衛拉特遽衰。部衆分散。保喇與瑪拉噶等。雄視部中。於英宗復位後。屢寇邊。穆爾格爾死。衆立勒克喀青吉斯。亦號小王子。其入寇明邊。或在遼東。宣府。大同。或在寧夏。莊浪。甘肅。去來無常。景泰初。犯延綏。不敢深入。天順間。有阿勒楚爾者。率屬潛居河套。河套。古朔方地。爲唐張仁愿築受降城處。其地在黃河之南。由寧夏至偏頭關。延亘二千里。饒於水草。外由東勝。土地平衍。敵來不能隱。明初守之。後以曠絕撤戍。至是保喇小王子瑪拉噶等。先後繼至。抄掠延綏無虛日。會諸部內爭。保喇弑勒克喀青吉斯。瑪拉噶殺保喇。立他汗。阿勒楚爾復與瑪拉噶仇殺。瑪拉噶殺所立汗。逐阿勒楚

爾遣使求貢。憲宗三年許之。然寇掠不止。聚散叛服無常。明之君臣頗疲於奔命。厥後諸部相繼衰滅。有特古斯特穆爾之後裔。名達延者。具雄略。統一諸部。號大元可汗。小王子及北部伊畢喇伊木王。與陀羅該之子和碩。彼此相依。勢又猖獗。犯涼州。劉寧敗之。和碩寇大同。王果禦之。敗績。十四年。小王子和碩等復居河套。以八千騎東駐遼塞。入長勝堡。西歸。旋復進掠延綏。寧夏。往來數千里。所至殺掠。明將朱暉。以五路兵襲河套。僅斬三級。以捷聞。未幾。小王子和碩。以十萬騎分道入關中。震動。幸而哈密未失。達延有三子。長阿爾倫。嗣爲小王子。次巴爾色。領漠南之西半。爲濟農。季札賚爾。封於漠北。領喀爾喀部。小王子最富強。屢寇明邊。至子卜赤。稍厭兵。嘉靖十一年。徙慕東方。領漠南之東半。以其最近明。名揅漢兒部。巴爾色亦有三子。長究彌哩克。嗣父爲濟農。遷居河套。爲鄂爾多斯部之祖。次諳達。北居陰山之麓。爲土默特部之祖。季婁把圖濟農。居套中。西抵賀蘭山。以黃河爲限。不得渡。用牛皮爲渾脫。渡入山後。諳達亦自豐州入套。相率爲邊患。劉天和

禦之。敗濟農於黑河墩。又敗之於黑水苑。斬其子錫沙王。未幾濟農死。子朗台吉等散處河西。勢遂分。諳達較盛。數侵邊。二十一年寇山西。二十八年犯宣府。滴水崖。明年大舉入犯。卒通州。營白河東。京師戒嚴。渡河而西。前鋒及安定門外。薄都城。明諸將皆堅壁不戰。遂大掠。由古北口出塞。是年議互市。次年開馬市於大同。宣府。從仇鸞之言也。然諳達寇掠不已。罷仇官。仇大恚恨。疽發死。諳達子錫林阿連年入寇。而濟農土默特亦時擾邊。世宗治世四十餘年。曾無寧日。厥後有巴噶奈濟者。諳達第三子塔木台吉之子也。少孤。育於諳達妻伊克哈敦所。及長。娶必濟。不相得。復自聘鄂爾多斯之女。號三娘子。諳達見其美。奪之。巴噶奈於隆慶四年來歸。詔授爲都指揮使。諳達方西征土蕃。聞之。急還入寇。不利。伊克哈敦思其孫。日夜哭。諳達患之。因執叛者趙全等九人。以易巴噶奈。諳達及其妻撫之。而泣遣使報謝。誓不犯大同。帝封爲順義王。名所居城曰歸化。錫林阿等授官有差。巴噶奈濟封昭勇將軍。已而套部濟農亦如約請命。由是西塞諸部歲來貢市。自宣

大至甘肅。邊陲晏然。不用兵革者二十餘載。後十年。諳達死。孫徹辰台立。

哈密爾爲漢伊吾盧故地。元末。以威武王納古里鎮之。及卒。弟恩克特穆爾嗣。成祖卽位。入貢。詔封忠順王。卒。命次子托克托襲封號。衛拉特強盛。勢甚微。下及布拉噶卒。無子。王母主國事。伽嘉色凌見哈密無主。謀乘隙據其地。成化二年。其頭目奏請以巴圖穆爾襲封王爵。詞極哀切。帝乃擢爲都督。攝行國王事。及卒。子哈商請襲都督。許之。不令其主國事。政令無所出。時土魯番之酋阿里。自稱蘇勒坦。乘機襲破哈密城。獲王母及金印以去。留其妹婿伊蘭鎮之。明兵部言於帝。謂哈密爲西城咽喉。棄之不救。恐赤斤、蒙古、苦峪、沙州等亦爲所脅。我藩籬盡撤。甘肅之患方殷。套寇不退。則關中之供億愈難矣。乃命李文、劉文等往。經略甘肅。然終無功。哈商及默克里輝和爾之衆退居苦峪。文等亦引還肅州。土羅番知中國不足憚。遂久據哈密。明因築苦峪城。移哈密衛於此。而令哈商主國事。時成化十三年也。會韃靼之勢稍殺。河套之伽嘉色凌爲其下所殺。塞外諸酋畧盡。而明之北

徽亦稍治安。十九年。哈商糾罕東。赤斤二衛。夜襲哈密城。破之。伊蘭遁。遂還居故土。孝宗初。封爲忠順王。會土魯番酋阿里死。子阿瑪特繼爲蘇勒坦。聞之。怒。誘殺之。仍令伊蘭據其地。貢使頻至。帝仍善待之。旋獻還哈密城。帝求蒙古裔託克託從孫善巴襲封王。以哈商弟恩克保喇爲都督同知。因結怨土魯番。被襲。執善巴。阿哈瑪特自據哈密。僭稱汗。侵沙州。迫罕東諸部附已。帝發罕東。赤斤。苦哈兵。會伊濟穆爾川。冒雪進拔哈密城。伊蘭遁。阿哈瑪特大懼。送還善巴。欸關求貢。許之。仍命善巴鎮其地。哈密復安。及卒。子巴雅濟繼位。淫虐無道。土魯番酋莽蘇爾瑪特之子數以甘言誘之。武宗八年。棄國奔土魯番。莽蘇爾遣和卓塔濟迪音據守之。帝遣彭澤經略哈密。莽蘇爾要重賞。以城獻。帝亦不問巴雅濟事。至嘉靖三年。突入寇。明兵擊卻之。復許通貢。莽蘇爾愈桀驁。幸伊蘭既降。勢益孤。河西稍得休息。哈密後爲沙布塔子穆爾瑪哈穆特所有。服屬土魯番。下迄隆慶。萬曆間。歲貢不絕。然非忠順王裔矣。

六 倭寇始末

日本至唐末。宇多皇治世。由菅原道真之建議。罷遣唐使。國際之交往遂絕。元明之交。西南日本浮浪之徒。從耶抄掠。加之鎮西舊族。爲大內氏所破。其部下亡命爲海賊。歷久而勢愈熾。洪武二年。倭寇山東。是爲明初有倭寇之始。瀕海州縣。屢被掠害。七年。遣趙秩致書日本。見懷良親王。不屈。頗得優待。復遣僧祖闡往。同時命巡海備倭。於福建濱海四郡築城。并用方鳴謙。度地於浙東西。分置衛所。選壯丁戍之。未幾日本南北合一。將軍足利義滿遣使來聘。成祖時又來。封義滿爲日本國王。約十年一貢。義滿迎其使。禮遇甚厚。於是兩國貿易盛興。及明使來。弔義滿喪。子義持拒不納。至義教以後。復通使。然此爲國際上之往來。而與所稱倭寇無與也。成祖時抄掠州縣如故。世宗嘉靖二年。日本使宋素卿。宗設。互爭眞僞。宗設剽掠而歸。索之不答。素卿獄死。與日本之交際遂絕。沿海奸民。居甯波之雙嶼。密與日本貿易。不償其值。乃憤怨爲亂。侵畧如故。倭寇精悍不畏死。進退趨

捷稱爲蝴蝶軍。二十八年朱統防倭。因陳浙閩大姓通倭狀。被劾。仰藥死。浙江不設巡撫者四年。海禁復弛。奸民汪直、徐海、陳東、麻葉輩。悉遁海島。爲倭主謀。由是倭患日劇。三十一年。以王忬任之。沿海衛所船弊伍虛。不得已募漁船爲哨。寇舶至輒望風走。於是洲東西江南北濱海數千里。同時告警。忬不能禦。以李天寵代之。三十三年。命張經督軍務。翌年。又遣趙文華督視海防。經敗倭。文華奪其功。擠之。棄市。倭聚柘林鎮。其黨轉掠紹興、杭、嚴、徽、甯國、太平。三十五年。犯南京。劫漂陽、宜興。趨潞墅。轉鬪數千里。曹邦輔殲之。文華又奪功。謫邦輔。舉胡宗憲爲總督。宗憲倂陳東。汪直據海島爲雄。購之不得。宗憲與直同鄉里。以計誘降。王本固斬之。其黨大怒。造新舟。揚帆遁。南劫閩廣。其寇海門者。爲李遂所敗。勢衰。悉集福建地。宗憲以罪逮。倭陷興化府。據平海衛。爲兪大猷、戚繼光所敗。勢大衰。連破之。倭寇之警。前後數十載。攻城戕民。不可勝紀。至是始大創。至廣東潮州者。又被截殺。於是倭寇漸衰。東南可高枕矣。

七 歐人東漸一

自元世祖致治。延攬人才。不分種族。近而阿剌比亞、波斯之學士、軍人。遠而意大利、法蘭西之藝術家。東西兩洲之交通。一時稱盛。西方之算學、天文、砲術。輸入中國。而東方之羅盤針、活版術。亦西渡彼地。當時東來遠客中。最著名者。爲意大利之孟可爾。名字羅。姓及阿非利加之伊本名巴巴他。姓孛羅爲孛尼斯名家。經商入西韃靼。因亂留經年。入東韃靼。見世祖。奉命西歸。呈書於法王。可利閣利第十。復與耶蘇教徒東來。通諸國語。世祖愛之。擢爲河南揚州都督。後歸思頓興。航海由錫蘭入波斯。再西向君士但丁。還其故鄉。前後歷二十五年。日本之名。始傳於歐西。而黑海沿岸之克里米亞。君士但丁。皆爲重要之商場。歐洲人之注意東方者愈多。葡萄牙王約翰第二。獎勵遠航。於是提阿士發見非洲南端喜望峯。後十二年。華可達迦麥至印度。及正德五年。印度總督阿爾曼達。占領閩阿。以爲東印度首府。葡國之貿易益隆盛。遂次第建商館於錫蘭。及印度東海岸。尋奪滿刺加。

瓜哇。時中國人之至南洋者亦日衆。正德十二年。葡人奉命測量中國港灣。來廣東。泊三籠島。由是來航者。年益加增。建商館於甯波。廈門。嘉靖末。占領澳門。以爲根據地。高樓巨屋。棟宇相望。嘉靖二十二年。葡人之由暹羅至中國者。遇颶風漂流而至日本。

葡人而外。與之爭商利者。則爲西班牙人。自哥倫布發見美洲後。羣擬航行西方。以達東洋。正德十三年。有麥折倫者。奉西班牙王查利第五命。尋新地。由美洲南端。入太平洋。過百餘日。而至小呂宋。以助島王戰。從者回國。嘉靖四十四年。西人占菲律賓羣島。建馬尼刺市。以爲根據地。我國有李馬奔者。爲海賊首領。與倭寇連合。欲奪菲律賓於西人之手。使將庄公入馬尼刺灣。破西人兵。旋以援師來引還。未幾。又上陸。焚其市街。破城堡。西人復圍之。卒戰死。李馬奔遁。航西海岸。至阿克諾河口。服土人。築城塞爲首都。西人圍之。知不敵。使兵一隊留守。乘間投海。不知所終。留守兵後入深山。聚而居處。爲今衣閣羅拉中國人種之祖也。

至若中國貿易。繼葡萄牙而起者。則非西班牙而爲荷蘭。荷蘭本西班牙屬國。因宗教上之戰爭。脫其羈絆而獨立。國民富冒險性。繞喜望峯而至東印度。於錫蘭、滿刺加、蘇門答臘等。奪西班牙之殖民地。逐西葡二國商人。又築罷大胡阿府於瓜哇。置東印度荷蘭領地政廳。後欲擴張勢力於中國。謀奪澳門。被擊破。乃轉向澎湖島。築城塞居之。時臺灣爲日本海賊所佔領。荷蘭人欲借一船泊寄港地。不許。福建官又勸之居臺灣。卒於天啟四年。巡撫南居益發兵擊之。荷蘭人揚帆遁。擒其渠帥高文律等十二人。而遁者據臺灣。驅日人而據之。六年。築安平城。告成。尋又築赤嵌城。先是西班牙人欲保護中國貿易。築城於基隆及淡水。至後。全歸荷蘭人掌握。辛苦經營。適中國內亂已亟。避難者屬集。遂又被奪於鄭成功也。

八 明之滅亡

明自太祖。布衣崛起。驅除蒙古民族。統一天下。求衆望素孚之士。學宋餘風。開放言路。使得自由評議朝政。胡居仁、王守仁之學說。遂大行於世。至英宗以後。權臣

竊政。閹豎營私。遂興黨獄。萬曆二十二年。皇庶長子常洛。年十三。羣臣爭議建儲。執政以爲多事。顧憲成上疏力爭。削籍歸里。講學東林。海內景附。帝荒於政。二十餘年。未嘗一見大臣。曹署多空。內閣止葉向高。杜門謝客。六卿惟刑部趙煥。又兼兵部。於朝臣無所左右。至後閣中無人。章奏就家擬旨。主試則送閣中。可爲異事。二十九年。常洛立爲太子。封鄭貴妃所出常恂爲福王。并封諸王。然帝寵福王。在京十餘年。又營洛陽邸第。十倍常制。及就藩。歷年稅使礦使。悉以資之。賜莊田二萬頃。中州膏腴不足。益以山東湖廣之田。民窮財竭。盜賊蠡起。至四十三年。而挺擊之案起。是年夏。太子居慈慶宮。突有男子張差。持棗木棍入宮門。擊傷守門內侍。至殿前。被執下吏。以瘋癲報。時東宮雖久定。帝待之薄。中外方疑貴妃謀危太子。至是事起。翰囚得主使狀。辭連貴妃內侍。貴妃簪乞哀皇太子。太子請帝速具獄。帝出見羣臣。遂磔差於市。四十八年。帝崩。太子卽位。是爲光宗。選侍李氏最得帝寵。鄭貴妃請立爲皇后。選侍亦爲貴妃求封皇太后。帝時有疾。趣舉册封禮。孫

如游力爭始寢。帝委頓甚。羣臣疑駭。左光斗、周嘉謨等以大義趣貴妃移宮。貴妃恐。即移居慈甯。帝疾大漸。召見羣臣。命李可灼進藥。服紅丸一。旋又進一丸。明日帝崩。在位僅三旬而已。選侍擬挾皇長子以自重。被給王安入抱之出。升文華殿。卽位。是爲熹宗。使移選侍居曦鸞宮。於是東林黨論李可灼罪狀。非東林黨則證其無惡意。又移宮案。東林黨以執政爲權畧得宜。非東林黨議其失禮於先朝。妃嬪并追論挺擊案。時論騷然。兩黨之形勢一起一伏。外遭清兵之南侵。內迫流寇之四決。熹宗又寵任魏忠賢及乳母客氏。封爲奉聖夫人。塗毒數年。而明社遂隳。魏忠賢與客氏相結。太監王安同受顧命。素持正。欲重懲之。忠賢覺。與客氏謀。矯詔殺安。益無忌。帝性機巧。每引繩削墨。親爲斧鋸椎鑿髹漆之事。忠賢擅威福。客氏恐宮人白其惡。屢殺妃嬪貴人。又墮后娠。帝用是乏嗣。忠賢提督東廠。鍛鍊殘酷。士大夫多戕害。羣小並進。善類爲之一空。七年八月。帝崩。遺詔立皇五弟由檢。是爲莊烈帝。帝素知忠賢惡。深自儆備。及卽位。窮治之。安置忠賢於鳳陽。至阜陽。

其黨李朝欽縊殺之。熹宗崩時。客氏出居外宅。至是詔赴洗衣局。使掠死籍其家。然奸黨雖除。明室末運終不可回也。

初神宗十一年。清太祖征尼堪外蘭。克圖倫城。以建帝業之基。厥後益南下。流賊乘之蜂起。初發難者。四川永甯土司奢崇明之反。貴州水西土司安邦彥之叛。然僅邊酋窺釁而已。未成大患。自白蓮教匪起於內地。而四方遂響應。始創白蓮教者。爲薊州王森。蔓延於畿輔。山東。山西。河南。及陝西。四川。森被捕獄死。其徒徐鴻儒踵起。會遼東盡失。遂叛。號中興福烈帝。掠山東郡縣。轉戰數十。卒被捕。磔於京師。前後凡七月。及莊烈帝即位。連歲大饑。民貧思亂。羣起爲盜。計延綏以北。爲逃軍。爲邊盜。以王嘉允爲首。延綏以南。爲土寇。爲饑民。以王左掛爲首。及左掛誅。嘉允遁死。其黨推王自用結羣賊。及高迎祥。張獻忠。皆聚山西。米脂人李自成。號闖將。亦與獻忠等合。明將曹文詔在陝討賊。大小數十戰皆捷。巨寇略盡。而功抑於洪承疇不叙。山西則賊勢益猖獗。分道四出。全省震動。據磨盤山。分衆爲三。閻止

虎據交城。窺太原。邢紅狼上天龍。據吳城。窺汾州。王自用張獻忠突沁州。武鄉。陷遼州。曹文詔奉命東渡。河擊賊。連敗之。賊幾轉入河北。左良玉兵敗。三府所屬縣。焚劫殆遍。文詔移師會討。又捷。及調爲大同總兵。而賊更無忌矣。渡河南。大掠南陽。汝甯直走湖廣。寇漢。犯襄陽。南入四川。陷夔州。遠近震動。後屢蹶屢起。擾安徽。遠陝西。李自成再入蜀。被追勢蹙。時清兵陷畿輔。轉戰入山西。諸將引還。入衛京斯。及李自成。張獻忠再叛。渡開封。陷武昌。寇潼關。遂陷西甯甘肅。三邊皆沒。自成遂僭號於西安。陷太原及甯武。進犯居庸。入關。環攻九門。設座彰義門外。門啟。賊盡入。帝趣皇后自盡。殺妃嬪數人。以劍斫長平公主。巨。汝何故生我家。翌日。自縊於煤山。遂崩。而明亡矣。

明世系譜



英宗祁鎮(六)

憲宗見深(八)

孝宗祐楹(九)

武宗厚照(十)

景宗祁鈺(七)

祐杭

世宗厚燾(十一)

穆宗載戩(十二)

神宗翊鈞(十三)

光宗常洛(十四)

熹宗由校(十五)

懷宗由檢(十六)

第六章 現世紀

一 滿洲之初興

通古斯族。自女真完顏氏絕祀後。久沈淪不振。及朱明失政。崛起長白山下。遂定數百年之基礎。其先不詳所出。有子爲三姓所擁立。居於長白山東。俄漢惡之。野鄂多里城。國號滿洲。地近金之上京。數傳至肇祖。居於虎欄哈達山下之赫圖阿拉。即今之興京也。有智計。盡復故地。五傳至顯祖塔世安。而生太祖。時明嘉靖之三十六年。爲努爾哈赤長母喜塔喇氏。有勇畧。削平諸部。先是蘇克素護河之圖。

倫城。有尼堪外蘭者。引明兵攻阿泰章京。其妻景祖之孫女也。聞警往救。明將李成梁誘殺阿泰。并害景祖顯祖。太祖聞之怒。責明邊吏。尋明歸喪。既而征尼堪外蘭滅之。時環赫圖阿拉而居者。爲景祖之兄弟五人。皆稱甯古塔貝勒。諸部分裂。盛京之東北滿洲國。有蘇克素護河。洋河。完顏。棟鄂。哲陳之五部。撓朝鮮北境之長白山國。有訥殷。鴨綠二部。爲明建州衛地。甯古塔東北。日本海沿岸之東海國。有渥集。瓦爾喀。庫爾喀三部。爲明野人衛地。西北黑龍江流域。至奉天吉林間之扈倫國。有葉赫。哈達。輝發。烏拉之四部。爲明海西衛地。皆金遺裔。城郭土著。射獵之國。非蒙古游牧部族可比。各爭雄長。而以扈倫四部最強。皆以所居之河爲名。烏拉。輝發二河。入松花江。哈達。葉赫二河。入遼河。海西衛又分二關。南關哈達。北關葉赫。偪處開原。鐵嶺。諸部互相仇視。不能統一。太祖乃乘之而起。自誅尼堪外蘭。國勢日隆。葉赫等九部來侵。大破其衆。哈達貝勒蒙格布祿。爲葉赫所誘。將害助防哈達兵。征克其城。獲之而歸。輝發貝勒拜音達哩。亦貳於葉赫。數背盟約。率

兵撫定其國。烏拉貝勒布古泰戰敗被俘。釋遣歸國。申以姻好。既復謀叛。屢討不悛。遂大舉滅之。葉赫告於明曰。哈達輝發烏拉三國。滿洲盡取之。今復侵我。其意欲削平諸國。然後侵明。取遼東爲國都。以開原鐵嶺爲牧馬場焉。明遣兵戍之。然太祖平諸國。聲威遐播。又製國書。定旗制。明德詳刑。上下不格。帝業遂成。於萬曆四十四年。衆貝勒大臣咸奉表勸進。正月朔。卽位。尊爲覆育列國英明皇帝。建元天命。時年五十八。

海西四國已服其三。惟葉赫恃有明援。負隅肘腋。明亦倚之以備北徼。屯重兵於開原。以爲犄角。太祖欲伐葉赫。患明熹其虛。不如先挫明兵。休養二年。遂興師伐明。以七大恨誓於天地。鼓行趨撫順。連下撫順、東州、瑪哈丹三城。進克清河堡。清河在四山中。東距寬甸。南距靉陽。北距瀋陽。清河旣失。全遼震動。明楊鎬經畧遼東。合朝鮮兵。由撫順關、鴉鶻關、三岔口、寬甸口、四路深入。直取國都。太祖先攻大營。大敗之。漂尸蔽渾河下。北路兵亦潰走開原。楊鎬檄留李如柏軍。劉綎深入三

百里至深河。被圍戰死。士卒脫者無幾。是役也。明傾天下之力。盡徵宿衛猛士。朝鮮葉赫之精銳。同日深入。使不能兼顧。大清兵僅三四萬。併力先破一路。閱五日而三路皆破。損數百人。而明之文武將吏死者三百一十餘。失馬駝甲仗無算。敗聞。京師大震。鎬論死。而大清兵則克開原。鐵嶺。拊葉赫之背。破其東城。西城亦降。遂破北關。其版圖之廣。遂西至遼。南至朝鮮。北至黑龍江。語言相同之國。悉爲所有矣。

明自楊鎬治罪。卽以熊廷弼代之。經略遼東。法嚴令行。守備大固。未曾用兵者歲餘。廷臣忌者多爭劾其不戰。廷弼乞罷。以袁應泰代之。袁長吏事。而非將才。招降人處遼瀋間。寬以撫之。多所更易。卒以僨事。天啟元年。大清兵薄瀋陽。破之。進取遼陽。應泰拒戰。城卒破。自經死。遼東之三河等五十寨。河東大小七十城。望風降。明帝盡謫前劾廷弼諸臣。起廷弼於家。建議於廣甯。登萊。一如天津。各設巡撫。而經畧駐山海關。以爲節制。先是王化貞巡撫廣甯。議沿遼河置公營。守要害。廷弼

以爲不宜分守。由是不和。化貞驍憤。好大言。兵部張鶴鳴信之。廣甯兵十四萬。而關上無一卒。徒擁經略虛名而已。至十月。冰合。大清兵至。陷西平堡。化貞爲孫得功所紿。棄城單騎遁。遇廷弼於大凌河。不得已。護難民數十萬人入關。大清兵入廣甯。四十餘城皆下。速化貞、廷弼並論死。孫承宗自請督師。防守頗嚴。軍聲亦震。是年太祖遷都遼陽。名爲東京。後三年。更以瀋陽爲形勝之地。復遷都焉。是爲盛京。時明魏闡弄權。明政日非。罷承宗以高第代之。第恇怯。撤錦州、右屯、大小凌河。及松山、杏山、塔山守具。棄粟十餘萬入關。軍益不振。太祖以經畧易與。大舉圍甯遠。袁崇煥力戰卻之。太祖自以二十五歲起兵以來。戰無不捷。攻無不克。惟甯遠不下。爲之不懌者累日。八月。太祖崩。年六十八。第八子皇太極卽位。是爲太宗。太宗繼位。年已三十五。明袁崇煥遣使來賀。太宗以書報之。遂約議和。崇煥陰圖恢復。不得要領。太宗首伐朝鮮。以絕東顧憂。袁遣使援。乃親出巡。耀兵遼河岸。爲備。及凱旋。移師圍錦州。攻甯遠。袁拒守。毀大小凌河二城。還。魏黨劾其不救錦州。

崇煥乞休。以王之臣代之。會明帝卒。莊烈帝卽位。誅魏忠賢。復命崇煥督師。先是毛文龍招遺民守江東。卽皮島地在鴨綠江口。去朝鮮東滿洲東各八十里。屢出師擾邊。與朝鮮相犄角。明以爲大都督。崇煥疑其私通滿洲。殺之於雙島。然東江屹然重鎮。部將失主帥。不奉明令。後相率降於清。明兵威大衰。太宗惡崇煥。欲去之。乃由喜峰口毀邊牆入圍遵化。破之。明使劉策阨石門。防西逸。大清兵趨薊州。薄京師。崇煥率諸將入援。明帝信流言。下崇煥於獄。旋殺之。起孫承宗。由通州移鎮關門。因崇煥將祖大壽毀關去也。大清兵薄永定門。明兵屢敗。京師道梗。及承宗遣將戍開平。復建昌。聲援方接。大清議和。取道冷口旋師。承宗襲取四城。太宗大怒。秋復攻大凌河。承宗方理舊疆。城半完而師至。援師力戰。終不敵而潰。祖大壽之弟大弼。以五百騎衝我師於錦州。刃及御馬之腹。太宗稱爲祖二風子。更夜襲衛營。力戰始退。大凌河援絕。大壽降。詭言爲內應。往錦州。至則爲明守。太宗還征漠南察哈兒部。降之。羣臣上尊號。乃受寬溫仁聖皇帝號。改元崇德。立國號爲大

清。時年四十八。當太宗征漠南。漢古時。朝鮮通於明。欲夾擊遼東。太宗既還。計征朝鮮。必伐明以挫其援。命將踰獨石口。入居庸。克昌平。徧燕京。過保定。五十六戰。皆捷。俘人畜十八萬。始還。遂征朝鮮。王稱臣。出降。崇德三年。太宗命多爾袞、岳託兩路伐明。總督吳阿衡敗死。由青山關會兩翼兵於通州。至涿。分入道並進。下畿輔城四十有八。孫承宗殉節。入山東。盧象昇由涿州進保定。大戰於慶都。至鉅鹿。力竭死。清兵破濟南。執懷王由樞。次年。諸軍皆凱旋。太宗以爲大軍屢入塞。不得明尺寸土。皆由山海關爲阻。然欲得關。非先取關外四城不可。乃於六年。命攻錦州。以期必克。築長圍困之。錦州告急。明洪承疇等率軍十三萬。馬四萬。集甯遠。次松山。太宗親往援。往來截擊。明兵大潰。次年。破松山。擒洪承疇。祖大壽等。送於盛京。錦州。杏山。塔山。相繼下。明大震。太宗遣使議和。不果。時山海關內外。並建二總督。又設二督於昌平。保定。千里之內。置四督臣。又有甯遠。永年。順天。密雲。天津。保定。六巡撫。甯遠。山海。中協。西協。昌平。通州。天津。保定。八總兵。星羅碁布。事權不一。

而明之諸臣。於流寇多議撫。於我兵反諱和。盈廷蠲塘。一無主宰。至八年八月。太宗卒。壽五十二。第九子繼立。是爲世祖。建元順治。時明崇禎十七年也。先是明以流寇內偪。盡棄關外四城。吳三桂奉命入衛。中途聞京師陷。遂乞師於我。我攝政睿親王。急引兵進。與李自成大戰。敗之。逐北四十里。自成走京師。屠三桂家。焚宮殿。載輜重西遁。大清兵入京師。京北京東諸府皆降。十月。帝至自盛京。定都燕京。卽皇帝位。詔告中外。

二 明之餘裔

明社旣屋。宗族避難多南下。神宗孫福王由崧。常恂長子也。舟次淮安。南京之部科道等官。會議推戴。遂立爲帝。改元宏光。兵部史可法。督師江北。馬士英專國。進魏闖餘黨阮大鍼。王昏庸。沈於酒色。舉措失人。識者知其危在旦夕矣。二年。豫王多鐸南下。時明之諸鎮。以黃得功爲最忠勇。左良玉。高傑兵最強。馬旣用事。左良玉與黃得功之兵。鬪於西。高傑與許定國之兵。鬪於北。大清兵由二道並進。一出

淮北降李成棟於徐州。敗劉澤清於宿遷。舉通泰。一出淮南。由歸德趨泗州。遂渡淮。史可法奔走國事。坐困揚州。城破被執。死之。大清兵屠之。渡江陷京口。福王夜半自通濟門出。走太平。入黃得功營。大清兵自丹陽。旬容至南京。明勦戚文武迎降。遣歸追福王於燕湖。黃得功中流矢刺吭死。餘將擁福王出降。江南悉定。又平浙西。七月。俘福王凱旋。

是歲六月。明唐王聿鍵稱帝於福建。魯王以海監國於紹興。唐王太祖九世孫世封南陽。初起兵勤王。被廢爲世人。福王赦之。當徙廣西。至杭州而南都陷。鄭鴻逵奉之入閩。鄭芝龍、黃道周等勸進。遂稱帝。改元隆武。是爲福建之師。魯王太祖十世孫世封袁州。宏光立。移住台州。及杭州降。遺臣張國維、熊汝霖、張煌言同時起義。迎魯王監國。列兵錢塘江。晝地戍守。是爲浙東之師。當是時。薙髮易服之令既下。反抗者蠶起。上下江士民。揭竿裂裳。遙受唐王除拜。魯王節制者不下十餘萬。江西明裔。招五嶺峒蠻。以抗大兵者。亦數萬。大清分駐各處之師。聲勢中斷。非先

清江左不能圖閩浙也。已而叛者先後平定。乃於三年春正。命肅王豪格。征張獻忠於四川。是年冬。殪獻忠。貝勒博託。征浙東福建。以三月至杭州。時馬士英。阮大鍼。峻方國安。與諸義兵爲難。通國水火。大清兵臨錢塘江。礮毀方國安營灶。國安遁。挾魯王。由紹興至台州。戍江兵旋亦潰。馬阮國安使執魯王以獻。魯王脫走航海。遁甯紹溫台。悉下。金華衢州繼之。浙東略定。遂進征福建。初唐王之立於鄭氏也。閩粵兵餉。悉歸掌握。唐王奮志有爲。而令不行於下。黃道周親出募兵。卒敗死於婺源。及何騰蛟撫有左兵。闖兵勢稍振。率其部將。分鎮湖南北。與武昌荊州大軍相持。江西楊廷麟。守贛。與南昌大軍戰。屢捷。兼得吉安。勢亦振。俱請唐王臨幸。王阨於鄭氏不得行。及大清兵定浙東。芝龍陰受洪承疇約。歛。盡撤關隘水陸諸防。仙霞嶺虛無人。我師遂由衢州。廣信兩路長驅入。唐王奔汀州。大清將努山馳七晝夜追及之。遂執唐王不食死。芝龍詣福州降。贛州亦爲金聲桓所破。博託命將征廣東。會唐王弟聿錕。爲蘇觀生擁立於廣州。改元紹武。大清將潛師至執

之閩粵地悉定。

魯王之遁也。張名振以舟師從。鄭成功及兄子鄭彩、鄭聯並擁衆海上。魯王先至舟山。守將不納。適彩聯等以舟師來會。奉之入關。次中左所。時爲鄭成功所踞。成功以唐王遺臣奉隆武年號。及改次長垣。閩浙諸郡縣先後騷動。張名振於五年由南田陷健跳所。迎魯王復入浙。攻舟山。奉魯王居之。而鄭彩軍金門。鄭聯軍廈門。亦於七年盡爲成功所奪。於是浙師盡并於張名振。閩師盡并於鄭成功。居東南海島者咸聽其號令。八年大清兵先剿山寨。遂渡海抵螺頭門。陷舟山城。初張名振恃海島之險。謂大兵必不能渡。先期奉魯王擣吳淞。以綴我師。聞警還救。則城已破。乃奉魯王赴廈門。且去監國號。鄭成功擾沿海州縣。屢敗大兵。張名振張煌言亦入長江。登燕子磯。掠戰艦三百於吳淞江口。成功始終爲唐。二張始終爲魯。所奉不同。而交甚密。當是時遺臣義旅漸歸漸滅。獨兩軍犄角海上。而成功尤雄。十年朝廷議招撫。封成功爲海澄公。不受。連年擾福州、同安。破舟山。進溫台。爲

沿海患。十六年。復由崇明入江。斷鐵索。破瓜洲。陷鎮江。直薄金陵。太平。甯國。池州。徽州。望風納款。東南大震。旋爲梁化鳳所敗。乃引還島。十七年。桂王走緬甸。雲貴蕩平。成功崎嶇海上。垂十餘載。進取無成。乃謀奪臺灣。臺灣距廈門約五百里。距澎湖約二百里。天啟中。爲日本所踞。荷蘭人爲中國所逐。乃逐日本而有之。及芝龍以船徙飢民數萬往散屯城外。與荷蘭耦居無猜。芝龍娶日本婦生子。卽成功也。十八年。成功先以百艘泊澎湖。進圖鹿耳門。乘潮漲。克赤嵌城。旣而定約。荷蘭遷國。遂爲成功所有。以赤嵌城爲承天府。是歲。芝龍棄市。鄭氏之在京者悉誅。康熙元年。成功卒。子經嗣。監國魯王亦卒。次年。桂王滅。經猶奉永歷年號。三年。我師克金廈二島。經歸臺灣。不敢內犯。而張煌言亦被擒於南田。浙平。後十三年。三藩難作。耿精忠反於福建。告援於鄭氏。旣而背約。於是經自取泉。取漳。取潮。繼又取汀。擾沿海。至十九年。被水陸圍攻。乃又遁歸臺灣。時子克塽久監國。禮賢恤下。爲物望所歸。羣小憚之。因所出微。入間言於成功妻董氏。遂襲殺克塽。而立次子克

瑛幼弱不能治事。人心乃失。二十二年。帝命施琅以舟師伐之。力戰破澎湖。進逼臺灣。乘潮入鹿耳門。鄭克塽降。隸漢軍。封六爵。割據前後計三十八年。而臺灣始歸版圖。

桂王由榔。神宗孫常瀛之次子也。唐王敗死。報至粵中。丁魁楚、瞿式耜等共推桂王。稱監國於肇慶。旋稱帝。改元永曆。李成棟下廣東。進攻桂王。走梧州。肇慶破。遂奔桂林。及我師克平樂。潯州。又走全州。依劉承胤。跋扈不可制。聞大兵將至。奮王遷於武岡州。未幾兵至。承胤敗降。桂王走廣西。會金聲桓以江西叛。李成棟以廣東叛。附於明。桂王兵亦乘勝下湖南。州縣。四川舊將及義勇。又踞川南。川東。附桂王。於是永曆有雲、貴、兩廣、江西、湖南、四川七省地。勢張甚。既而金聲桓敗於南昌。城破。死之。李成棟潰於信豐。墜水而死。明諸將退金州。退榕江。走桂林。大兵繼進。破桂林。執瞿式耜等。七年。我師圍廣州。桂林走梧州。城破。走南寧。窮竄土司境。而孫可望、李定國之事又作。二人皆張獻忠黨。襲貴州、雲南。納款永曆。求封。桂王事

急封之。趣其出兵。乃分軍一由叙州重慶。以寇成都。一由武岡出全州。以寇桂林。川西川東川南及廣西復陷。并下辰州。旋因孫可望跋扈。桂王密召定國兵入衛。定國奉桂王赴雲南。遂自相衝突。可望敗走湖南。降於洪承疇軍。知其虛實。遂大舉。一由湖南進。一由漢中四川進。一由廣西進。約會於貴州。十月入貴陽。三路入滇。桂王西走永昌。旋奔騰越。入緬甸。大兵窮追。至騰越。西百二十里始還。十八年分軍趨緬。緬執桂王由榔。及其家屬獻軍前。未幾定國亦卒。於是桂藩之局結。

三 國初之極盛

世祖在位。三藩之亂既平。中國本部咸入版圖。而於十八年正月七日。世祖崩。年僅二十四。三子卽位。是爲聖祖。改元康熙。年八歲。大臣鰲拜用事。跋扈甚。帝長。誅之。於六年七月始親政。時本部悉平。僅東南鄭氏據有臺灣而已。未幾而又有吳三桂。尙之信。耿精忠之叛。史稱爲後三藩。對於明福王。唐王。桂王之前三藩言之也。世祖時。南方畧定。留三桂王雲南。尙可喜王廣東。耿繼茂王福建。卒子精忠襲。

封三桂功最高。恩禮亦最侈。假以便宜。督撫咸受箝制。用人。吏兵二部不得掣肘。用財。戶部不得稽遲。其所除授。號曰西選。西選之官。徧於天下。專制滇中十餘年。尙可喜老病。以兵事屬子之信。酌虐橫逆。與耿精忠同爲三方患。康熙十二年。徙藩議起。三桂遂發兵反。以明年爲周元年。襄陽。桂林。四川。福建。同時響應。三桂命將一由長沙。窺江西。一由四川。窺陝西。加之陝西有王輔臣之變。轉戰二年。始復反正。三桂命將據岳州。澧州。諸水口。以拒荊州。江北之師。據長沙。萍。澧。以拒江西之師。大兵已入洞庭。克君山。遷延不進。致江湖之險。復爲賊據。相持至十七年。三桂年已老。失陝西。閩。粵。三大援。旋又失江西。大兵雲集湘湖間。情竭勢絀。思竊帝號自娛。三月。僭卽帝位。改元昭武。越數月病卒。孫世璠嗣。改元洪化。於是岳。樂。克。武。岡。辰。州。沅。州。由湖南入滇。賴塔由廣東入滇。趙良棟。克陽平關。破成都。由四川入滇。湖南軍趨貴陽。世璠奔雲南。貴州盡復。廣西兵則會楚師於曲靖。列長圍困賊城中。食盡。乃函世璠首以獻。滇亂遂定。耿精忠於十三年。反於福州。陷全閩。乃

分兵一由東路寇溫台。一由中路仙霞嶺寇金華、衢州。一由西路寇建昌。帝屢次招撫。不納。命傑書進討。未幾。傅喇塔困。曾養性於溫州。李之芳敵馬九玉於衢州。至十五年。耿師宵遁。因鄭經奪其漳、泉、汀、邵諸府也。大軍乘之。直至延平。望風瓦解。耿精忠遂降於軍前。於是福建畧定。尙之信爲可喜。長子十二年。可喜用客金。光計乞歸老。叛者四起。可喜終無二志。請大兵赴援。甫至。而之信從逆。勢大猖獗。十五年。可喜發憤死。之信附三桂。旋悔。通款於大軍。於是廣東略定。旋又平準噶爾。下臺灣。帝室基業。漸卽鞏固。是時內治則崇祀孔子。廣徵文士。編纂有用各書。巡幸江南。國力強盛。爲宋明所不能及。末年寵臣明珠等用事。皇子各樹黨相爭。宮廷大擾。六十一年。駐蹕熱河。不豫。回南苑崩。四皇子卽位。改元雍正。是爲世宗。帝強毅精熟。旣平內擾。鑒先帝末年之懈弛。手批章奏。推辱重臣。朝野震懼。年羹堯、岳鍾琪。以平西藏功。帝羅織殺年。岳亦奪爵削職。又興文字獄。株連甚衆。時不立太子。廷臣言者多得罪。自是以後。嗣位詔旨。皆爲帝者密藏。俟發喪時宣佈。且

禁親王以下。非與政事者。不得交接羣臣親貴。遂若禁錮矣。十三年八月。世宗崩。子繼位。是爲高宗。改元乾隆。

高宗雄材大略。實似聖祖。其武功則兩平金川。平準噶爾。平四部。平緬甸。平臺灣。匪亂。平廓爾喀。威力所播。實無愧爲世界第一強國。而鄂爾泰以三省總督。從事西南夷。奏功尤鉅。乾隆初。張廣泗繼之。底定其地。內則文治大舉。行諒闇三年之喪。大舉人材。於大學則以經義治事。分條教授。圖功臣像於紫光閣。三十八年。特開四庫全書館。詔求遺書。巡幸諸方。治河修閘。親往閱視。南至蘇杭。窮極壯麗。民實苦於淫虐。後侍從大臣。因以爲利。屢次南巡。當時疆域。西自中亞西亞之吉利吉思族。及突厥族。西南之印度族。及緬甸。暹羅。老撾。安南諸國。東至琉球半島。與朝鮮半島。無不朝貢內屬。使者相望於北京。版圖之廣。爲前古主治中原者所未有。實爲國家極盛之時代也。六十年。傳位於太子。是爲仁宗。改元嘉慶。又四年而帝崩。

四 域外經略一

蒙古餘裔。喀爾喀部。爲韃靼達汗末子之後。準噶爾部。爲衛特拉部額森之後。額森爲其下所弑。其部久不振。爲土默特等部所侵。至明末。蒙古諸部衰。乃漸強。部分爲四。在伊犁者爲綽羅斯特部。在額爾齊斯河上者爲都爾伯特部。在塔爾巴哈台者爲土爾扈特部。在烏魯木齊附近者爲和碩特部。和碩特部。後并西藏。勢威雄於三部。初。元世祖拜拔思巴爲帝師。其後嗣。世世轄西藏之喇嘛。其衣帽尙紅色。名紅教喇嘛。其教旨尙禁咒。蓄妻子。漸流侈靡。至明初而西甯人宗喀巴乃起而改革之。排幻術。禁娶妻。因着黃衣黃帽。名黃教喇嘛。世人歡迎之。與紅教並重。其二弟子。一爲達賴喇嘛。居西藏首府拉撒。一爲班禪喇嘛。居於拉撒西之札什倫布。以分掌黃教。以呼畢爾罕爲嗣續法。自三世達賴喇嘛立。其高德爲蒙古人所尊信。親往布教於漠南。諳達曾孫繼之。爲四世達賴喇嘛。黃教益盛行。遠及伊犁。置大喇嘛於土拉河畔之庫倫。紅教徒嫉之。遂引藏西界拉達克酋長藏

巴汗以相抗。五世達賴喇嘛亦招致和碩特部拒之。時和碩特部長固始汗得衛拉特三部之援。襲據青海。握西藏兵權。通好於中國。達賴班禪僅總裁宗教之事。餘世務則委之第巴。五世達賴之近親桑結爲第巴。欲脫和碩特部之干涉。乃竊招準噶爾部。

和碩特部據青海時。綽羅斯特部據伊犁。蠶食近傍。至巴圖爾渾台吉乃稱準噶爾部。征服土爾扈都。爾伯特。勢頓強。子僧格嗣。未幾爲叛者所殺。其子索諾木阿拉布立。僧格弟噶爾丹在西藏。聞變。急還。殺其姪而自立。時康熙十二年也。旋兼有四衛特拉。且由伊犁東徙。帳阿爾泰山以北。并喀爾喀。又窺天山南路。天山南路本服屬於帖木兒。及帖木兒卒。喀什噶爾汗拉悉特立。頻拓地於東方。統一全土。中央亞西亞之回教徒。往來是地者頗多。名其長爲和卓。乘喀什噶爾之衰。握其政權。有白山黑山二派。彼此相爭。汗助黑山派。白山派被逐。奔西藏。求援於五世達賴。噶爾丹奉命入天山南路。擊破其渠。而有其地。爾後八十年間。全地爲準

噶爾有旋又東出兵。攻外蒙古之喀爾喀。

當是時。韃靼大別爲三部。居蒙古東部。興安嶺附近者。爲科爾沁部。成吉思汗弟
搠只之後君臨之。其西北爲漠北蒙古部。即喀爾喀部其南爲漠南蒙古部。其君亦爲

元裔。本朝之興。科爾沁與漠南蒙古。先後歸服。惟喀爾喀部猶獨立。喀爾喀部。爲
韃靼達延末子札賚爾之封地。其中更分三部。在西部占有杭愛山西麓一帶者。
爲札薩克圖汗。在中部占有克魯倫河流域者。爲車臣汗。其地東至黑龍江。西迄
厄魯特。北接西伯利亞。南極瀚海。西南鄰準噶爾。龐然大國也。康熙二十三年。
土謝圖汗與他二部生隙。準噶爾乘之。踰杭愛山。襲其幕。喇嘛應之。三汗部東走。
途遇中國使。乞保護。乃割與科爾沁地。使游牧。且諭噶爾丹收兵還侵地。不聽。長
驅逼內蒙古。二十九年。至烏爾會河。是國家無事。聖祖以噶爾丹志不在小。乃親
征。戰於烏爾布通。大敗之。噶爾丹渡什拉穆楞河。燒荒遠遁。得還科布多者。僅數
十人而已。旋噶爾丹又反覆。侵畧喀爾喀。誘內蒙古叛。沿克魯倫河而下。因懲前

敗不敢深入漠南。帝又親征。窮追三日。不及而還。噶爾丹率軍遁至昭莫多。與西路兵遇。主將費揚古突陣襲擊。追奔三十餘里。殲其可敦阿奴。帝聞報大喜。親犒軍還京斯。噶爾丹久不歸。伊犁舊部落盡并於兄子策妄阿布坦。阿爾泰山以西皆非已有。回部、青海、哈薩克皆因隔絕叛去。窮困計無復之。三十六年。帝復渡河至寧夏。分路進兵。噶爾丹進退無地。仰藥死。於是阿爾泰山以東地咸隸版圖。帝勒銘狼居胥山而還。喀爾喀復歸舊牧。

西藏之桑結第巴假噶爾丹之力。滅和碩特部。康熙二十一年。嚴。五世達賴示寂。不發喪。僞云入定。居高閣。不見人。及聖祖親征噶爾丹。遣使來責。桑結大懼。奏言轉生靜體。當以丑年定牀。及三十六年。青海之固始汗卒。拉藏汗嗣。乘噶爾丹之敗。恢復遺業。四十四年。入拉撒。殺桑結。廢其所立假達賴。執獻京師。道死。立六世達賴。青海蒙古別立真達賴。爭議不決。策妄乘機侵西藏。布達拉。其地西接後藏。周回數千里。北岸橫大山。爲準部入藏要路。有鐵索橋。爲天險。拉藏汗不守之。於

五十五年。命大策零敦多布入藏。踰騰吉里海之險。破唐古特兵。遂殺拉藏汗。西安將軍來援。師覆焉。帝遂發大兵。分路敗之。準部潰退。迎立西寧之六世達賴登座。以貝子康濟鼐掌前藏。台吉頗羅鼐掌後藏。三十餘年之擾亂。至此始定。準部噶爾丹之死也。策妄獻其尸。聖祖以阿爾泰山以西。至伊犁。捐彼游牧。又出兵破吉利吉思族。復成西域大部落。漸跋扈不可制。而和碩特馴擾。故朝廷惟捍準夷。以扶植和碩特。及雍正元年。青海復有羅卜藏丹津之叛。羅卜藏丹津者。固始汗之孫也。與策妄通。遠近風靡。犯西寧。掠牛馬。帝命年羹堯爲將。岳鍾琪副之。阨賊入藏路。又選銳兼程進。直抵其帳。賊倉卒大潰。北走準噶爾。窮追之。桑駱海。路盡而返。策妄納叛。不奉詔。亦不敢犯邊。世宗置駐藏大臣於拉薩。又置辦事大臣於西寧。兩地悉平。

準部之策妄阿拉布坦。於西藏敗後。頻與俄羅斯構兵。俄帝彼得。聞天山南路多沙金。派二隊探檢。爲俄人侵略中央亞西亞之始。其一隊爲基華國人所襲殺。又

一隊則與準噶爾大兵戰。因邊境無備。直出額兒的石河上。尋講和。乃招納和碩特部衆。專抗中國。雍正五年。策妄卒。子噶爾丹策零立。紹其遺志。狡黠好兵。世宗命傅爾丹屯阿爾泰山。使出北路。岳鍾琪屯巴里坤。出西路。以征準噶爾。傅勇而寡謀。中伏。前鋒被圍於和通泊。傅往援。又潰。僅滿軍能軍。退渡哈爾納河。科爾沁王匿崔符中。得免。傅降爵。以錫保代之。策零既敗。官軍於十年三月。又由北路。傾國入寇。潛至杭愛山。先是喀爾喀土謝圖汗隸部有策凌者。初爲黃教盡力。因達賴三世。得三音諾顏之號。雍正三年後。領色楞迦河流域以獨立。策零探知其赴本博圖山。襲其帳。敗之於塔密河。盡掠子女牲畜。策凌馳救。大敗策零兵。而西路援師不至。追至杭愛山。策零突圍走。北路兩創準部。皆策凌功。晉封親王。以鄂爾昆河西北。至烏里雅蘇河爲游牧。以翁金河爲王庭。爲中東西三部之屏蔽。喀爾喀遂分爲四部。乾隆十年。策零卒。準部內亂。阿睦撒納廢策零子達爾札。別立達瓦齊。負功驕暴。爲達瓦齊所逐。率輝特。和碩特。杜爾伯特三部。叩關內附。備言伊

犁可取。帝大喜。封親王。遂遣班第與阿睦撒納出軍。西路出巴里坤。北路出烏里雅蘇臺。約會於博羅塔拉河。達瓦齊走保格登山。大兵長驅追襲。達瓦齊踰水嶺。南走回疆。霍吉斯執之以獻。平定準噶爾部。初四衛拉特部各有汗。非有君臣之分也。自綽羅斯渾台吉汗強盛。伊犁始爲四部盟長。抗衡中國者數世。帝欲衆建而分其力。阿睦撒納志未厭。欲長西域。四布流言。詭秘叵測。俟戍兵東歸。乃叛於天山北路。南路和卓等並起應之。勢極猖獗。副將軍兆惠自伊犁轉戰而南。得援回巴里坤。會諸部落自相吞噬。阿睦撒納敗死。天山北路地全定。當伊犁之甫定也。同時復有回部之變。回部。天山南路也。卽漢時城郭三十六國。其西南北皆大山界之。當明末時。回教裔瑪墨特。自墨德踰葱嶺。東遷喀什噶爾。是爲南路回酋之始。後服屬於帖木兒旋又歸準噶爾。質酋徵稅應役也。康熙三十五年。噶爾丹敗後。質酋阿布都實特來投。歸諸葉爾羌。是爲霍集占兄弟之祖。至子。爲噶爾丹策零所襲。執其孫。長布那敦。次霍集占。率民墾地輸賦。卽大小和卓木也。及乾隆

二十年。伊黎平乃釋大和卓木歸葉爾羌。小和卓木則於阿逆之變復助逆。伊黎再定。小和卓遁歸。兩和卓決計不受約束。自立爲巴圖爾汗。帝命雅爾哈善往討。由吐魯番進攻庫車。兩和卓來援。敗焉。歛兵入城。可聚而殲矣。終以不備遁去。事聞。帝誅雅爾哈善。會兆惠已平北路。乃自請移兵入天山南路。時兩和卓木奔阿克蘇。不納。又赴烏什。烏什亦不納。于是大和卓木奔喀什喀爾。小和卓木奔葉爾羌。相犄角。欲持久以困大軍。及大軍至。城大兵少。不能攻城。與戰。殺傷相當。反築長圍困我。富德存北路。聞圍急。冒雪赴援。未至。亦被圍。會巴里坤兵至。三路合擊。大敗之。振旅還阿克蘇。明年。分兩路進師。兩和卓鑒於前敗。棄城逾葱嶺西遁。我軍追及之。大戰。而和卓走巴達克山。爲其酋所禽。回部平。乃以喀什喀爾爲參贊大臣。建牙所。以節制南路各城。時乾隆二十五年也。天山南北二路悉入版圖。聲威振於葱嶺以西。哈薩克、布魯特、浩罕、巴達克山、愛烏汗諸國相率來貢。乞保護。自元世祖以後。東方帝國久失其雄威。至是復遠及於中央亞西亞矣。

西北之地。既悉平定。轉從事於西南。西南開闢最晚。加以吳三桂之亂。故威力未曾遠及。世宗時。命鄂爾泰鎮雲貴。兼制廣西。於是蠻悉改流。苗亦歸化。又得哈元生。寄其才。委以邊事。屢立戰功。晉至大將。其治川邊諸土司。用兵最先。於烏蒙設府。於鎮雄設州。以控制三屬。其治鎮邊諸夷。先革土司。後制裸夷。其治黔邊諸夷。凡五六載。始於廣順州之長寨。終於古州。伐山通道。窮搜窟宅。古州大定。十二年。哈元生進新關苗疆圖志。以尹繼善督雲貴。而復有黔苗之變。疆吏徵糧不善。遠近譙起。驛路四隔。府城戒嚴。詔發兵會剿。命尙書張照往。照首倡棄地之議。與哈元生齟齬。曠久無功。苗乘間焚掠。畏事者又諉咎前事。全局幾覆。世宗崩。高祖卽位。以張廣泗經畧七省。一意主剿。分軍尅期並舉。分扼牛皮大箐各口。合圍進逼。俘獲所殺無算。全箐廓清。搜剿附逆熟苗。設九衛屯田。養兵戍之。

金川本漢冉駝外徼。爲小金沙江上流。一爲大金川。一爲小金川。皆以臨河產金礦得名。萬山叢疊。中繞洶溪。康熙初內附。庶孫莎羅奔從征有功。自號大金川。而

以舊土司澤旺爲小金川。旋奪其地。川督諭還故地。尋又攻土司境。帝命張廣泗主軍事。不利。又命訥親視師。將相不和。士益解體。帝怒。治督師罪。而以傅恆代之。傅與岳鍾琪分兩路。決計深入。連克礪卡。勢大振。莎羅奔父子降於岳鍾琪軍。是役因壘而降。兵未血刃。故至三十六年。而小金川復叛。時澤旺老病。子僧桑格跋扈。郎卡子索諾木。同惡相濟。屢侵土司境。帝命溫福等往討之。既平小金川。俘澤旺。而蹈張廣泗復轍。得不償失。久頓不進。降番復叛。溫福中鎗死。大軍潰。小金川復陷。帝命阿桂往。阿桂赴西路。明亮赴南路。豐伸額則由綽甲進取。盡復小金川地。進討大金川。先盡力破勒烏圍堅寨。次逼噶爾崖。及三路軍皆會。築長圍。索諾木不得已。率衆出降。金川平。飲至獻俘。時已乾隆四十有一年矣。

五 藩屬之征服

本朝之興。肇有金遼部落。繼并蒙古。次卽并有朝鮮。朝鮮太祖時。與日本使聘往來。卒傳位次子恭靖王。二年卒。其兄定璽王立。卒。莊憲王嗣。屢爲倭寇所侵略。王

怒以兵攻對馬。會大風。戰艦沒。不利而還。後七傳至燕山君。政大衰。及恭徽王。稱爲中興。良主。自榮靖王而至恭顯王。與日本互市。倭人之移居者。與土人爭擾不絕。王大怒。絕之。遂不通使聘。恭顯王後至昭敬王。遂有日本來伐之舉。戰爭至七年。始再媾和。在位四十二年卒。子瑋繼立。是爲光海君。時經兵亂。盜賊橫行。王又不德。當天命元年。舉兵助明。朝鮮將姜功烈以兵五千降。太祖釋之。責王審去就。不報。旋被廢。恭良王之長子琮立。是爲憲文王。改革弊政。事將成。而李适作亂。王避難於公州。及亂平。始還。時毛文龍守皮島。屢出師襲城寨。天聰元年。貝勒阿敏率師伐朝鮮。渡鴨綠江。克義州。定州。及漢山城。長驅而進。渡大同江。直逼國都。憲文王挈妻子遁江華島。議和約爲兄弟國。旋召還戍兵。開互市於中江。太宗時。又與明通。負約。太宗親征。直擣國都。次臨津江。江在都城之北。與都南漢江夾拱。王城冰驟堅。師畢渡。王倉卒遣使歎兵。而徙妻子於江華島。自率兵南保漢城。大兵入都城。王告急於明。并召外兵。明苦於流寇。不暇恤鄰。勤王師又敗。乃再上書求

和。太宗令質子奉正朔。歲時貢獻。有征伐則以兵從。常爲東籬臣。朝鮮全定。安南自黎利代陳氏。九傳至黎暉。多行不義。國人不附。有陳暉者。僞稱陳氏後。殺暉自立。黎氏遣臣起兵討暉。暉奔諒山。兵敗死。因立暉兒子諱爲王。莫登庸握兵柄。蓄異志。舊臣鄭綏別立諱族子酉榜。登庸擊殺之。益驕恣。逐諱而立其庶弟廢。旋復殺廢篡位。不通朝貢者二十餘年。諱子甯遣使於明。告難乞師。明使毛伯溫往討安南。伯溫至廣西。傳檄莫登庸。諭歸命。登庸奉土地軍民之籍以降。請奉正朔。永爲籬臣。詔改安南國爲安南都統使司。改十三道爲十三宣撫司。三歲一貢。以爲常。有阮淦者。奔哀牢。養兵蓄銳。求前朝黎氏後。得黎甯者。立爲帝。據清華州。圖恢復。由是國分爲二。北則莫登庸子孫王之。南則有黎氏。登庸死。孫福海嗣。卒子宏漢立。宏漢不能統衆。爲鄭檢所逐。甯死。再傳至惟潭。漸強盛。乃舉兵殺宏漢。子茂洽。復據安南。欸關求貢。詔以惟潭爲都統使。安南復爲黎氏所有。莫氏惟據高平一郡而已。未幾。阮淦子阮潢。惡鄭檢。據西都順化府。號廣南。與大越相對峙。

至康熙五年。大越王黎維禱封爲安南王。又六傳。至黎維瑞操政。鄭棟專權。爲鄭靖王。黎氏不能制。時有土酋阮文岳兄弟者。棟煽之興兵。滅廣南。爲泰德王。與鄭氏並峙。維瑞卒。嗣孫維祁立。有內亂。出奔。阮文惠遂併大越。統一安南。知衆不附已。毀宮而回。高平府督阮輝宿。扈維祁母妻。至孫士毅。孫永清。先後奏聞。帝命先置其家於南甯府。孫士毅許世亨。由諒山分路進。渡江至京。黎氏宗族百姓出迎。仍册封維祁爲安南王。詔班師。孫士毅貪功輕敵。懸軍黎城。忽阮軍大至。師潰走。回鎮南關。生還者不及一半。黎維祁母子復來投。阮文惠懼再討。乞降。改名爲阮光平。卒。子光纘立。黎氏甥阮福映。初奔暹羅。暹羅娶以女弟。助以兵。號舊阮。與新阮戰。奪富春舊都。會阮光纘失衆心。嘉慶七年。遂陷東京。遣使入貢。陳復仇始末。詔封爲越南國王。所可惜者。安南欲得法人之助。割化南島與之。致其勢力膨脹。至不得限其驥足也。

當明太祖時。以平緬酋思倫發。爲麓川平緬宣慰司。卒。思任發嗣。桀黠喜兵。欲盡

復父所失故地。明兵大破之。思任發走孟養。旋由木邦入緬甸。緬人執之。其子思機發據地。請赦於明。明又破之。後二年。緬人又出。思任發被殺。傳首京師。其後嗣當嘉靖時。修怨於緬。破其都。殺其主莽紀歲。紀歲子莽瑞體。勇武有英畧。避難南奔。旋爲衆所推。據大古喇。用葡萄牙人練兵。南併白古。北略緬故土。克舊都。更拓地及金沙江上游。陷孟密。取孟養。包雲南境。轉而東。破老撾。擊暹羅。稱強霸。東南亞西亞之形勢。爲之一變。中葉以後。勢大衰。及明末世。桂王來緬。薄待之。又殺其從官。吳三桂來伐。抵蘭鳩江。王莽應時執桂王及妻子以獻。恃功不貢。雍正時。有內亂。白古部乘機獨立。陷國都。殺其王莽達刺。阿瓦北境木疏部長。有雍藉牙者。抗之。恢復阿瓦。建新緬甸國。雍氏自漢代受印綬。一姓相傳。至是征服白古。代暹羅。畧雲南邊境。漸及南屬土司。二十五年。雍藉牙卒。子孟駁嗣。總督應琚。欲以威服之。緬攻木邦。大軍之襲新街者。敗退鐵壁關。緬佯請和。分兵繞入萬仞關。圍永昌各邊。應琚逮死。詔發兵征緬。初戰。拔其木柵深入。緬人清野不得食。且戰且退。

設法大創之。至小孟育而賊衆蝟集。援師不至。主帥明瑞力戰死。明瑞本名將。屢立戰功。一朝沒於虜。從征之士。皆爲之下淚。時緬人尙未知懼。再討。請成帝絕之。命傅恆爲經略。大舉伐之。渡戛鳩江而西。士馬多病。進攻老官屯。百計攻之而未下。緬人震懼求和。乃班師。旋緬酋孟駁死。子贅角牙立。未幾孟魯殺之而自立。國人又殺孟魯而立孟雲。雲雍藉牙季子。懼暹羅擾。乃徙居蠻得。欸關求貢。於五十年。乞賜封及敕印。乃封爲緬甸國王。定十年一貢。自是西南邊無緬患。

暹羅本暹及羅斟之二部。有李羅達怡著提者。由族中起。統一二部。建暹羅國都於湄南河畔之猶地亞。子孫相繼二百年。明世宗時。緬甸擊之。置守而去。王出奔而卒。有漢人鄭昭者。募同志固守沿海。乘緬與中國交戰。乞援於安南。真臘。據盤谷。圖恢復。殺鎮將自爲王。復建暹羅國。悉復舊土。鄭昭卒。子華嗣。奪緬飲馬爾達般之地。通好中國。冊封爲暹羅國王。是爲近代暹羅王室之始祖。

喜馬拉雅山之南麓。多獨立之小蠻族。其中以尼泊爾爲最大。後分三部。互相攻

伐其西鄰廓爾喀一部。乘之而起。其地西鄰北印度克什彌爾。南鄰東印度孟加臘。本爲巴勒布國。其中葉楞部、布顏部、庫木部。以陽布爲巢穴。其地有古佛聖迹。唐古特人歲往朝禮。自古不通中國。雍正時。一貢方物。乾隆初。兼并四塞。遂日强大。其與中國構兵。則自內犯西藏始。初後藏六世班禪來朝祝嘏。多賜與。卒於京。餘資皆爲兄仲巴呼圖克圖所有。絕不布施。且屏其弟爲紅教。弟憤懣於廓爾喀。遂入寇。唐古特兵不能禦。中國援兵。調停賄和。以賊降飾奏。次年入貢。請如約。不敢上聞。遂再舉深入。後藏札什倫布西南。左有曲多江鞏。右有彭錯嶺。峭壁天險。阨之可不戰而潰。駐藏大臣聞賊至。欲以藏地委賊。仲巴呼圖克圖先遁。衆心遂潰。賊大掠札什倫布。全藏大震。帝命福康安由青海草地入藏。次年至後藏。盡復藏地。遂大學深入。連破鐵索橋。東覺嶺諸險要。廓人震恐。請降。不許。益進攻。將近蘭都。幾爲敵乘。先是進兵時。檄其東南之哲孟雄。南之孟加拉。西之巴作木朗。同時進攻。至是兩支强大。洵懼無計。再遣人乞哀。乃允之。班師歸。廓爾喀按時朝貢。

至今不替。

六 歐人東漸二

當葡萄牙荷蘭等國。由南方航行東洋。其間俄羅斯即起於北方。次第下東方。西亞。自宜萬一世。得欽察汗之信任。國勢漸盛。至宜萬三世。娶羅馬末裔之公主。遂與欽察汗絕。并吞俄地各諸侯。以圖獨立。初。可里的克得帖木兒。援代爲欽察汗。及帖木兒退軍。餘黨復叛。白黨汗與哥里米汗。互爭不已。哥里米汗哇爾克摩哈默德。一時佔欽察汗之位。未幾爲白黨汗庫摩哈默德所破。遁於俄爾加河上流之不里阿兒地。是爲喀山汗之祖。庫摩哈默德死。子阿美德嗣。欽察汗國始分崩。汗之號令。僅行於國都薩來附近而已。北有喀山汗。西南黑海濱。有哥里米汗。東南阿拉海附近。有月即別族蕃殖。東吉利吉思荒原。則有古黠曼斯族跋扈。宜萬三世。乘機結喀山哥里米兩汗。而背阿美德。阿美德結俄敵波蘭伐之。反爲所敗。於是欽察汗國之俄羅斯獨立。然欽察子孫。尙占領烏拉爾與東兩

河流域。建大幹兒朶汗國。其從子於屋爾加河下流。建阿斯坦拉汗國。而與波蘭通。以防宜萬。宜萬結喀山哥里米二汗以當之。餘威遠及西伯利汗。畏吾兒汗諸國。後哥里米汗滅大幹兒朶汗國。國勢亦漸振。至其子摩哈默德。喀山汗之王。統絕。立其弟宜萬三世子法西里四世。恐哥里米汗之強。力拒之。遂使喀山汗國有哥里米黨與俄羅斯黨。相爭不已。明嘉靖時。法西里子宜萬四世滅喀山汗。後二年。又併阿斯坦汗國。至是蒙古所建國。僅餘哥里米汗而已。時爲土耳其屬國。以保殘喘。卒爲俄羅斯所併。宜萬四世。遂稱皇帝。更經畧東方。時東河河畔之哥薩克部長愛麥爾克。率其部下。從事於西伯利亞。是爲俄國東侵之始。

哥薩克者。本爲韃靼語。山賊之意也。其居域在俄羅斯波蘭之南部。亘土耳其韃靼境。其族有二。一居東河流域。一居尼倍爾河流域。愛麥爾克有勇畧。創議東進。先是金黨汗國衰。欽察汗國分裂。月卽別族割據阿拉海裏海北一帶地。昔班之後裔。有吉利吉思汗庫程者。率今多博爾斯克附近之月卽別族。自號西伯利汗。

羈屬附近諸汗族。侵俄邊境。於是愛麥爾克。於萬歷九年。破庫程。入西伯利城。獻其地於宜萬四世。封爲西伯利公。旋敗沒。次年。俄將孟斯羅夫至西伯利。建多博爾斯克城。遂爲全州之首都。及宜萬四世之孫米楷爾三世卽位。銳意東方。建城於煙尼塞河畔。後十年。又築砦於昂古拉河岸。探貝加爾湖南地。下雷那河。又命保耶爾可夫爲黑龍江遠征。達黑龍江與松花江會點。亘三年而回。後二年。煙尼塞將軍之使者。至庫倫。見車臣汗。始知有中國。繼復有黑拔羅夫之黑龍江探檢。於順治六年啟行。次年。達黑龍江。破索倫部長。占領雅克薩。又明年而達黑龍江。與烏蘇里江之會點。掠阿榆部。阿榆部請援於滿洲。滿洲兵破之。時連年探檢西伯利亞內地。俄人之足跡殆遍。至十五年。甫罷西克建畧。取黑龍江策。補尼布楚將軍。邊釁不絕。雖兩次附信商人。終不克和親。延至康熙時。聖祖命築墨爾根。齊齊哈爾之二城。絕俄國通商。遂開戰。克其雅薩克城。俄將退至尼布楚。未幾復來。死守不去。先是聖祖以書附荷蘭。使議定邊界。俄帝彼得一世允之。遣使費耀多。

羅。聖祖命索額圖。赴色楞迦河岸與之會。適準噶爾部與喀爾喀部構兵。外蒙古路梗。中途還。至二十八年。始定尼布楚條約。爲中俄國際上交涉之第一次。以近黑龍江支流烏倫穆河之格爾必齊河爲界。循河上游。由外興安嶺。以至於海嶺。南屬中國。嶺北屬俄國。次以黑龍江支流額爾古納河爲界。南岸屬中國。北岸屬俄國。分植界碑。聖祖乃於黑龍江沿岸。置屯田兵。以嚴守備。俄羅斯遂不能南下。先是帖木兒雄據中西兩亞西亞。及卒。諸將相爭。少子沙合魯起。復治中亞西亞。及子文弱。國內復亂。帖木兒元孫阿婆塞德。請援於月卽別部。月卽別爲拔都弟昔班之後裔。乘伊兒欽察國之衰。蟠據裏海北岸。占領裏海阿拉海一帶地。時部長阿婆爾開。援阿婆塞德以靖國難。使復君臨中央亞西亞。阿婆塞德又連出兵。拓地四境。東由天山。西迄八吉打。北至西爾河。南盡波斯灣。帖木兒之偉業。幾垂恢復。後征波斯西部之土耳其族。爲其部長哈森白克所敗。戰沒。國又分裂。帖木兒子孫方割據。互不相下。攻戰無甯日。阿婆爾開之孫西邦。南下陷撒馬爾罕。佔

中央亞西亞。帖木兒六世孫白拜克。則佔阿富汗。而與波斯之薩費王家親。以圖印度。陷疊爾黑。定母兒坦。及必哈兒之地。於是自阿母河至恒河下流。悉歸阿富汗疆域。卒國亂。藉波斯力平之。再傳至亞克八。定都於阿固拉。滅印度之阿富汗。回教國。新建莫臥兒帝國。君臨阿母河以南。賓都耶山以北地。以遂父祖之夙志。又三傳。經畧南方印度。全土始歸莫臥兒版圖。然勢亦寢衰矣。波斯王屢侵阿富汗斯坦。而有其印度河外地。又因宗教之爭。阿富汗人叛波斯。侵入其境。稱王。波斯人旋恢復。入阿富汗斯坦。遂侵莫臥兒帝國。當是時。莫臥兒內憂外患。日不暇給。英人乘之。而定侵畧印度之策。西人之初航印度也。實始於葡萄牙人。以臥亞爲根據地。後國亂。荷蘭人乘之。設東印度商會。握其商權。不久弊生。不得已解散商會。英人代之。直接與印度貿易。立東印度商會。得王之認可。以馬得拉士爲根據地。西自孟買。東迄加拉加他。咸開商館。又得商會書記克雷飛之力。奏最後之勝利。乃其去印度也。恒河流域之實權。已盡入於英人之手。蓋印度兵馬財政之

權悉歸商會矣。旋印度南北兩家互相爭競。法人之在印度者助北家。英總督惠烈斯則黨南家。於是疊而黑之莫臥兒帝。全恃英之保護。英人擁之。遂有席捲賓都耶山北之勢。南印度之溫都教徒。初聯爲摩奈太同盟者。至是亦敗。西北二印度相繼入於英。英有印度全土。然國民宗教風俗多與英異。恒謀恢復。會莫俄戰事起。印度英兵多赴新領土之緬甸。孟加拉之印兵叛。恒河流域應之。未幾得鎮定。莫臥兒帝尊號被奪。幽之緬甸之耶拱。自亞克入至是。凡三百二年而國亡。英更乘機收商會政權。移之政府。而女皇維多利亞襲五印度皇帝尊號矣。英人既得印度。移鋒而東。遂及緬甸。緬甸自孟雲卽位。西下阿羅漢。阿羅漢之西卽孟加拉。爲英人權力區域。後緬人侵暹羅。大敗。阿羅漢謀獨立。不果。而遁入孟加拉。緬人追之。遂與英開釁。再戰再北。悉失其沿海地。英遂滅之。益趨而東。與我國亦屢起交涉也。

七 內部之亂事一

高宗時代。爲前古未有之盛。及其晚年。寵幸和坤。因其巧給。起自部屬。不次遷擢。遂爲大學士。貪贖無厭。公行賄賂。民不聊生。而亂機伏矣。乾隆五十八年。白蓮教起。教中假治病持齋。僞造經咒。以救劫爲名。先是劉松被捕。遣戍甘肅。其黨劉之協等。授徒徧川。陝。湖北。日久黨益衆。嘉慶初。窮治之。株連羅織。破家陷死無算。遂與貴州苗同時復叛。苗地在湖南貴州兩省間。漢人蕃殖。其地日感。畏隸如官。官如神。官民利焉。益窮之。獸窮則齧。爭逐客民而響應矣。雲貴總督福康安。與川督和琳。同奉命征討。苗旋蹶旋振。福康安卒於軍。和琳亦卒。以參贊額勒登保代之。攻平隴苗。亂暫已。而湖北四川教匪方棘。遂移師而北。時賊數萬聚襄陽。界連河南。其渠姚之富。齊王氏。劉之協。皆在其中。爲四方羣盜之領袖。王三槐起於河南。徐天德。羅其清。起於四川。迭爲聲援。陝。甘。川。湖。河南之間。一時糜爛。及額勒登保來。賊不整隊。不迎戰。不走平原。以數百爲羣。分合無常。以牽制官兵。南渡漢江。入四川。與達州賊合。及畢沅先破白蓮教匪。楊遇春。羅思舉。轉戰川陝間。至嘉慶三

年齊王氏、姚之富益北進。將犯長安。爲王艾雄所破。於山陽之石洞。復爲明亮所破。戰死於三岔河。二賊墜崖死。勒保誘擒王三槐。又擒羅其清於石洞。四年。高宗崩。仁宗以和坤欺罔。下刑部獄。以勒保爲經略大臣。明亮、額勒登保均參贊。明亮、德楞泰倡擊壁清野議。先行於川北川東。繼推於陝甘湖北。前後三四載。堡寨告成。賊亦漸殺。五年。擒劉之協於河南。檻送京師。至七年歲終。逆首畧盡。三省蕩平。又二年。餘孽悉盡。先後用兵九載。兵費幾二億萬兩。殺賊數十萬。蔓衍及五省。而兵民之罹毒者。且無得而稽焉。

當教匪之擾川陝也。閩粵復有海寇出沒。阮光平父子竊國後。招亡命。資以兵船。使劫商船。以濟兵餉。大爲粵患。土匪附之。遂深入閩浙。時方注意西征。不暇遠顧。盜氣極惡。嘉慶五年。阮元等大破之。龍王堂松門山下。覆溺殆盡。會安南新受封。守約。艇匪無所歸。在閩者皆并於蔡牽。復大猖獗。阮元乃造大艦三十。名霆船。配以大礮。授李長庚。破賊於定海。牽僞降於閩督。得間遁去。旋又屢蹙之。因閩師不

助。剿終不克奏。凱長庚熟於海島形勢。風雲沙線。每戰自持。柁老於操舟者不及也。十二年。轉戰至黑水外洋。牽祇存三船矣。而長庚中礮。卒餘將庸懦。舟退。牽遁安南海。帝命長庚裨將王得祿。邱良功嗣其任。次年。二將合剿。牽於定海。轉戰至黑水洋。逼賊船。各受傷。而力戰不已。牽知無援。毀船沈海。死。粵洋之艇賊猶未滅。十四年。百齡督兩廣。降其衆。海寇平。

當是時。禍亂既滅。宇內無事。仁宗乃於十六年春。舉西巡盛典。幸五臺。越二年。而有天里教匪之變。天里教一名八卦教。李文成。林清爲之首。將乘木蘭狄獮回鑾時。伏莽行在。先事李文成被捕。遂倉卒起事。不及踐九月十五。林清外應之約。林清及期。由宣武門潛入內城。分犯東華西華門。白帕其首爲號。太監等爲內應。入西華門者。雖知大內在西。誤道。侍衛閉隆宗門。不得入。皇子等聞變。率太監登垣望賊。發銃斃攀垣者。會禁兵入衛。敗賊中和殿門外。并擒內監。飛報行在上。回蹕禽林清於黃村。還宮。親訊磔之。李文成被捕時。斷脛。不能爲流寇。圍濬。而萃精銳。

於道口鎮。提督揚遇春屢大破之。圍滑城堅厚。外磚內土中沙。大礮攻之。不破。桃源賊劉國明入滑。護文成出。將西入太行爲流寇計。爲官軍所擊。李文成自焚死。圍滑軍擊隧。以火藥轟城西南。奮前奪城。巷戰。斃賊二萬。滑始平。當天理教之未平也。陝西三才峽。復有箱賊之起。十九年。命那彥成會剿之。箱賊本南山木商夫役。歲饑停工。有萬二者。煽衆爲亂。五閱月。而爲總兵祝彪所破。其秋。黃河又決。司農竭蹶。有請開捐例議者。久不決。明年。川西番酋爲亂。羅思舉討平之。由是內亂常不絕。至二十五年正月。而仁宗崩。子宣宗卽位。以次年改爲道光元年。自是以後。屬部則有張格爾之亂。對外則有鴉片烟之戰。兵戎之交。殆無甯歲。而介乎其間者。又有趙金龍之事。

趙金龍。永州錦田獠。與常甯獠趙福才。以巫鬼神其衆。湖南之衡。永。彬。桂。四州郡。界連粵東。西踞五嶺之脊。民獠雜錯。不與華通。動被欺侮。積久生變。時楚粵奸民。結天地會。屢劫獠寨牛穀。金龍唱言復仇。於道光十一年。焚掠兩河口。竄藍山。掠

甯遠官兵剿者多不習山戰。又不設糧臺。屢敗退。及命盧坤、羅思舉進擊。而趙福才爲王元鳳所斬。趙文鳳一路聞招撫。解散過半。賊勢稍衰。帝命誘搖至平地。爲聚殲計。三路搖被逼。出山東。趨常甯之洋泉鎮。羅思舉檄軍合圍。趙金龍中鎗死。破寨。服其黨。至五月。餘黨有趙子青者。由連州入排竄江華。藍山。又爲羅思舉所擊破。詔剿平八排搖。總督李鴻賓遂分三路進。八排搖首八人。出山跪迎。縛黃瓜寨逆搖以獻。鴻賓不許。收斬之。搖奮死拒戰。所據山周四百餘里。峒深箐密。軍無偵探。官兵自驚潰。三路皆敗。鴻賓褫職。復遣將剿之。誘撫之。得藏事。而天地會因金龍戕會匪故不附。而所在已蠢動。幸搖平迅速。故未生變。然黨與蔓三省。隱憂在苗搖右也。

八 經畧城外二

乾隆時之規畫西域也。以地勢言之。新疆內地。以天山爲綱。南回北準。而外地則以葱嶺爲綱。東新疆。西屬國。屬國又分爲二。由天山南路而西北。爲左右哈薩克。

而西南爲左右布魯特。同一游牧行國。與準回蒙古迥異。逾葱嶺而再西北。爲安延集。西南爲巴達克山。爲愛烏罕。雖爲回教居國。然嶺西屬國。而非嶺東之郡縣矣。當阿睦撒納之叛。而左右哈薩克。卽因之而臣貢。兩和卓之叛。而布魯特及葱嶺以西諸國。卽因之臣貢。戡定後於各城。設辦事領隊大臣。而統於喀什噶爾參贊大臣。並受北路伊犁將軍節制。歲征錢糧土貢。回戶教養生息。仰朝使如天人。至後聚斂無度。廣漁回女。而回民始怨矣。張格爾者。故回酋大和卓博羅尼都之曾也。於嘉慶二十五年八月。糾布魯特寇邊。大臣斌靜。以荒淫被罪。永芹繼任亦奪職。而代以慶祥。爲回所困。喀城陷。死焉。賊破西四城。烏什庫車戒嚴。賊前鋒所至。距阿克蘇僅二十里。將軍長齡。使楊芳襲破柯爾坪。出兵至巴爾楚軍臺。而望喀什噶爾進。乘勝抵喀什噶爾。張格爾先遁。大軍先據漢城。次破回城。又復英吉沙。葉爾羌。懸軍深入。幾瀕於殆。乃回軍。後誘賊襲喀城。追禽之。回疆平。籌善後。而於十年。又有浩罕。安延集入寇事。初張格爾伏誅。檄令浩罕縛獻妻子。不從。

絕其互市。并驅留內地之商人。而沒其資。乃奉張格爾兄爲和卓。糾衆入寇。時大兵已班。兵少。力戰始卻之。喀城圍久不解。及援兵至。賊已飽颺出塞。浩罕聞官兵將分三路出討。遣使求貢俄羅斯。乞援。俄羅斯拒之。窮蹙求市。遂復通商納貢。和好如前。而移參贊大臣於葉爾羌。

九 內部之亂事二

我國自道光中葉。鴉片戰後。國勢驟衰。及其季年。粵西大饑。民不聊生。三十年正月。宣宗崩於熱河。子文宗卽位。是年八月。洪秀全倡亂於桂平縣之金田村。秀全廣平花縣人。生於嘉慶十七年。讀書屢試不第。爲村塾師。時有朱九濤者。自稱明室遠裔。倡上帝教。設三點會。秀全與馮雲山師事之。九濤死。秀全推爲教主。於道光十六年。入廣西。曾玉柘、蕭朝貴、楊秀清、韋昌輝、石達開等。俱從之。黨羽日衆。僞言舉世有大災。惟拜上帝可免。上帝名耶和華。以耶穌爲長子。秀全爲次子。故稱耶和華爲天父。耶穌爲天兄。造眞言寶誥等書。附從者日衆。但愚民嘯聚。本無異

於蜀之米賊。宋之王則得一良有司驅除之。不難立定。巡撫鄭祖琛庸懦不能討賊。帝命林則徐馳赴廣西督剿。賊聞畏威多潰散。而林至潮州道卒。李星沅繼之。至桂林與賊戰不利。勢益盛。咸豐元年。秀全僭稱太平王。陷永安州。遂建國號曰太平天國。秀全稱天王。楊秀清爲東王。蕭朝貴爲西王。馮雲山爲南王。韋昌輝爲北王。石達開爲翼王。洪大全爲天德王。於二年轉向湖南。陷全州。順流趨長沙。江忠源邀擊敗之。斃馮雲山。乃由東岸趨道州及桂陽。進攻彬州。蕭朝貴則疾馳赴長沙圍之。而爲守兵礮斃。秀全聞警。由彬州至築長圍。力攻不克。乃渡洞庭。攻岳州。岳州險峻可守。乃砲未絕而城陷。遂入長江。旬日奪五千艘。滿載婦女貨財而東下。破漢陽。還攻武昌。冬令水涸。以船爲浮橋。分門疾攻。又下之。然爲援軍所攻。不能久據。欲北趨襄樊。爲河南重兵所扼。三年。棄武昌東下。水陸並進。敗陸建瀛軍於九江。克安慶。有蕭娘子者善戰。率女兵百人。取太平府。陷蕪湖。遂至金陵城外。急攻。發地雷破之。又陷滿城。旁下鎮江揚州。南北官軍遂被隔絕。秀全以金陵

據長江之險。定都焉。布新法。制度律令。多做西制。髮匪之東下也。官軍之尾追者。收復湖南城邑。惟亂民蜂起。不勝治。曾國藩乃練鄉勇以爲捍禦。而髮匪亦謀長江上游之侵畧。胡以眺等。破集賢關。陷安慶。賴漢英則攻九江。圍南昌。江忠源以孤軍入援。終不敵。求援於湖南。國藩檄湘楚軍救之。解其圍。更鑿賊之往來便利。議練水師。以爲控制長江計。時髮匪棄南昌而趨湖北。忠源邀之。不及。陷黃州。漢陽。總督吳文鎔戰沒。進陷岳州。德安。而安徽軍則代以秦日綱。石達開迫廬州。江忠源新被皖撫命。馳赴固守。城破死焉。曾國藩在衡州。練水陸軍各十營。夾江下。初爲賊敗。湘潭亦陷。塔齊布苦戰復之。及下岳州。而武昌又先陷。乃分剿花園洪山賊軍。乘勝收武昌。克漢陽。水陸合力。拔田家鎮。又收廣濟。克黃梅。而兩湖始略定。賊退。聚九江對岸之小池口。及曾軍攻九江。而賊復間道陷武昌。羅澤南謀規復。戰於小龜山。中礮死焉。李續賓代統其衆。是年賊有內亂。楊秀清恒以秀全爲贅疣。陰有自立意。秀全招韋昌輝密圖。乘間刺秀清死。石達開夜遁。韋昌輝亦爲

秀全所誅。賊勢漸衰。官軍復攻九江。連敗賊軍。賊又犯湖北。以圖牽制。而官軍則復湖口縣。破梅家洲。外江內湖之師。始得聯絡。遂破九江。建水路東征議。命李續賓援安徽。由太湖桐城進攻安慶。時皖北捻匪爲亂。勢極猖獗。又與髮匪相連結。圍攻官軍於三河。李續賓力戰死焉。安徽復陷。十年。窺浙江。從吉安至武康。追杭州。又陷之。官軍之營於江甯東南者。聞杭州急。分兵救之。賊知兵分。急攻丹陽。官軍大敗。張國樑死焉。和春傷旋卒。陷府縣數十。東南益糜爛。兩湖兩江閩浙七省無寧日矣。

當內亂急時。而對外又有英法聯軍之禍。初亂起時。帝勵精圖治。洪氏既據金陵。其黨林鳳祥。卽率別軍北進。由滁州鳳陽入河南。棄開封。渡河犯鄭州。圍懷慶。學士勝保力戰卻之。圍解。竄山西。陷平陽。由洪洞而東。入直隸。至深州。京師大震。帝命惠親王督師。僧格林沁爲參贊。會勝保師進剿。大敗賊軍於靜海。各城以次收復。賊援軍擾山東者。亦爲勝保所敗。林鳳祥死拒於連州。亘一年。始力盡被擒。北

進之賊始全定。禁近宴安。於是載垣及端華與弟肅慎、朋比用事。朝政漸紊。世目爲三奸。而肅慎尤恣橫。欲立威以風示廷臣。柏葭有威望。則假科場舞弊事殺之。及十年。英法聯軍入。三奸勸帝北行以避之。帝至熱河。肅慎益進奉聲色。迨和議成。帝將還京。肅慎屢沮之。至十一年。文宗崩於熱河。穆宗嗣。年幼。三奸矯詔稱贊襄政務。王大臣堅留熱河不返。穆宗尊嫡母及生母皆爲皇太后。兩太后知三奸不可制。乃召恭親王奕訢。至熱河謀之。密定還京策。宣諭啟行。三奸力阻不聽。既至京。捕肅慎斬之。載垣、端華削職。於是兩太后垂簾聽政。改明年爲同治。尊嫡母曰慈禧皇太后。稱東宮。生母曰慈禧皇太后。稱西宮。一時舉措得當。稱中興焉。先是曾國藩在建昌。備江西。石達開由安慶入湖南。陷州郡。擬由湘圖鄂。圍寶慶。李續宜來援。大破之。退犯廣西。攻桂林。不克。西出。入四川。國藩聞警。赴援不及。而東南蘇常又陷。告急。乃自駐祁門。督辦江西軍務。胡林翼則入安徽督軍。使曾國荃圍安慶。賊援紛至。連營練江一帶。官軍分兵設防。力攻城。地雷發。城陷。爲賊據。

者凡九年。既克。始立肅清東南之基。而桐城爲安慶咽喉。七省要道。尤不可忽。因力戰。陷之。八月。胡林翼以文宗崩。大勦略。血病劇卒於軍。時賊之餘軍逼上海。爲英法美軍所擊卻。當初起時。外人恒守中立。至是始助剿。以美人華爾指揮之。號常勝軍。連復諸郡縣。華爾卒。白齊文繼。因反側被逐。而易以英將戈登。曾國藩則薦李鴻章爲江蘇巡撫。屬以蘇事。左宗棠爲浙江巡撫。屬以浙事。江甯爲賊根本。須全力圍攻。以屬弟國荃。國荃與水軍并力。復太平。克東梁山。蕪湖。奪大勝關。遂進軍雨花臺。以規取金陵。賊軍來援。屢敗之。於是李秀成、李世賢率衆數十萬。圍大營。十五晝夜。炮火不息。反爲官軍所敗。苦戰至四十六日始遁去。益進攻。次第降東西南賊壘。遂於三年正月。合圍金陵。孤立。四月。洪秀全以勢窮援絕。服毒死。李秀成立其子洪福瑱。六月。地雷破城。官軍爭入。李秀成、洪福瑱等遁。旋被擒伏誅。江南底定。初。李鴻章之軍力戰解嘉定圍。定浦東。克青浦。時蘇州爲賊據。已四年。官軍日逼。李秀成遁走。慕王譚紹洸死守。內亂。爲郜永寬所殺。開門降。蘇州克。

復。洋將戈登。怒鴻章背約殺降。不受賞。進軍復無錫。金匱。攻常州。鴻章又遣劉秉璋。程學啟等。入浙江。以助左軍。左宗棠則由衢州入浙。借外兵力。克紹興城。次復杭州。及諸郡縣。遂四面逼金陵。及金陵破。亂始平。

洪秀全自道光三十年。創亂廣西。蹂躪十六省。淪陷六百餘城。死亡者約二千萬。將帥協力。僅得平定。長江上下。繁盛之區。悉成荒蕪。國家軍資無所出。則開捐例。稅釐金。一時彌縫。貽後世患者不少也。其遺孽。且併入捻匪。爲患於中央部之各省。

當粵匪之據江南也。羣不逞之徒。聚而爲亂。所在劫掠。則又有捻匪。江北若淮。徐海。安徽若穎。亳。壽。河南若南。汝。光。山東若袁。沂。曹。濟。湖北若襄。棗。鍾。隨。以各省論。皆屬邊界。易於竄匿。以全部論。則居天下之中。民俗慄悍。兵興以後。與粵匪聯合。爲官軍患。其出也。傳令整行具。名裝旗。以馬隊爲前驅。名邊馬。邊馬所至。大隊隨之。苗沛霖。張洛行爲渠魁。以蒙城。霍邱。宿州。壽州。爲老巢。於江皖。河南。山東四省。

恣意出沒。袁甲三駐兵臨淮以防之。匪陷清江浦。分兵攻淮城。爲袁兵所敗。分竄西北。迄不能制。曾國藩之剿賊。專意於長江南北。力不及皖北。勝保以招撫羈縻之。及粵匪勢衰。乃分軍而北。同治二年。殲苗沛霖於蒙城。李昭壽降。餘衆聚山東江蘇間。張洛行先與粵匪陳德才合。多隆阿敗之於紫荊關。出沒湖北陝西間。旋張洛行被擒。其從子張總愚代領其衆。號小閻王。入陝西。與粵匪賴汝光合。趨河南。僧格林沁防之於襄陽。大敗。擒匪遂由南陽入開封。趨山東曹縣。數日。問烽火遍野。其勢之捷。幾等風雨。由曲阜東南向滕嶧。復渡運河。岌岌有南下之勢。僧格林沁之軍抵清江浦。賊轉竄西沛境。進擊之於鄆城西北。力戰死焉。全軍潰沒。匪勢益熾。帝命曾國藩以欽差大臣督辦三省軍務。新編淮軍。由海道赴津。以衛京畿。練馬隊。剋黃河水師。設四鎮重兵。安徽使劉松山駐臨淮。山東使潘鼎升駐濟甯。河南使劉銘傳駐周家口。江蘇使張樹聲駐徐州。一變前日尾追之計。賊之流走者。遂處處觸羅網。不得逞。然尙出沒四省。終難撲滅。曾國藩乞暇。李鴻章代之。

以防淮徐以東。擒匪圖掘隄決河。官軍擊之大潰。分爲二。張總愚由中牟竄許。陝入秦。爲西捻。任柱。賴汶光由豫竄東境。爲東捻。議扼之於膠萊。被脫走。幸運隄守嚴。足限馬足。偷渡黃河。又爲水軍所敗。勢日蹙。十月。降人殺任柱。餘衆推賴汶光爲官軍所敗。死守壽光。及城破。南走至揚州。吳毓蘭生擒之。東捻平。西捻犯山西。突入畿南。爲援軍郭松林所敗。走河南。蓋掣淮軍南下。然後疾趨津沽。冀出其不意。淮軍聞耗。忍饑冒雨回援。匪終不得渡黃運。大破匪於沙河左近。轉戰至徒駭河濱。張總愚投水死。西捻亦平。

咸同之際。於西南疆。貴州有苗匪之亂。雲南又有回匪之亂。苗亂由咸豐四年至同治十一年。亘十九載。張秀眉、高禾等爲之魁。後經席賓田等之剿討。而勢始衰。及王文韶爲湖南巡撫。破烏鴉坡賊巢。張秀眉被擒。斬之長沙。貴州全定。雲南因漢回雜處。時起爭端。至咸豐五年。臨安府銅鑛之爭。遠近響應。進逼省城。有僧徒馬先者。於九年投誠。總督張亮基爲改名如龍。屢救省城。得轉危爲安。時匪衆杜

文秀在大理。姚得勝在麗江。楊德明、馬國春在永昌。馬德征在順甯。勢極蔓延。尙治七年。復圍省城。至八年。始解圍。州縣相繼克復。及楊玉科攻大理。杜文秀服毒卒。餘黨次第平。時已十一年冬矣。雲南人口。死於兵亂者。幾及三分之二也。

十 歐人東漸三

歐人東來。與我通商。已非一日。然未有居留地也。迨英人得印度。欲擴商權於亞洲。苦心經營。康熙乾隆間。屢遣使來謁。終不得要領。嘉慶時。英法二國仇視。英人曾一占領澳門。迫於我國引還。是時鴉片之輸入已多。朝議禁止。終不絕。至二十一年。阮元收三千餘箱焚之。而偷運者如故。既而英商與沿海各官通賄賂。締密約。暗定貿易地於伶仃島。銷路日增。政府大怒。命林則徐督兩廣。下禁煙令。收二萬餘箱。焚之於廣東。時道光十九年也。英人以貿易既絕。藉端起釁。而戰爭益亟。次年。英艦隊入澳門。留數日。北上。襲據定海。爲根據地。攻乍浦。直至天津。英人義律。持國書上陸。直督琦善受之。力持撫議。於是琦善以欽差大臣赴粵。義律亦南

歸議和約。而關督顏伯燾、浙撫劉韻柯、松江提督陳化成、江督裕謙皆持剿義。知琦之誤國也。義律至粵。索煙價。割香港。議久不決。一舉而下沙角、大角、礮台。占香港。入虎門。守將關天培死焉。縱兵掠廣東。復定和議。粵民大憤。英兵之掠三元里者。爲民兵所圍。幾殲焉。因大府排解而得免。廣東之通商如故。英兵再北上。攻廈門。下之。留兵守鼓浪嶼。東北再陷定海。下鎮海。甯波。於二十九年。犯吳淞。陳化成力鬪。而江督牛鑑兵先潰走。陳卒以無援戰死。英兵入寶山上海。七月。拔圖山砲臺。破鎮江。遂至南京。政府知不敵。遂命耆英及伊里布與英使濮鼎查媾和議。是爲白門之約。償兵費二千一百萬兩。弛賣煙禁。割香港島。開上海、甯波、福州、廈門、廣州五口。爲通商埠。由是國勢遂衰。內憂外患交迫矣。

南京締約後。諸國相繼至。交涉日繁。西商時以武器軍需濟粵匪。廣東官吏深惡之。嚴課稅。因捕私販事。撤去華船所挂之英旗。英領事來索賠款。總督不許。而法國亦因內地教士被殺。詰責政府。不得要領。遂於咸豐六年。英、法、俄、美四國聯合

起國際之交涉。各遣公使至廣東。時廣東洋行及輪船。多爲義勇所燬。英使額羅金兩致書。葉名琛依違未答。英法軍登岸。攻省城。下之。執粵督。重申駐京使約。政府拒之。四國艦隊。直逼大沽。進白河口。攻陷礮臺。京師戒嚴。和議復起。訂天津條約。命桂良赴上海。定稅則。聯合艦隊亦退。初礮臺陷時。朝臣主戰者。以敵氛迫京師。不敢昌言。及敵軍退。論者譏起。帝乃命僧格林沁營大沽炮臺。修戰備。而粵民因和議定。省城未復。亦憤激。九年。英法使臣賫條約。入白河。大沽守兵擊之。二使出。不意。幾不免。退回上海。大怒。明年。又聯軍入犯。進逼直隸海岸。直入北河。初敗之。旣而戰不利。大沽陷於敵。天津又陷。政府乃復主和議。不得要領。英法軍進窺北京。長驅而入。宮廷震驚。帝與后妃北幸熱河。命恭親王留守。英法軍入京。營大清門外。縱火燬圓明園。乃復申前議。交換天津條約。并定北京協議。割香港對岸九龍於英。償年費八百萬磅。因俄公使居間調和。重定邊界。而以黑龍江北二千七百里。康熙時取之於俄者。復讓與於俄也。

俄自尼布楚條約後。東侵勢力。雖一時挫折。然其極東經略。仍次第進步。康熙四十六年。以堪察加爲領土。乾隆十九年。送罪人於西伯利亞。道光三十年。置尼古喇斯克於黑龍江上。經營爲根據地。及咸豐時。英法釁起。粵寇又急。俄將穆拉夫以勘界爲辭。遂與奕山立愛琿條約。而黑龍江北岸。遂悉爲俄國所有。外興安嶺以南。黑龍江之半流域被割矣。及英法軍入京。帝北狩熱河。俄使居中調和。政府德之。咸豐十年。復訂北京條約。將烏蘇里江東岸。日本海之間。南訖圖們江之地。悉爲俄有。俄將穆拉夫巡視沿海。於同治十一年。築海參威港。爲極東海軍根據地。蓋自經營西伯利亞以來。偉大之功。成於穆拉夫者。實不少也。

其與我西北部接觸。則自剪滅中亞西亞始。中亞西亞。有布哈拉、基華、浩罕三國。皆爲帖木兒裔孫。而互相反目。康熙中。基華汗連敗。屢遣使於俄。求保護。俄大彼得在位。出兵助之。而伊犁西北各地。素爲吉利思族佔居者。至是被逐於準噶爾部。吉利思族徙於西爾河下流。西至烏拉河。於康熙五十七年。求保護於俄。俄乃

築阿木斯克、烏拉爾斯克等城。以統治之。吉利思族。有南徙基華。浩罕境內者。俄遂與二國啟釁。道光七年。布哈拉侵浩罕。基華卽乘虛襲布哈拉。三汗國相爭。俄人乘之。畧土耳其斯坦。二十六年。築城於阿拉海沿岸。漸沿西爾河。以侵浩罕。浩罕與布哈拉汗合兵。爲俄所敗。俄將高福。進兵取霍闡。浩罕王請和。陷撒馬爾干。布哈拉遂爲俄保護國。蓋月卽別之三汗國。失其二矣。而基華汗國。屢劫俄商隊。俄兵擊之。敗退。於同治十二年。高福自將。由裏海、塔什罕、西爾河。三路進。陷基華。基華不能支。亦屬俄。備外藩焉。由是南與阿富汗斯坦接壤。而英俄屬地。日益迫近。東隔山脉。與中國鄰。遂起伊犁事件之爭端也。

第七章 今代紀

一 朝政變遷

穆宗十一年。慈安太后冊崇綺女爲皇后。越二年。穆宗患痘崩。年僅十九。無子。皇后殉焉。乃選立醇親王長子爲文宗嗣。卽今上也。於慈禧太后爲甥。當卽位時。年

五歲。兩太后垂簾攝政。未幾慈安太后崩。時回亂未平。伊犁又爲俄所乘。至七年新疆始定。與俄締約。八年定爲行省。屬陝甘總督。然歐風東漸。交涉日迫。琉球、安南、緬甸、暹羅、朝鮮。藩屬寔失。遍開租界於行省。瓜分之禍。岌岌若不可終日。神州國民。咸立於競爭之舞臺。終不容其倖存偷息矣。

今上卽位之十五年。舉大婚禮。冊立皇后。皇后。慈禧太后之姪女。承恩公貴祥之女也。以今上年長。且旣婚。太后遂歸政。撤簾。至中日戰後。朝野咸奮起求自強。南海人康有爲。數上書言時政。格不得達。二十一年。倡強學會於上海。旋發行時務報。其弟子梁啟超。實操筆政。於是康梁之名大著。政府大臣。多羅致而推薦之。格於恭親王。不得上達。恭親王卒。二十四年。更開保國會於京師。一時從之者固多。而彈劾之者亦不少。時北洋有三軍。甘軍、董福祥主之。武毅軍。聶士成領之。新建軍。袁世凱將之。四月二十七日。太后命同受節制於榮祿。且責翁同龢開缺回籍。政變事乃兆端於此。前三日。帝下定國是詔。與王公士庶。發憤自強。天下喁喁。有

向新之望。旋廢八股。改試策論。設京師大學堂。改兵制。立商會。廣言路。禮部王事。王照遞摺。爲尙書懷塔布。許應騾所阻。及上聞。禮部尙待六人。同日彼斥。擢楊銳。林旭。劉光第。譚嗣同。爲軍機章京。而新舊之爭。乃達極點。至八月六日。太后復垂簾。帝病居瀛台。乃收四章京及康廣仁。楊深秀六人。斬之。康有爲與梁啟超。先事走脫。分逃香港日本。朝臣之以新黨名者。謫戍禁錮。褫職有差。於是變法之局。爲之一變。

今上之入嗣文宗也。廷臣多有以爲穆宗立嗣爲諫者。乃定以今上生有皇子。上繼穆宗爲嗣。政變之後。於次年十二月。以帝命立戴漪子溥儀。爲穆宗嗣。時因新政傾覆。兼恨西法。以及外人。愚民效之。倡爲扶清滅洋之說。而拳亂事肇矣。拳匪之祖。相傳爲八卦教之一支。當二十五年。毓賢撫山東時。省內有學習拳棒者。不之禁。乃愈蔓延。色尙紅。紅巾紅帶。念咒燒紙燒香。謂可敵槍砲。愚陋可笑。從之者靡然不知其非。迨袁世凱撫山東。痛剿義和拳。餘黨竄入直隸境。二十六年。徒黨


日衆。載漪、徐桐、剛毅等。招至京師。習其術。獎爲義民。京內外謠言四起。匪勢極盛。焚教堂。殺教士。一切電線鐵路。均被燬損。且攻擊使館。各國兵艦逼大沽。欲佔砲臺。守將羅榮光與戰。不克。臺陷。時端郡王執政。聶士成剿匪。斥之。許景澄、袁烈諫。殺之。旋日書記生杉山彬。爲董軍所殺。德公使克林德。乘轎至單牌樓北。亦爲拳匪所戕。傳詔各省敵外。而南方督撫等不奉詔。六月。兩江、兩湖、兩廣、閩、浙、山東等省。聯合與各國訂互保約。南省得無事。先是英將西摩率兵趨北京。聶士成與馬玉崑軍。禁之道梗。退回。及後。援集。大舉攻天津。以綠氣砲進擊。城陷。聯軍遂夾運河進。陷北倉。聶士成死焉。更分道。日本軍及分各國兵。由運河。破楊村。直督裕祿戰死。過通州。逼京城之東南。英軍及分各國兵。沿鐵路進。李秉衡以勤王軍迎戰。黃村亦死焉。逼京城之西南。七月二十一日。東便門、朝陽門、東直門。依次陷。守兵走。兩宮遂倉皇西狩。出居庸關。至宣化府。詔慶王留京。車駕趨山西。八月。至太原。而聯軍陷保定。十月。至陝西。西安駐蹕焉。聯軍已推德伯爵華德西爲元帥。既陷

保定。別隊趨張家口。枝隊下山海關。方拳亂盛時。統賢撫山西。拘省中教士於署中。殺之以自豪。黑龍江將軍壽山。亦與俄開戰。一軍渡松花江。以攻哈爾濱。一軍渡黑龍江。攻俄阿模爾省。俄自甲午索還遼東半島後。得滿州鐵路權。置戍兵營。哈爾濱市爲重鎮。壽山軍往。堅持不下。旋俄援兵陷愛琿。虐殺我商民五千人。投之於黑龍江。進擊齊齊哈爾。壽山自殺。其往援哈爾濱者解其圍。俄分重兵守盛京營口等處。東三省遂全歸掌握。

兩宮西幸時。詔授慶王李鴻章爲全權大臣。與各國議和。李鴻章時爲兩廣總督。特詔回京。授北洋大臣。聯軍駐京津待之。未議時。各國公使先索辦拳亂魁。於是趙舒翹、毓賢。皆以罪死。載漪、載勳、董福祥等處永禁。惟剛毅、徐桐。先死得免。李鴻章約垂成。疾卒。進封侯爵。謚文忠。王文韶代之。約成。時二十七年十一月也。其大要懲罪首。禁輸軍火二年。賠款四萬五千萬兩。遣德日謝罪使。并重訂商約。各公使要求兩宮還京。遂定回京期。約始定。十月自西安啟程。取道河南。開馳道。建行

宮十一月始達開封。駐蹕。載漪既禁錮。所立大阿哥溥儀。更以失德聞。太后乃於還京前。特旨廢之。次年二月。復啟駕至正定。乘汽車入京。各國軍隊已退。惟使館天津留戍兵而已。所不撤者。僅俄軍之屯東三省者耳。

本朝世系表



二 藩屬之淪喪

本朝盛時。朝貢羈縻之國以十數。雖不實力干涉其內政。而於名分上。定期朝貢。受册封號。固皆藩屬焉。近三十年來。次第淪喪。環顧四鄰。藩籬盡撤矣。

緬甸自乾隆中葉後列入朝貢國。定制十年一貢。英既平印度。而東印度孟加拉與緬甸間。中隔阿羅漢一地。緬人并之。遂與英生釁。又乘阿撒母有內亂據之。阿撒母王乞保護於英。英緬開戰。大敗。以阿撒母、阿羅漢、台納薩林之地。償金二百萬磅以和。緬商民深怨英之虐待。於咸豐二年。戰事復起。英畧白古。悉佔其沿海地。光緒初。緬甸王孟德卒。諸子爭立。及新王蒂罷哇卽位。修宿憾於英人。與法人結攻守同盟約。法得瀾滄江左岸地。旋爲印度總督所迫。攻緬。破其國都。廢王。於一八八六年。公布占領上緬甸。併其地於印度。我國以緬爲屬國。命公使與英交涉。締約於北京。英代其歲貢。而我承認緬爲英有。滇與緬接壤。邊民時相爭。英兵攔入騰越鎮。遂重定邊界。訂新約於倫敦。以北緯二十五度三十五分。東經九十八度十四分之尖高山起。折南。又向東。至北緯二十一度二十七分。東經百度十二分。瀾滄江岸。爲兩國境界。紛紜悉定。

越南自阮福映稱王後。三傳至福峙。虐待法教士。會克里米亞戰後。歐洲無事。法

帝拿破侖三世。注意侵略東亞。交涉日繁。越南政府。拒其割地之請。會民間又殺西班牙教士。二國遂聯兵登岸。取柴棍。越南將阮方知築長圍攻之。幾拔矣。爲英法北京之戰告終。返兵過其地。破之。領邊和。嘉定。定祥三州。未幾。又下平隆。有黎興者。稱兵爲亂。乞援於外人。嗣德王大驚。卽與法西媾和。以被占領地與法國。賠兵費二十萬法郎。准傳教。又捕黎興斬之。先是眞臘素服暹羅。每恐被吞併。見法國占柴棍。遂請爲保護國。後柬捕寨之亂。法又乘之。奪其三州。至同治十二年。乃溯富良江。入雲南。爲覲覲計。無所得。旣而助亂黨。陷河內城。移攻山西。大敗。翌年。議和。法認越南爲獨立國。而越南割下交趾六州焉。然法又未饜。光緒八年。陷河內府。翌年。劉永福以兵至。大敗法兵。旋法又陷南定。河南。嗣德王有議和意。不及議而卒。姪瑞德公嗣立。諸臣廢之。而立弟協和王。以兵守順化灣。法兵由東北端上陸。陷砲臺。進及順化府。和議復起。割平順州。全國受法之保護。時九年八月也。廷臣多主戰者。以鳩酒弑王。而立前王義子阮福昊。下逐客令。殺教民。法乃進兵。

陷北甯。我雲貴總督岑毓英。以兵助越南。屢敗。太后命李鴻章與法人開和議於天津。因我軍新敗。法軍和議破。法將攻臺灣之基隆。爲劉銘傳所破。法將孤拔。遂率海軍。攻我福建海軍於馬江。師船盡殲。法軍死者僅十二人而已。孤拔復向臺灣。奪基隆。翌年。占澎湖。爲艦隊根據地。我陸軍之戰於鎮南關外者。亦屢敗。廣西大震。會馮子材。王孝祺。與潘鼎新等。三路進攻。大敗法軍。法亦以運兵艱難。新易內閣。遂允英使之調停。締越南新約於天津。我棄越南主國權。而認法占領東京。於是政治上實權。全歸法人掌握矣。

法人既具奄有東南亞西亞之勢。遂要求湄公河東之地於暹羅。暹羅恃有英爲後援。嚴詞拒之。法兵進臨河岸。占要地。暹羅不能支。於光緒十九年。遂以湄公河左岸全地。割於法國。及償金以和。是時英併緬甸。據瀾滄江上流。與法屬地相接。暹法和後三年。英法協商成。以湄公河爲英法領地之分界線。其上流五十英里。定爲中立地。於是英屬印度與緬甸相連。其勢力及於薩爾溫河東。巫來由半島。

北部一帶。法屬交趾支那。與東京相連。攝於兩國中之暹羅。前途亦甚岌岌。幸其太子。年少氣銳。留學英國。歸途又週遊世界。他日踐位。想能奮發爲雄。不蹈緬越覆轍也。

中國與俄英二國境界。幾致衝突者。厥惟帕米爾問題。帕米爾爲天下第一高原。高出海面一萬三千英尺。氣候寒冽。土地礧礧。於生產上。雖絕無價值。而於政治上。大有關係。此處本浩罕領土。後其國歸俄領。中國與阿富汗防俄南下。爭占領之。中國由喀什噶爾。葉爾羌。進。置守兵於葱嶺高地。及塞勒庫爾。阿富汗王。則克巴達克山。奄有帕米爾南部。於是英俄二國探險者。屢次衝突。於光緒十三年。劃定阿富汗北境。後俄國連發遠征隊。驅逐中國與阿富汗守兵。雖英國出而抗議。俄人旋去。旋來。終無棄此地之意。至二十年。俄國先與中國協商。得帕米爾與阿克蘇河附近地。次年。又與英國協商。遂分兩國之勢力範圍。英國亦大讓步。及裏海鐵路成。中亞俄人之勢力。愈益鞏固矣。

朝鮮自憲文王服屬中國後。三傳至顯義王。改革政治。規模一新。又四傳至淵德王。命諸儒編纂書籍。是二百年間。世受冊封。不失藩屬禮。至道光十九年。法傳教士分二隊。一入安南。一入朝鮮。體健王誅之。旋又有入者。時國內弊政日甚。朋黨之禍常不絕。王室支裔。至以機織支衣食。未幾王卒。無子。迎李昇於江華府田間。立之。是爲熙倫王。外戚金氏黨滿朝。王又無子。崩。迎興宣君三子熙立之。年十二。卽今王也。當同治三年。於昇爲兄。繼淵德王子翼宗之統。尊其妃趙氏爲太王妃。昇妃金氏爲太妃。憲宗妃洪氏爲王太妃。生父李星應爲大院君。大院君出入宮禁。以趙太妃命攝政。旣而俄國以得黑龍江地。與朝鮮咸鏡道接壤。同治六年。悉捕耶教徒誅之。殺十餘萬人。法軍興問罪師。陷江華城。大院君堅守。法軍引還。會普法戰事急。遂絕意遠東。大院君益輕外人。立洋夷侵犯。非戰則和。主和賣國。十二大字碑於市。一時排外之風大熾。旋因焚美難船開戰。朝鮮兵敗。美又引去。勢益張。稅政益多。攝政十年。還政於王。李熙王改進政畧。與諸外國締約。大院君

恒笑之。且欲恢政柄。久之。乃激怒京城兵。成變。圍閔氏第。焚日本使館。公使逃於南陽灣。大院君復執朝政。事聞。中國施其敏捷之手段。李鴻章急遣吳長慶、袁世凱等發軍艦。臨朝鮮。執大院君歸國。幽於保定府。與日本締約。駐兵二千保護之。後金玉均勸王速以英斷。建獨立基礎。王不決。光緒十年。郵政局成。王親臨。金玉均、朴永孝等。襲殺執政諸臣。實行改革。我袁世凱率兵靖亂。彈丸及王側。金玉均黨遁日本。朝鮮又攻日本公使館。竹添公使下旗歸。井上馨來責問。賠償議結。同時伊藤博文亦至北洋。與李鴻章結協約。即所稱天津條約也。當朝鮮與各國立約時。若法、若美、若日本。咸以同等國相待。惟德英則由我朝照會。而後訂立。若俄國。因王妃閔氏。恐與我交涉。日本尙不足恃。乃屬意俄國。與俄督結慶興境界條約。於是朝局又一變。大院君在我國。結納李鴻章。得其歡心。爲之請於朝而歸之。金玉均屢謀起事。未成。至光緒二十年。爲同國人洪鍾宇所制。死於上海。是時朝鮮境內。又有東學黨之亂。亂黨宗旨殊曖昧。纏白巾。樹黃旗。嘯聚於全羅道。次及

慶尙忠清京兵屢敗。將迫京城。乃求援於我。李鴻章發兵。進屯牙山。且依天津。約以保護屬邦。照會日本。遂啟爭端。日本急發大兵入京城。東學黨已潰散。而日本以改革內政爲名。遂與我開戰。大院君復總裁國政。我陸軍將葉志超。在牙山平壤。屢戰屢北。由義州渡鴨綠江。九連鳳凰皆陷。日兵則又攻金州。克旅順。遼東陷。海軍則初戰於豐島海。沈一運兵船高陞。護送艦敗焉。及陸軍守平壤。又議陸軍由鴨綠江口登岸。既而與日艦隊遇於大東溝外之海洋島。遂大戰。中國有戰艦二。巡洋艦七。海防艦一。日本則巡洋艦八。海防艦三。旋日艦負重傷三。我巡洋艦燬其四。不復能軍。退入劉公島。倚砲臺以爲固。日將伊東祐亨圍之。相持數月。先陸軍破其砲台。海軍則夜襲。海軍提督丁汝昌力戰不克。不得已以殘艦十艘降敵。自殺以殉國。丁幼留學英國。力盡而死。敵人皆重之。日海軍更南下。攻澎湖島下之。陸軍亦占領遼東全部。乃遣李鴻章東航。至馬關。議和約。凶漢小山。行刺途中。傷左頰。遂定停戰約。和議成。乃認朝鮮獨立。割臺灣澎湖及遼東半島。賠兵費。

二萬萬兩。開重慶、沙市、蘇杭爲通商場。是爲甲午之役。初歐洲大陸。自克里米亞戰爭。伯林會議後。各國威勢均力敵。以保其平和。德澳意三國同盟。俄與法又同盟。中日之役。歐洲屬耳目焉。自日本得遼東半島。則俄國吞食之謀。將大被挫折。擬連日法國。起而干涉之。會德國亦思揜足於東方。遂強迫日本。以遼東還中國。日本畏其勢盛。不得不從。我國則別償三十兆。以酬其失。戰役告終。而日俄之惡感情。亦肇於此矣。

琉球羣島。故分三部。中山王、山南王、山北王分治之。明初中山王統一琉球。受冊封。我朝定鼎。一仍明舊。康熙二年。張學禮奉命往封。及七年。而彼分貢於日本。然於我朝貢亦無缺。至同治十一年。琉球人民。遭風。避至臺灣。爲生番所殺。日本遂昌言。代難民報仇。擊土人。佔其地。我朝爭之。及議和。償兵費五十萬兩。事雖寢。而琉球已不啻爲日本屬矣。光緒三年。日本廢琉球王。列於華族。收其地。改爲沖繩縣。我國雖抗之。終不得當也。

三 外交之失敗

今上卽位初年。西疆未靖。先是回酋白彥虎。倡亂於新疆。陝甘回馬化龍。馬正和。董福祥等。應之。左宗棠。劉松山。分道進剿。董福祥降。回匪死守金積堡。苦戰二年。劉松山戰死。卒拔之。西剿河州。白彥虎先駐河州。至是走哈密。金順。張曜追之。今上卽位後二年。至新疆。諸城悉下。三年。攻喀什噶爾。大破之。白彥虎遁入中央亞西亞。回亂平。事亟時。伊犁大亂。俄商被害者衆。俄政府乘機使科哈夫士克。率兵鎮之。俄以保護爲名。久占不去。及左宗棠出關。天山南路中。遂乘勢令俄兵官交還佔地。俄不應。四年。遣崇厚至俄。兩國全權會於拉哇基。俄還地僅一部。而索償頗奢。事聞。議者蠶起。政府不與批准。召崇厚歸。投之獄。事幾決裂。聞俄艦東來。乃命李鴻章治天津海防。用客將漢納根。新築砲臺於旅順之黃金山。以備渤海。左宗棠則規伊犁。兩國戰爭日亟。英人力任調停。而俄黑龍江總督考夫門。意在得償款以築鐵路。我乃赦崇厚。遣駐英使曾紀澤至俄。開議和約。約成。俄還伊犁。而

我償金九百萬盧布。時光緒七年正月。卽世所稱爲伊犁條約者也。八年。乃改新疆爲一省。命劉錦棠爲巡撫。駐焉。

厥後與歐洲交涉。無一不國權挫失。恒爲世界各國所蔑視。但因疆域之廣。人民之衆。外人所求者。僅開埠償金。以爲歸束。及二十年。甲午戰後。海陸軍燬。臺灣被割。衰弱之象。悉見。加以回匪之變。西陲不靖。各國爭欲染指於遠東。以遂其擴張權力之謀。當是時。我國對於外邦。有應酬報者。惟索還遼東一事。而俄實主動之。況償金急迫。上下蕭然。不得不募外債。以爲對付。俄大藏大臣。又慨然介紹於法。國會俄新帝尼古拉二世。行加冕禮。俄駐京使喀西尼。言於政府。宜命李鴻章往賀。許之。李鴻章往俄都。訂密約。還。一時譁然。約之大要。一滿洲鐵路。可自浦鹽斯德至琿春。而達吉林。別支由愛琿。經齊齊哈爾。而至伯都訥。又東南會於吉林。一俄可代設山海關。至奉天。吉林鐵路。一中國在關外自設之鐵路。必用俄國式。一借膠州灣。以十五年爲期。一大連灣。不得讓與他國。一旦有軍事。俄有權借用之。

此約極秘密。而爲北京及泰晤士報所公布。中外咸屬目焉。法國公使亦新訂約。改定陸路通商界。開雲南思茅。減輕關稅。及雲南、廣西、廣東三省之採礦占先權。許延長安南鐵路。割湄公河東之一部。後雖修改。而南省鐵路權。實已全歸法人之手。不可謂非莫大之酬報也。

是時德人獨向隅。會曹州亂。民虐殺教士。德皇怒。於二十三年十月。占領膠州灣。乃命亨利親王。率艦隊東來。訂租借約。期以九十九年。并償金。及膠州至濟南。推至省境之鐵路。又開鑛特權。東洋侵略。亦駸駸乎開始矣。中俄密約之膠州。既被攫於德。俄於十二月。占領旅順。翌年三月。訂租借約。期以二十五年。又前密約中。滿洲鐵路。與大連灣相接。并推至牛莊間。日英屢抗議。終無功。俄新設爲關東省。遼東半島。全歸俄手。改旅順口爲尼古拉灣。大連灣爲達爾尼。命海軍中將阿列塞夫爲總督。并太平洋艦隊司令官。俄德既得租地於我要區。一時列國均勢之議起。英國卽定威海衛租約。俟四月。日本戍兵撤後。歸於英國。俄德英既分據盛

京直隸山東沿海。法國欲得安南貿易利益。適法國兵官被襲殺於廣州附近。遂乘機提議租廣州灣爲儲煤所。得雲南路權。且訂雲南廣東廣西及海南島不讓。他國之約。日本亦續約福建不讓他國。并開一二通商處。於是東亞之風雲一變。瓜分之禍。日益亟矣。當是時。於商業上。英國本素占優勢。至是更益擴張權利。得山西探礦權。及山西湖北間鐵路權。又上海至南京浦口至信陽。蘇州至杭州。寧波。九龍至廣州各鐵路。且雲南鐵路。得延長至揚子江下流。又與德國立天津至鎮江鐵路草約。列強之間。遂不免衝突。於是英俄協約成。長城以北。爲露國鐵路權。長江流域。爲英國鐵路權。以避兩國之衝突。然各國競投資本金。又啟紛擾。美國政府。遂宣布其政見。以開放門戶。爲調停平和。計共三事。一於他國既得權利。不加妨害。二非自由港。現行海關。悉由中國徵稅。三於他國圈內之港稅。及鐵路運費。不論何國人。彼此相等。至次年政變事起。交涉之事。更益棘手也。

俄國於拳亂亟時。乘勢占牛莊。瑯春。愛璦。哈拉賓等諸要地。滿洲全入俄手。於八

月二十五日。通告各國。謂保護鐵路。鞏固秩序。不得不留兵隊於滿洲。惟以不妨害他國爲限。更與中國立協約。占許多之特權。中國得日英德美之忠告。遂未畫約。俄終以旅順大連爲軍港。哈爾濱爲中樞。東與浦鹽斯德相呼應。南壓朝鮮。又起激烈之衝突也。

日俄戰爭以前。歐洲列國之外交政策。又生一變動。最先爲英德二國。以領土保全。開放門戶爲約。得各國之承認。繼之而起。足以震動耳目者。爲日英同盟。於一九零三年一月。換約於倫敦。其大旨爲承認我國與朝鮮之獨立。任一國與他國開戰時。又一國必嚴守中立。若有第三國加入戰列。同盟國應卽加入。共爲戰守。此同盟約成。而俄人南下之機。經一挫折。俄人謀對敵之舉。運動法政府。遂於三月。宣布俄法同盟。以爲抵制。然於極東所得利權。已不得不稍示退步。四月中。俄訂撤兵約。期以十八月退盡。分三期。第一期。撤盛京省西南部。以至遼河。第二期。退出吉林省。第三期。退出黑龍江。以滿洲主權歸於我。此爲日英同盟後之效果。

然而荏苒半年。第一撤兵期至。俄撤其一部兵。而反增加其他部分。及第二撤兵期至。則全然不撤一兵。轉提出要款於我。以反對英美所主張之自由開放主義。經各國之嚴責。始將要款收回。駐兵經營如故。二十九年六月。俄設極東總督府。以阿力塞夫爲總督。築民政廳於營口。總督於行政上。有最高權。使得臨機處置。越二月。於朝鮮締龍巖浦租借約。築砲臺於海邊。當是時。朝鮮介於兩雄間。自脫中國羈絆後。號爲獨立。改國號爲韓。稱皇帝。然政治權半握於日本。爲俄人所深忌。韓人之惡日者。亦欲利用俄人以制之。俄遂得大擴其權力。日本之政治家。冀以平和劃分權力之界線。創滿韓交換論。謂以滿洲與俄。朝鮮歸日也。議久不成。俄以選延緩時日。整頓軍備。日昃不遑。日本亦戒嚴。東亞之戰雲遂墨矣。

日俄戰爭。於二十世紀開幕之亞東。爲最有價值者。自二十九年十二月。日駐俄京栗野公使。致哀的美敦書於俄。平和遂破。二十一日下旗。自俄京至伯林。俄使亦歸國。是爲開戰之始。至三十一年八月。汴資麥斯和議告成。前後幾亘二年。我

政府雖處中立之地位。我國民實受剝膚之切痛。實一古今未有之大變局也。戰事之經過。日本陸軍分三大軍進取。第一軍黑木爲楨率之。於開戰前。由釜山登陸。進平壤。渡鴨綠江。時西四五月之交也。俄屢敗。由是而九連城、鳳凰城悉下。時第二軍已由貔子窩分道登陸矣。黑木軍進佔靉陽邊門。至西七月力戰。大小摩天嶺皆下。然俄兵亦擬猛攻第一軍以自振。再攻摩天嶺。被擊退。又攻遼陽街道。亦無功。而日兵則遣右翼佔細河沿。以薄遼陽之背。而與第二第三軍會。第二軍與保鞏率之。登岸後。分向普蘭店、貔子窩進。敗俄兵。直逼金州。金州爲遼東咽喉。南通旅順。北達遼陽。俄大兵扼南山。以與金州相犄角。日兵力戰。破金州城。而軍於南山東者。被圍急。遂力攻其左翼。兵潰。集攻右翼。俄大敗退。日雖勝。死傷數倍焉。日枝隊則佔青泥窪。而戰於得利寺者。亦報捷。乃由蓋平進攻大石橋。俄苦魯巴金親臨陣。終不敵。以海城孤立。乃退守遼陽。第三軍即大孤山軍。野津率之。於西五月十九日。由大孤山登岸。勝其騎隊。六月分三縱隊。力戰克分水嶺。嶺當析

木城街道之衝。日既勝。分道進。先遣隊踞岫巖城。與苦魯巴金對峙。及第二軍攻大石橋。乃悉銳攻析木城。城山谷環三面。夙稱天險。日猛攻數日。克之。俄兵由海城退保鞍山站。於是三軍聲氣連絡。統歸總司令大山巖之節制。以黑木軍爲右翼。野津軍爲中軍。奧軍爲左翼。全軍與俄決戰於遼陽。戰地之廣。幾二百里。時歷十晝夜。分路搏戰。至西九月五日。俄兵遁奉天。而遼陽遂陷。敗報至莫斯科。俄國上下震動。苦魯巴金謀復遼陽。擬以軍之半。力抗日本第二第三軍。舉首隊以禦第一軍。蒞遼陽之東。日軍乘其未整。自西十月十日始。進逼俄軍於沙河。連戰五日。俄軍受巨創。退保沙河左岸。於是兩軍夾河而陣。延長百餘里。俄以沙河爲第一陣地。白塔河爲第二陣地。洋河爲第三陣地。更潛遣一軍。由遼西中立地。以攻日人之背。日急備之。而兵單不支。被圍突走。接官堡。牛莊俱陷。退保牛家屯。奮擊退俄兵。又敗於大官屯。以北之日兵。遂渡遼河。遁計不成。夾河相持既久。會旅順以西正月降。俄大喪氣。苦魯巴金急欲戰。於是有黑溝臺附近之戰。俄第四聯隊

全滅。死傷萬人。遂集兵力於遼河渾河間。以擴右翼陣地。其西更以大騎兵團。嚴陣於遼河右岸。中堅陣地。則在沙河堡一帶。戰線長至三百餘里。兵四十萬餘。而日本之卒。亦已厚集。川村景明別率軍。自鴨綠江。潛出右翼黑木軍之右。乃木希典又率一軍。出左翼奧軍之左。大山元帥知俄左翼力薄。令川村進逼。拔清河城。以攻救兵臺。乃木軍則渡渾河。分爲二。一東攻俄右翼。一北進。出奉天西。與奉天軍棧俄軍對敵。遂成半圓形。有包圍俄軍勢。時苦魯巴金來往左翼中央二軍間。以指揮全軍。聞日軍蹈虛入。乃集二軍於奉天附近。轉移陣地。大山聞知。令左翼奧軍。斜擴戰線。與乃木軍聯絡。大戰於渾河右岸。左翼則直衝中堅。右翼黑木軍進。全軍陣沙河右岸。與乃木軍會。是時日軍三面圍俄。十八日。先鋒隊陷鐵嶺。十九日占開原。二十一日占昌圖。俄軍至是。喪大砲四百餘。將士二十萬。苦魯巴金收殘兵。遁哈爾濱。而戰事告終。和議成矣。然而日本海軍之敏捷奏績。爲陸之前導。後盾。尤有足多者。開戰初。東鄉司令官。率三艦隊赴旅順。而令瓜生少將率一隊。

往仁川東鄉以驅逐水雷艇襲敵。傷戰艦二。巡洋艦一。次日復戰。俄艦中砲陣亂。又有傷者。同時瓜生亦奏仁川之捷。燬俄二艦。是皆對敵之戰。後俄艦之入旅順口者。久不出。攻之不克。日本知非堵塞港口。不足以制其死命。乃購廢船五。載土石於西二月二十四日。由老鐵山南駛向旅順。次第沈沒。因迫於砲火。不得盡如志。三月九日。俄海軍司令官馬克羅甫至旅順視事。次日。日海軍襲之。無功。同時海軍一校隊。上村率之。以攻海參威。亦未得手。而俄自馬克羅甫到。旅軍氣一振。復出港梭巡。冀與海參威之艦隊聯合。終不得。三月二十七日。東鄉再以四船。爲第二次堵塞。不見成效。乃於四月十一日再擊之。誘俄艦向東南追襲。既與砲臺離。遂夾擊之。馬克羅甫知中計。急駛回。至港門。觸於前日。日軍敷設之水雷。轟發。馬死焉。幾利爾親王受傷。敗耗于俄。京朝野大震。命司廓理羅甫繼其任。厥後日軍屢次襲擊。無功。三十一日。復爲第三次之堵塞。共八船。沈於港內。三船則未至先沈焉。及五月十二日。日宮古艦觸俄設水雷而沈。十五日。因口門尚通。再堵口。

天大霧。日巡洋艦春日撞吉野。即沈沒。而戰艦初瀨。又連觸二水雷。亦沈於老鐵山東南。俄軍來迫。幸得援軍擊退之。日海軍少挫。然海權固依然在握也。西六月。俄旅順艦隊。又取活動態度。結隊出口。共十艘。日艦隊將誘致南方。不果。以艇隊襲之。沈其一艦。由是俄艦泊港外。與砲臺相倚。日艇連次襲擊。封鎖甚嚴。俄海軍已陷死地。乃定計突圍北走。與海參崴艦隊合。八月十日。全軍出。日艦分三隊要擊之。除敗殘艦退歸旅順外。有遁入上海、青島。解除武裝者。旅順艦隊不復能軍。後三日。海參崴三艦來迎。上村艦隊邀擊。大破之。俄艦隊全燬。日海陸軍遂得專力於旅順港矣。旅順天險。砲臺層列。爲極東要塞。不易攻取。當第二軍與軍既於五月陷前山。苦魯巴金來援。與親禦之。於得利寺、大石橋。一敗再敗。而向旅順之軍。乃屬之乃木。以青泥窪爲根據地。連日奮擊。而雙臺溝、安子嶺等之外護盡撤。益苦戰。左翼進克大小孤山。右翼占高木山。及百三十一。適當高阜。遂築長圍。第一次逼攻。中央隊占盤龍山。東西二砲臺。第二次逼攻。下苦魯巴金砲臺。窮搜得

山水源斷之。於是旅順要塞乏水。至第三次逼攻。下松樹山、二龍山、東鷄冠山。旋占領新市街西北二〇三邁當之高地。遂有一舉入旅順市之勢矣。俄將不得已出降。東方要塞全失。初，俄艦隊窮蹙於旅順時，政府慮海權全歸失敗，乃命波羅的海艦隊往東洋，以援旅順。稱爲太平洋第二艦隊。於次年五月，二艦隊會合。日益逼近。時日本艦隊既全滅旅順敵艦。凱旋東京。將以逸待勞，聞敵艦隊在法領安南海復出航，爲邀擊計。遂於西五月二十七日大戰於對馬島附近。自午後二時至七時，俄艦敗遁，被擊沈者數艘，不復能軍。日本全勝。次日，追擊俄司令長官羅斯的文斯開被擒焉。及奉天戰後，俄水陸軍燬。美總統出而調停。兩戰國結議和條約於汴資麥斯。朝鮮之事，俄不復問。旅順轉租於日。東清鐵路之一部及樺太島之前半，亦爲日本有矣。

當日俄宣戰時，我東三省爲交戰區域，全失主國之主權。英美既於開戰後二日，宣佈中立，明劃戰地，不許侵入中國領土。至次年，二戰國亦公認，除滿洲外，尊重

我之中立。我亦宣佈中立國規則三十五條。以遼河以東爲戰域。而命馬玉崑駐兵遼西。以備焉。尋俄阿力塞夫以遼西未撤兵。不得爲中立地。進兵新馬廳。吾政府不能禁。祇嚴扼錦州一帶之地而已。其於沿海之交涉。則有下碇於吳淞之俄砲艦滿洲。因仁川。旅順屢敗。不敢出。日軍艦來迫。遂卸軍裝。而歸我國之保護。及旅順攻急。俄艦之潰圍出者。又有巡洋艦奧斯哥。及魚雷艇。至上海。復爲日本所迫。仍前例卸軍裝焉。其至煙臺者。促卸軍裝。不從。爲日本軍艦所擒。迄戰事終。盛京南部。被戎馬蹂躪。無復昔時景象矣。

四 近年朝野之事故

廣西民獠雜居。素稱難治。法越戰後。兵散爲盜。及蘇元春爲提督。尅軍餉。縱兵行劫。兵與盜遂合。至二十七年。遂作亂。連陷州郡。巡撫史念祖及蘇元春剿撫之。久不靖。朝命王之春代史。巡撫西省邊境。與法屬安南接壤。二十八年。法擬派兵代剿。我則償其費。王之春允之。議垂成矣。會事洩。士論大譁。立拒法會於海上。爭言

王之春失權。誤國於政府。事乃寢。逮蘇元春至京。處以禁錮之罪。王之春亦罷去。時亂事日熾。西擾雲南之開化。北侵貴州。駸及湖南。而西省則以柳州。慶遠。思恩等爲最。乃命岑春萱督兩廣。責以剿匪。岑內除奸吏。并調湖北。江蘇。雲南兵協剿。別駐軍龍州以防邊。親督軍深入。年餘。獲匪首陸亞發。處以死刑。餘黨四竄。由隣省合剿。匪亂始平。此南邊事也。同時於其西。又有西藏之交涉。

西藏素聽命於駐藏大臣。握其大綱。收稅治民。夙歸自理。當英取哲孟雄。築鐵路至大吉嶺。與藏民屢起交涉。俄之遠征探險。亦時至於藏。誘之從俄。藏民本惡英人。私與俄親。二十八年。命喇嘛至俄京。俄皇優禮之。及歸。決計從俄。英人聞之。乃爲抵制計。於次年春。適護商番兵殺藏人。藏官詰責。遂啟爭端。閏五月。英將楊黑司班率英兵千。印兵四百。惠德率英兵五百。印兵二百。分道進軍。駐藏大臣派員與英約和。英以前之屢牘不答。銜之不許。俄欲與吾國共出于涉。我政府亦不許。而命駐英使與議。英兵力戰而前。至三十年六月。遂由甘志抵拉薩。圍大寺。達

賴喇嘛遁。英與大喇嘛訂約十條。歸英保護。而令我駐藏大臣簽字。大臣有泰電告政府。不許。八月。特命唐紹儀赴藏議約。議久。英印度總督不能決。乃移至英京。倫敦議之。我堅持。許償兵費。英不得已。而認我爲西藏之上國也。

我國鐵路。自京師至廣東。直貫南北者。爲一大幹。而北部自京師蘆溝橋。至漢口之路。由比利時公司承辦。而主權實歸於俄之華俄銀行。比人不過蒙其名而已。繼起之南部粵漢鐵路。乃由美人承辦。其股份之過半。爲美人何域提所購買。遂爲公司總理。繼亦爲比人所有。於是我紳民以美人之背合同也。湘省紳士力爭。粵省繼之。舉代表赴京。議廢合同自辦。三十年十月。我政府乃以正式公文。照會美國。時粵紳有倡以美接美之說。湘紳有建華美合辦之議。輿論均反對之。不能行。上命張之洞總其成。始將公司小票作廢。駐美使梁誠。則與美政府交涉。示以決意。爭既久。至次年。美始許由中國贖回自辦。而償費六兆七十五萬美金。六月。注銷合同。至八月。在美京簽押。收回事始畢。然粵人以公舉總協理故。彼此黨爭。

至今未已。正不知伊於胡底也。同時與美開交涉者。又有華工禁約一事。

美國以華工價賤耐勞。慮奪工人生計也。立約拒我工人入境。更設種種苛例。以待我華人之至美者。於是學生商旅。咸受其窘。三十年禁滿之約。將屆期滿。乃提議除厲禁。先是上海商人。以商情渙散。議立商會。舉總董。朝命參議楊士琦留滬督率之。美約議起。遂於次年四月。開大會於商務公所。籌議抵制。以美政府期滿不改。則相禁不用美貨。一時聞風興起。遍各行省。旅外國華商。亦公電外部。請嚴拒華工禁約。五月。上海各幫商大會於商務總會。簽允不用美貨。並電三十五埠。照行。旋於上海城廂內外。採取地方自治制。立總工程局。美商人之貨。頗受影響。駐京美使。力請懲辦。政府卻之。而亦命紳商。於抵制美約事。務須和平也。既而美政府。允優待華商及教習學生游歷人等。惟華工之禁。終不能除。

我國政體。數千年來。恒爲君主專制。自戊戌政變後。於是有以改政體。實行憲法爲宗旨者。是爲憲政黨派。有以嚴別種族。推翻政府爲希望者。是爲革命黨派。三

十年。封閉蘇報館。逮章炳麟。鄒容。禁於租界之捕房。開堂審訊。至五月。案結。以鄒容作革命軍。章炳麟作虐書。並革命軍序。又駁康有爲書等。分別監禁二年三年。然黨人之氣。固未殺也。時朝廷外鑑於日俄之戰禍。內惕於民氣之日張。乃於三十一年五月。命戴澤、戴鴻慈、徐世昌、端方往東西洋各國考求政治。續命紹英同往。共五人。分派戴、徐、紹英赴日、英、法、比。端方、戴鴻慈赴美、德、俄、意、澳。籌經費銀十五萬兩。令各省分解。八月。納袁世凱等奏。自丙午科爲始。所有鄉會試。及各省歲科考。一律停止。是月二十六日。五大臣陛辭出都。在車站遇炸彈。戴澤、紹英受微傷。餘無恙。遂改行期。詔拿匪徒。不獲。事爲革命黨人吳樾所爲。因朝廷實行立憲。則於彼黨有大不利也。事發時。吳亦同死車中。一時朝野變色。稍靖。乃改命。尙其亨、李盛鐸會同戴澤、戴鴻慈、端方前往。立考察政治館於京師。纂書進呈。六月。次第回京覆命。條陳憲政。帝命醇親王等會議。并開御前會議。於三十二年七月十三日。下詔預備立憲。略謂我朝開國以來。因時損益。著爲憲典。現在各國交通。

政治法度。皆有彼此相因之勢。而我國政令。日久相仍。憂患迫切。是以前簡派大臣。業赴分國。考查政治。現回國陳奏。皆以國勢不振。實由於上下相揆。內外隔閡。官不知所以保民。民不知所以衛國。而各國之所以富強者。由於實行憲法。取決於公論。君民一體。呼吸相通。博採衆長。明定權限。以及籌備財用。經畫政務。無不公之於黎庶。又兼各國相師。變通盡利。政通民和。有由來矣。時處今日。惟有仿行憲政。大權統於朝廷。庶政公諸輿論。以立國家萬年有道之基。但目前規制未備。民智未開。若操切從事。徒事空文。何以對國民而昭大信。故廓清積弊。明定責成。必從官制入手。亟應先將官制。分別議定。次第更張。並將各項法律。詳慎釐訂。而又廣興教育。清理財政。整頓武備。普設巡警。使紳民明晰國政。以預備立憲基礎。俟數年後。規模粗具。查看情形。參用各國成法。妥議立憲實行期限。再行宣布天下。視進步之遲速。定期限之遠近。著各省將軍督撫。曉諭士庶人等。發憤爲學。各明忠君愛國之義。合羣進化之理。勿以私見害公益。勿以私忿敗大謀。尊崇秩序。保

近年朝野之事故

守平和。以預儲立憲國民之資格。有厚望焉

三百十四

中國歷史講義終

中國史大事年表

中紀	西紀	著名大事
伏羲 神農 黃帝 帝堯 帝舜 夏禹 商湯 周武 成王	約前二二五四 約前二一八〇 約前二〇〇〇 前一五一〇 前一五〇〇	畫八卦 教民畋漁牧畜 鑿五穀 制互市 製醫藥 造文字 作宮室 服衣裳 用舟車 分九州 定歷法 使禹治洪水 敷五教 定五刑 君主世襲 放桀定位 伐紂有天下 周公制禮樂定典刑

中國史大事年表

平王	一	前一二六三	遷都洛陽
	四九	前一一〇四	魯隱公元年春秋託始
莊王	一二	前八八五	齊桓公立
惠王	一八	前六五九	秦穆公立
襄王	二	前六五〇	宋襄公立
頃王	六	前六一三	楚莊王立
簡王	一	前五八五	吳壽夢始稱王
	一三	前五七三	晉悼公立
靈王	二一	前五二一	孔子生於魯
	一一	前五〇九	孔子自齊歸魯
敬王	三九	前四八〇	魯西狩獲麟春秋絕筆
	四一	前四七九	孔子卒

威烈王	一一三	前四〇三	命魏斯趙籍韓虔爲諸侯戰國之始
安王	一六	前三八六	命田和爲齊侯
顯王	一〇	前三五九	秦孝公定變法令
赧王	三六	前三三三	蘇秦爲從約長
赧王	八	前三〇七	趙武靈王變胡服以伐胡
赧王	五九	前二五六	王入秦盡獻其地周亡
始皇	二六	前二二一	秦稱皇帝滅六國 分天下爲三十六郡
二世	三七	前二一〇	東巡崩胡亥立
漢高	三	前二〇七	趙高弒二世立子嬰
	五	前二〇二	高祖卽皇帝位
	九	前一九八	與匈奴和 徙郡國富豪於長安

文帝	六	前一七四	淮南王謀反廢死 賈誼上治安策
景帝	一二	前一五四	吳楚七國反周亞夫討平之殺晁錯
武帝元光	五	前一三〇	通西南夷
元狩	一	前一二二	張騫使西域始通滇國
元鼎	六	前一一一	南越平置九郡
太初	一	前一〇四	造太初歷以建寅月為歲首
征和	一	前九一	巫蠱獄起衛后戾太子自殺
昭帝元平	一	前七四	霍光立昌邑王又廢之而立宣帝政事
元帝竟甯	一	前三三	悉關白光
平帝元始	一	紀元始	嫁宮人王嬙於西施
王莽初始	一	八	王莽號安漢公 基督降生 莽自稱新皇帝

地皇	三	二二	劉續及弟秀起兵明年大戰於昆陽
東漢光武建武一		二五	帝定都洛陽故曰東漢
建武	二五	四九	馬援征武陵蠻卒於軍
明帝永平	八	六五	遣使天竺求佛法
章帝元和	三	八六	燒當羌反 班超斬疏勒王明年匈奴五十八部來降
和帝永和	四	九二	竇憲伏誅宦官用事
安帝延光	三	一二四	楊震自殺 閻顯江京廢太子
桓帝延熹	九	一六六	捕黨人二百餘人下獄
靈帝光和	四	一八一	作列肆於後宮
中平	六	一八九	帝崩何進謀誅宦官被殺袁紹悉誅之
獻帝建安	一二	二〇七	劉備見諸葛亮於隆中

魏文帝黃初	二	二二一	劉備稱帝於蜀改元章武
明帝青龍	二	二三四	孔明卒於軍
元帝景元	四	二六三	鍾會伐蜀蜀帝出降
晉武帝泰始	一	二六五	受魏禪
太康	一	二八〇	大舉伐吳吳帝出降
惠帝永康	一	三〇〇	趙王倫起兵廢賈后殺之八王之亂起
愍帝建興	四	三一六	漢劉曜陷長安帝出降
穆帝永和	十	三五四	桓溫北伐大敗秦師
簡文帝咸安	二	三七一	桓溫行廢立帝崩 秦以王猛為丞相
孝武帝太元	八	三八三	秦大舉來寇謝玄大破之於淝水
太元	一一	三八六	魏道武帝拓拔珪登位國號元
安帝義熙	二	四〇五	後秦帝崇佛法梵經漢譯甚多

義熙	十三	四一七	劉裕大舉伐秦後秦亡
宋武帝永初	一	四二〇	天下分爲南北朝
文帝元嘉	八	四三一	西秦夏共降於魏
廢帝元徵	二	四七四	除門房之刑
齊武帝永明	四	四八六	魏置州郡定民籍
梁武帝天監十七		五一八	魏遣使西域求佛書
大通	一	五二七	天竺僧達摩來廣州梁帝捨身
陳宣帝大建	六	五七四	周廢佛道毀淫祀
隋文帝仁壽	三	六〇三	龍門王通獻策不報
煬帝大業	一	六〇五	開通濟渠自洛達於河
	二	六〇六	築長城定官制改州爲郡
唐太宗貞觀	一	六二七	分天下爲十道更定律令

高宗永徽	四	六五三	始傳痘瘡
總章	一	六六八	置安東都護府於平壤
武后神功	一	六九七	狄仁傑復相勸復中宗
玄宗開元	二	七一四	置左右教坊樂工男女曰梨園弟子
開元	二十九	七四一	政教所被三百三十一州
肅宗至德	一	七五六	玄宗出奔于蜀帝即位靈武
武宗會昌	五	八四五	毀天下佛寺僧尼並勒歸俗
宣宗大中	十二	八五八	王式為安南都護
後唐明宗長興	二	九三一	吳徐知誥鎮金陵
後晉高祖天福	八	九四三	不稱臣於遼執遼使
後周世宗顯德	二	九五五	毀銅器佛像造錢
宋太祖乾德	一	九六三	以文臣知州事

開寶	八	九七五	曹彬克金陵江南降
太宗淳化	二	九九一	置審刑院明年置常平倉又明年置審官院
眞宗景德	一	一〇〇四	遼大舉入寇帝親征遼請盟
神宗熙甯	四	一〇七一	科舉以經義論策試士明年頒方田均稅法
欽宗靖康	一	一〇二六	金陷兩京明年兩帝俱執
高宗紹興	六	一一三六	岳飛請恢復中原
孝宗乾道	一	一一六五	宋及金和始正敵國禮改歲幣
寧宗慶元	一	一一九五	流太學生
嘉泰	二	一二〇二	禁私史弛僞學黨禁
嘉定	四	一二一一	蒙古取金西京

理宗紹定	三	一一三〇	蒙古定都和林立十路課稅所
嘉熙	一	一一三七	蒙古平欽察諸部
景定	五	一二六四	蒙古遷都燕曰大都
元世祖至元 ^{十二}	九	一二九二	擊瓜哇 晉王鎮北邊
成宗大德	三	一二九九	命朔海山鎮漠北
惠宗至正	十二	一三五二	郭子興起兵據濠
明太祖洪武	一	一三六八	徐達常遇春定中原陷元都帝定都金陵
洪武	二十	一三八七	湯和築瀕海城備倭寇
成祖永樂	七	一四〇九	始令宦官刺事後乃有秉政太監
永樂	十九	一四二一	遷都北京去年置東廠宦者掌偵訪
英宗正統	三	一四三八	逮天下逋逃工匠四千餘人

憲宗成化	十七	一四八一	命太監同法司錄囚謂之大審
孝宗弘治	十	一四九七	帝御經筵議政簡閱禁兵大明會典成
世宗嘉靖	六	一五二七	王守仁平廣西諸蠻
嘉靖	二十	一五四一	置安南都統使司
神宗萬曆三十四		一六〇六	蒙古諸部服從滿洲
熹宗天啟	一	一六二一	清太祖定都遼陽
毅宗崇禎	六	一六三三	流賊犯畿南河北又犯湖廣
清世祖順治	一	一六四四	帝入北京李自成西奔 明福王稱帝 南京
順治	十三	一六五六	修通鑑全書纂孝經衍義
聖祖康熙	一	一六六二	詔禁女子纏足
康熙	十二	一六七三	平西王吳三桂反於雲南

康熙	二十二	一六八三	施琅伐臺灣平之
康熙	二十五	一六八六	命將伐俄羅斯圍雅克薩城
康熙	三十三	一六九四	修大清會典
康熙	四十九	一七一〇	淵鑑類函成明年佩文韻府成
康熙	五十五	一七一六	康熙字典成
康熙	六十一	一七二二	賜宴六十歲以上者號千叟會
高宗乾隆	十五	一七五〇	禁種煙草時鴉片煙輸入每歲三千函
乾隆	二十九	一七六四	大清一統志成
乾隆	五十六	一七九一	石刊十三經於太學
仁宗嘉慶	一	一七九六	和珅有罪賜死
嘉慶	十三	一八〇八	段玉裁著說文解字註成
宣宗道光	三	一八二三	定商民與蒙古貿易章程

道光	十一	一八三一	西域浩罕通商
道光	二十四	一八四四	魏源著海國圖志聖武記
文宗咸豐	十一	一八六一	建總理外國事務衙門
穆宗同治	八	一八六九	與俄國訂陸路通商約
同治	十二	一八七三	福州船廠生始航行外洋
今帝光緒	一	一八七五	太后垂簾恭親王攝政
光緒	三	一八七七	遣公使何如璋駐日本
光緒	五	一八七九	日本收琉球爲縣
光緒	十	一八八四	置海軍衙門與日本約罷朝鮮駐兵
			援安南與法開釁
光緒	十一	一八八五	安南脫藩屬明年立臺灣省
光緒	十四	一八八八	訂立澳門新約

光緒	二十	一八九四	朝鮮內亂遂與日本開戰
光緒	二十一	一八九五	和議成以臺灣與日本
光緒	二十二	一八九六	遣李鴻章赴俄京賀俄帝加冕
光緒	二十三	一八九七	德意志據膠州
光緒	二十四	一八九八	八月太后復聽政大黜革政黨
光緒	二十六	一九〇〇	拳匪亂起帝西幸西安聯軍入京
光緒	二十七	一九〇一	回鑾北京
光緒	二十八	一九〇二	廣西亂事亟
光緒	二十九	一九〇三	英兵入藏
光緒	三十	一九〇四	封蘇報館 美華工禁約期滿改約議起

光緒三十年後大事月表

三十
年
乙巳

正月	二月	三月	四月
<p>戶部向匯豐德華兩銀行借英金一百萬磅以山西煙酒及厘金爲質 開鄭州爲商埠 派唐紹儀出使英國 商部刊發甲辰年紀事簡明表</p>	<p>寰泰兵輪被英印度皇后船撞沈案訟直賠款 漢口修改租界章程 日使告外務部撤退遼西軍隊 戶部撥庫款百五十萬兩開銀行行鈔票 駐韓公使回國交涉事由日本公使代理</p>	<p>德親王利物浦卒京覲見 駐藏大臣鳳全被戕 江南陸師學堂以不服督練公所議改陸軍章程全體解散 俄使雷薩爾病卒於使館 裁撤江淮巡撫改淮陽鎮總兵爲江北提督 收回福公司澤道鐵路 詔除凌遲梟首戮屍三項</p>	<p>俄兵戕殺周勝有案俄使轉告定罰作苦工監禁八年罪 上海士商開抵制美約會於商務公所 勘定江甯德日租界 中緬通電續約成</p>

月五	月六	月七	月八	月九
蘆漢鐵路黃河橋工告竣 商部奏訂江西鐵路章程 考試出洋畢業學生	新俄使璞科第到京 簡派載澤載鴻慈徐世昌端方分赴東西洋各國考求政治 上海士商簽允決不定美貨 裁撤廣東巡撫 浙江鐵路公舉湯壽潛為總理 劉錦藻為副總理 趙爾巽接奉天將軍印 命紹英隨同各大臣出洋各察政治	駐美使梁誠與美公司在美將粵漢鐵路合同註銷 上海城廂內外議立總工程局 京師工巡局奏設裁判所 奉天訂立自治章程	江蘇沿海大風潮 諭停科舉 上海士商第一次集議選舉董事 創辦地方自治 日俄駐使照會外部和議告成 戶部銀行分設北京上海天津三處 考察政治五大臣在車站遇炸彈	第二次萬國平和會命駐俄參贊陸徵祥前往 袁世凱鐵良為秋操閱兵大臣 改訂修濬黃浦條約歸中國自辦 釋放扣留俄艦 派李盛鐸尙其亨代徐世昌紹英出洋考察

月 十	月 一 十	月 二 十
<p>上海總工程局開辦 日全權小村壽太郎及公使內田康哉與我全權慶親王瞿鴻禨袁世凱開正式議約會見禮 英國承認西藏爲我國領地 粵漢鐵路議主湘鄂粵三省分辦 考察政治大臣出京 日俄會議訂立滿洲撤兵及交代鐵路條約</p>	<p>議准改進士館爲政法大學 駐韓使曾廣銓奉命回國 留學日本學生因日本文部省特定取締規則全體罷課 上海會審公堂因粵婦黎黃氏案英副領事德爲門強奪管押權關金二員與之力爭大衝突遂停訊 商民公憤罷市 設總領事於韓國 中日滿洲條約議往簽約 喀爾沁王捐資辦蒙古學堂 與各國使臣訂定磅虧條約</p>	<p>土爾扈特郡王自請出洋遊歷 接收膠州海關 法撤駐柳州之防兵 開成都爲商埠 山東濟南周村濰縣行開埠禮 江蘇創行徵兵黃埔自關商埠</p>

三十
二年
丙午

月正	月二	月三	月四	月四閏
<p>戴澤尙其亨李盛鐸由日赴美戴鴻慈端方自美赴德 接收滿洲 電報局黑龍江全省裁判所 江西南昌縣江召棠被法教士王安 之刃傷傷重數日死</p>	<p>外務部提倡國民捐慶親王以下認捐有差 南昌縣民焚教堂殺 教士王安之等六人 土爾扈特郡王赴美遊歷 英使告坎巨提 酋長赴印度遊歷其地爲中英兩屬 端方戴鴻慈到英</p>	<p>宣佈教育宗旨以忠君尊孔尙武尙實爲扼要 中俄兩國電線議 准在喀什噶爾接續 商部奏定商船公會章程 中國至美國之 海底電線成 美舊金山大地震</p>	<p>裁各省學政改設提學使 中英藏約簽押 英使薩道義回國 上海華商開體操會於滬北</p>	<p>駐俄使胡德惟電告英俄中亞協約已成 奉天開埠 暹羅王子 微行至京 江蘇鐵路公司成立舉王清穆張謇爲總副協理 南 昌教案以江令自刎懲辦首犯卹銀二十五萬議結</p>

月 五	月 六	月 七	月 八
<p>新嘉坡設立中華商務總會 義大利親王游歷至天津 載澤尙其亨等自外洋歸到上海旋回京 美舊金山大同報主筆華人劉成禺與西女亞李佐十潔在惡頓埠成婚</p>	<p>杭州設立佛教總公所 端方戴鴻慈自外洋歸到上海旋回京 奏定提學使權限章程</p>	<p>載澤奏除滿漢界限 派王大臣公閱考察政治大臣條陳十摺件 頒詔預備立憲 滬南設商業體操會 廊爾喀王入貢 濬黃浦江開工 派袁世凱鐵良爲秋操閱兵大臣 停京外實官捐</p>	<p>新英使朱爾典覲見呈遞國書 江蘇創辦憲兵 命嚴禁鴉片及種鴛粟以十年爲限 北京華商中華報被封 京張鐵路首段開車 日本伏見若宮親王到京</p>

九 月	十 月	十一 月	十二 月
<p>開秋操於河南彰德府 宣布京官制軍機處外務部吏部學部照舊巡警部改為民政部戶部改為度支部以財政處併入禮部以太常光祿鴻臚三寺併入兵部改為陸軍以練兵處太僕寺併入刑部改為法部大理寺改為大理院工部併入商部改為農工商部新設郵傳部理藩院改為理藩部各部均設尚書一員侍郎二員尚書均充參預政務大臣 中英合辦廣九鐵路合同簽押 山西留日學生李培仁憤福公司攘晉礦權蹈海死</p>	<p>允駐法使劉式訓入巴黎萬國商會 學部定教會學堂不准立案 潮汕鐵路開車 日本交還營口條約簽押</p>	<p>美設裁判所於上海 上海華商體操會自願併入西商團練隊 升孔子為大祀 廣西南甯開埠並設稅關 俄人交還漠河金礦 外部議改出使大臣為實缺大國秩二品參隨七員小國秩三品參隨五員</p>	<p>自開吉林黑龍江齊齊哈爾為商埠 俄人交還吉林銀圓局 江蘇滬嘉鐵路開工 河南汴洛鐵路開車 江西九南鐵路開工 自開開封府南關為商埠 俄設稅關於哈爾濱</p>

三十
年十
丁未

正月	二月	三月
<p>張之洞力駁司法獨立 俄人交還黑龍江礦山七處並廢吉林璦春等處合採礦約概歸中國自辦 改進士館為法政學堂本科七年卒業別科三年卒業講習科半年卒業 學部奏定女學規則</p> <p>俄撤長春軍政所 蘇浙皖各州縣貧民劫米 設奉天安東稅關</p> <p>天津府設審判所 都察院議准設殿中侍御史二員秩正四品</p> <p>河南開洛鐵路借比款建築 中俄訂約合開外蒙古車臣汗伊魯旗金礦 川漢鐵路改歸商辦</p>	<p>分設戶部銀行於奉天 河南開鄭鐵路開車 中華報主筆彭翼仲定發往新疆監禁十年罪 贖回新民屯至奉天鐵路於日本</p> <p>改盛京將軍為東三省總督三省各設巡撫 中日合辦鴨綠江森林條約議定各集資一百二十五萬 荷蘭開弭兵會派陸徵祥為專使 駐京各使允我國官吏在天津租界拘提華人</p>	

月 六	月 五	月 四
<p>禮部奏設禮樂館修訂學禮軍禮賓禮及民間喪祭冠婚器物車服各禮節 引見人員暫歸內閣驗放 浙江以皖變事拘明道學堂女教習秋璋正法 廣東粵漢鐵路黃沙至江村開車 上海奏准增關新東新西小西北四門 海牙平和會議定各國商標祭用紅十字 美國減收庚子賠款本息銀三十三兆五千餘萬兩 正太鐵路自太原至東趙開車</p>	<p>陸軍部奏停福州船政局 荷蘭海牙平和會公舉陸徵祥為第三股海戰名譽會員 二十六日皖撫恩銘為巡局曾辦訊山坦保錫麟槍斃徐伏法 因預備立憲准各省官民言事呈都察院疆吏代奏</p>	<p>駐法使劉式訓以日法協約警告外務部 俄人交還代收營口關稅六十餘萬兩 東三省奏定官制以總督為長官巡撫為次官總督下設左右參贊三省公署設承宣諮議兩所交涉旗務民政提學度支勸業蒙務七司並督練提法二使 開萬國賽珍會於上海 接收奉天至新民屯鐵路</p>

月 九	月 八	月 七
<p>命考定度量權衡畫一制度 諭各省督撫速設諮議局於省會</p> <p>蘇杭甬鐵路借款事外務部入奏奉旨准行 郵傳部通飭各郵局</p> <p>凡外國郵件除軍事外禁止傳遞 海圻海容二軍艦巡視南洋</p> <p>浙江鐵路業務學生鄔綱副工程師湯緒因勒借外款先後死事</p>	<p>外務部以和龍峪(即間島)等處確係我國領土請日使撤回派往</p> <p>日官 伍廷芳出使美國薩蔭圖出使俄國 荷蘭添設漢口領事</p>	<p>日俄使以日俄協約成立告我外務部 天津議事會開會舉定議長副議長 派農工商部侍郎楊士琦赴南洋撫慰華僑 安徽徐</p> <p>錫麟黨馬子畦正法 海牙平和會以我國法律未備列入三等</p> <p>直督袁世凱入京補授外務部尙書 以張之洞袁世凱補授軍機</p> <p>大臣 雷補同出使奧國</p>

月	十
借外款之代表	以顧炎武黃宗羲王夫之從祀孔廟 江浙拒借洋款開會公舉王文韶爲代表力爭 俄人移吉林中俄界碑外務部力爭始允移回 沁勒忒原處 外務部許稅司管理西江捕權粵人大憤 江浙鐵路股東公舉王文韶及王同愈許鼎霖張元濟副之爲遵旨商辦不借外款之代表 上御經筵 齊齊哈爾至昂溪鐵路開工

欽命二品銜

雲貴總督江蘇巡撫松太兵備道監督江海關稅務司監督瑞

為

給示諭禁事案據試用知府曾樸稟稱糾合同志招集股本擬專譯各種科學新書以為實業界之預備又編譯各種學堂教科詞典參攷等書以備教育界之參稽特租定棋盤街房屋定名宏文館茲先出植物學鑛物學參攷書二種又印成博物大詞典物理大詞典樣本二冊恭呈鈞鑒其餘化學物理地文學中外國地理東西洋史及年表算術代數三角微積分論理教育生理衛生等各種參考書以及法律大詞典與各種詞典各種教科講義等陸續付印平價出售誠恐書賈射利翻印或增損字句易名朦混有碍書業之進步懇請恩准立案出示諭禁俟後凡宏文館陸續所印各書不准書賈翻印如有故違許職等立時稟請究辦並請札飭縣解一體示禁並照會租界領補總領事立案以重版權而維書業等情附呈參攷書三冊詞典樣本二冊到道查該所呈書籍是否自行編輯有無抄襲情事自應查核明辦業經移准

江蘇教育總會查復委係自行編輯並將原書移還前來據稟前情除分行縣解外合行給示諭禁為此仰書賈人等一體知悉自示之後毋許將前項書籍翻印漁利如敢故違一經察出或被指控定行提案究罰其各遵照毋違切切特示

光緒三十三年三月二十八日 示

宏文館出版

陽湖莊模譯補

簡要微分積分學

定價七角

世之從事數學者。莫不病微積之術。隱奧難窺。然簡言之。微積之初步。猶代數。幾何。三角之初步。非真數理之艱深。殆無淺顯易明之書。以導其先。河故耳。本書爲日本數學大家澤田吾一君所著。原書五編。挾微積之精要。作初學之津梁。早已風行東國。茲經陽湖莊君模譯出。更爲**增補間缺。足成十編。**以完澤田君**原定之目次**。較原書**約增一倍**。詞句明晰。校對精審。凡曾習代數。幾何。三角之初步者。得此編研究之。當必曰微積易學。微積易學。

廣告

一

宏文館出版

廣告

昭文胡文藻譯

立體幾何學教科書

定價四角

近來立體幾何書層見疊出。然不。失。之。舊。即。失。之。晦。求其體例完密。詞句簡明。足供教科之用者。不。數。觀。本書為東瀛理學士高橋豐夫君原著。經彼國文部省檢定者。其解証之新穎。序次之美善。固無待言。且于軌迹幾何。射影幾何。尤加注意。藉以引起高等幾何學之觀念。宜其風行彼國。不脛而走也。前本館特倩海虞胡君文藻譯出。以供各省中學校之用。

武進余貞毓譯

中學對數表

定價三角

吾國對數表。自數理精蘊外。僅有單行本一種。廣學會發行。定價一元。類皆卷帙繁重。不適於

宏文館出版

學校之用。近年教育普及。科學發達。對數一表。以加減代乘除。以二除。三除代開平。開立弦切表。以馭三角。為數學界最簡捷最平易之術。日本飯島氏。分爲四編。一四桁對數表。二七桁對數表。三二圓函數之桁四對數表。四圓函數表。約爲一薄本。應用適宜。攜帶便利。教員學生諸君。所宜人置一編焉。

武進余貞祜譯

無機化學粹

定價一元五角

日本藥學士山田董。著行科學集粹以來。風行一時。累版十餘次。本社竟得最新出版本。并照原圖譯印。以餉學界。是書其第二冊也。首總論。詳言規律理論。次各論。每一原質。以存在製法。性狀。分目駢列。眉目醒露。非金屬兼及鑑識。

廣告

三

宏文館出版

廣告

四

法已通定性分析之郵。復經余君酌量。以他書增補。至爲完備。其餘如物理。因銅木圖。有機、衛生、生理等。俱已付印。不日出書。

中等化學

價洋六角

工業不倡。貧弱隨之。而化學一科。實爲凡百工業之母。我國數年來。各學校中。皆設有專科。卽所出諸書。亦已不少。然求其能適於教授用。參攷用之善本。而並能詳於應用。以推闡化學之眞面目者。百不一覩。識者憾焉。本館請吳江薛君鳳昌。譯行是書。原本係日本理學士杉谷氏所編。說理明瞭。立例完備。而關於工業的應用。尤詳。哉言之。誠足矯從前諸書之弊。而一新其面目。凡中學以上之教員學生。並究心工業化學者。皆當手此一編。爲之指針。至於譯筆之條達。裝訂之精美。價格之低廉。尙其餘事。購者自知。無待本館

宏文館出版

之曉曉焉。

常熟張寶樹譯

自然分類 普通植物檢索表

定價四角

研究植物學者必從事採集。以磨鍊觀察力。然種類浩繁。記憶為難。或不知其名稱。或僅知名稱。而不明分類上之位置。果為何科何屬。其近似者為何種。其效用若何。有毒性與否。學者每引為憾事。本書準自然分類法之次序。循部門、類區、科、屬、種等階級。列為細表。所載普通植物約五六百種。且于每種之下。畧記其特性與效用。務使得一實物。即可按法檢索。知其名稱。與所屬。旁及其主要之特性與效用。誠博物家不可少之書也。

各科教授法精義

定價一元五角

廣告

五

宏文館出版

廣告

六

本書為東京高等師範學校教授森岡常藏原著。經蘇府留學諸君合力譯出。每科分目的。材料。方法。反覆研究。說明理由。務使於各學科之教授法。毫無遺憾。而於各學科之連絡。統一所謂達教育最高目的。尤為注意。譯筆明達。書中引用。悉改用本國教科及故事。尤便觀覽。負教育責者。所不可忽焉。

昭文徐念慈編

中國歷史講義

定價八角

本國歷史。以講明國體之大要。及養成國民之志操。為要旨。昭文徐君念慈。執各校教鞭有年。自乙巳年始。編纂是書。稿凡三易。上溯太古。下迄最近時代。下詔預備立憲。止都十四萬言。徵引富腴。一洗從來歷史家。乾燥無味之病。為中學校及師範學校。教師學生。適用之良書也。

宏文館出版

十大辭典之一

最新穎
最詳備
最適用
皮製大洋式元八角
布製大洋式元五角
洋裝大洋式元二角

本書編纂國民於博物學最經驗及研究與理學滋味

本社延聘通士植物學、動物學、礦物學、生理學、名詞學

語一注釋而於植物及礦物之分科生態成分應用與生

組織攝養加一層注意更附理解精製銅圖四十餘幅木

刻圖拾幅數全書洋裝五百餘頁凡都二十餘萬言

編輯一年有餘始得告成博物學家實

廣告

宏文館出版

十大辭典之二

廣告

物理大辭典

皮製一元八角

布製一元五角

本洋書原譯最近物理學辭典理科研究會出版於一切會物理學

所有事項術語莫不參照最新學理詳加注釋使務

之讀者諸君恍然於物理增見識而長經驗物理更附刊

學綱要、物理學小史、物理學公式、及諸

測定數表中英對照物理學語集又五部附刊

東文索引西文索引以便學者容易翻檢書印無多速來購取

光緒三十三年十月印刷
光緒三十四年正月發行

(中國歷史)

定價洋八角



著述者 昭文 徐念慈

審訂者 常熟 丁會 祖蔭

印刷者 宏文館印刷部 上海新馬路福海里

分發行所 蘇州珠明寺前宏林館
常熟寺前街海虞圖書館

代售處 上海各大書坊

總發行所 上海棋盤街宏文館

